



BIBLIOTECA NAZ.
Vittorio Emanuele III

LXII

B

44


NAPOLI


L. 40

LXII

LXII.B.44

1000







JO. CONR. ZELTNERI

PASTOR. ALTHENTHAN. ET ECCLESIAE
ALTD, VICAR,

THEATRVM
VIRORV
ERVDITORVM

QVI

SPECIATIM TYPOGRAPHIIS
LAUDABILEM OPERAM
PRAESTITERVNT.

PRAEMISSA EST

VITA ZELTNERI
DESCRIPTA

PER


FRIDERICVM ROTH-SCHOLTZIVM
SILES.

NORIMBERGAE,

SVMP TIBVS ET TYPIS

ADAMI JONATHAN FELSECKERI.

M DCC XX.



ILLVSTRIBVS
GENEROSISSIMIS AT-
QVE PRVDENTISSI-
MIS DOMINIS,

DOMINO

CHRISTOPHORO FVRERO,

ab Haimendorfin Wolkersdorf,

Eminentissimi Electoris Moguntini di-
versorumque S. R. I. Principum Consiliario
Intimo, Illustris Reipubl. Norimb. Triumviro,
Scholarum & Ecclesiarum Ephoro, atque
Altorfinæ Academiæ Cura-
tori supremo:

DOMINO

GUSTAVO GEORGIO
TEZELIO,

*a Kirchensittenbach in Vorra & Artels-
hofen.*

Illustris Reipubl. Norimb. Septemviro,
Scholarchæ, Universitatis Altorfinæ Curato-
ri, Xenodochii ad D. Marthæ, & Men-
telianæ Præfecturæ Admini-
stratori:

X •

Do.

DOMINO
JOHANNI CHRISTOPHORO
de IMHOF,

in Merlach & Stephansmuhlen,

Eminentissimi Electoris Moguntini &
Episcopi Bambergensis Consiliario Intimo,
Illustris Reipubl. Norimb. Senatori Consulari,
Scholarchæ, & Academiæ Altor-
finæ Curatori:

DOMINO
LEONHARDO GRVND-
HERRO,

ab Altenthan & Weyerhaus,

Illustris Reipubl. Norimb. Senatori Con-
sulari, Scholarchæ, & Vniuersitatis Altorfinæ
Curatori, ac Præfecturæ Xenodochii
ad D. Jodoci Admini-
stratori:

Dominis & Mæcenatibus suis
omni venerationis cultu animi-
que submissione profe-
quendis,

Vitam & felicitatem!

Illu-

*Illustres , Maxime
Generosi atque Pruden-
tissimi Domini,*



Um Pythago-
ras , Græciæ
suæ & Italiæ
Decus, inter-

rogaretur : qua ratione
homines Diis immortali-
bus similes fieri possent ?
respondisse ferunt: Si veri-
tatem amplecterentur ,
& cunctis benefacerent.
Quid verius dici a Viro
non nisi rationis ductu u-
tente potuerit, vix appa-
ret.

ret. Quandoquidem inter omnes virtutes conditio mortalium vix ulli plus debet, quam Veritati, quæ cunctarum rerum firmitas & solidamentum merito vocatur. Beneficentiam vero exercere, uti planeregium est, quando damus, quantum per fortunam licet: ita maxime jucunda similitudine cum Deo homines jungit. Quamvis vero omnium mortalium ea fors fit communis, non tamen a recta aberrabo via, si dixerò:

DEDICATIO

xero: Virtutes hasce clarius atque luculentius nunquam exsplendescere, quam in Gubernatoribus Rerumpublicarum, utpote quos gravitas muneris jam ad Divini Nominis aliquam participationem evexit. Post Deum quidem Benefactorem totius orbis communem atque supremum, primæ Parentibus propter magnitudinem multitudinemq; benefactorum & maximæ laudes debentur. Sed his utique jungere oportet ea

)(4 bene-

DEDICATIO

benefacta, quæ a Præfidi-
bus Reipublicæ æquis in
Cives subditosque hinc
inde maximo numero
conferri solent. Quid
mirum igitur, si iisdem
cum Parentibus honori-
bus, singularique venera-
tione digni ab universo
orbe existimentur, & ha-
beantur. Quo magis
dolendum, quod aut ar-
rogantes nunc plerum-
que homines in præri-
piendis beneficiis, aut
ingrati sint in referenda
gratia, seu, ut cum Ci-
Gra-

DEDICATIO

cerone loquar, inanes
 Graji, vel ingratifici Ar-
 givi. Ego, *Illustres*
Domini, quamdiu vi-
 vo, atque ævum agito,
 tamdiu certe lucis hujus
 meæ feliciorem partem
Vobis post Deum O.M.
 tribuam, eo quod sub alis
 Regiminis *Vestri* indul-
 gentissimi optimum spa-
 tium vitæ meæ inde a
 tyrociniis scholasticis
 fuit fortunatum. Crescen-
 tibus postmodum annis,
 crevere & *Vestra* in me
)(5 bene-

DEDICATIO

beneficia : Etenim cum totum ad studia doctrinæ & bonarum artium animum conferrem , eumque in finem Altorfium, *Reipublicæ Patriæ Perillustreis* ornamentum præcipuum , me reciperem , Alumnorum Noricorum numero gratiosissime adscriptum voluistis. In hoc autem contubernio quæ benefacta mihi amplius exhibita sint , dies deficeret , si enumerare ea inciperem.

DEDICATIO

rem. Quæ quidem pio
 silentio colere fatius erit,
 quam imperfectis enco-
 miis prædicare. Magna
 igitur cum *Vobis* de-
 beam, *Illustres Do-*
mini, Parentibus πρὸς τοὺς γονεῖς
 Vitam & esse, *Vobis*
 autem bene esse, & felici-
 tatem acceptam ferens,
ἀρχαίσις crimen ne subeam
 metuo, & ingrati animi
 scelus horreo, utpote
 qui non inveniam, qua
 ratione mentem, *Vobis*
Illu-

DEDICATIO

Illustres Domini,
 devotam aliquo modo
 demonstrare possim. Uni-
 cum restabat, ut publico
 quodam edito specimi-
 ne beneficia, communi
Vestro, & singulari
etiam Patrocinio,
 in me non frustra omnino
 collocata esse, testarer.
 Cum ergo juxta Sacra
 studia, DEO & Ecclesiæ
 unice dicata, interdum
 in campum Historiæ li-
 terariæ, tanquam in areo-
 las jucundissimas exspa-
 tiatus,

DEDICATIO

tiatus , flores hinc inde
 aliquos decerptos colle-
 gissem , & præter alia col-
 lectanea , præsens hic
de Correctoribus
Eruditis libellus hinc
 enatus effet , mecum
 constitui , typis evul-
 gando , *Illustria Ve-*
stra Nomina illi præ-
 figere , atque ita simul
 Patronos maximos eidem
Vos conciliare. Accipi-
 te ergo , *Generosissimi*
Domi-

DEDICATIO

Domini , exiguam
hancce gratissimæ mentis
meæ testificationem fere-
na fronte , & Schediasma
hocce literarium ea , qua
soletis meliores literas
prosequi , benignitate
complexi , Nominum
Vestrorum splendore,
obscurο mihi homini ,
laborique meo qualicun-
que accendere lumen
ne dedignamini. Ego,
quod superest, Deum pre-
cabor , ut *Vos* , *Pa-*
triæ Patres splendidi-
diffi-

DEDICATIO

diffimos Prudentissi-
mosque in feros vegetæ
 ætatis annos salvos atq; in-
 columes conservet: Con-
 silia communibus Perillu-
 stris Noricæ Reipubl.
 omnium commodis fa-
 crata fecundet: Splen-
 dorem Familiarum *Ve-*
strarum Generosissima-
 rum firmet & amplificet,
 atque tandem, cum natu-
 ram ipsam expleverit fa-
 tietas vivendi, meliori
 vita, nulla ægritudine con-
 taminata, beet. Ita va-
 lete

DEDICATIO


lete, *Illustres Domini*,
mihique una cum studiis
meis Gratiam perennem
porro indulgete.

ILLVSTRIVM NOMI-
NVN VESTORVM

obsequentissimo clienti

Johanni Conrado Zeltnero.

ELEN-



ELENCHVS

Eruditorum Correcto-
rum , quorum Vitæ in hac
Centuria secundum Alphabeti ordi-
nem collectæ repe-
riuntur.

A.

<i>Albinus (Adrianus)</i>	57
<i>Alcyonius (Petrus)</i>	50
<i>Amerbachii (Bruno & Basilius Fratres)</i>	61
<i>Andrea (Johannes)</i>	65
<i>Apin (Joh. Ludovicus)</i>	69
<i>Atanagus (Dionysius)</i>	73

B.

<i>Badius (Jodocus)</i>	76
---------------------------	----

<i>Bergellanus (Joh. Antonius)</i>	79
<i>Beer (Joh. Christophorus)</i>	81
<i>Bergler (Stephanus)</i>	87
<i>Bootius (Arnoldus)</i>	90
<i>Bruschius (Caspar)</i>	94

C.

<i>Campanus (Joh. Antonius)</i>	101
<i>Casaubonus (Isaacus)</i>	106
<i>Castellanus (Petrus)</i>	111
<i>Christiani (Fridericus Albertus)</i>	117
<i>Cono (Johannes)</i>	122
<i>Coverdale (Milesius)</i>	126
<i>Cruciger (Caspar)</i>	131
<i>Crenius (Thomas)</i>	137
<i>Cürcellaus (Stephanus)</i>	141

D.

<i>Deslerus (Wolfgangus Christophorus)</i>	148
<i>Demetrius Chalcondylas</i>	154
<i>Dilherrus (Joh. Michael)</i>	157
<i>Dodo (Augustinus)</i>	163
<i>Desiderius (Erasmus)</i>	164
<i>Fabriz</i>	

F.

79	<i>Fabricius</i> (Guilhelmus)	173
81	<i>Felbinger</i> (Jeremias)	176
87	<i>Finck</i> (Caspar)	180
90	<i>Flacius</i> (Matthias)	183
94	<i>Flittnerus</i> (Johannes)	190
	<i>Francisci</i> (Erasmus)	194
	<i>Frobenius</i> (Johannes)	202
	<i>Freigius</i> (Joh. Thomas)	207

G.

122	<i>Gelenius</i> (Sigismundus)	219
126	<i>Gemusaus</i> (Hieronymus)	229
131	<i>Gerbilius</i> (Nicolaus)	232
137	<i>Geselinus</i> (Victor)	237
141	<i>Gheesdalius</i> (Johannes)	241
	<i>Golzins</i> (Hubertus)	243

H.

148	<i>Harduinus</i> (Franciscus)	250
154	<i>Heiland</i> (Marcus)	254
157	<i>Herold</i> (Basilus Joh.)	258
163	<i>Hornschuch</i> (Hieronymus)	262
164	<i>Hohburgius</i> (Christianus)	270

Fabri-) (1 R. Ja-

J.

<i>R. Jacob (Ben - Chajim)</i>	276
<i>Juntinus (Franciscus)</i>	284
<i>Jungermannus (Gothofredus)</i>	288

K.

<i>Kilianus (Cornelius)</i>	297
<i>Kislingius (Joh.)</i>	302
<i>Knauf (Adamus)</i>	306
<i>Küsterus (Ludolphus)</i>	307

L.

<i>Lascaris (Joh.)</i>	316
<i>Lonicerus (Joh.)</i>	323
<i>Lonicerus (Adamus)</i>	327

M.

<i>Manutius (Paulus)</i>	331
<i>Majer (Joh. Gabr.)</i>	344
<i>Melanchthon (Philippus)</i>	352
<i>Milangius (Simon)</i>	362
<i>Modius (Franciscus)</i>	365
<i>Musculus (Wolfgangus)</i>	370
<i>Musurus (Marcus)</i>	376

O.

76	<i>Oecolampadius (Joh.)</i>	384
84	<i>Oporinus (Joh.)</i>	388
88	<i>Opsopæus (Joh.)</i>	397
	<i>Orthuinus (Gratius)</i>	401

P.

97	<i>Pantaleon (Henricus)</i>	408
02	<i>Patinus (Guido)</i>	412
06	<i>Pellicanus (Conradus)</i>	416
07	<i>Perierius (Thomas)</i>	422
	<i>Pistorius (Fridericus)</i>	424
16	<i>Plantinus (Christoph.)</i>	439
23	<i>Porta (Petrus)</i>	442
27	<i>Pulmannus (Theodor.)</i>	444
	<i>Putschius (Helias)</i>	447

R.

31	<i>Ranconnetus (Æmarus)</i>	452
44	<i>Raphelengius (Franciscus)</i>	458
52	<i>Rhenanus (Beatus)</i>	464
62	<i>Rocca a Camerino (Angelus)</i>	469
65	<i>Rorarius (Georg.)</i>	473
70	<i>Ruscellus (Hieronymus)</i>	479
76		

Sandius

S.

<i>Sandius</i> (Christopherus)	482
<i>Scapula</i> (Joh.)	486
<i>Schmidius</i> (Joh.)	493
<i>Servetus</i> (Michael)	496
<i>Sextus</i> (Joh.)	505
<i>Stephanus</i> (Henr.)	515
<i>Stratander</i> (Joh. Guicaus)	509
<i>Strebaus</i> (Jac. Ludovic.)	511
<i>Sylburgius</i> (Frid.)	524

T.

<i>Trecius</i> (Petrus)	531
<i>Tulichius</i> (Hermannus)	533

V.

<i>Vultejus</i> (Justus)	538
--------------------------	-----


W.

<i>Waltherus</i> (Christoph.)	542
<i>Wedelius</i> (Georg. Wolfg.)	548
<i>Wissowatius</i> (Andr.)	553
<i>Wylerus</i> (Franciscus)	564

Z.

<i>Zesen</i> (Filippus)	565
<i>Zwingerus</i> (Theodor.)	573

82
86
93
96
05
15
09
11
24
31
33
38
42
48
53
64
65
73



VITA
JOH. CONR.
ZELTNERI.

JOH. CONRADVS ZELTNERVS,
vir & sacerdotii dignitate venera-
bilis, & ingenio doctrinaque cla-
rus, ac, quod caput rei est, de
sacris, quæ curavit, bene recte-
que est meritus. Neque etiam vel oca-
sio laudis augendæ, vel facultas ani-
musque ei defuit; utpote qui dome-
sticis incitatus exemplis ad praeclara
quæque contendit, & eximias animi
dotes disciplina usuque confirmavit, æ-
nunquam languens, aut defectus, eb-
perrexit acriter, ut tuta planeque via
ad veram procederet felicitatem, quam
cum in his terris consequi se haud pos-
se intelligeret, ad beatas in coelis se-

des mature contendit, eoque apice fortunatissimo per piam mortem potitus nunc beatissimam agit vitam, & inter aeterna coelorum gaudia DEVM ipsum intuetur. Singularem de qua diximus, animi vim statim ex stirpe traxit vir optimus, posteaquam ex his auspicato prognatus est parentibus, qui virtutibus & meritis rectisque exemplis insignes nullam non filii huius sibi charissimi bene recteque a teneris educandi rationem inierunt. Nascendi initia habuit *Norimbergae*, anno supra millesimum & sexcentesium octogesimo septimo, IV. Nonas Octobres, hora post exortum solis tertia. Pater ejus vir admodum reverendus, M. ANDREAS ZELTNER, Theologus sacrorumque administer pius & cordatus, atque in venerabili collegio Aegidiano quondam Senioris auctoritate conspicuus; materque, MARIA MAGDALENA, ortu VOGELIA, matrone rectissimi moris laudibus ornatissima, nihil prius sibi faciendum existimarunt, quam ut filio DEI munere sibi dato omni ex parte bene consulerent, eique ante

ante omnia in Christianam Rempubli-
cam adscripto & in sanetae repurga-
taeque religionis fidem suscepto opti-
ma recte feliciterque vivendi praesidia
compararent. Ad vadimonium pro-
mittendum, cum sacra unda tingere-
tur, volens promptusque tunc affuit
Theologus eximius & jam coelo re-
ceptus, JOHANNES CONRADUS FEUER-
LINUS, qui sub id tempus *Norimbergae*
Presbyteri ad D. Aegidii munere sacro
fugebatur, postea vero ibidem & in
eodem Templo, ac tandem *Nordlingae*
graves Antistitis partes sustinuit. Elu-
xerat in CONRADO jam a primis vi-
tae annis indoles haud vulgaris; cujus
vim accurata & solers parentum cura
majorem in modum adjuvit. Huic
enim debuit, quod divinis auspiciis si-
ne mora ad pietatem legemque emen-
date religionis colendae institutus fe-
liciter adolevit, & non minus ad do-
ctrinae, quam virtutis, decus capeffen-
dum, jam tum incitatus ferri coepit.
Sed ut publicae etiam luci sensim as-
suesceret, aliquantisper in Gymnasium
Aegidianum traditus est; in quo nomi-

natum B. J. C. STORI fides ac dexteritas in primis rudimentis Latinitatis ponendis ipsi magnopere profuit. Enim vero ad tam laudabiles conatus prosequendos animum CONRADI multum retardare potuisset gravis illa jactura quam, an. MDCCI. in obitu Parentis optimi fecerat; nisi paterni amoris paternaeque curae vicem partesque sponte sua in se suscepisset, cumulatissimeque explevisset, venerandus Frater, qui eo tempore *Norimbergae* in aede divi Jacobi sacerdotium obibat; hodie vero in hujus opidi coetu sacro provinciae Antistitis praest, & in hac Academia Antecessoris theologi dignitatem egregie tuctur atque ornat. In hujus ergo aedibus, convictu & disciplina, ita vixit, ut paterno licet praesidio orbis salutem ac studia sua summa fide curari abunde experiretur. Neque enim consilium solum, sed operam etiam, is ad eum praeclare instituendum contulit. Quotam fideli duce & auctore, eximie profecit CONRADVS, &, procedente aetate, pulcherrimae laudis spatia confecit. Tantum tamen ebest, ut noster

vicissim

vicissim exoptatos fraternae bonitatis fructus non seaserit, agnoveritque; ut potius per omnem reliquam vitam Fratri natu majori, tam bene de se merito, aeque ac Patri, reverentiam exhibuerit, & filii pietatem approbarit; neque quicquam facile susceperit, egeritque, nisi de ejusdem sententia. Huic adeo prudenter obsequutus, cum domestica institutione utiliter aliorum etiam praeceptionem doctrinamque conjunxit, & sigillatim, ubi *Norimbergae* adhuc haerebat, sibi laudi honorique duxit, propius colere & sectari viros fama meritisque egregios, MÜHL-DORFIUM, WÜLFERUM, & ESCHENBACHIUM, quos in publico auditorio diviniore humanioresque literas profitentes tanta audit assiduitate, ut horum expectationi prorsus responderet. Ita praemunitus, nec poenitendis doctrinae subsidiis instructus, altioris studii rationes iniiit, & anno MDCCVI. mense Junio, in hanc se contulit Academiam, cujus leges atque instituta eo tempore moderabatur ADAMUS BALTHASAR WERNERUS, Jureconsultus opti-

me meritis. Postquam igitur non solum inter cives Academicos, sed etiam, singulari ILLUSTRUM Academiae CURATORUM gratia, inter Alumnos Noricos, fuerat receptus; cupiditate rerum optimarum accensus nulli operae laborique pepercit, ut praeclara quaque scientia, quae in summas vitae ejus rationes conveniebat, animum exornaret. Eoque consilio cum primis tunc operam dedit Professoribus cura & fidei docendi commendatissimis, jamque inter coelites beatis, MOLLERO, OMEISIO, ROETENBECCIO, &, qui adhuc superstites sunt, BAIERO, SCHWARTZIO, atque MÜLLERO. Neque minus testem industriae habuit PFIZERUM, Doctorem Theologum maximopere venerandum, qui tunc studia vitamque Alumnorum INSPECTORIS nomine regebat. Ita vero, quicquid reperit egregium, utilitati suae impendit ZELTNERUS, omnesque necessarias humanitatis ac sapientiae partes animo ingenioque complexus est, & ad interiores descendit doctrinas, ita, ut rationes prorsus sejunctas ab iis haberet, qui, dum omnia

omnia leviter cursimque, tanquam canes e Nilo, attingunt, parum, aut nihil, ex solido scire deprehenduntur. Haec ubi ex animi sententia ei successerant, amplissimum diviniore studii cursum feliciter ingressus est, ducibus adjutoribusque usus Theologis optime meritis, SONTAGIO, LANGIO, & Fratre, qui non multo post, quam noster in Academiam concesserat, eo quoque divina providentia evocatus fuerat; in quorum Scholis ita versatus est, ut vix quisquam navius diligentiusque possit. Sed neque dubitavit, identidem prodire in publicum, datis doctrinae suae documentis, ingenii facultatem periclitaturus. Itaque exedram aliquoties ornavit disputans, & in circulo differentium modo de propositis promte apereque respondit, modo rationibus conquisitis in alteram partem argumentatus est. Nominatim vero, fraterno adjutus praesidio, tres eruditae proposuit exercitationes, primam de *eruditis in Judaica gente Feminis*, alteram de *Debora Prophetissa*; & tertiam denique, qua *Dei praecepta non bona*

nulla esse, ad Ezech. XX. 25. seq. ostensum est. In quibus omnibus tuendis pulchre stetit, & Patrum Civiumque Academicorum applausum promeritus est. Neque tamen substitit in hoc laudis curriculo; sed, qui bonorum mentium ardor est, in dies ad meliora audenda progressus, nullam locupletandae doctrinae occasionem praetermisit. Qua mente, anno MDCCXI, mense Majo, adiit *Wittembergam*, felicem illam studiorum parentem, & religionis emendatae meritis praeceteris insignem. Ibi doctores interpretandae coelestis doctrinae fama praestantissimas WERNSDORFIUM, CHLADENIUM, KLAUSINGIUM, & in formandis orationibus sacris potissimum DEWEDIGIUM, publice privatimque commentantes audivit. Sed & singulari benevolentia eum complexus est JOHANNES CHRISTOPHORUS WOLFIUS, qui jam tum eum magna nominis celebritate in *Wittembergensi Academia* philosophiam & literas elegantiores profitabatur, hodie vero *Hamburgi* sacra Antistitis dignitate maxime floret. Ab hoc eximia

nia rei literariae adjumenta consecutus est. ZELTNERUS, ejusque favorem absens etiam, literis crebro scriptis, retinuit, & salubribus in eo studiorum genere consiliis non raro confirmatus est. Anno integro, & quod excedit *Wittembergae* (a) transaeto, *Berolinum*, abiit,

(a) Namque Illustram etiam Academiam, quoad vixit, grata piaque mente, & ea, qua par est, veneratione prosequutus est. Quæ gravi de causa addere ad B. Auctoris vitam visum est, quoniam occasione Vitæ PHILIPPI MELANCHTHONIS breviter in hæc syntagmate recensitæ in *saniam* quibusdam, (neque enim omnes, vocabulo *Orthodoxorum*, es recte sentientes, sed inepte id affectantes quosdam designavit,) nimium quantum *Lutheri Cathedram* extollentibus cum attribuisset, in eam veluti unguibus nonnulli, quos Viri optimi hæc libertas male habuit, involarunt. Ad quam litem ipsi motam dilucidius cognoscendam, cum Fratrem ejusdem Theologum Altorphinum consularem, responsum sequens accipi. *Ad verba Fratris mei pie defuncti quod attinet*, quibus injurios in cathedram Lutheri aut ipsam Academiam, vel ordinem certe Theologicum *Wittebergensem Venerabilem*, quibusdam visus est, ut, *quid sentiam*, & *mibi constet*, breviter exponam, sic habeto: Nec mihi unquam verba illa minus circumspecte posita & scripta, neque ipsi etiam Auctori, a me deinceps monito, placuisse. Causam vero, cur paulo confidentius quæ animo volverat, sic data ansa, pronunciaret, eam fuisse, quam ne ipsis quidem bono Viro succensentibus probatum iri, mihi persuasdeo. Nempe cum aliquando Wittebergæ ex equis iret B. ZIEGLER Med. D. & Fratris mei hospiti, contigit,

abiit, neque tam urbis illius regiae magnificentiam, quam incomparabilem

rei

git, ut in ipsa Deductione funeris duo Philolophiae Adjuncti alter M. alter F. ille modestissimus vir, hic vero, ut constat, priori vix comparandus, (cujus nomini vel ideo, quod mortalitatem jam in patria explevit, parco,) incertum, qua occasione, de Cathedra Lutheri colloquerentur, ac tandem ita disceptarent acriter, ut posterior ille, ex disputationibus aliis vehementioribus non incognitus, defenderet, cum qui Cathedre Lutheri insisteret, INFLUXUM inde ARCANUM (physicum nescio, an motalem,) efficaciam certe aliquam supernaturalom sentire, aut percepturum esse. Cui cum alter obloqueretur, is vero opinioni huic suae inhaereret mordicus, factum esse, Frater optimus aiebat, ut & ipse, (non amplius memini, hos ne proxime sequutus, an ab utroque ductus,) affirmanti modeste contradiceret, sed parum adversus hominem istum pertinacius sua tuentem proficeret. Idque tamdiu fere continuatum esse, affirmavit mihi colloquium & cum fervore agitatam *σύζησιν*, donec publice agenda audiendaque sacra finem disputationi imponerent. Ea res tantopere commotum se esse, fassus est mihi identidem Vir bonus & minime supersticiosus, ut, quoties ea de re cogitaret, stultitiam detestaretur. Quae animi commotio si deinceps *inter scribendum paullo minus accurate* exasciatis verbis erupit veniam ei indulgeant, quaeso indignanti, quem jam non sine causa talia scripsisse intelligent. Neque etiam orbis credo, literatus Virum optimam tam absurda haud male improbasse, & veluti Tripodis illius Delphici quidam somniantes hujusmodi homines digno carbone aliquo notasse, in ficiabitur. Ceterum, cum non credere eidem tam absurda narranti voluisssem, & haec serio ab inepto homine non defensa fuisse, sed per ludum

rei literariae & antiquariae thesaurum, suspexit. Hinc peragrata inferiori Saxonia, virisque doctis passim salutatis, domum redire necesse habuit, quia Matrem pientissimam interim beato ex hac vita discessu amiserat. *Altorfium* hinc reversus, denuo se adjunxit ad fratrem amantissimum; qui eadem, qua antea, cura paterna **CONRADUM** suscepit; eidemque domicilium, convictum, libros opesque doctrinae suae omnes, lubenter, ac benigne impertivit. Neque minus magno studio coluit **BATERUM** nostrum, Doctorem Theologum summopore reverendum; cujus exquisitis fidelissimisque Scholis praesertim *Exegeticis* non parum se debere grato animo nunquam non professus est. Quemadmodum

ludum jocumque disputata mihi persuaderem, asseveranter Frater semel iterumque, serio ab eo ista fuisse asserta, confirmavit, quippe qui ne monitus quidem destiterit, sed magna vehementia suam istam opinionem, non sine aliis, servidius id agentis animi, signis, perspicaciter retinuerit. Haecenus Viri B. Frater superstes, qui ex ipsius **ZELTNERI** nostri ore et semel iterumque sibi narrata suis hisce verbis ad me perscripsit; de quibus Eruditi in querimonias adversariorum & insectationes Viri laudati forte incidentes, jam defoecatus judicium ferre poterunt.

modum vero hic uberrimam proficiendi occasionem nactus, sese patriae & coetus sacri ministerio diligentissime utilissimeque praeparavit; ita simul ad publicum munus capessendum sua sibi virtute & industria facile viam munivit. Deo enim rem moderante, jam anno M DCCXV. mense Aprili, contigit, ut patrocinio illustris GRUNDHERRORUM gentis, rite legitimeque praeficeretur sacerdotio *Altenthannensi*, tunc vacuefacto, & illustrium SENATORUM PROVINCIALIUM auctoritate accedente, simul Ecclesiae *Altörfinæ* ministris vicarius daretur. Talia assecutus, post duos demum annos, ad lenienda vitae caecidia consilium iniit, & anno M DCC XVII. mense Quintili, singulari nutu divino, in connubii foedus adscivit Feminam castimoniae fraugalitatisque laudibus eximiam, ANNAM BARBARAM, natalibus VLMERIAM, viduam a STEPHANO FICHTNERO, cive hujus opidi honestissimo, relictam. Ex quo conjugio pie inito, magnaue animorum consensione feliciter continuato, anno M DCC XVIII. GUSTAVUM

VUM GEORGIUM, & altero post anno, ANNAM SUSANNAM, suscepit: in qua utraque dulcissima sobole quo majorem vitae suae Suavitatem futurumque familiae decus destinarat pater optimus; eo acerbius illam praematura orbitatis calamitate afflictam reliquit. Usus enim aetate florentissima, praeter omnium opinionem, ea, quae Christi morti pie recolendae consecrata est, hebdomade, in fatalem incidit morbum, & febre catarrhali ut appellant, correptus, VI. Kal. Apriles, graviter decurabere coepit. Quamvis vero pro ea fide atque amicitia, qua conjunctissime per multos annos cum ipso vixit, nullum propulsandi mali laborem nullamque curam subterfugisset vir medendi experientia nobilissimus, & Solisbaco-Palatinus Archiater atque Consiliarius, JOH. JAC. JANTKIUS; febrilis tamen ardoris vis omni medicinae auxilio praevaluit, ita, ut vir optimus, inter VIII. & VII. Iduum Aprilium, nocte fere media, felici quidem & beata, sed nimis festinata morte obierit, anno aetatis tertio ac tricesimo, in quo quidem


dem ultra quinque menses non processit. Quod ad ceteras ejus vitae rationes attinet, non opus est, eas pluribus commemorare, ut quae in luce & ore omnium versantur. Prima ejus & summam cura fuit, ut DEUM, cujus sacris operabatur, religiosissimo animo veneraretur; a quo capite omnia reliqua vivendi instituta, veraeque felicitatis parandae rationes, sapientissimo arcessivit. Nulla causa ab officii honestatisque partibus se abstrahi passus est, & munere sacro, quod obeundum susceperat, integerrime functus, nullam fidei curaeque partem fecit reliquam, ita, ut non parum de viribus corporis alias non infirmi deminuerit. In convictu & consuetudine modestum se, & suavem, candidumque, semper prae-buit. Si quid temporis gravioribus curis vacuum nancisceretur, id in amoenioribus consumsit literis. Neque enim solum identidem juvenum quorundam studia privato consilio operaque adjuvit; sed etiam in recognoscendis rei literariae originibus progressibusque copulibentius versatus est; quo magis hoc studio-

curavit. Taceo nunc, & de *Judaeorum*
Typographis multa documenta per plu-
 res annos ab ipso fuisse conquifita: ve-
 rum haec & alia hujusmodi instituta,
 mors neceopinata impediit; quam ta-
 men non exhorruit vir beatus; fed me-
 mor ejus institutionis consolationis-
 que, quam ipfe aliis antehac imperitue-
 rat, & a Fratre, animaue fuae Cura-
 tore, corroboratus; in extrema lucta-
 tione, & inter ingentes angores; con-
 ſtanti firmumque retinuit animum,
 atque per brevía ac luculentiora aestus
 febrilis intervalla, Deo immortalí ſalu-
 tem ſuam pie commiſſit, tandemque,
 plenus coeleſti fiducia, placide IV.
 Iduum Aprilium A. R. S. MDCCXX.
 expiravit. (c)



Luci

(c) Poſtremum monendus eſt L. B. nos in hac vita
 enarranda ductum programmatiſ funebriſ Altorfini,
 cujuſ ſcriptor fuit *Excellentiſſimus* Dn. SCHWARTZIOF
 P. P. *celeberrimus* maximam partem ſecutoſ eſſe.



& u.



Uci expono pu-
blica, B.L, Schediasma
Literarium, de *Corre-
ctoribus Typographicis,*
iisdemque Eruditis,
simultamen Autorem

harum pagellarum iudiciis virorum de
studiis meritorum subijcio. Ea vero,
quæcunque demum sunt, si meruero,
non detrectabo, cum quantæ vires meæ
sint, in hoc studiorum genere, præci-
pue in materia rei Literariæ spæcia-
lissima, bene intelligam. Interim ju-
sta mihi & æqua expeto, nec ea, quæ a
cavillandi pruritu, & Scholastico cor-
rigendi animo, qualia plurima hodie
solent esse, proficiscantur. Quicquid
de reliquo huic opusculo doctrinæ &
ornatus deerit, illud favore Doctorum
compensandum esse autumo. Hac
etiam nifus spe, recensum hunc prelis

A

com-

commisi, confisus penitus, fore, ut boni omnes sibi persuadeant, me non ex præmatura scriptitandi & inclarescendi libidine, sed vires meas periclitandi gratia, hanc qualemcunque opellam conscripsisse. Antequam vero negotium ipsum tractandum suscipiam, paucis de fatis Typographiæ quædam erunt præfanda. Quod itaque Artis hujus Inventorem spectat, & annum ipsum Inventionis, neutiquam litigia inter Harlemenses, Argentoratenses, & Moguntinos, exorta, mea sum facturus. Sufficiat meminisse, ab anno 1440. ad annum usque 1448. repertam, & excultam singulari DEI beneficio fuisse. De reliquo pro Harlemensibus acriter pugnavit *Marcus Zuerius Boxhornius*; Tr. Anno 1640. 4to. Lugd. Batav. edito: cum quo unum inflasse cornu constat, *Petrum Scriverium* im *Laurent Crans vor Lorenz Küster* / Anno 1628. Belgice scripto libello; Eademque sentiit *Hadr. Junius in Hist. Bata.* & alii Germanos, & Moguntinos quidem, Inventores hujus artis agnoverunt, & pro

pro iis militarunt *Nicolaus Serarius*, in *Antiquitatibus Moguntinis*: *Bernhardus a Mallinkrot*, de ortu & progressu *Artis Typogr. &c.* Nec dissentit inter nos *B. Saubertus* in *Historia Bibliotheca Norimbergensis*, quem tamen id fecisse eam ob causam crediderunt permulti, ut eo majorem laudem, codicibus in Bibliotheca Norica extantibus, & a Moguntinis impressis, acquireret. Faustum hi omnes, & *Joh. Guttenbergerum*, Petrum item *Schäferum*, primos tanti artificii Inventores fuisse meminerunt. Argentoratenses vero sibi has competere laudes existimantes, Mallinkrotium & Scriverium oppugnaturi, magno conatu & industria Civibus suis eam assuerunt honorem, editoque peculiari libello, quo Johannem Mentelium, pro Autore venditarunt, tuiti sunt. Consentiant cum ista relatione *Wimpfelingius*, verustissimus Historicus; *Hieronimus Gebvilerus* in *Panegyri Carolina*: *Jacobus Spigelius*: *Adamus Schragius* in *Relationibus suis de Typographia*, ejusque inventionem: *Boeclerus* item celeberrimus

berrimus Polyhistor , paria cum his defendit, in oratione quadam eum in finem habita. Atque hi quidem, uti fieri solet , ita omnes scripsere , quem admodum vulgare illud Germanorum : *Deß Brod ich eß / deß Pied ich sing /* innuit. Quisquid horum sit , manebit certe honor iste penes Germanos , quem nec Chineses , uti *Iſaacus Voſſius* somniavit, artificiosis suis picturis, multoque minus Galli poterunt labefactare. Saniores profecto Scriptores cuncti , multaque doctrina conspicui viri, nostris hoc Inventum tribuunt, unde paucas quasdam Hirundines dissentientium, minorumq; gentium Deos, in contrarium euntes , haud curandos esse censemus. Interim tamen sæpius miratus sum , qui factum , quod Ars ista optima , ultimis his demum temporibus fuerit enata. Nam prima quando adspiciamus stamina , quibus reliqua omnia adjuncta nituntur, non aliter poterimus judicare, quam rem fuisse inventu facillimam : nec enim acre quoddam requirebatur iudicium , nec singula-

singularis ingenii vis. At tamen neque illud inficiandum, facilia nunc nobis videri posse, ad quæ tunc nec millesimus quisque respexerat : non secus atque uti factum esse legimus a Schweppermanno, ovum super mensam in cuspidem stabile reponendo, de quo nemo ante cogitaverat. Sed transeant hæc : Satius erit agnoscere beneficium ipsum, & gratias Supremo agere Numini, ejusque Providentiam concelebrare, quod ea hæc ars detecta fuerit tempestate, qua & viri doctissimi vivebant, & barbaries literarum profliganda videbatur, & quod maximum, qua Lux Evangelii e Tenebris protrahenda fuit per Megalandrum Lutherum, suppressa per multa Secula : cui promovendæ, si non præcipue destinatum a DEO, certe maxime erat negotium Typographicum usui. Sic enim Biblia hujus ope, in tot hominum pervenerant manus brevi tempore, ut hominum prope fidem superet. Ex codice vero sacro doctos & indoctos, de corruptelis Pontificiæ Ecclesiæ certiores factos, co-

melius juvare puram verbi divini professionem potuisse, non indiget ulteriore probatione. Pedetentim igitur, & de die in diem perfectum, ex politumque nobilissimum est illud institutum, nec tamen ita absolutum, ut ante annum sexagesimum codices integri potuerint imprimi. Unde etiam vetustissimi, quos habemus, libri hanc vix excedent ætatem. Fatendum tamen, initio chartam, atramentum, typos, ejus fuisse conditionis, ut laudibus ea multis extollere nollem. Quamquam &, quod non diffitemur, volumina impressa conspexerimus, sat nitide Venetiis præcipue Anno 1474. 1478. & 1486. excusa. Desuere etiam primo literæ majores & Initiales, quæ vel pingendæ erant, vel minoribus utendum: easque alicubi etiam Anno 1507. desideratas fuisse, ex libris quibusdam hoc Anno typis mandatis, evinci posse puto. Neque titulos habuere splendidos, in fronte de Contentis voluminis Lectorem monentes, imo non raro nulli prorsus conspiciebantur, ut non nisi ex
lectio.

lectione libri ipsius, cuius generis sit, intelligi potuerit. Postmodum tamen ita omnia crevere, ut nostra hæc tempora quam diversissima ab illis sint; cum tamen aliis in rebus paulatim cultura elegantior majorque esse soleat. Postquam autem cognita hæc Ars in Germania facta esset, varii hinc inde reperti sunt viri docti & probi, excurrentes in vicinas regiones, sua cum iis communicaturi. Migrarunt Venetias *Samson Hammanus*, dictus *Herzog* / & *Octavianus Scotus*, *Nicolaus* item *Jensonius*, qui Jus Canonicum primus ibidem impressit Anno 1477. Tom. IV. Romam transiere *Antonius Bladus*, *Conradus Schurweinheim*, *Arnoldus Pannarzius*, *Udalricus Han* sive *Huldricus Gallus*. Neapolim *Sextus Argentinensis*, a Ferdinando Rege Catholico Episcopi dignitate ornandus, abierat. Pari modo in Galliam, aliasque regiones profecti Germani multum captabant lucri, quos nominatim hic recenseri angustia chartæ non permittit. Sic igitur prospererat Ars plane divina, usque dum

Seculo XVI. ejusque initiis ad summum perveniret culmen. Nam omnes Regiones, cum facultas non fuisset data excogitandi artem; in ea tamen excolenda, ornandaque certatim allaborare caperunt: Itali præcipue, Gallique cum nostris Germanis strenue conjunxerunt manus. Habuerunt Veneti suos *Manutios*, *Aldum Avum*, *Paulum & Aldum*, filium, nepotemque, viros doctissimos & laboriosissimos, felicissimosque, ut in Scientiis, sic in Arte impressoria Magistros. Primus ille Græcis sua excudit literis, ita eleganter & nitide, ut in ruborem nostros det Typographos, qui velut umbræ, jam cum eo comparati, volitant. Antea spatium reliquerant vacuum, vel latinis exprimebant Elementis, si quando occurrerent Græca. Homerus autem prela Aldina primum tam feliciter fatigavit, ut cum optimis quibusque hominibus certare possit, & quanta cura gesta fuerit ea editio, inde patet, quod singulis hebdomadibus duo tantum excusa fuerint folia. His adjungendus venit

venit *Daniel Bombergius*, Antwerpian-
sis patria, qui Anno 1511. Venetias de-
latus, Hebraico imprimere coepit cha-
ractere. Ex qua re, quamvis & eo in-
terdum Manutii usi fuerint, æternam
consecutus est gloriam, & in misera li-
cet paupertate, immortale decus. Re-
ferunt enim aliquoties opus Talmudi-
cum, cum Commentariis Rabbiorum
procudisse, singulisque editionibus my-
riadem aureorum impendisse; quod si
ita sit, fieri aliter non potuit, quam ut
in miserum & angustum prolapsus
fuerit statum. Quem, eundem pene
subiisse in Amstelodamenso opus, Tal-
mud dictum, qui impensas fecere, fa-
ma circumfert. Neque id mirum:
istis enim temporibus pauci erant, qui
hoc studio delectati, magnam auri
summam pro hujusmodi Libris, uti ne
nunc quidem fit, solverent. Interim
tamen monstravit optimus Bom-
bergius, se non fami, sed famæ, & utili-
tati, sibi quamvis noxiæ, & Reipublicæ
Literariæ potissimum, inserviisse. Vi-
xerant etiam Venetiis, *Dominicus Ba-*

sanus, Bernhardus Junta, Bernhardus Pictor, Erhartus Ratdold de Augusta, quorum libri impressi nitidissimi sunt, & Lazarus de Soardis. Quanquam habeam *Guilhelmi Verrilongii* super quatuor libros sententiarum Lombardi Commentarium, impressum Venetiis, Anno 1496. ubi in fine hæc adjecta sunt verba : *Venetiis per Jacobum de Leuchs, impensis vero Lazari de Soardis.* Unde concludo, non nisi Soardum sumrus procurasse, ut nostri Bibliopolæ solent, atque ideo inter Typographos forte ipsos, referendum non esse. Quæ utcunque sint, optima de reliquo, & densa utitur charta, at nimis abundat notis, seu abbreviaturis ut vocant, Syllabarum. Nec sollicitè capita invenio distincta, atque eo proinde loco, quo Manutii & Bombergius, vix habendus erit. Romæ claruere Paulo IV. P. R. *Paulus Manutius, & Aldus* filius ejus, uterque magna auri summa conducti, ut & imprimerent, & publice simul docerent. Ipsa autem officina quam acceperant, Vaticana audiebat, & Pontificis summi

summi authoritate, nummisque munita, non nisi egregia proferebat. Florentiis artem hanc, præter alios, exercuerunt Juntæ, quorum nomen & codices, Clarissimum olim Germanorum in Belgio decus *Grævius* ita quidem amavit, ut, cum Scriptores suos ederet, latinos, Classicos vocant, Juntarum, ubi potuit, editiones inprimis confu- luerit, & suos codices ex illis emenda- verit. Ex Italia felicissima, amœnissi- maque Europæ Provincia in Galliam migranti offerunt se certatim viri Eru- ditissimi, quibus vix hodie pares vi- vunt. Quosdam horum & celebriores nominabo, ceteris omissis. Quis enim est, cui *Stephanorum* nomen no- tum non sit. Ecce benevole Lector Genealogicam Tabulam familiæ Ste- phanicæ celebratissimæ, in qua

Henricus I.

Robertus I. Typogr. Reg. Franciscus I,

Carolus.

Doct. Med. Typ. Reg.

Henricus II. Robertus II. Franciscus II, Catharina,

Nicolaina Joh.

Libant Med. Doct.

Paulus. Dionysius Florentia Robertus III.

Henricus III. Aulicus

uxor.

If. Casauboni uxor,

Regius.

Antonius Typ. R. Johannes, Mericus, Robertus IV. Henricus, Magister
Catholicus Josephus, Advoc. Parl, fossarium.

Omnes de Typographia , aut plerique certe , meritissimi. Cum his conjungendierunt, *Adrianus Turnebus*, Græcæ linguæ Professor Parisinus, & Typogr. Regius, qui obiit Anno 1565. vir toto orbe clarissimus, & cujus codices rariu- scule apud nos reperiuntur, signique loco gerunt, Thyrsum Lauru & serpen- tibus circumdatum: *Guilhelmus Patisonius*, *Guilhelmus*, *Johannes*, *Fridericus* & *Claudius* omnes nomine *Morelliorum* insignes: *Sebastian* & *Gabriel Cramoisi*, Typographi Regii: *Michael Vascovanus*, Roberti Stephani Socer, & *Simon Coli- neus*, Roberti Senioris Vitricus: Viri Eruditi pariter & Seduli, nullisque par- centes sumtibus, ut gentis gloriam in ornanda arte Typographica acquisi- tam, conservarent, occupati. Ante- quam Gallia excedamus, alios silentio prætereuntes, Lugdunum visitabimus; occurrent illic *Jodocus Badius*, *Andreas* & *Sebastian Gryphii* Germani, & *Ste- phanus Doletus*, infelix ille Typotheta, qui Atheismini suspectus, vivus combu- stus est. Mittimus *Rovillium*, aliosque
brevi-

brevitatis studio , atque sic tandem in Germaniam pedem promovemus. Poterit hæc cum Gallis de multitudine Doctorum Typogr. in certamen descendere ; tot enim numerare possum Viros & Principes literarum , quot Gallia se habuisse , gloriatur ; sed nolo Civibus meis assentiri , ne partium videar esse studiosus. Reperies autem Basileæ viros doctissimos, nudo nomine audito omnibus venerabiles : In quibus excellunt *Johannes Amerbachius* cum filiis : *Johannes Frobenius* : *Johannes Oporinus* : *Nicolaus Episcopius* : *Antonius Winterus* : *Henricus Petri* : *Johannes Hervagius* : *Ludov. Regius* : *Petrus Perna* : *Andreas Cratander*, & alii plures, quos vide sub finem *Bibliothecæ Latine* a celeberrimo *J. A. Fabritio* conscriptæ. Basiliensibus ob viciniam addi merentur Tigurini & Genevenses cum Helvetiis, quorum illi nobis imprimis *Christoph. Froschoverum*; hi vero *Wiederholdum*, *Jacobum Chovetum* & *Jac. Stœrium* sistunt. Heidelbergæ præla exercuit, idque fama nominis præ-

præclarissimus *Hieronymus Commelinus*,
natione Gallus. Marpurgi *Paulus Ege-*
nolphus, a quo *Frankfurtensis* *Chri-*
stianus Egenolphus discernendus est;
Andreas Wechelinus & ejus Hæredes,
qui & *Hanoviae* sedes fixerant suas:
Schürerii *Argentorati* claruerunt; *Lip-*
siam vero ornavit *Ernestus Voegelinus*,
patria *Constantiensis*, qui meliori fato
dignior inde ob notissimum partium
studium expulsus, in maxima egestate
mortuus est, Cujus postea typis & signo
aliquando usus est *Johannes Steinmann*.
Noribergæ varii fuere, eminent ex his
Johannes Petreus, qui diu & ipse literis
operam dederat, & hoc antiquior *An-*
tonius Koburgerus, vir notissimus, qui
per omnes *Germaniæ* urbes, imo & in
Gallia suas habuit negotiationes, & ta-
ernas: Singulis diebus vel centum in
ejus laborabant officina viri, qui statis
horis laboribus abeuntes, & iterum si-
mul redire consueverant, ita quidem
ut nulli horum janua aperiretur, nisi
postquam ad unum omnes convenis-
sent; unde horis pomeridianis per
cuma-

cumulos ad ostium Magistri stantes suos expectabant labores sibi adsignatos. Augustæ Vindelicorum Libri ad insigne Pinus celebrantur; Petri etiam S. Andreani occurrunt ibi excusi, quonamine alias & *Commeliniani* appellantur, in certum an alii, an iidem, & *Commelini* sumtibus impressi. Coloniae *Gymnicus*, *Mylius*, *Birkmannus*, *Quentelius* & alii, sicuti Francofurti supra memoratus *Egenolphus*, *Sigismundus Feyerabend*, *Schönvvetterus*, *Petrus Koppius*, *Johannes Spies*, ceteris præferuntur. Wittenbergæ *Johannes Lufft*, *Matthias Rhau*, & alii caput extollerunt. In Belgium nunc progredior, ubi *Christophorus Plantinus* tanta luce splendet, ut primus Jure merito nobis occurrat, ut qui & nitidissime omnium & libros centum linguis procudisse dicitur Antwerpiae & Lugduni Bat.; Cui subjiuntur *Johannes* & *Balthasar Moreti*, & *Franciscus Raphelengius* Socer, Plantini Successores; itemque *Hubertus Golzius* & similes quam plurimi. Ad horum etiam ætatem referendi sunt, *Bona-*
ventura,

ventura, Abrahamus, Ludovicus, & cum-
primis Daniel, Elzevirii omnes, qui
 tamen ad posteriora tempora magis
 referendi videntur. Atque inter hos
 omnes Bombergium & Plantinum ex-
 celluisse charactere Hebraico, Froscho-
 verum Germanico, Stephanos Græco,
 reliquos Latino, Eruditi credunt. Multi
 etiam ex his ad angustias vitæ maximas,
 & divitiarum jacturam prolapsi sunt,
 ut Oporinus, Henricus Stephanus,
 Bombergius, & forte plures. Quot-
 quot autem hucusque enumeravimus,
 vixerunt universi prope, Seculo XVI.
 quæ tempora aurea Typographicæ ar-
 tis nominari poterunt; nam sequenti-
 bus annis inclinare iterum cœpit for-
 tuna hujus artificii. Non tamen cre-
 dendum, nullos fuisse ista tempestate
 Typographos indoctos rudesque. Mul-
 ticerte fuere negligenter & levissimi
 animi viri, qui non famæ sed fami in-
 hiabant; unde Henricus Stephani tan-
 topere invehere in eos solebat. Isti
 tamen omnes contemti in quisquiliis
 versabantur, & nihil, nisi inutilia & fri-

vola excudebant. Imo quod magis mirum Anno circiter 1464. in totis Baltici littoris confiniis una solummodo officina unico prelo & typis Latinis Græcisque mediocriter instructa, fuit reperta, ita quidem, ut Typographiæ Princeps & impressoris & Collocatoris officio fungi debuerit. Unde Argentina sumtibus itineris & aliis emolumentis promissis hujusmodi accersendus erat, id quod David Chytræus in Epistola quadam ad Marbachium data abunde testatur. Sed ad recentiora procedemus tempora, eaque breviter exponenda. Nempe sublata erat in altum Ars omnium Artium conservatrix præstantissima, lapsu tamen gravi Seculo XVII. iterum ruere cœpit. Et quidem ad summum posteaquam evecta fuit, Genevenses ut acculantur, & etiam nunc sæpius solent, primi erant, qui operas istas corruperunt: Invidia enim ducti, carius paululum vendi libros ab aliis cernentes, pretio viliori sua exposuere venalia. Ne vero damnum paterentur, charta nigra literis

tis minus acutis , præcipue vero rudibus in omni genere doctrinæ Correctoribus usi sunt; Hos alii secuti , non literato amplius orbi, sed opibus quærendis inhiantes , lucri cupidi , depravatissimos luci publicæ dedere codices. Sic autem fieri aliter non potuit, quam ut successu temporis illustre inventum ad ruinas propenderet , & ad sordes redigeretur; id quod factum fuisset, ni in Belgio quidam inventi fuissent , qui pristinum tuerentur nitorem. Ipse celeberrimus *Scaliger*, quamvis ea ætate vixerit , quæ Argentea vocari potuit, cum tamen decremenda Artis conspiceret , hunc in modum conquestus in Epistola quadam ad amicum scripta , legitur. *Nunquam , ait , otiosi sumus , atque utinam , votorum nostrorum vela ferrent Typographi. Sed ab iis ventus nos deserit , quo minus ad portus nostros vela facere possimus : Aut enim recusant edere , aut si excudunt , suo commodo excudunt , & interea nos torquent expectatatione ; dum ipsi res suas agunt , nostras negligunt.* Exemplo nobis sunt Elzevirii antea

laudati, diligentique ac solerti industria non poltremi; Et tamen de his causam se habuisse *Ericus Puteanus*, cur querelas ferret, credidit. Sic enim *ad Dan. Heinsium in Ep.* quadam occurrente p. 129. ed. 120. Lugd. Bat. scribit: *Benigne de studiis tanquam communibus delitiis inquiris: Sed satis frigide ea tracto, ut tempora sunt ingeniis & elegantis infesta, imo ut homines sunt, nescio qua pertinacia ab omni cultu meliori alieni. Exiguam aliquid de Nundinis Romanis paraveram, illud fortassis ad Elzevirios missurus sum. Nitidissimus ille est; sed famam tam exilitas characterum non parum retardat.* Et paulo post: *Morbum seculi accuso: quid agas? Lucrum magis, quam famam querunt Typographi, ideo enim Typographi sunt.* Atque hujusmodi erant temporum fata, multo tamen meliora, quam nostra. Interim nec diffiteri possum, injuriâ sapius questos fuisse viros doctos, nec Typographos accusandos, sed multo magis eos, qui literatorum nomen affectant: Hi enim vel nimis delicatuli sunt in coëmen-

eoëmendis legendisque scriptis, ut facile habeant, quæ non placent, ideoque respuant: Vel nimis sunt rudes, ut nugas potius quam bona ament scripta, & ideo erudita volumina, captum suum transcendentia, rejiciant, nisi forte furore librorum corradendorum, & gloriæ Nominis inde consequendæ causa, compareant. Hinc igitur, ne sumtibus, quos codicibus imprimendis impenderunt, priventur Typographi, ad libidinem plebis, & studiis vulgi se attemperantes, quasi quodam torrente abrepti, excudunt, quæ vendibilia sunt. Accedit, quod prioribus temporibus scripta egregia typis subjecta plerumque fuerint; talia certe videbantur, atque hinc emtoribus salivam movebant: Manuscripta enim tam Scriptorum Ecclesiasticorum, quam profanorum ex latibulis protracta fere omnia cum applausu suscipiebantur, qua vix centesimus quisque exemplar aliquod antea conspexerat. Posteriori vero ævo, Libris necessariis jam magna copia ex-

vationibus Criticis, aliisque lucubrationibus non indoctis quidem, sed non omnibus peræque gratis, prodeuntibus, factum est, ut emtores, nausea quadam laborantes, ipsimet Typographorum res eo deduxerint, ut non nisi occasio querulandi viris Eruditis subministrata sit. Interim tamen & hi meliori adhuc usi sunt fortuna, quam nos nunc utimur, ubi mali libri quærentur a Typographis omni studio & contentione: boni vero Typographos frustra ambiunt, & tanquam orphani oberrant. Merito igitur *Clarissimus Crenius in Miscellaneis suis Philologicis* inquit: *Rem literariam non melius hoc nostro tempore, sed deterius sese habere, ac pejus. Paucissimos inveniri libros, quos non Typographorum avaritia, pertinacia, & stultæ prudentiæ persuasio corrumpit.* Neque hæc labes pallianda est, sed scapham appellare scapham decet. Perlustret saltem, cuicumque vacat, omnes Germaniæ, ut de hac saltem loquar, Civitates, & Musarum potissimum sedes, quas Academiæ vocant;

Augiæ

Augiæ reperiet stabulum ; tantæ enim stupiditatis passim obvios habebit Typographos, qui vix hoc digni sunt nomine , & spurii, quam genuini Veterum dicendi filii. Nec desunt Academicarum, haud infrequentium Typothetæ, qui ne quidem absque vitiis Germanicè pingere poterunt, multo minus idiomate peregrino, tantum abest, ut literati dici possint. Imo vero, si quis saltem Syllabas colligere sciat, artis de reliquo addiscendæ cupidus, suscipietur, quicumque demum fuerit, & quicquid de reliquo calleat. Quid? quod tantopere dissoluta artis compages, ut alii sint, qui exprimant, alii, qui typos componant, ita rudes, ut utroque simul labore defungi vix valeant, sed alterutrum addidicisse satis putent. Horum tamen fidei, scripta maxima sedulitate, multoque sudore confecta, committere, nihil aliud est, quam ut Clarissimus Henricus Stephanus loquitur: Furiosis hominibus gladios in manus tradere. Nec pauci hujus farinae sunt, sed longe plurimi ; Absit tamen,

ut omnes ac singulos in recensum hunc venire dicam; Non solum enim quidam dantur, ut luscii inter cecos regnantes, verum reperiēs, quamvis rariores, nantes in gurgite vasto, ad veterum diligentiam, qui contendant, propiusque accedant. *Huguetani* in Belgio, *Wettstenii* Amstelodami: quorum & præcipue Henrici Laudes unico saltem demonstrabo testimonio; sic enim ipse in præfatione Novi fœderis, editioni Græcæ locis variantium ad modum Millianæ editionis præmissa, scripsit: *Reliqua, quæ opusculo huic adjeci, videbis in Indiculo sequenti.* Nec præter hæc quicquam adderem, nisi laudanda hic veniret exactissima accuratio atque diligentia virorum clarissimorum Græcæque doctissimorum, quæ laborem meum in corrigendo hoc opusculo adjuvare voluerunt. Eam vero talem, credo, reperiēs, quæ major nulla desiderari possit. Typograph. Roman. Collegii de propaganda fide, quam intransitibus scheda sexaginta linguarum characteribus splendida exhibetur; Oxonienses & Cantabrigienses in

Thea-

Theatris & Collegiis aliquot officinæ :
Bullifonius Neapolitanus, & in Germania
 nostra , *Fritschii* cum *Gleditschiis* , Bi-
 bliopolis , & forte etiam Orphanotro-
 phium Halense , nomina sunt, quæ em-
 toribus, vel in titulis præscripta, hodie in
 pretio esse solent , utpote de quorum
 studio , consiliis , impensisque in im-
 primendis libris factis, omnibus constat.
 Hujus rei , quod *Gleditschium* attinet,
 veritati fidem facturum, Corpus Juris Ci-
 vilis Rom. in 4to majori 1705. exc. in
 Scenam producatur, in quo emendate
 imprimendo ita sumtum haud peper-
 cit laudatus vir , ut plurimas Germaniæ
 Academiæ , in singulas novem miserit
 plagulas , ut Doctores inspicerent , &
 quæ restituenda putarent , restituerent.
 Illi vero, qui Lipsiæ operis ipsius Corre-
 cturam gessit, qui jam provectiori atate
 vir est, Imperialem pro singulis schedis
 exhibitum fuisse , non incerto nitor
 fundamento. Eminent tamen ex his
 omnibus Anglicani & Belgici codices,
 charta alba , typisque purioribus gau-
 dentes , quamvis etiam Batavorum co-

dices facile prodant, an Correctorem eruditum fidumque habuerint, nam & hi non raro ut splendidissimi, sic mendosissimi prodire solent. Unde Jacobus Oiselius in Thesauro suo Numismatum nitide, sed vitiis plene excusso, sub finem ita conquestus est : Miraberis haud dubie, Mi Lector, in opere tam nitidis alioquin typis descripto, tantum Typographicorum sphalmatum septem irrepsisse, & miratur indignaturque ipsemet Auctor, quod, dum in alio loco degat, propter absentiam in tam stupidi hominis manus incidere necesse habuerit, qui forsan ad stivam ducendam aptior, quam Typothetarum erroribus corrigendis idoneus videretur &c. Hoc igitur miserrimo nostro statu, meliori jure querelas Typographicae Artis ab *Henrico II.* decantatas meas sum facturus, inclamans :

Illae ego, quae quondam caelo delapsae colebar,

Illae ego, quae multis Numinis instar eram :

Quam

*Quam Comitum addiderat Mundi mira-
cula septem,*

*Quæ decima Aonidum sum numerata
Soror.*

*Delicia Humanæ generis vocitata per or-
bem,*

*Quæ vocitabar amor, deliciaque
Deum:*

*Hei mihi! nunc miseram, contempta, in-
gloria, vitam,*

*(Si tamen hac vitæ est nomine digna)
traho.*

*Nunc traho, quod superest, per mille op-
probria vitæ,*

*Sicque mea laudi vivo superstes
ego &c.*

Eadem sentit clarissimus *Maittere in
Historia sua Stephanorum*, Londini non
sine multis tamen vitiis ex *Typographia*
residuis, quorum nuper ego vel viginti
in perlustrando istum librum observa-
vi excusa. *Hujus operis*, inquit ille,
utilitatem nemo non cognoscet nisi, qui
ignorat character characteri, liber libro,
Typographo Typographus, quid præstet,
deformi pulcher, emendatus corrupto,
doctissi-

doctissimus ineptissimo, quid intersit, qui color, nitor, ornatus vetustis erat illis Athenarum Latinisque scriptoribus: cum prodirent ex officinis, ubi elegantissimis ipsorum operibus typorum munditiam, obscuris lucem, depravatam sensum, vagis locum, confusis ordinem, dubiis veritatem, artifice manu accurata lectione, felici conjectura, solerti ingenio, certa methodo, sagaci censura dabat idem Interpretes & Typographus. At contra quam insignem accipiunt jacturam venerabilia antiquitatis docta monumenta, cum in ea involent illotis manibus Typographi & Correctores, qui vix aliud, nisi album & nigrum norunt; multumque sibi praeter ceteris sapere videntur, si Graeca a Latinis, Hebraica a Graecis possunt discernere. Interea quicquid delirant Typographi, optimi plectuntur Auctores, in quibus tot eduntur monstra, ut dubites, Censore ne an Haruspice opus sit. Artis autem Typographicae usus non corrumpitur tantum, si scripta bona excudantur male, sed etiam si bene mala, quaeque a flamma potius, quam prae lo lucem accipere meruerint.

Vide-

Viderint igitur bonarum literarum Vindices ac Patroni, quibus datum est licentia frana injicere; ne, Typographia, qua artium liberalium familiaris fuit semper ac necessaria, dignitas prorsus evilescat, ne eam barbariem, quam olim introduc-ta & culta fugaverat, reducat neglecta & violata.

Lacrymis vobis deploranda est, Musarum Principes, hæc miseria: omnes vestræ intendendæ vires, ut barbaries ista tollatur, omnibus eo nitendum, ut in meliorem statum hic corruptissimus mutetur. Bibliopolæ, qui hodie non nisi Titulos librorum norunt & pretium, reliqua negligentes, & Typographi ipsi, Musis strenue operam navent necesse est; neque assumendus quisquam ad cognoscendam artem, nisi præcipua, aut Humanitatis certe notitia probe imbutus fuerit. Lucri bonus odor, non sit illis ex libro quolibet. Omnium autem maxime Correctores, qui omnem fere ducunt lineam, præficiantur officinis Eruditi, & linguarum, earumque in adolis inprimis

mis periti. Sic Deo favente feliciter
impostrum omnia successura credo, ac
inventum hoc splendidissimum, ad pri-
stinum rediturum esse decus, penitus
confido. Non possum, quin, memor
consilii, a viro Clarissimo mecum com-
municati, illud paucis commemora-
rem. Devolvebat ille omnem curam
in Magistratum cujusque Civitatis. Ex-
struendæ illi videbantur officinæ publi-
cæ; congerendi ab eo typi; compa-
randæ plagulæ, idque totius Reipubli-
cæ sumtibus. Ad hæc, frequenter vi-
sitandæ: Censores constituendi, dice-
bantur, probi & Eruditi: Pretium labo-
ribus definiendum, ne lucri cupido rem
destruat: Alendi, id quod maximum,
viri ad officia pro ratione Artis subeun-
da, idonei, ii omni Eruditione referti,
qui attente corrigerent codices, & toti
officinæ gubernandæ præessent, iidem-
que Theologi, Juris periti, Medici &
Philosophi omnium artium Doctores,
facile, data pecunia, comparandi. Sed
amplius putaverat ille, juramento so-
lemni a Magistratu obstringendos esse,
de

de servandis legibus, & totius Imperii Germanici, & singularum Civitatum: Nam id olim etiam in describendis codicibus, uno dictante, reliquis calamo excipientibus, unde postea tot variae lectiones ortæ sunt, observatum fuisse in *Paschii Nov-Inventis* legisse memini. Commoda, quæ si ita, uti animo conceperat, expedirentur, spondebat, consilium ob multas causas vix implendum, permulta secutura esse. Fore enim, ut plures libri, ob voluminum multitudinem conspici, lucem visuri sint publicam, Magistratu pecuniam prænumerante, cum alias Typographis, privatae conditionis tantam auri vim uni operi haud impendentibus, in scriniis delitescerent. Adde, quod ea valeat Magistratus autoritate, qua, ne quis dolose editiones repetere possit, impediatur; quibus alioqui de causis non raro mediocris fortunæ homines, impendii sui fructu destituuntur, imo penitus ad interitum rediguntur. Tot fuitiles præterea, & nullius pretii plagulae orbi erudito non obtruderentur; nulli

nulli enim libri preliis mandandi essent, nisi Correctoris & Censoris, Magistratus decreto publico constitutorum, approbatione muniti : Neque ipsa denique Bibliopolia scaterent tot Amatoriis, aliisque vilissimi argumenti scriptis. Præcipue omnium vero concessa Correctoribus ea potestate emendandi ac castigandi & typos, & res ipsas, verbis significatas, tot novæ opiniones, tot jurgia, tot altercationes cessarent; exterminatis in primis illis, ut loqui amant, putidis personarum insectationibus : Turpe utique lectu, quanta sæpius animi contentione Lumina ac Principe Eruditorum, Theologi, etiam ii, qui præ aliis pii videri cupiunt, & alii, magno cum Lectorum scandalo, sibi invicem vitia exprobraverint, ac morum minus probatorum objectione toti literato orbi facta, famam nominum, Eruditionis, modestiæque gravissime læserint. Possem his alia addere è molumenta inde fluentia; sed nihil ulterius, nisi illud urgeo : Ipsas Imperii Germanici ordinationes & Leges, ea a
Typo-

Typographis jam dudum requisivisse:
 Sic enim in *Additionibus ordinationum
 Politicarum de Anno 1527. ad 1535.*
 publica Ordinum autoritate consti-
 tutum est : Es soll keinem Buch-
 drucker zugelassen werden / der nicht
 zuvorhin von seiner Obrigkeit / da er
 häußlich sitzt / darzu redlich / erbar
 (utinam adderetur gelehrt) und aller-
 dings tüglich erkennet / auch daselbst
 mit sonderbahrem leiblichen Eid be-
 laden / in seinen Trucken / jetzigen und
 andern Reichs- Abschieden gemäß zu
 verhalten. Ferner sollen einem je-
 den allerley lästerliche Bücher /
 Schrifften / Carten / und Gedicht in
 Truck zu geben / oder zu trucken /
 durchaus bey hoher Straff / so wohl
 Verlust der Bücher als Truckereyen/
 verboten seyn. Es soll auch keiner
 etwas zu trucken Macht haben /
 das nicht zuvor von seiner Obrig-
 keit ersehen / und also zu trucken ihm
 erlaubet wäre. Es soll derselbe auch
 des Richters oder Autoris gleichfalls
 seinen Namen und Zunamen / die
 Stadt

Stadt und Jahr: Zahl darzu setzen /
 da aber deren Dingen eins oder mehrs
 unterlassen / sollen nicht allein die ge-
 druckten Bücher / Schrifften und
 Carten von der Obrigkeit confiscirt /
 sondern auch der Trucken / und bey
 weme die zu kauffen / oder sonst aus-
 zubieten begriffen / an Gut / oder sonst
 nach Gefallen / und vermög gemei-
 ner Rechte / unnachlässig gestrafft
 werden / ic. Si hæc observarentur me-
 lius utique res nostræ se haberent ; sed
 quot Anonyma scripta ? Quot impudi-
 ca carmina ? etiam iis voluminibus
 immixta , quæ bona alia & a magnis
 profecta viris videntur ? Quot plagulæ
 invectionum & injuriarum plenæ pro-
 pelluntur ? Quot impia dogmata fo-
 ventur & incrustantur ? idque fit præ-
 textu relinquendæ conscientiarum li-
 bertatis ; hoc est , ut quod res est , dica-
 mus : Scriptori concedendum esse , ut
 scribat , quicquid placeat. Optime
 igitur Magistratum facere judicamus ,
 quem harum rerum sollicitudo tenet , si
 suo satis facit officio , sic enim & sibi
 suæ-

suæque tranquillitati, & quieti Rerum
 publicarum non minus quam Ecclesiæ
 consulet. Sed hæc hæctenus; ad ipsos
 enim Correctores tandem cura nostra
 convertenda est. Verum cum & hic
 discrimen maximum appareat inter
 vetustiores & recentiores, paullulum
 adhuc disquisitioni hujus negotii erit in-
 sistendum. Habuerunt Veteres suos
 Bibliopolas; habuerunt Scriptores Li-
 brorum; Habuerunt Correctores. Illi
 tales non raro erant, quales apud nos
 certatim habentur, ut *Lucianus* de iis
 testatur, cujus verba *Clar. Schoëttgenius*
in dissertatione erudita de Bibliopolis &
Librariis Veterum, latine hunc in mo-
 dum reddidit: *Quis autem cum Biblio-*
polis de Eruditione certabit, qui tot libros
habent & vendunt? Sed si forte me-
cum disputare velis (quare Tibi hos
obiciam) videbis, eos, quod Eruditionem
spectat, Te non multo esse meliores, sed
barbare eos loqui, sicut Tu quoque soles, & ni-
hil plane intelligere, quales illi sunt, qui
nihil boni aut mali unquam cognoverunt.
 Conveniunt etiam isti in aliis vitorum

generibus, cariori sua vendeabant pretio, laudabant Scriptores, ut venales protrudere possent, quamvis nulla interdum laude dignos, unde *Martialis* L. XIV. Ep. 194.

Sunt quidam, qui me dicunt, non esse Poëtam,

Sed qui me vendit, Bibliopola putat.

Quod Scriptores attinet, ranciora primis Seculis fuisse scripta, crediderim, & cariora, quam recentioribus. Nam ordinibus Monachorum ortis, ignavi isti homines nihil, quod agerent, habebant, nisi ut de scribendis codicibus, modo antea jam indicato, vacarent. Nec tamen Correctores deerant a quorum fide & industria codices commendabantur; Eum vero laborem vel Autor ipsius libelli, vel alii mercede ad id conducti suscipiebant, a quibus etiam Indices adjici solebant. Unde *Sidonius* L. V. c. XV. ad *Ruricium* citante Schoëtgenio: *Librum igitur, ait, Heptateuchæ scriptum velocitate summâ, summo nitore, quanquam & nobis relectum & retractum. Desert & volumen Prophetarum, licet me absente*

*absente decursum, sua tamen cura man-
que de supervacuis sententiis erudera-
tum; nec semper illo contra legente, quæ
promiserat operam suam: Credo, quia in-
firmitas fuerit impedimento, quo minus
pollicita compleret.* Observat præterea

laudatus Schoëttgenius Bibliopolas lau-
dasse merces suas, nonnunquam in
emendatos libros pro emendatissimis
inscio Lectori vendendo, exemplum-
que ex Gellio L. V. c. 4. adducit. Gram-
maticum quempiam e nobilioribus ab
emitore ad spectandos libros adhibitum,
reperisse unum in libro mendum: Sed
Librarium in quodvis vocasse pignus,
si in una uspiam litera delictum esset.
Et ego mihi facile persuadeo, iis tempo-
ribus, quibus adhuc literæ valebant,
& Bibliopolas & Scriptores & Corre-
ctores excelluisse; nec tamen id ne-
gandum, imminente post quartum, imo
tertium, seculum barbarie, omnia ivisse
in pejus: Ipsi enim, qui Eruditi vocari
cupiebant, Bardi erant, & vix primis
tincti literis Seculis præcipue IIX. IX. X.
XI. XII. seqq. Quid igitur de reliquis

boni exspectari potuerit non video, Remittente vero Sec. XV, immani ista studiorum barbarie, & reliqua cessura videbantur mala. Nam arte Typographica inventa, aderant non nisi scripta, manu pessime picta. His autem ut genuinus sensus, quem Autores indigitaverant, restitueretur, non inepti, & pingui Minerva ludentes idonei erant viri, verum doctrina varia liberaliter instructi. Tales proinde plurimi fuerunt, qui in recensu mox instituendo occurrent, Grace, Hebraice & Latine bene docti. Nam Patrum scripta Voluminaque, quæ & quanta sint, quis ignoret? & quanti labores fuerint in restituendis istis, quis non miretur? Interim tamen plenaria utebantur potestate, quidlibet mutandi corrigendique, unde Patres S. ita castigatos in Locis Romanæ Ecclesiæ addictis Correctorum culpa prodiisse constat. Quidam autem vel in ipsis Typographorum ædibus has navabant operas, quidam vero per scripta consulebantur; Cujus rei fidem facturus exhi-

exhibebo literas , a *Johanne Amerbachio* ad *Reuchlinum* missas , & a *Venerabili Majore Vita ejusdem* 8. editæ p. 71. insertas , quibus loca quædam *Hieronymi* explananda cupit. *Sunt enim*, scribit, *Vocabula in antiquis libris ita corrupte scripta*, quod literas quoque non cognosco. Quapropter ea *Vocabula Græca*, quæ non intelligo , quaternionibus quibusdam depinxi, eo modo , quo potui ex antiquis libris , & eis breves sententias ex *Commentariis præmisi*, dedique ea omnia religioso viro *Conrado Leontario* , tibi ; ut ait , notissimo , ad Te deferenda , qui & mihi affirmavit , rem meam apud Te promoveri , & instare , ut operam des illorum emendationi & Correctioni. Quod & ego ea instantia , qua possum , peto , & pro laboribus quicquid petieris , libentissime dabo. Si autem me derelinquis , neminem scio in *Alemannia*, qui me juvare possit. Paria etiam præstitit , celeberrimus *Altdorfensium Polyhistor*, *Conradus Ritterhusius*, qui sæpius in consilium a *Typographis* vocatus , lubens & strenue eos juvare solebat. Unde, quanti fue-

rit tunc temporis Ars Critica habita ,
 haud obscure patet. Quæ tamen suc-
 cessu annorum , cum ejus usus adeo
 insignis non amplius esset, fere iterum
 exspiravit, aut in nœnias nugasque inu-
 tiles abiit , unde etiam Correctores re-
 centiorum temporum ea doctrinæ vi
 non inclaruere , ut isti. Interim ta-
 men dolendum ita evanuisse & artem
 ipsam & reliqua ejus ornamenta. Un-
 de jam *Thom. Garzonis in Piazza Uni-*
versali discurs. 128. vertente sic *Ahas-*
vero Fritschio, piïssimo Juris-Consulto,
in Schediasmate de Juribus Typogra-
phiarum, scripsit: *Ben dem Trucken*
hat man heutiges Tages keinen son-
derlichen Mangel / als daß sie bishwet-
ten um der Wolfeilung willen einen
schlimmen Vocativum zum Correctore
nehmen / der in geringen Sachen mehr
Gleiß anwendet / als in was recht-
schaффenes. Melius vero vera hæc
 exprimit Pius & Beatus *Mengerius in*
Scrutinio Conscientia: *Es wollen die*
Buchdrucker oftmals nicht etwas
spendiren / und aufwenden / daß sie
 einen

einen verständigen und gelehrten
Correctorem in den Druckereyen hätte-
ten / und hielten / der die Materie cum
judicio revidiren / und corrigiren thä-
te / sondern Stümpler und Stümpler /
halbwächfige Studenten / Penäle und
Pedanten / die nehmen quid pro quo,
und schauen aus Unverstand oben
hin / daß oft die Correctur eben lang/
wann ein Opus publicirt worden.
Optime sane judicavit vir candidissi-
mus, cum quo consentire videtur Ce-
leberrimus Caveus in Prolegomenis Scri-
ptorum Ecclesiasticorum ed. Genev. fol.
1693. §. V. scribens: *Alii sunt, qui Ty-
pographia quidem sua Curatores ac Cor-
rectores admovent, virosque alumni libris
prelo parandis invigilaturos, sed vilis
pretio conductos, ignaros nempe & igna-
vos Monachos, qui levi, quod ajunt, digito,
rem suam oscitanter agunt, & pro uno
vitio sublato, immenso mendarum cumulo
libros augere solent: ut de prelis Lugdu-
nensibus aliisque nonnullis, non infimæ
notæ viros conquerentes non semel audivi.*
Meditare saltem, benevole Lector, &

perpende quæso, quot hodie invenire possis Correctores doctos? perpaucae sane erunt, idque ideo, quoniam nonnulli, aut latent, aut latere ipsi ultro cupiunt, cum vana persuasione labores istos sua gravitate & doctrina indignos censeant, alii vero minus ambitiosi, ut non vereantur innotescere, tanta tamen vulgarium hominum copia quodammodo opprimuntur, ut juxta cum illis in tenebris delitecant: Plerique vero fungi sunt, & ea indole, qua Mengerius antea depinxerat. Quibus rebus fieri solet, ut plurimi Scriptores in Academiis præcipue, suos foetus in lucem emittendos purgare & ipsi necesse habeant; quo labore a reliquis negotiis, prompte agendis non solum avocantur, sed etiam, ubi se absentibus quid excudendum sit, longa opus habeant mendorum Typogr. deprecatione. Non desunt quidem in quibusdam locis Magistratum mandata, & *Petrus Rebuffus tractatu de Privilegiis Universitatum* scripsit: *Ob id bonum esset, serenissimum Regem statuere, neminem*

nem posse imprimere, nisi haberet Correctores doctissimos, & paulo post : Scio, quod hac Parisiensis Universitas suis Librariis juratis precipiat, ut Correctores idoneos haberent, sub pœna privationis. Gedanenses certe prudenti admodum consilio Typographis injungebant, si pagina tria vel quatuor ostenderet vitia, recudendam esse, si efflagitaret Auctor, sine hujus impensis. Optaverat jam hujuscemodi Cel. Lipsius, de quo Beyerlinckius in Theatro Vitæ Humanae refert, dixisse: Correctores hoc difficillimo rei Literariæ tempore, utiles necessariique sunt, non ii tamen promiscui, non indocti, rapaces Petrones, sed qui consilio reque ipse juvare scriptores possint. Robertum Stephanum decem aluisse hujusmodi viros in ædibus suis, certis monumentis constat; ipsum vero etiam omnia revidisse, & in plateis paginas suspendisse, pollicitumque pretium certum pro singulis erroribus Typographicis, relatum habemus. Id si fieret a nostris Typothesis, Iro pauperiores brevi omnes crediderim futuros. Do-
lenda

lenda hæc sunt , & optanda meliora fata. Nos interim non male actum fore judicamus , eos plagulis quibusdam recensere , & merita extollere , qui in hujusmodi laboribus defudarunt. Quorum adeo Centuriam ab aliquo collegimus tempore , & nunc etiam exhibemus. Equidem videbis B. L. nonnullos non comparere in hoc indice , quos vel Tu , vel alii intulissent. Sunt vero *Conradus Goëdenhusen* Juris-Consultus , & *Cornelius Schrevelius* Medicinæ Doctor & Gymnasii Lugd. Rector , quorum ille Amstelodami , hic Lugduni in Belgio emendationis curam habuere Corporis Juris Justiniani , cum notis integris *Dionys. Gothofredi* , opera & studio *Simonis van Leeuwen* / Juris-Consulti Lugd. editi fol. 1663. ita quidem , ut Goëdenhusius Codicis Novellarum , & quæ has sequuntur capitum , rationem habuerit ; Schrevelius vero Institutiones & Pandectas correxerit : uterque ob eos labores non fatis laudandi. Similiter *Dan. Guil. Mollerus* , Posoniensis Hungarus , Prof. Metaph.

& Hi-

& Historiarum Altdorfinus, ante aliquot annos mortuus, ex Itinere Italico redux Argentorati aliquamdiu subsistens *B. Dorschei* Biblia Numerata sub prelis sudantia erroribus liberavit Typograph. *David Clodius*, Celeberrimus Gifensium Prof. curam gessit Lexici Arabici a *Clar. Golio* conscripti & in fol. editi. *Hippomeneus Trapezuntius*, Eruditus Græcus, Constantinopoli Venetias missus est, ut Correcturam Lexici s. Thesauri universi Græcæ linguæ ageret, *Varinæ Phavorini Camertis Nucerinæ* Episcopi editi 1711. fol. recusī Lips. apud Gleditschium & Weidmannum, de quo conferatur *Bücher. Saal* P. XXV. p. 2. ut nihil dicam de veteribus quibusdam, *Johanne Sybero*, Germano, qui floruit Anno 1548. in Italia. *Thoma Genuensi de Valerano* Correctore Venetiano An. 1561. quem laborem exhibuit in Cornu Copiæ emisso & emendato a *Benedicto Brugnalo*. Taceo item de *Hieron. Salio Faventino*, & *Georg. de Rusconibus*, quorum ille Bononiæ Anno 1488. alter vero Venetiis hujusmodi curas susceperant,

rant. Prætereo etiam *Franciscum Gar-*
siam, Professore Theol. in Tarraconensi
 Academia, *Matth. Moretum*, *Brixiensem*,
Johannem Santonum de Bassonis, Med.
 Doctores; Petrum Loslein de Langen-
 zen, qui Appianum pulcherrimis typis
 Venetiis Anno 1477. correxit. Johan-
 nem & Gregorium de Gregoriis itidem
 Venetiis clarescentes. M. Jacobum
 Merlinum officinæ Ascensianæ Præfe-
 ctum, & alios forsitan in Centuria altera
 memorandos. Et quis omnes noris,
 qui pauca & non nisi singula scripta
 fidei suæ commendata habuere, quos
 sicco transire pede constitui. Omisi
 etiam eos, qui non nisi sua volumina
 emendarunt. Ideo anxius diu hære-
 bam, memorarem ne aliquid, vel file-
 rem, de viro apud Remonstrantes
 splendidissimo, & undiquaque celebra-
 tissimo, *Johanne Clerico: Burmanni* ve-
 stigiis si placuisset insistere, utique in
 numerum Correctorum eum retulif-
 sem: Ille enim inter alia objecit Clerico,
 quod, antequam ad officium publi-
 cum promotus fuerit, corrigendis co-
 dicibus

dicibus Amstelodami operam navavit. Et quod maximum, eum in emendando apud Huguetanos Hesiodo, Clarissimo Græfio curante, in lucem emittendo, insolentem egisse Correctorem affirmat, ea, quæ Græfii fuerant, sibi tribuendo, mutatoque titulo, ex recensione Græfii, fraudulenter supponendo, ex recensione Clerici. Quo dolo comperto, Græfium vix eo redigere rem potius se, ut nomen & Exemplaria ita excusa restituerentur. (Præter hæc ignorantiam in Græcis, animum maledicum, in eos præcipue qui mortui, & quos vivos veneratus admodum fuerat, objecit. Addidit genium viri in scripturis interpretandis nimis solutum & liberiolem, uxoris etiam Polygraphi isti *Greg. Leti* filia Magnificentiam, Luxum & Opulentiam.) Hæc & alia a Perizonio & Burmanno aliisque Clerico exprobrata, quibus vero audacter semper restitit, repetenda fuissent. De quibus cum meum non sit judicare, illud saltem moneo, quod ipsum attinet Burmanni effatum de curis Clerici

Typogr.

Typogr. acriter etiam huic imputationi contradixisse novi, per calumniam & maledicentiam hæc tradi contententem indignumque hoc opus sua doctrina & gravitate existimantem. Ut illud nunquam negaverit, quod in suis scriptis impressis & recusis talem præstiterit operam. Hac igitur de Causa omisi Clericum, & hoc loco paucis mentionem ejus litigii fecisse sufficere arbitratus sum. Pari modo transire lubuit, *Marcum Meibomium*, qui una cum Clerico editionis nobilissimæ in Belgio excusæ, *Diogenis Laërtii Vitarum Philosophorum* ejusque correctioni præfuisse dicitur. Neque etiam præter *Plantinum*, *Henricum Stephanum*, *Frobenium*, *Oporinum*, & *Golzium* mentionem de aliis Typographis feci, qui libros ex officinis suis prodeuntes restituerunt; nam hoc modo omnes Eruditi Typogr. de quibus hæc peregisse probabile est, in Catalogum meum referendi fuissent. Eos autem, quos hic vides B. L. breviter recensui, addidi tamen, ex fide dignis Biographis

vitæ

vitæ fata paucissimis , & qua brevitate potui , delineata. Libros vero ipsos, quos singuli emendarunt enumerare nolui, quin etiam si voluissem, fateor, non potuissem. Nam quod vetustiores spectat, vel prorsus iis latent , vel obscurius nobis innotuere, & ut Chronologiæ parum respondeat. Quod ad recentiores vero attinet, paucis interdum eosdem tetigi vel ad annum impressionis respicere jussi. Ipsum vero hoc negotium exactius peragendum, quamvis utilissimum foret, & ad notitiam librorum , eorumque nobilem præ aliis prærogativam apprimè faceret, meis tamen humeris grave nimis onus judicavi; relinquendam igitur aliis in hoc mari literario magis versatis duxi, quibus non erit arduum & molestum ad nostram qualemcunque opellam subinde observata, ut fieri solet, fundamentis positis, addere. Neque etiam, si quæ a nobis animadvertentur accuratiora, cum B. L. ea communicare imposterum dedignabimur. De reliquo ordine Alphabetico prima

D hæcce

hæcce lineamenta a nobis ducta, benevolentia & æquitati Lectorum iterum iterumque commendamus agnitæque tenuitate nostra, si quando hallucinatissimus, modestæ & ex amore veritatis profectæ correptioni lubentissime cedemus. Si vero viderimus gratas has primitias viris bonis & acceptas esse, de Momis parum solliciti opella quadam haud dissimili *de Typographiis Privatis* ulteriorem favorem nobis conciliare an-nitemur. Quibus præmissis jam pri-mus esto in Elemento

Petrus Alcyonius,

Magnæ Seculo XVI. celebritatis vir, ac literarum Latinarum pariter ac Græcarum Anno præcipue a Nati-vitate Christi 1530, lumen Italiæ ful-gentissimum: quodque eo clarius præ aliis emicare potuit, quo præstantiora certarim quasi tunc temporis studia elegantiora sectantia extiteret alia. Erat autem cum primis publice literas pro-fidendi facultate clarus ac Florentiæ ma-ximam

ximam de se concitaverat expectationem, quamquam abreptus sapissime laboribus aliis apud Venetos suscipiendis fuerit, quibus multos & elegantes peperit, aut si mavis aliorum in partu adjuvit foetus. Siquidem apud celeberrimum Aldum Manutium, omnium Typographorum facile Principem, officinae chalcographicae, corrigendis typorum erroribus operam navavit, mercede menstrua constituta, & cum *Galenii librum de Animalium partibus* ex Græco in Latinum transtulisset sermonem, præter fixum præmium, decem amplius in singulos menses aureos obtinuit nummos, ex liberali donatione Cardinalis Medicei. Hoc in Pontificem electo, majora fortunæ suæ incrementa sibi imaginatus, primo quoque tempore ipsum Romam, nemine tamen invito, adire laboravit. Sed a Florentinis detentus, nec dimissus est, nisi postquam alius Vir Eruditus inventus erat, qui locum Alcyonii occuparet, & pro muneris ratione, ea, quæ desiderabantur, præstiturus esset. Quod cum

difficulter procederet, abiit tandem nemine sciente excessitque cunctis ignorantibus, atque Romam evasit. Obtinuit tamen mercedem desertione ista promeritam, ut ut nihil eorum inveniret, quæ sibi erat pollicitus, Medico quippe ex Purpurati dignitate ad Papalem evecto, mutatoque longe ab illo familiari Alcyonii, qui quondam erat. Multis tamen annorum interval-
lis præterlapsis, postquam Romæ etiam corrigendo sudaverat, tandem non dederat illic provincia, cui præficeretur nova, quam etiam publice, docendo non sine magna Auditorum frequentia, omni studio omnique diligentia & conatu administrabat. Sed hæc temporum tranquilla facies turbulentis motibus inter Columnenses atque Pontificem exortis, fœde turbabatur: Cæsaris enim Caroli V. copiis Romam armata vi expugnantibus, Alcyonius, arcem Æliam, quam & Molem Hadriani dicunt, fuga salutem quæsiturus, vulnere in brachio accepto, ingressus est; quæ incommoda duabus postea orationibus

bus, quibus de crudelitate militum Cæsaris querelas effudit, se satis ultum esse putavit. Nihilominus deinde Clementis partibus desertis ad Pompejum Columnam transiit, ejusque & Imperatoris facta omni studio defendit; nec non paulo post vitæ finem homine literatissimo indignum, est consecutus. De reliquo, si Jovio fides habenda, *fuit neglecti vitæ generis, non ingenuis sed sordidis praditus moribus, impudens, Gulæ mancipium, ut eodem sæpe die ter, imo sæpius, cœnaret.* Hæc autem Jovium infensissimo, pessimoque, & ut dicam, quod res est, invido scripsisse animo, non pauci sunt, qui tradunt, Alcyoniumque defendunt. In eo *Pierius Valerianus L. de infelicitate Literatorum*, cum Jovio consentit, quod *multum semper sibi arrogaverit; de omnibus Eruditis male sentiens dicacissima omnes laceratione, detrectaverit, cunctorumque, tam doctorum, quam imperitorum odium in se concitaverit.* De varia ejus mente & perfida satis certe testatur desertio, officii Florentiæ, laborum Aldo

præstitorum, quæ ad finem se continuaturum promiserat, & derelictio denique partium Pontificis, qui ante cum foverat & defenderat, id quod in peiorem partem nemo non ei interpretabitur. Ex *scriptis*, quæ nobis reliquit, eminent *Commentarius in Aristotelem*, in quo cum perperam insolenterque quadam vertisset, Sepulveda, vir Hispanus, egregiè de literis meritus, edito volumine, peracuta in eum contorsit jacula, tantis quidem *Literatorum* plausibus, ut *Alcyonius* ignominia dolore misere consternatus, *Hispani* hostis libros, in *Tabernis* gravi pretio conquisitos, publice igni cremare necesse habuerit. Audiamus Longolium, qui Ep. ult. L. III. Epp. eleganter facis hanc iram Alcyonii depinxit, ut hominis, scribens, ad tantæ contumeliæ nuntium vultum videas, quod unum sane spectaculum tibi magnopere invideo: Nunquam enim is ex oculis laborabit; qui tum ejus frontem spectavit. Commentario huic adjungo libellum elegantissimum de *Exilio* sive de *Legato Medices Venetiis apud Aldum*. Anno

no 1522. quam editionem ipse correxit, sicut & alia plura circa ea tempora in hac officina excusa. Prodierat hic liber etiam Anno 1624. Aureliopoli, & Basil. 1546. quem quoniam rarissimus & carissimus factus, inque paucorum extiterat manibus, non ita pridem recudi curavit, & utilissimo instituto cum *Pierio Valeriano* de Infelicitate Literatorum, *Cornelio Tollio*, de simili argumento *Josephoque Barberio* de Miseria Poëtarum conjunxit celeberrimus *Joh. Burch. Menckenius* Lips. 1707. 12°. Verum hoc etiam opusculo partam *Alcyonio* gloriam suffurari denuo quidam ausi sunt, præeunte nequissimi Elogii, ut *Clar. Menckenius* vocat, scriptore *Jovio*; In quibus eminet *Paulus Manutius* in Epp. ubi, *Librum*, scribit, *Tibi celeriter mittam de gloria: qui (duos enim Cicero scripsit) usque ad Patrum nostrorum ætatem pervenerunt; Nam Bernh. Justinianus in Indice librorum suorum nominat Ciceronem de Gloria. Is liber postea cum universam Bibliothecam Monacharum Monasterio legasset, magna*

conquisitus cura, neutiquam est inventus. Nemini dubium fuit, quin Petrus Alcyonius, cui Moniales Medico suo tractandæ Monasterii Bibliotheca potestatem fecerant, homo improbus furto averterit. Et sane in ejus opusculo de Exilio, adpersa nonnulla deprehenduntur, quæ non olere Alcyonium autorem, sed præstantiorem artificem videantur. His accedit, ut solet, Jovius Elogior. p. m. 267. & aliæ plures. At defendit eum, & ab hac contumelia purgavit laudatissimus Menckenius, Rich. Bentleyj Angli celeberrimi nixus testimonio, quem conferre poteris. Ne nimis vero longus in his, quæ jam cuivis nota sunt, videar, meminisse saltem juvabit, Versionum ex Græco in Lat. variarum: Isocratis & Demosthenis, variorum etiam Scriptorum Aristotelis, ita quidem, ut ab Erasmo & aliis non satis abunde potuerit. Videatur Bælius in Lexico Historico Critico Ed. Nov. T. I. p. 152. Pierius Valerianus Ed. Lips. p. 342. & præfatio in primis Menckeniana. Morerius in Lexico Univerf. &c. Pergimus ad alterum

Adria-

Adrianum Albinum.

Parens ille Studiorum atque Doctorum optimus natus est Laubani, oppido Lusatiæ superiõris satis venusto, Anno Christi post Millesimum & quingentesimum, decimotertio, duodecimo Calendarum Novembris. Nomen quidem a Patre Gregorio adeptus fuerat Weisii, id vero nota sub id tempus inter Literatos *κακοζηλία* in Albinum transtulit. Fundamentis studiorum in ludo Patriæ & Svidnizensi, positis, altiora & graviora degustaturus, Poloniæ Civitatem nobilissimam, & Musarum sedem ea tempestate celeberrimam Cracoviam adiit, literis ibidem elegantioribus operam indefesso studio navaturus. His igitur sese abdidit totum, ac præcipue carminibus exquisitius conficiendis studuit, eo quidem successu, ut omnium favorem consecutus, paulo post honores sibi debitos acquisiverit. His autem posthæc laboribus non quidem abdicatis penitus ad tempus tamen sepositis in cognitionem

D 5

Juris

Juris profundiore, vires intendit suas quam etiam non vulgarem brevi temporis decursu est adeptus. Abhinc a Senatu illustri Wratislaviensi ad officium Con-Rectoris in Gymnasio S. Elisabethæ sacro petitus, *Andrea Wincklero*, viro admodum conspicuo operarum Scholasticarum fuit Collega. Muneri huic fidelem sese atque industrium præstitit, omnium favore in se concitato, ita quidem, ut Capitanei urbis, *Johannis Mezeleri* filio, cum Academica aggredieretur studia, vitæ doctrinæque moderator fuerit datus. Eo Vitenbergam in Saxonibus deducto, *Megalandro* illic *Luthero* & *Melanchthoni* ob doctrinam & vitæ probitatem fuit commendatissimus: quorum etiam opera in officina Typographica *Rhauiana* & aliorum, Librorum exprimendorum curam & Correctionem sibi creditam habuit, istoque labore utilissimo non exigua simul studiorum suorum fecit incrementa. Nunquam certe poenuisse cum hujus operæ constat, quin potius incitamenta & adminicula ad
erudi-

eruditionem in foro etiam Theologico perveniendi sibi fuisse ipse tradidit; præcipue cum studiis juridicis non posthabitis simul satisfecerit quam cumulatissime. His laboribus tamen & Civitati ipsi postea valedixit, & in Italiam peregrinatione facta, Mezelero, incertum quo morbo, Bononiæ defuncto; acceptis illic Doctoris Privilegiis & honoribus, per Galliam paravit reditum; atque eo non sine fructu in Germaniam, doctrina instructus multifaria, ex Juris-Consultorum, præcipue Ansovini de Medicis ore hausta, felix faustisque avibus reversus, Lipsiæ docendo mox inclaruit. Factum deinde, ut a Joachimo II. Anno 1543. Francofurtum ad Oderam desideratus fuerit, & Jura summis omnium laudibus docuerit. Ad majora tamen a DEO servatus, paulo post a Marchione Johanne ad Consilarii, & Cancellarii in Nova Marchia munus fuit evectus: Cui magno & honorum & negotiorum officio, quamvis renitens primum per annos complures maxima fide, ac indefessis

defessis viribus præfuit. Quo tempore variis, iisdemque etiam negotiis publicis implicitus, aliquot subiit legationes, ac Principibus & Ferdinando Imperatori Augustissimo, ad Transactionem Passaviensem missus, fuisse dicitur charissimus, ut etiam Elogio splendido, & Nobilitatis honoribus ab eo donaretur. Qualem & Cæsaris Maximiliani II. benevolentiam meruit, ut clementiorem optare sibi vix potuisset. Tandem duplici quidem matrimonio contracto, at nulla prole hærede relicta, obiit. Post fata Mæcenatis Literatorum laude maectatus. E vivis autem excessit A.S.R. 1590. ætatis septuagesimo septimo, inter alia maximum sui desiderium variorum Principum virorum, inprimis *Georgii Friderici* Marchionis Brandenb. reliquit, qui in lectulo Fatali decumbentem invisit, & lacrymis etiam fufis fidum suum ac candidum Albinum, cui similem inter Principes isthæc ætas non conspexisse ferebat, deploravit, hoc ipso amorem, quo profecutus cum fuisset aperte ostendens. Sepultus est
in

in æde sacra Cüstrinensium , monumentumque sibi positum promeruit Encomiis eximium: Quod legere si vis, poteris in Clarissimi Becmanni Notitia Universitatis Francofurtanæ fol. 1707. Ed. p. 187. ex cujus vita Albini excerpta hæc me accepisse , gratus profiteor. Sequuntur.

Bruno & Basilius Ammerbachii Fratres.

Celeberrimus *Autor* des *Versuches zur Einleitung in die Historiam Literariam derer Teutschen* / P. III. c. I. p. 231. tractans de Typographis fama industriæ & Eruditionis claris, aliquot simul inspersos eorum Correctores mihi, quod fateor lubens , suppeditavit. Occurrunt autem inter alios, quos recenset , Typographos, *Johannes Frobenius*: Huic cum aliis in corrigendi opere Johannem & Vitum Ammerbachium dedisse operam clarissimus Autor tradit: Verum, cum quædam circa horum virorum labores mihi venerint in mentem dubia, ea explicanti, ut condonet, mode-

modeste rogo. Fuit Johannes Ammerbachius inter primos, qui artem excudendorum librorum Basileæ exercuit; pater trium filiorum, Bonifacii Juris-Consulti famigeratissimi, Basili & Brunonis, claruitque maxime sub initium Seculi XVI. Vitus vero Ammerbachius patria Vedingensis, in Schola Lutheri & Melanchthonis formatus, Professor postea Ingolstadiensis creatus est, de quo nusquam, tale quid egisse, memini me legisse. Neque etiam Johannes ille, Frobenio libros emendasse mihi videtur: Siquidem prior ætate & tempore Frobenio erat: quin imo constat, rem Typographicam eum jam tractasse, cum Frobenius se illi tradere incepisset. Præterea etiam Frobenium potius Ammerbachio adfuisse in hujusmodi laboribus, exploratum habemus, & jure optimo tuemur. Ea, ut confirmemus, adducenda erunt, quæ in Vita Frobenii, a me, & quidem, ex *Adami vitis Philosophorum* repetentur. Erat Frobenius, inquit ille, ex Hamelburgo Franconix oppido, una cum Adamo Petri,

Petri, ex Langendorf, propinquo loco, Basileam vocatus, ab ipso Johanne de Ammerbach, & Johanne Petri, Typographis Basileensibus; Hisce, cum præclaram operam navarent, postea successerunt, & ad artem illam, ea in urbe, accessionis non parum attulerunt. Quid clarius dici potuerit non video: illud certe mihi vix persuadere possum, Johannem Ammerbachium jam decrepitum & Seniore, Frobenio juniore, imo post fata hujus inclarescenti, corrigendo operam locasse, præcipue cum hunc ab illo emerito, officinam accepisse Beyerlinckius, ut rem abs dubio tradat, in Theatro Vitæ Hum. Tom. VII. L. T. p. 238. ed. Lugd. ap. Huguetanos 1555. fol. Addam, ut major sit fides dictis, & tandem, quinam isti Ammerbachii Correctores fuerint, emineat, alia adhuc verbo laudati Adami, in vita Erasmi obvia, quorum cum singula exscribere noluerim, sententiam tantummodo explicabo. Erasmus nempe officinæ diligentioris Frobenianæ motum, Basileam profectum, præcipue cum audi-

audivisset , Hieronymi opera prela-
lius fatigatura esse , huic operi com-
moda quædam se præstiturum putasse.
Nec vana etiam spe fuisse deceptum ;
siquidem , jampridem Johannes Am-
merbachius, Ambrosii & Augustini li-
bris absolutis, hoc opus fuerat molitus,
conductis hinc inde viris doctissimis ,
in quibus eminent Joh. Reichlinus, &
Johannes Cono , qui ex vetustis Manu-
scriptis , integra Hieronymi restitue-
rent scripta. Verum Ammerbachio
e vivis erepto , opus illud ad Frobenium
est delatum. Id cum audivisset Erasmus
Basileam venit, ac *novo hospiti, statim in-
ades Frobenianas recepto , placuit editio-
nis nitor, sed imprimis Ammerbachiorum
fratrum in castigando sedula diligentia &c.*
Patet sane ex his dictis , Ammerbachios
quidem vacasse apud Frobenium con-
junctis viribus & typis horum operum
castigationibus & emendationibus ;
Eos tamen non fuisse Johannem & Vi-
tum , sed Basilium & Brunonem , Jo-
hannis filios, qui in patris mortui offi-
cina mansisse , & cum ipsi suis sumtibus,
operi

operi satisfacere non potuissent , concedentes Frobenio prela corrigendo , aliisque laboribus adstitisse , credendi sint. Huic vero negotio immortui ne id , quod verisimile videtur , an aliorum devenerint , compertum non habemus. Sufficiat hæc monuisse , circa ea , quæ a laudatissimo *Autore Historiæ Literariæ Germanorum* dicta sunt. Equidem non dubito , quin & suis non destitutus fuerit fundamentis , & assertorum rationibus , quibus etiam expositis , facile me errasse profitebor. Conf. Adami Vitas Philosophorum ed. 1663. Francofurti 8. 92. & 95. His adjungendus venit

Johannes Andrea.

Celebris in primis apud Pontificios & nominis & honoris vir , quem alii appellant , Johannem Andreæ , h. e. Andreæ filium , alii Johannem Andream. Claruit quam maxime , Anno recuperatæ a Christo salutis Nonagesimo supra millesimum & quadringentesimum. Juris Ecclesiastici sacri , ut

E vocant

vocant , itemque Civilis , peritissimus ,
 & , a Nicolai Cusani , Theologi eximii ,
 Decani ad S. Florianum , Archi-Diaco-
 ni Templi Cathedralis Leodinenfis ,
 Protonotarii Apostolici , & tandem
 beneficio Nicolai V. P. R. Cardinalis ti-
 tulo insigniti , familiaritate valde cla-
 rus , ejus quippe fuerat contubernalis ,
 qui amice alius inter se vivere solent.
 Hac igitur ex causa cum istius fortuna,
 suarum quoque rerum feliciora sensit
 incrementa : Nam ad Purpuratum digni-
 tates illo elato , Apostolicæ Bibliothecæ
 Secretarius & ipse creatus fuit , ac tan-
 dem Episcopus , sive ut alii loqui amant ,
 Præsul , & ex mente *Freheri in vita Cu-*
sani , nescio vero , quibus fundamentis ,
 aut quo sensu , Cardinalis , Aleriensis
 evasit. Quæ bene facta noster Andreas
 vix aliter compensare poterat , quam
 ut Nicolaum suum pro rostris publice
 elogiis meritis extolleret. De labori-
 bus vero ejus Typographicis mentio-
 nem fecit *Marvillius in Melanges d'Hi-*
stoire & de Literature Roterodami
 1700. 8. excusis , ubi meminit , quod in
 Conra-

Conradi Schweinheim , & Arnoldi Pannarzii Librariis Tabernis Correctorem agere non fuerit dedignatus. Primi isti erant , ut in præfatione monitum est , qui Romæ excudebant ; & cum Germani essent , utique necesse erat , ut Correctores haberent Eruditos , & quibus lingua Italica vernacula esset. Ipsi enim gente Germani tantam notitiam hujus & aliarum linguarum vix habuisse creduntur , quæ ad libros correctissime edendos desiderabatur. Bene igitur fecit Johannes Andreæ istos juvando viros ; sic enim immortalia suo modo sibi in orbem literatum peperit merita , quæ eo illustria sunt , qua majorem laborem & doctrinam tunc ad hujusmodi operam requisitam fuisse , certi sumus. Obiit tandem septuagenarius fere. Ex operibus , quæ *correx*it eminent *Biblia latina cum opusculo Aristeæ Anno 1471. exc. II. Voll. fol.* cui priori Epistolam præmisit ad Paulum I. Pontificem Rom. scriptam d. 10. Martii 1471. ubi in fine sequentes inveniuntur versus ab eo conscripti :

*Aspicis Illustris Lector quicunque li-
bellos,*

*Si cupis Artificum nomina nosse,
lege.*

*Aspera ridebis cognomina Teutona:
forsan*

*mitiget Ars Musis inscia verba vi-
rum*

*Conradus Siveinheim: Arnoldus Pannaz-
que, Magistri*

Romæ impresserunt talia multa simul.

*Petrus, cum fratre Francisco, Maximus
ambo*

*Huic operi optatam contribuere do-
mum.*

Curavit etiam noster imprimi Livii
Libros Historiæ Rom. ex Manuscripto
Romæ servato Anno 1470. apud eos-
dem Typographicos & pari sua Sedu-
litate ornatos. Ipse vero edidit Com-
mentaria in Librum IV. V. & VI. De-
cretalium, quibus jura Pontificiarum
Regularum continentur, Romæ pri-
mum, deinde Venetiis 1583. edita.
*Scripsit etiam de usu Feudorum. De Ap-
pellationibus: De Sponsalibus & Matri-
monio:*

monio: Additiones ad Guilhelmi Durandæ Speculum Rom: Extat etiam Volumen Epistolarum, quod rarissimum est, ad diversos scriptarum, Venetiis excusum. Videantur Excerpta ex Laudato Marvillio, in denen monatlichen Auszügen von neuen Büchern/ Hanoveræ 8. 1702. in Mart.

Johannes Ludovicus Apin.

Medicus ex ævo recentiori clarissimus, & multis honorandus nominibus. Ille editus est in lucem Oehringæ Francorum oppido, Hohenloicæ ditionis, Anno post Christum natum cdo 1o LXVIII duodecimo Calend. Decembris, Parentes nactus est bonos, & morum æque ac officii sanctitate conspicuos. Pater erat *Johannes Fredericus Apin*, Sacerdos Oehringensis, de Ecclesia puriori istius loci meritissimus. Ab his igitur bonis artibus innutritus & moribus, cum præcoci indole excelleret *Magistro* tandem usus præ Parentem in Schola *Joh. Jacobo Ludovico* Illustris Gymnasii Oehringensis Moderatore.

tore. Postquam vero Parens è vivis his excesserat, laudatus ille Præceptor solus autor suaſorque , ne a studiis retraheretur, fuit, quem mater ejus secuta, filium, editis domi ſpeciminibus egregiis in Academias mittere conſtituit. Altdorſium igitur, nobilem Muſarum eligens, auſpicato petiit. Atque his locis cum in ſtudiis progreſſus facere felices pæne prohiberet res anguſta domi, & quæ a matre vidua ſubinde acceperat, pauca eſſent, ut tantam inopiam, qua premebatur, levarent. *Henrico* igitur *Meyero*, Typographo Altdorſino, pro certo pretio, quæcunque excuderentur, mendis repurgare diutiſſime conſuevit. Eoq; labore nominatim deſunctus eſt in *Lexico Medico Caſtello Brunoniano*, quo tum dicti *Meyeri* fatigabat prela, & aliis pluribus. Nec tamen his negotiis impediri ſe paſſus eſt, quo minus ſtrenue in ſtudiis literarum pergeret; *Roëtenbecci* nempe & *Sturmiæ* Philoſophorum Clariffimorum impriſ amicicia uſus, ex eorum Scholis plurimum profecit. Postquam igitur

in

in Campo Philosophico satis mentem exercuerat, ad Castra Medicorum transiit, Doctoribus *Jacobo Pancratio Brunone & Joh. Maur. Hoffmanno* potissimum operam dedit. Sed ea egestas, qua olim laboraverat, adhuc aderat, quam inde etiam colligere L. B. poterit, quod, cum honores pro Eruditione non vulgari capefferet, prima vice tunica indutus fuerit ex panno confecta, antea vero nonnisi tenuioribus usus est fundamentis, id quod suis ipsum saepius narrasse ex filio, paternarum virtutum herede, cognovi. Patriam posthac repetens, ita Comiti suo probavit doctrinam, ut provinciam ordinariam Medici nullo negotio domi impe- trasset, nisi bello interveniente in Noricas retrogressus terras, ibidem spartam eandem ornandam obtinuisset, honores postquam Doctorales, *disputatione publica de Syncope* praemissa, susceperat: Nam ab Illustri Senatu hujus Reipublicae oppidum Herzbruccense, curae suae commissum accepit. Huic muneri per annos undecim magna laude

& felici successu ita præfuit , ut exteris quoque innotesceret, & *Luca* præcipue *Schroëckio*, Medico Augustano, & Præsidi quondam Collegii Naturæ Curiosorum celeberrimo inprimis charus esset, a quo in Societatem laudatam ultro receptus est , *Nonique cognomentum* (qui floruit Medicus sub Constantino Duca circa annum 959.) inditum gessit. Orbi Erudito suam probavit Experientiam tractatu potissimum emissio *de Febrî Epidemica* Anno 1694. & 1695. in Noricæ ditionis oppido Herzbruccensi, & vicino tractu grassante, qui Anno 1697. Svobaci excusus prostat, & a Celebb. Collectoribus A. E. L. Anno 1697. mens. Januar. p. 25. non sine encomio recensetur, quo etiam Anno noster *Archiatr Principis Solisbacensis* factus erat. Nonagesimo vero nono in Societatem Medicam Noribergæ florentem; Anno vero 1702. Altdorfium, evocatus est, quo posteriori loco Physiologiæ & Chirurgiæ Doctor publicus constitutus est. Quam functionem oratione *de Temperamentis* habita, ala-

cri

cri animo quidem accessit, sed non diu, neque ultra sesqui annum & menses tres in ea administranda desudavit, ad immortalem siquidem vitam acuta febris, catarrhali, ut vocant, d. XX. Octobris correptus Anno 1703. placide obdormivit. Quod ad scripta attinet, præter supra citatam Historicam relationem & aliquot *disputationes de Principio vitali*, quas Altdorfi quinque habuit nihil adhuc nobis innotuit. Paratum verò etiam habet Filius prælo, tractatum *de morbis, quæ dum vixerat curandi ei obtigerunt, eorumque causis & medelis*. Vid. Programma funebre. Superest in Elemento A.

Dionysius Atanagus.

POëta Italiæ Seculi XVI. Clarissimus, ob Eruditionem & ingenii bonitatem, animique dona illustris & propterea suis Civibus, quin & exteris commendatissimus, & ab omnibus, qui literas elegantiores amant, maximo semper habitus in pretio. Id quod maximopere meruit: Erat enim inge-

nio promptissimo, &, quale studia Poëtica postulant, excitatissimo. Non ubiq; tamen fortuna prospera est usus; multum enim diuque in patria versatus, non tamen ad munus aliquod publice gerendum eniti potuit, id quod vel ex obtrektorum malitia, vel quod in reliquis artibus uti in Poëticis non ita excelleret, ortum suum traxisse credidero. Unde vitæ suæ sustentationi ut consuleretur cum non haberet, factum, ut, egestate attritus, aliud quoddam vitæ genus, alimenta sibi quærens, circumspexerit. Pauca enim, imo nulla erant, quæ ipse possidebat; Poëtæ autem, ut qui magis excellunt ingenii, quam iudicii, viribus, rarissime rebus suis solent prospicere, sed sanguineo quam maxime gaudentes temperamento, varia amant studia, computationes, amores, ludos, quibus tamen omnibus non augentur divitiæ, sed dilapidantur, maximo cum dispendio & vitæ & famæ, eorum præcipue, qui ex munere aliquo publico sumtus istos suppeditatos sibi non habent. Pari igitur in miseria
noster

noſter poſitus Atanagus , prelo Typo-
graphorum inſervire cœpit , quem la-
borem, viro erudito haud indignum,
deinceps ita adamavit , ut vix abduci
poſtmodum ab eo potuerit : Conduce-
re enim id videbatur pariter fami de-
pellendæ , & occaſionem largam magis
magisque in Literis proficiendi , ſub-
miniſtrabat. Quibus vero officinis
præſuerit, cognitum & exploratum
nondum habemus, neque etiam con-
ſtat , quot codices a mendis expurga-
verit , quippe ut ſæpius jam monitum
eſt , & impoſterum monebitur, altioris
indaginis eſt , & nonniſi a viro , cui
commercium Literarum cum Italis
Eruditis intercedit , vel paullatim in-
quirendo expectare licebit. Claruit
autem quam maxime Atanagus Anno
1567. & reliquit *opus Poëmatum* Anno
1565. editum, & quod elegantiffimum,
facetiisſque inſperſis lectu jucundiffi-
mum utiliſſimumque vocat *Marcus*
Creſcimbenius, quem vide in Commen-
tario ad Hiſtoriam Poëſeos Italicæ Voll.
II. L. I. p. 252. Nunc progredimur ad
literam B. ubi primus erit *Jodo-*

Jodocus Badius,

AScensius cognominatus: Patriam enim habuit Assenum, urbem quandam minorem Ducatus Brabantiae Anno 1462. Eruditus est in ludo patriae, postea Gandavi expolitus, ac tandem sua perfecit studia Ferrariæ in Italia, ubi sub disciplina *Baptistæ Guarini* maximos in Græcis Literis fecit progressus. Ab hinc igitur onustus omnibus Humanioris Literaturæ scientiis Lugdunum, ipse nunc alios optimas artes educurus pervenit. Neque Spes ejus consilii inanis fuit: Siquidem acceptissimus ob Græcam & Latinam linguas, quas profitebatur, claruitque in ea urbe publicus artium Doctor. At præter hos labores, & alios illic suscepit, minus quidem utiles, suo tamen studio admodum idoneas. *Johannem* nempe *Trechselium Typographum* istius loci non incelebrem, juvabat in rebus Typographicis, præcipue vero in expungendorum mendorum negotio: in quo aliquot annos non sine incrementis & famæ

famæ suæ, & Divitiarum laudati Trech-
feli defudavit. Tandem vero & ipse
hujus artis amore, Eruditus tunc haud
raro, captus, officinam instructurus
Parisiis migravit. Omnibus hic curis
studiisque suo satis fecit desiderio, eo
successu, ut non multo post & ipse no-
minis celebritatem juxta consecutus
fuerit. Namque non nisi optima quæ-
que doctorum virorum scripta eaque
bene & eleganter procudisse fertur.
Quod tamen de plerisque affirmari
possit, de cunctis tamen non ausim as-
severanter defendere: Quidam enim
mihi visi sunt codices ab eo exscripti,
qui, si delectasse oculorum aciem di-
xero, a vero me ipsum aberrare credi-
derim. Edidit vero ut plurimum *Au-
tores*, quos vocant, sive scriptores Clas-
ficos, Eum notis a se adjectis, & recen-
tiorum quorundam opera, ut *Petrar-
chæ, Politiani, Laurentii Valla, Baptiste
Mantuanæ* & aliorum opuscula. Hæc
omnia ipse summo cum studio vidit
reviditque & a suis navis purgata Luci
publicæ exhibuit emendatissima. Tan-

tus ejus de reliquo in studia erat affectus, ut filias suas tres (quæ per errorem in *Dictionary Buddeano* Sorores ejus vocantur) ipse linguam latinam docuerit, in quibus una fuit, quæ Roberto Stephano nupsit : Eademque sine dubio erat, de qua *Henricus Stephanus* filio suo Paulo scripserat : *Avia Tua eorum, quæ latine dicebantur (nisi varius aliquod vocabulum intermisceretur) haud multo difficilior erat Intellectus, quam si dicta Sermonem Gallico fuissent.* Obiit Ascensius tandem Anno 1534. relinquens, uti diximus, *Notas* varias in *Scriptores* nonnullos veteres, sensum *Autorum* exprimentes : *Silvas Morales* : *Librum unum Epigrammatum* : *Naviculam Stultarum mulierum.* *Vitam Thomæ à Kempis*, & alia His dictum *Epitaphium* ejus non nisi unicum adjiciam : *Hac tumultatus Humo, sibi qui, jam fessus ab annis*

Sponte Typographicum congeminavit
onus :

Luci dum libros, libris ferentia lucem

Scripta sui fatus tradidit ingenii.

Quæ digna esse sua nobis est laude fatendum,

Digna suo ut Seclo nemo negare potest.

Vid. Almelooveenius in Vitis Steph. p. 28.
Cl. Buddei Lexicon. p. 261. Maitterii
Histor. Stephanorum. p. 168. Hunc
excipit

Johannes Antonius Bergellanus.

Vir, ut creditur, doctissimus, qui
Seculi XVI. nomins claritatem consecutus,
mihi vero nonnisi ex *Mallinkrotio, de Inventione Typographica Artis,*
cognitus est: Ille enim Basileæ eum vixisse,
& Typographos hujus loci opera sua juvasse,
corrigendo nimirum eorum opera, affirmavit.
Ex qua re non rudem, sed eruditum eum fuisse non sine causa judico;
eo siquidem tempore libri imprimendi ad fidem Manuscriptorum
vetustissimorum restituendi erant, qui vero labor Criticus non
bardum, ut in præfamine jam monui, & impoliturum hominem,
sed doctissimos

mos quosque requirebat viros. Fidem his dictis factururus, accipiat vel unicam plagulam Seculo XII. & seqq. Latino vel Græco idiomate scriptam, & pessime ob abbreviaturas, quibus Monachi compendii gratia nimium quantum indulserant, pictam, investigaturus Scriptoris sensum genuinum, & experiretur, quam sit sudandum, millies abjecturum cum Schedam, credo, priusquam unicæ paginæ sensum habebit verum. Tales vero sub id tempus codices Typographi Basileenses omni labore & sumtu conquirebant, edebantque tanto lubentius Bergellano locum inter Eruditos dare, voluimus. Non sine laudibus igitur ejus meminisse juvabit, utpote cujus fidei & doctrinæ plurima volumina nitide & accurate impressa debere, nos minime dubitamus: quamvis quæ quantaque sint ignoremus. Ceterum extat ejus *Carmen de Chalcographia inventione*, ex quo, quamquam rarissimo, tanquam ex ungue Leonem L. B. cognoscere poterit.

*Johannes Christophorus
Beer.*

Hic DEI beneficio procreatus est Norimbergæ Anno 1638. d. 17. Septembris, *Patre Dominico Beerio* Diacono Seniore, ædis primariæ Laurentio sacratæ. Ab hoc ad meliorem mentem educatus, totusque literis involutus, *Præceptoribus Schroedero, Riednero, Albino &* aliis mirum quantum profecit. Præter hæc Musicam didicit artem, & doctrinas altiores hauriens, *Dilherrum, Wülferian, Martinum Beerium & Arnoldum* audivit, quos tum Norimberga venerabatur Professores. Antequam Academias petebat, Latino & Græco sermone Orationes duas in Auditorio *Ægidiano* recitavit, illa de *Cecropia Arce Atheniensium*, hac de *Fratricidio Caini* disserens. Migravit exinde annos natus XVIII. Altdorfium, ibique Ductoribus usus est *Weinmanno, Reinharto, Dürrio, Felvvingero, Trevvio, Hackspanio & Kœnigio*, viris celeberrimis doctissimisque. Hinc postea non

sine publico diligentiae suae edito specimine discessurus, *de Ministerio Ecclesiastico*, Praeside Dürrio; *De Haereticis* sub regimine Reinharti docte & cum applausu differuit. Nobilem posthac ad Salam Academiam petiit, ubi Musæi, Chemnitii & aliorum doctrinis imbutus longius progressus est. Vivebat tunc temporis celeberrimus Altorfensium Philosophus *Beatus* nunc *Sturmius* in illustri Salana, Philosophorum ordini adjunctus & clarus. Hujus igitur consuetudine sibi conciliata, *de Consequentibus Syllogisticis* publice cum Eruditis conflavit. At casu quodam infelici, maxilla sinistra disrupta, maleque restituta, in patriam rediit, & meliori successu, exemptis ossibus, sanatus privatam egit vitam, & studiorum suorum fructus colligens, multa inter alia Literatorum variorum curricula concinnavit, quæ postea *Theatro Freheriano* inseruit. Illud siquidem opus a *Johanne Hoffmanno*, Bibliopola, Beerio nostro ad revidendum corrigendumque traditum fuerat. Præterea in
Cathe-

Catechismo Ecclesiæ Noricæ cuique lectioni, versiculos summam rei continentes, adjecit, in iis præcipue exemplaribus, quæ sumtibus *Eberhardæ Felseckeri* & posterorum ejusdem prodierunt in lucem. Vitæ sustentandæ interim dum consulturus pueros etiam docuit, privatasque horas, quicquid ad Literarum emolumenta conferre poterat, studiis consecravit. Atque adeo sacra etiam, quibus operam dedit in Academiis, non omnino neglecturus, concionibus habendis haud raro vacavit; unde in Seminarium Candidatorum Theologiæ receptus in adibus Salvatori nostro dicatis, primum ex cathedra concionantium publica ad populum verba fecit, explicandum sibi sumens dictum *Psalmi XL. v. 10.* Qui postea sermo Rotenburgi ad Tubarim Anno 1667. 8. excusus est, cui ipse adjecit *Analysin verborum Pauli I. Cor. XIII. 1--7.* Ibidem etiam locorum Anno 1668. imprimi curavit *explicationem v. 4. & 5. capituli 18. Apocalypsis. Johannis*, adjectis in fine versibus,

F 2

quibus

quibus nomen dederat : Poëtische Gedanken. - Hac occasione *Joh. Ludov. Hartmanni* Superintendentis Rotenburg. amicitiam & patrociniū sibi conciliavit, cujus etiam suāsu Sermo-
nes isti publicabantur. Edendorum vero hæc erat occasio : Accusabatur Frater nostri Wolfgangus Dominicus ab Inspectore Candidatorum de erroribus dogmaticis in iis commissis. Ut se igitur sanos esse monstrarent, omnium iudicio sermones illos exposituri typis sub-
jecere, verum magno exinde contra-
cto odio, alter Solisbacum & in Hol-
landiam, postea Hamburgum abiit,
ibidemque mortuus est, postquam edi-
derat : Zwölff Klagen über das är-
gerliche unchristliche Christenthum /
so von unterschiedlichen Lehrern Sec.
XVII. geführt worden. Ic. Christliche
Gedanken über etliche Sprüche der
Bibel. Noster vero postquam duos
integros annos Rotenburgi moratus
fuerat, Noricam repetiit civitatem, ac
vertendis præterea ex Gallico Italicoq;
idiomatibus in vernaculam nostram in-
cubuit.

cubuit. Juxta hæc Correctorium opus in Typographicis Endterianis ex Felseckerianis suscipiens, multa & præclara in hac functione egit; præcipue vero Libris imprimendis adjecit indices copiosissimos, quibus hodie cum fructu Lectores utuntur insigni. His laboribus vacuavit ad ultima Vitæ tempora, qua fuere Anno 1712. d. 25. Decembris Annorum 24. Dignus de reliquo repertus, cujus imagini æri incisæ sequentia apponerentur verba:

*Inter defunctos pars præterit optima
Vita;*

*Fama proinde Virum viva per ora
volat;*

*Perpetua quoniam scribit dignissima,
vitâ.*

*Dignus, & ipse Viri Vultus in ære
placet.*

Scripta ejus quam plura sunt, qua tamen omnia recensere angustia chartæ non concedit. Numerum eorum Catalogus impressus accurate quidem non recenser, sunt tamen 72. Eminente Dapperi Mesopotamien und Arabien/

ex Belgico in German. fol. Ejusdem Persien und Groß-Mogols Land fol. cum Figg. Beschreibung von Groß-Britannien / cum Fig. 4. Der Durchl. Erb. Herzogen von Oesterreich Leben / Regierung und Groß-Thaten / 4. Fischers Land und Haus- Buch vermehrt / 4. Beschreibung des Königreichs Hungarn / cum Chronico & Continuationibus, 8. Historische Erquick-Stunden / 8. Eichhorn verbesserte geistliche Küst- und Schatz-Kammer / cum Fig. 8. & 12. Die andächtige Jungfer. Der andächtige Handels-Bediente. Leben der Könige in Spanien : Hungarn : Schweden : Dennemarck : Böhmen / 12. Du Val Geographia II. Voll, 12. ex lat. Beschreibung Siebenbürgens : Tyrrols : Des Bayrtischen Craises : Des Schwäbtschen : Des Fränccktschen / 12. Der veruntubigte Edw / Partibus XII. Das allarte Teutschland / P. P. VIII. Memoria Gloriosa Regiæ Stirpis Habsburgicæ. Das neue der Zeit / P. P. VIII. 12. &c. &c. sequitur

Stepha-

Stephanus Bergler.

COrona Transylvanus, vir ut solertissimus, sic longe doctissimus, mediocris fortunæ & conditionis Parentibus procreatus. Ab iis tamen omnistudio & pietate educatus humanioribus disciplinis a puero innutritus est. Paululum tamen, ætate crescente, ad exteros evolaturus, patrias sedes reliquit, Lipsiamque devenit. Hæc, cum maxime, ut omnibus solet, arrideret, ibidem, ut in Celeberrimo Musarum foro, mroari constituit. Mox tamen cum esset curta suppellex foras iterum ire, alio concessurus unde vitam toleraret, necessitatem sibi impositam cernebat. Accepto igitur a Clar. *Th. Fritschio* literis commendatitiis, Amstelodamum migravit, ibidemque vitiis ex codicibus imprimendis tollendis & reliquis studiis operam navavit. In *editione* cum primis ista *Homeri Belgica* multum negotii sibi faciens, & præclare non pauca eliminans, politiusque exornans, quæ in perniciem Editoris, & contemptum

libri intacta alioquin mansissent. Simili labore perfunctus est, cum *Onomasticon Julii Pollucis* impressum fuit, cui editionis pulcherrimæ & nitidissimæ, quatuor addidit Indices plenissimos, curamque correctionis impensissimi operis habuit. Hinc postea migravit Hamburgum, ubi locorum tum in conficienda Bibliotheca Græca gravi perfungebatur opere celeberrimus *Joh. Albert. Fabritius*: Hujus igitur amicitiam maximam expertus, eidem in hoc opere utilissimo socius adjutorque extitit. Quibus rebus feliciter confectis a *Fritschio* repetitus, ut Aristophani typis mandando præsidium ferret, Lipsiam reversus, acceptus gratusque venit. Magno etiam post modum studio, industria, omni doctrina, præsertim Græca excellens literatura, laudatissimis his conatibus adfuit, ut a prelis & negotii gravitate haud fatigatus robustior magis, & doctior factus sit. In vivis superest Patriæ suæ decus in nobili ad Pleissam Musarum sede, & quidem in ædibus Domini *Fritschii*, viri de
Repub-

Republica Literaria mericissimi, & quotidie merentis. Atque in hujus familia degit noster Stephanus vitam suam in abditis & penetralibus ædium partibus altissimis, sui ipsius tamen arbitrio: Cujus rei causam singulare temperamentum viri optimi esse credimus, quæ causa est, quod & consuetudinem aliorum averfatus raro, in Societatibus conspicitur, etiam Eruditorum, quamvis accersitis. Interim tamen, ne sicquidem Rei literariæ ejusque emolumento, studia sua invidiose subtrahit: ut potius hinc inde non paucis ex Eruditorum coetu in perscrutandis Græcorum præcipue monumentis antiquis diligentia sua subveniat. Grave ejusmodi munus suscepit in Manuscripto quodam Codice Homeri ejusque Scholiaste. Posterior enim, quem Celeberrimus Lipsiensium Theologus *Boernerus* inspiciendum mihi tradidit, literis pessime pictis exaratus est, ut exercitatissimo in eo lustrando oculus hæere possit. Cui tamen malo crebro regustatis literis Berglerus medicinam paravit,

F ;

clavem-

clavemque invenit , ita nunc melius procedendum in explanatione mentis istius Scholiastis sit. Factum exinde Spes est, fructus hujus laboris ad alios aliquando etiam redundaturos , siquidem prælo committendum codicem fore , non ex vano rumore nobis persuademus. Qui si prodierit, præcipuas Berglero doctissimo pro hoc labore deberi laudes Doctores, harumque rerum gnari non denegabunt. Animum interim, quem hætenus experti sumus literis inserviendi promptissimum , ut ulterius fervet officiose petimus , viresque divinitus largissime concedendas pie aprecamur.

Arnoldus Bootius.

E Quidem dubitarem virum hunc inter Eruditos Correctores referre , ni Celeberrimus *Ludovicus Capellus* tam strenue & constanter semper id affirmasset. Est quidem fateor cuique de suis rebus testimonium perhibenti fides facienda; verum cum interdum & non raro quidem Eruditi in odiosis
qua-

quædam negare, aut tergiversari soleant, idcirco non video, cur idem in præsentî negotio ab Arnol'do nostro fieri haud potuerit. Utcunque comparatum sit, mendacium certe foedum illud dixerat, quando Capellus tradidit, quod in Typographicis officinis Correctoris muneri studia sua impendisset. Sic enim in *Capult. Vindiciarum sive Apodixeos Apologetica pro Hebræa Veritate* differit: *Mendacium bigeminum est, Namque & illud Grotii opus Annotationum in V. T. in hac urbe excusum, atque ad finem perductum fuit, jam diu antea, quam ego pedem in eam inferrem. Et neque Grotio neque illud mortalium unquam operam meam collocavi in corrigendis mercede erratis Typothetarum. Tametsi enim ingens illa ac crudelissima a feris & sanguinariis Hibernis calamitas, quæ innumeros omnis generis homines, partim omnibus facultatibus momento evertit, mihi quoque haud exiguum damnum dedit, magnam opum mearum partem abstulit. Superfuerant tamen, Deo gratias, quæ mihi meisque honeste sustentandis*
suffi-

sufficerent, ut ad talia parandi victus subsidia recurrendum nequaquam habuerim: Id quod si fuisset factum, minime id mihi probrosum ducerem, & ne dissimulare quidem, multo minus negare vellem. Verum si omnino aliquod hujusmodi ab industria mea praesidium rei familiaris mutuari opus habuisssem, non ad illum sterilem haud minus, quam ignobilem corrigendi libros laborem confugissem potius, quam ad propriam professionem, atque ad Medicinae praxin, quam ante hac Londini & Dublini, magno cum successu utilitatis aque ac honoris plenissimo per Annos XIV. continuos exercueram. Attamen ne ex illa quidem illum magnopere fructum capere studui aut curavi per hos novem quibus hic Parisiis sum. Non quod etiam dedigner hunc, aut quod illis, magnis parvisque opem meam efflagitantibus eam denegare sustineam; Sed quod cupido quietis, otii in bonas literas, praecipueque sacras collocandi me compellit, ut, quantum possum, me ab aliis occupationibus custodiam immunem. Hæc verbosius de se ipse Bootius: Judicet nunc ex his bene-

benevolus Lector , an labor iste in emendandis libris adhibitus viro huic sit adscribendus , nec ne. Ego unicum in eo desidero , quod nimirum corrigendi operam sterilem & ignobilem (id quod tamen minime probrosum ducere velle , si factum esset , paulo ante dixerat) appellare non veritus est. Cuicunque autem animus Arnoldi interdum supercilio aliquo elatus , cognitus est , facile opinari posset , id eo tantum , quicquid dissimulet , negasse Bootium illum a se peractum negotium , quoniam illud haud suæ gravitati , doctrinæque convenire vanissima persuasione sibi imaginatus fuerit. Utut sit , in eo hallucinatum fuisse credo , dum sterilem & ignominiosum vocavit laborem , in quo tamen multi eruditissimi , & doctrina præstantiores Bootio desudarunt. De quo Clarissimus Mettairius in sua *Stephanorum Historia* p. 168. optime scribit : *Non est , quod quemquam pudeat hujus muneris , quo multos , tum illustri loco natos , tum ad amplissimos honores evectus accipimus*

non-

nonnunquam functos fuisse. De cetero floruit Bootius noster An. 1646. natusque est in Belgio, & vel Arnoldus de Boot, vel etiam Bootius scribi voluit. Fratrem habuit *Gerardum* itidem Medicum: de reliquis enim cognatis aliquid addere pretium non est. Quod superest, erat noster, quod nemo negabit, linguarum Lat. & Græc. peritissimus, & Medicus experientissimus, & quidem Pro-Regis, ordinum atque exercituum Hybernæ Archiatri munus obiit, at postea tumultibus bellicis sibi haud amicis in Gallias secessit, ibidemque artem Medicam professus est. Tandem Anno 1650. e vita excessit. Excudi fecit, dum adhuc viveret, præter supra citatum opusculum contra Capellum, *Epitomen Concordantiarum Græcarum Kircheri*: It. *Observationes Medicas de affectibus* ab aliis Doctoribus omis- sis; ut de *Abscessu Hypocraneo*, de *Vomica Hypocranea* nihil dicamus, &c. Lond. ap. Thom. Whitaker & Thom. Neucomb, 1649. 12. recus. cum præfatione *Meibomii* Helmst. 1664. 4. Extat etiam cum *Petri*

Petri Borelli Historiarum & Observationum Medico-Physicarum Centuriis IV. Francofurti & Lipsiæ 1676. 8. Vid. Lindenium Renovatum 4. Norimb. p. 88. adde Crenium in Animadv. Philoll. P. V. p. 102. Claudathoc agmen

Casparus Bruschius.

Vir in eruendis antiquitatum scriniis ut laboriosissimus, sic felicissimus. Susceptus in lucem An. Chr. 1518. d. 19. Augusti Egræ Variscorum, aut si malueris Bohemorum, secundum mentem *Adami, Pantaleonem*, qui Gandavi Flandriæ natum tradidit, confutantis. Majores hujus viri nunquam Bruschiolorum nomine, sed *Peiseros* ajunt dictos. Proavum vero ob pinguedinem ventris German. Vocabulo *Brust* / *Brustum* vocatum, occasionem dedisse, ut ex eo tempore posteris hujus familiæ nomen *Bruschii* adhæserit: Ad nostrum Casparum ut accedamus, ad literarum studia ille natus videbatur, iisque innutritus, ita profecit, ut in Poësi cum primis ex tempore ingenii sui vim & alacritatem

tem sapissime commonstraret. Pro-
 meritam exinde lauream non sine ac-
 clamationibus & plausu Eruditorum
 obtinuit, & succedente tempore opti-
 mus ejus ævi carminum struendorum
 artifex censebatur, mollissimaque Poë-
 matum dulcedine memorabilis. Anno
 ætatis suæ 48. Germania relicta, Italiæ
 terras amœnissimas petiit, sed Alpium
 raro amore captus, diu in istis locis se-
 des habuit fixas. Præcipue Monasteriis
 Lacziensis sive Coxiensis in Tumiliasca
 superioris Rhetiæ, originem & incre-
 menta, ut solebat, conscripturus, ho-
 spitium per aliquod tempus in eo inve-
 nit jucundissimum. Abbatissæ, quæ
 fuerat *Catharina de Marmoribus*, tam ac-
 ceptus hospes, ut sæpius saltationem
 amicam cum ea exercuerit; abiit au-
 tem denique muneribus, monumen-
 tisque Monasterii oneratus Basileam.
 Studio ibidem juvandarum literarum
 captus, non oriatus est, sed desiderio
 suo satisfactorius, confestim *Oporini* of-
 ficinam Typographicam adiit. Habi-
 tabat Vir iste celeberrimus in excelso
 Civi-

Civitatis loco , unde ædes ejus vulgo
 Arx vocabantur, Hanc arcem ingres-
 sus quid a se sperare posset Oporinus,
 Bruschius exposuit. Scriptis igitur,
 agnita viri doctrina, tunc sub prelo su-
 dantibus emendandis præfectus est ,
 quibus magna cum laude & eruditionis
 & patientiæ prospiciens , desideria ac-
 curatissimi Typographi explevit. Ac
 præterquam quod victum & amictum
 Bruschio labor iste afferret, simul con-
 sultum fuit, rei literariæ , cui optimos
 codices hoc modo paravit. Ipse vero
 etiam , ex necessaria attentaque libro-
 rum imprimendorum lectione, Thesau-
 rum doctrinæ suæ non mediocriter au-
 xit. Atque hic non prætermittendum
 duco , quod viro huic aliquando con-
 tigisse Biographi quidem vulgo tra-
 dunt , sed occasionem & miseriæ cau-
 sam reticent. Factum nempe perhi-
 betur , ut laboriosissimus ille vir , pecu-
 niæ pondere pro laboribus factis , ac-
 cepto , novo præterea vestitu compa-
 rato , magnus quasi Apollo in plateis
 ambularet. Omnibus autem e præci-

puis & honoratioribus Civitatis cum
 esse existimantibus , capiteque nudato
 salutantibus , domum reversum pallio-
 lum suum sordidum induisse iterum-
 que in vulgum prodiisse : Nemine eo
 habitu honorem exhibente , iratum ,
 togam novam discerpisse , cultello ,
 improba mancipia , gloriæ & honoris
 humani eam appellitantem. Eandem
 Historiam de Hermanno Buschio , Pro-
 fessore Heidelbergensi, circumferunt li-
 terati. Facile autem cuivis subolebit,
 quod ab uno ex his factum , per erro-
 rem nominis duobus perperam tribui.
 Lubentius quippe a nostro id admissum
 crediderim , quem ob raritatem num-
 morum male vestitum procesisse , &
 non raro aliquantulum desipuisse aliun-
 de constat. Tandemque denique ge-
 nere mortis hoc viro indigno subla-
 tus est , siquidem in silva Rotenbur-
 gum ad Tubar. & Winsheimium inter-
 jacente , quam **Schlingenbachischen**
Wald / vocant, per insidias sine dubio
 in eam pellectus, à nobilibus quibusdam
 misere Anno 1559. peremptus est. Cu-
 jus

ius cædis causam fuisse, quidam opinati sunt, quod scriptum quoddam contra eos se editurum esse imprudens paullo ante comminatus erat Libri, quos emendavit ex Oporiniano Catalogo, qui prostat impressus, cognosci quidem posset, verum cum anni actæ apud Oporinum vitæ non satis accurate constent, & præterea Typographos hic alios simul habuerit Correctores, difficillimum erit, seligere libro, quorum splendor huic vel isti debeat. At quos ipse scripsit nomine tenus indicandi erunt: *Descriptio Montis Pinniferi, Sichelberg / Witteb. 1640. 4. De Laureaco & de Patavio Germ. ac utriusque loci Episcopatibus & Archi-Ep. Basil. 1653. 8. apud Oporin. cui vero scripti occasione a Wolfg. Lazio in Comment. de Republ. Rom. plagii accusatur, qui ex suo tr. de Laureaco Veteri dolo pessimo plurima desumpta esse, perhibuit, de qua re Lambecius legendus erit in Comment. Biblioth. Viennensis Tom. II. c. VIII. p. 638. De Episcopatibus & Archi-Epp. Germaniæ, quod tamen opus imperfe-*

G 2

ctum,

Etum, quippe cujus Tomus non nisi primus excusus est. Basil. it. Norib. fol. 1649. & Solisbaci 1682. 8. *De Monasteriis omnibus Germania Illustribus*, opus nimis concise & breviter exaratum, nec semper, uti nonnulli judicant optimis certæ fidei constructum monumentis, id quod vel unico demonstrabo exemplo Regularium Benedictinorum Weissenoenſium, quorum unum ex Patribus laudati Monasterii conquestum esse meminimus: Nec omnia nec vera satis, Bruschiū, ut de aliis sic & de suo scripsisse Sacratio, quæ qualia sint, nunc non est exponendi locus, extat fol. Basil. 1553. ap. Oporin. continuandum hunc laborem sibi sumferat *Nesselius*, sed, quod ego quidem scio progressus fecit exiguos. Ejus etiam est *Carmen gratulatorium* in Imperatoris *Maximiliani I.* ex terris Hispanorum reditum 4. Manuscr. de quo videatur *Lambecius loco citato* p. 974. Ita ejusdem nomen gerunt: *Elogia de Mulda flumine, & circumjacentibus locis.* Lips. 8. Vid. *Adami in vitis Philosoph.* p. 182. edit. 8. *Buddeus in Lexico Univers.*

Tom.

Tom. I. p. 478. Morerius in Lexico
p. 509.

*Johannes Antonius Cam-
panus.*

Obscurissimis natus initiis ; a matre
liquidem Rustica , opus agreste
tractante, sub dio non procul a Capua
sub lauru in lucem editus est. Hac
nativitate vix melior fuit educatio;
multis enim hinc inde circumseptus
miseriis, in artus & corpus excrevit.
Hoc igitur admodum , ut videbatur,
robusto , pecuariam artem tractare
coactus fuit , quo aliquando Magister
pecudum evadere posset. Verum enim
vero , sicut, quod vulgo dicitur , urit
mature, quod vult urtica fieri, ita inge-
nii in adulescentulo viribus cognitis a
Pastore quodam Animarum in pago
vicino ad servitia sibi præstanda in fa-
mulitium susceptus est. *Paulus Jovius*
vero , ædituo a matre traditum pue-
rum fuisse affirmat, contrarium tamen
Balio statuente. Nos cum posteriore
faciemus, utpote ad erudiendum pue-
rum

rum magis idoneo, in quo tamen ambo conveniunt. Quisquis autem ille fuerit, perspecta sagacitate Campani, bonis omnibus eruditus fuit literis. Major postea ætate atque doctrina viatico instructus, Neapolim discessit, Præceptorem domesticum Nobilium quorundam juvenum acturus, qua occasione accepta, ipse docendo magis magisque perfecit. Interim vero non ignorans, quantum sit, quod nesciamus ex *Laurentii Valla* ore doctrinas porro hausit, ac sedulitate sua industriaque post quinque annorum decursum, ut Perusium ad munus docendi publicum suscipiendum vocaretur, effecit. Inde in Italiam remigrans, orationes quasdam concinnavit elegantes, *Vitum Brati, inclyti Ducis*, stilo terfo admodum ac concinno scriptam continentes. Postea a *Calixto* P. R. in urbium Reginam, Romam puta accersitus, Amanuensis ejusdem fuit; mortuo tamen ipso, spe omni melioris conditionis fere sublata, successorem Pium II. paulatim sibi conciliavit.

Cujus

Cujus favore parato, factum, ut rebus
Oeconomicis Purpurati de Saxo ferrato
propositus fuerit. Tandem denique
Episcopus Colonensis, ac Teramensis,
imo ut *Gesnerus* habet, Aretinus evasit.
Quibus honoribus postmodum acces-
sit officium Archi-Presbyteriatus
ædium Sacrarum S. Eustachii. Sic igitur
sublatus in altum, vah! quanto
deinceps noster lapsu iterum in præ-
ceps ruit: Paulo enim P. R. ex vivis
sublato, Sexto IV. in ejus locum surro-
gato, seditiosi quidam in Provincia,
cujus cura Campano tradita erat, ru-
multus excitabant. Horum Dux &
Autor ille habitus, terris ad ditionem
Romanæ Sedis pertinentibus excedere
jussus est, ita ut nunquam, in gratiam,
quamvis multis interpositis supplicatio-
nibus, redire potuerit. Fata post hæc
cognoscens sua minus fausta, totum
studiis se sacravit. Tandem mortuus
est, Anno æt. 50. Sienæ d. 15. Julii
1477. Sed quo præcipitor? Dicendum
enim erit, quam ob rem Correctori-
bus adjungendus veniat. Testis est

Gabriel Naudæus, & ex eo *Balius*, in libello postea citando hunc in modum differens. Fuit Romæ inter alios Typographos quidam *Udalricus Gallus* in cuius officina Correctorem egit *Joh. Ant. Campanus* qui & illam elegantissimo hoc prædicavit carmine :

Anser Tarpeji custos Jovis, unde quod
alis

Obstreperes, Gallus cecidit, Ultor
adeſt.

Udalricus Gallus, ne quem poſcantur in
uſum,

Edocuit pennis nil opus eſſe Tuis.

Imprimis illa die, quantum vix ſcribitur
anno,

Ingenio haud noceas, omnia vincit
Honor.

Adhæc celeberrimus etiam *Chevalerius* l. citando in memorat; tanta diligentia & alacritate excudiſſe libros Gallum, ut Campano Correctori per ſingulas noctes, ne quidem trium Horarum continua quies conceſſa fuerit. *Michaël Fernus* eadem affirmat in *Prefatione*, quam operibus Campani præmiſerat,

miserat , ne quidem interquiescere af-
fiduis emendationibus potuisse , in-
quiens. Incubuit autem sine dubio
his laboribus noster Calixto P. R. mor-
tuo , cum non quibus se sustentaret,
haberet : Magister enim rerum dome-
sticarum Cardinalis de Saxo ferrato vix
hujusmodi rebus vacare potuisse mihi
videtur. Meruit autem ob hanc sedu-
litatem & doctrinam sequens Epita-
phium ex affectu amicorum prola-
tum :

*Campanus jacet hic humili contextus sub
urna ,*

*Qui vaga dum vixit sidera tran-
siliit.*

*Historicus scripsit : dixit : cecinitque nec
alter*

Philosophus toto clarior in Latio.

*Nihil majus natura tulit , miraculū
cœli*

Hujus in ingenio cuncta stetero viro.

Deserto lugent Parnassi fonte Sorores

*Et tumulus refugas , lucis hic unus
habet.*

Vos quibus ingenium est , en ! quo contendimus omnes ,

Virtutis sola est gloria quæ superest.

Reliquit scripta varia maxime moralia. De fugienda ingratitude ; De dignitate matrimonii : Extat etiam *Oratio Inauguralis officii Perusini : Libri IX. Epistolarum* , quas in Germaniam transtulit *Daumius* , atque cum scriptis *Textoris* exprimi fecit : *L. II. Elegiarum & Epigr.* Epistola Interamnensis de regendo Magistratu ; *Oratio Cinericia Romæ dicta cum præfatione Joh. Costeri* 8. Lovanii 1548. Debetur etiam ei editio *Livii* , quæ ex primis est *Romæ* 1471. & 1472. quam correxit ipse, adjunctus opera *Joh. Andreæ* , de quo antea, apud *Conr. Schweinheim &c.* Opera conjunctim prodire Romæ fol. 1494. studio *Michael. Ferni.* vide *Bælium* in *Lexico* Tom. I. p. 837. *Chevallerium* in tr. Gallice 4. scripto de *Arte Typographica* p. 194. Hunc sequitur

Isaacus Casaubonus,

Vir omni laude major, gente Gallus,
nec stirpe satis splendida oriundus.

Geni-

Genitus siquidem Anno 1559. parentibus egenis admodum, & inferiori conditione hominum positus. Incensus vero a puero discendi cupiditate, superatis omnibus incommodis, ad supremam tandem eruditi ingenii laudem pervenit, ita ut nemo suæ tempestatis, augustiore literaturæ fama præfulserit. Unde etiam officia publica splendida satis non defuere. Mox enim docendo munus in Genevensi urbe ei fuit demandatum, & deinde Henrico IV. Gallorum Regi a Bibliotheca fuit, postquam odia Papicolarum evitaturus, diu istos declinaverat honores. Sic longe multumque in literis proventus, ex mandatis Principum, sub *Examen Baroni Annales* vocavit, quo tamen opere filo quodammodo ducto iterum abstinuit. *Cum Peronio S. J. de Veritate Religionis Pontificiæ* disputatoris contulit Sermones, verum non ea laude discessit, quam sibi Henricus IV. promiserat, titulumque *Pediculosi* (sic venia verbo) reportavit *Grammatici*. Variis postmodum modis ab
hosti-

hostibus suis vexatus, tandem Londinum a Rege Jacobo I. accersitus abiit, ibidemque Consilarii Regii titulum, & stipendium largissimum obtinuit. Atque hic locorum humane admodum Georgium nostrum Calixtum in itinere, quod obiter notamus, excepit, amicitiaeque vineulo sibi cum obstrinxit. Ne vero otio dato vilesceret, de uno Baronium examinandum sibi sumsit, cui tamen operi postea est immortuus. Sic paucis delineato vitae decursu tanti viri, exspectabis sine dubio, Lector Benevole, ut Correctorem Typographicum Causabonum fuisse probemus. Id ergo peracturus, brevissime conjungendum hac in parte eum esse cum Bootio supra memorato dixerim, quoniam neutiquam talia se in Typographiis fecisse negotia falsus est. Imo vero acriter restitit illis, a quibus sibi talia tribui non ignorabat. Scribens in *Exercitatione ad Apparatum in Annales Baronii* ed. Lond. fol. 1614. n. IV. p. 42. *Ego vero, si ita esset, laudè id mihi vertendum contenderem. Nam ex illa domo* (Ste-

(Stephani puto) ceu ex equo, Trojano multos prodiisse excellentes doctrina viros facile possem probare. Sed mentitur Cretenfis, nam ego juventutem meam non in corrigendis chartis Typographicis exegi, sed bonis artibus discendis, & omnis generis autoribus diurna; nocturnaue manu pervolutandis. Quid igitur judicandum! Multi sunt iisdemque viri fide valde digni, qui id constanter affirmant. Casaubono contra idem etiam strenue negante, atque id saltē Isaacum nostrum inficiare dicendum, quod annos juventutis sue in iis consumpsisse rebus Eudæmon & alii perhibere. Verum Autores infra citandi, de ætate Casauboni loquuntur, qua juvenis non amplius appellandus veniebat: Ajunt enim communi consensu, vixisse cum in familia Henrici Stephani cujus filiam Florentiam in matrimonium duxerat, eidemque operam non raro & nonnisi per aliquot annos in emendandis Schedis præstitisse; Id quod eum abnuisse nondum exploratum habui. His paucis addo hujus viri

viri scripta *Exercitationes* ad Cardinalis Baronii Prolegomena, & primum eorum partem Londini 1614. excusam. Sed notum est, nonnisi ad annum trigessimum quintum id opus productum esse, *Samuel* quidem *Basnagius* idem continuavit, sed & hic ad annum 45. delatus, quievit, quoniam multi convolarant in Casaubonum hostes, *Julius Caesar Bulenger*, *Eudemon*, *Heribertus Rosveydus*, *Petrus Lanselius* & alii; Illis obviam Isaacum defensuri iverunt: *Jacobus Capellus* in *Vindiciis Casaubonianis contra Rosveydum* Sedan 1619. impressis. Item *Rich. Montacutius* & *Joh. Prideaux*. Equidem & inter nostros continuatæ sunt *Exercitationes* hæc a *Tribbechorio*, in *dogmatica Baronii inquirente*, quæ prodierunt Kiloni 1666. & Hamburg. 8. 1708. ex ed. Koriholdi, qui & ipse *Disquisitiones Anti-Baronianas* 4. Kiloni 1667. ediderat. Sed non est, cur Casauboniano labori æquiparentur, multoque minus, in hunc locum, ut examinentur convenit: *Scriptis* etiam Casaubonus *Librum de Libertate Eccles.*

Eccles. fol. 4. 1612. Haagæ 1638. & Francof. auctim curante *Græfio*, *Commentarium* in *Historiæ Augustæ Scriptores*: Item in *Persium*: *Diogenem Laërtium*: *Athenæum*: *Theocritum*: *Theophrasti Characteres*: & alia. Sed hæc parum ad nos, conferantur tamen de la Ceille *Histoire de l'Imprimerie* p. 136. *Struvius* in *Introduct.* ad *H. Lit.* cap. V. §. 36. *Teislerius* in *additionibus* ad *Elogia* p. 420. quos citat *Almeloveenius* p. 6. adde *Thom. Crenium* in *Animadversionibus Philoll.* P. V. p. 109. *Clarmund.* P. I. p. 61. P. VIII. p. 87. *Pedem* his missis proferenti occurrit

Petrus Castellanus.

Natus perantiqua ac genere nobili Hauverderiorum familia, multumque naturæ dotibus & meritis in Patriam illustris fuit. Floruit per totum regnum Gallicum Virtutum ac doctrinæ laudibus. Pater nomen *Quintini Castellani* gessit, a quo, matre ex hac vita discedente 12. annorum, uer Divionem Burgundorum ad studia

dia Scholastica tractanda missus est. In his exercitiis ita se gessit, ut Magistris & Condiscipulis suis miraculo similis visus fuerit, ita ut habeant perpetuo, quem laudarent Præceptores & rudioribus præficerent, alii quem imitarentur. Posthæc exterarum terrarum visendarum gratia illinc profectus, & fama nominis magni Erasmi Literatorum Principis, Basileam invitatus, citato itineris cursu eo devectus est. Amicitiam igitur ejusdem, ut sperabat sibi conciliaturus, illico cum eo collocatus, mirum quantum ejus irrepsit animum suppetias ea tempestate ferebat Frobenio Erasmus in Emendationibus quorundam librorum, qui sub prelis sudabant. Par itaque munus, ut subiret, Castellano persuasit ille, Frobenioque eum commendavit, ac amplissimas condiciones non abnuenti impetravit. Fortiter igitur Græcis Latinisque scriptis, restituendis, emendandisque operam suam collocabat, non in umbratili pulvere, sed palæstra ampla se versari persuasissimus. Quid multis juvenis ille
noster

noster æmulatione & cavillationibus
 Erasmi, quod Galli ignorent, quæ Græ-
 ci sciant, incensus, tantum profecit in
 Theologico Literaturæ genere, ac in
 studiis, ut mox Erasmum præcipitan-
 ter non raro agentem commentantem
 ac vertentem correxerit, & in quo erra-
 verat, demonstravit; nec male id Era-
 smo ferente, quin mirante potius Castel-
 lani studium ac fervorem, omnibusque
 modis promovente. Postquam igitur
 aliquot annos huic officio Correcto-
 ris nempe se tradiderat, ad patrios ite-
 rum Lares recessit, ibidemque nobi-
 lium quorundam Juvenum moderator
 studiorum ac morum constitutus est.
 Quo itinere suscepto, blanditiis puellæ
 cujusdam, ut videri volebat, pudicissi-
 mæ victo, mirum omnibus tanto huic
 viro accidit; Nam gravidâ ab eo, amo-
 ris veneri alia hoste, factâ, post an-
 num præterlapsum conscientia mor-
 sibus ductus, in matrimonium, nescien-
 tibus cunctis, quid contigerit, tanquam
 virginem illibatæ pudicitia, recepit. His
 ita factis, cum Legato Regis Gallia Ro-
 mani

man & Venetias inque Cyprum etiam abiit, litterasque ibidem accepto annuo 200. Imperialium stipendio, docuit. Hincin Ægyptum penetrans, Constantinopolin demum delatus, aliquot menses, & duos præcipue etiam Hierosolymæ vixit. Tandem in patrium domicilium, quod hucusque deseruerat, remigravit, incrementa fortunæ suæ domi firmaturus, aucturusque. Id quod feliciter factum: In aula enim, Francisci I. favorem ita sibi conciliavit, ut (*Gallandi* verbis utor) prandenti Regi solus fere semper adstiterit, percontantique de variis rebus responsa ut docta, sic pia, dediderit. Conjecere adeo, his ita se habentibus, omnes aulici defixos in eum oculos, ob lenitatem vocis, ingenium summum, vultusque & gestuum compositum decus, sermonis elegantiam, & gratiam propemodum obstupefacti. Et quod maximum, ita captaverat amorem Regis Castellanus, ut cum cubitum eunte Principe sæpius conferre, necesse habuerit, in quibus audiendis non raro ipse Rex

ob

obdormivit. Docuit etiam Regiam Principem *Margaretham*, atque Regi Spiritum emittenti precibus & solatiis suppeditatis adfuit. Erga quem, ut Pietatem post fata etiam ostenderet, sermone post funera ejus habito, incredibili Eloquentia virtutes, laudesque Principis prædicavit. Excessit posthæc aulicis turbis, at revocatus ab Henrico II. magnique Eleemosynarii officio præfectus, & amore Regis adjutus, Pietate firmatus, omnes Regni terminos circumibat, visitans turbam sacerdotum. Qua facta potestate expulit alios, alios vero melioris commatis retinuit; Tanta quidem solertia, ut cum Abbatissa quædam, quam ab Impietate retrahere laborabat, duos integros consumeret annos. Tantus de reliquo in docendo fervor eum tenuit, ut non raro ipse Lacrymas inter perorandum profuderit, verum etiam & alios ad paria doloris signa exhibenda coëgerit. Atque inde etiam sine dubio factum, ut cum Aureliis aliquando acriter nimis differeret, Apoplexia correptus, perbre-

vi tempore interjecto ex hac vita migraverit. Ex antiqua sine dubio Typographici laboris procuratione fuit, quod Stephanorum Typographorum Patronus optimus ac maximus, quos alebat, fovebat, & contra clericorum demeritiam tuebatur, extitit. Quamquam & Mæcenas omnium Eruditorum audiat, quem animum præcipue demonstravit, dum Regi de Collegio Eruditorum Luteciis instaurando suasor autorque erat. Scripta vel nulla, vel quæ sunt exigui momenti, reliquit. Tribuitur ei *Epistola* a Erancisco I. emissâ, quæ in Carolum V. invectiva est, inque lucem prodiit 1543. Distinguendus demum est a *Petro Castellano* Prof. Græcæ literaturæ in Academia Lipsiensi, qui Anno 1558. vitas Illustrum Medicorum edidit, aliisque, qui prænominibus a nostro facillime discernuntur. De hoc videatur Bælius in Diction. qui ex Gallando, ut ego ex Bælio, sua desumerat: addi & poterit Pauli Colomesii Gallia orientalis ex editione Fabritii, in Quarto; Hamburgi. 1709. p. 12.

Frideri-

Fridericus Albertus Christiani.

Patre Matreque Judæis oriundus, & Prostitiæ in Moravia natus, illo Mose, hac Sara dictis. Ab his Parentibus suis noster ut genitus natusque, sic in superstitione etiam educatus fuit, atque omnibus Judæorum ceremoniis innutritus est. Circumciscus, Baruchi nomen in sacris hisce Initiationis suæ gentis accepit. Postea a teneris ab ipso Patre, Hebrææ linguæ & Talmudicarum doctrinarum peritissimo, fideliter admodum in Rabbinorum scriptis versandis edoctus, ita profecit, ut postmodum ad viscera Eruditionis Talmudicæ scrutanda, eruendaque, Posnonium Polonorum missus fuerit, ita quidem, ut cum discederet, Biblia in fontibus cum Commentariis Doctorum expedite legere & interpretari potuerit. Puerilibus igitur annis ibidem transactis, anno ætatis decimo sexto ad paternos reversus lares, per biennium in familia Parentum degit, usque dum Bruchsalium urbem ad flumen Rheni sitam Præcentorem (Chassan vocant) acturus e patria abiit. Sin-

gulari igitur Sapientia & bonitate divina factum, ut Anno 1666. rumor de Messia, qui subito adventaverat, iterumque mox evanuerat, sparsus fuerit. Hac occasione delusus cum aliis noster Baruchus, primum subinde cespitando, aut fluctuando dubitare de salute sua, & religione vera cœpit. Scrutatus igitur Scripturas ex Malach. III. 1. Jerem. XXIII. 6. Ps. CX. toto Es. LIII. 11. Hos. XIII. 14. Mich. V. 2. &c. luculam quandam conspici cœpit, quam securus postmodum ad Lucem Evangelii de Jesu Christo Dei gratia perductus est. Vivebat vero ea tempestate in cohorte Papicolarum, & horum præpostero cultu Sanctorum atque reliquiarum, quem dæmone pejus & angue fugere solent Judæi, fere a conatibus deterritus, & prope factum, ut a laudabili studio, in quo Spiritu S. manducente magis magisque progressus erat, Satanæ insidiis retractus fuisset. Vacillans igitur fide, Tonforis tandem alicujus industria, Pietate ac doctrinis in viam reductus, majori animi alacritate, spirituque ferventi

venti opus Dei tractare incepit. Atque sic ab aliis accepto codice Novi tæderis, eoque diligenter perlustrato, commotus animo in eo fere statu positus, quo illi Hierosolymis Actor. II. dixerant: *Τι ποιήσαμεν ἄνδρες ἀδελφοί*; Lumen veritatis illucescens, sentiebat, nec tamen, quo se verteret, habebat. Tandem simulando se Musarum quoq; filium Argentoratum profectus est. Audito ibidem sermone ex suggestu sacro a *Friderico Salzmanno*, quo Psalmum centesimum explanabat, confirmatus in bono instituto *Sebastianum* conveniebat *Schmidium*. Ab hoc, ut sincere neque more recepto Sociorum ageret, admonitus, curæ *Dan. Rauchii* Diaconi ad D. Petri commissus est. Heic fundamentis doctrinæ & confessionis nostræ haustis, denique d. 18. Novemb. Anno 1674. sacro baptismatis lavacro accepto, publice Christianam professus est fidem. Atque inde multis comparatis beneficiis, in alias migravit terras, Lipsiamque devectus, docuit ibidem Academiæ Curatorum indultu linguam He-

braicam, ita quidem, ut ab omnibus magni haberetur & amaretur. Atque illic etiam, ut ad scopum propius accedamus nostrum, Typographis operam exhibuit suam, sphalmata in libris, præcipue Hebraico Elemento excudendis corrigendo maxima industria. Eaque laude doctrinæ & sedulitatis ad annum usque 1695. tractatus est. Quo nemine opinante, pecuniæ summa mediocritamen accepta, una cum filia sua evasit, erupit, non sine suspitione cum ea commissi incestus. Utrum hoc factoresiluerit ad Judaismum, hætenus non compertum habemus. Multi sunt, qui id credunt, Hamburgum nempe venisse & in alias etiam ab hinc migrasse terras. Nos vero, quæ optima sperat, charitate nifus, meliora. Edidit de reliquo Abarbanelis Commentar. in Prophetas V. priores Lipsi. 1686. fol. cui & המורה נחלקות hoc est, præfationem Correctoris, variasque subinde observationes adjecit, cum Indice subjecto. *Augustus Pfeifferus in Præloquio hunc in modum de eo disserit: Ceterum non fraudan-*

*fraudandus est sua laude eximius Dominus
Frider. Albertus Christiani, Vir in hac
Palestra exercitatissimus. Is enim Cor-
rectioni præsuit, textum distinxit, ci-
tationes incredibili studio investigavit.
Cui adeo benevolus Lector acceptum feret,
quod nova editione commode, & citra la-
borem, uti fruique possit. Et dolendum
omnino, quod res accisior non sinat emer-
gere virum optimum, qui quid in aliis
prestare queat, vel in hoc opere ostendit,
unde omnium bonorum favore, & Patro-
norum beneficentia imposterum dignissi-
mus erit. Præter ea, quæ in hoc opere
fecit, ea & præstitit in aliis eodem stu-
dio, eodemque successu; Epistolam
enim Pauli ad Hebr. in Hebraicum trans-
tulit idioma, ut usui Judæorum inser-
vire magis possit. Habemus præter-
ea Dialogum Rabbiorum de ludis, in
German. linguam accuratissime trans-
latum. Emisit etiam M. Christian. Rei-
neccius, tamen ab eo conscriptum,
der Juden = Glaub und Aberglaub
Lips. 1705. Oct. ex cujus præfatione
& ipsius Christiani annexa narratione*

pleraque me defumfisse, Lector facile subolebit. Sequitur nunc

Johannes Cono.

HUnc per errorem Clarissimus *Reimannus* vocat: *Einen gelehrten Oestrreicher* / quo jure id fecerit, nescio, injuria autem virum sedulum id scripsisse sum persuasissimus. Certo enim compertum habeo, ex fontibus infra citandis, Norimbergam ad cives suos hunc virum posse referre. Susceptus autem est in hunc Mundum Sec. XV. Anno 1463. Studiis se tradidit non invitus, unde non parum in illis processit, ingeniique bonitate multa præclara consecutus est. Sed Deo simul se totum consecraturus in Cœnobium, more istorum temporum, sese abdidit, ac Dominicanorum ordini adscriptus est. Paduam autem ad promovenda sua studia aptam idoneamque ratus, illico isthuc profectus, *Marcum Musurum* & *Scipianem Cartheromachum* viros eo ævo fama nominis & doctrinæ maxime conspicuos, audivit, melior inde doctior-
que

que indies evasit. Græcam autem præfertim Literaturam ita adamavit, ut ad summa culmina istius linguæ procedens, mirum quantum in ea cognoscenda effecerit. Horum suorum autem laborum fructus capeffendi mox occasio fuit subministrata. *Johannes enim Ammerbachius* S. Hieronymi Scripta typis suis evulgaturus erat. Hæc igitur ut correctiora, & emendatiora, ex Manuscriptis siquidem male pictis deprompta, prodirent, vir iste laboriosissimos eos circumspexit, quos sibi in hoc negotio quam maxime idoneos & necessarios fore, bene noverat. Forte fortuna Padua *Cono* hic Basileam delatus erat, cui mercede conducto, & in ædes suas recepto curam librorum edendorum *Ammerbachius* commisit. Nec defuit invitatus, quin potius omni studio & conatu fidei suæ commissa perfecit. Maxima certe cum laude *Erasmus* hujus viri meminit in vita ejus apud *Batesium* p. 202. *Pridem*, scribens, *Johannes Ammerbachius*, totum se comparaverat ad castigationem Voluminum Hieronymi; undique

que conquisitis vetustis Exemplaribus, & doctis viris conductis, qui Græcæ dictiones passim restituerent, de quorum numero fuit Johannes Reuchlinus Ictus; qui ex Lexicis vacuas lacunas replere conabatur; Cui successit felicior Castigator Johannes Cono, Norimbergensis, Instituti Dominicani, qui meliorem viam secutus, e vestigiis antiquorum codicum, ea qua vel deerant, vel erant depravata, diligenter reparabat. Idque poterat Homo propemodum Græce quam Latine doctior, versatus nimis in optimis auctoribus aliquot annis, excellentissimorum in Italia Professorum Musuri & Scipionis, atque Joh. Cretenensis minime pœnitendus auditor. Præter hæc etiam scripta quædam Gregorii Nazianzeni & Nysseni Gregorii item Magni ex fontibus suis in Latium transtulit. Erasmo etiam in imprimendo Novo Testamento multum utilitatis præstitit. Quod vero tempus ab his laboribus relictum ei erat, illud, (ut Johannes Sturmius testatur) ad id impendebat, ut Bonifacium Ammerbachium & B. Rhenanum pueros adhuc scientiis augeret, cujus laboris

ris etiam in iis non poenitendos expertus est fructus : Ambo siquidem omnibus artibus instructi perpolitique claritatem & famam nominis sunt consecuti amplissimam. Tandem noster *Cono* non admodum longe provectus annis excessit è vivis d. 13. Febr. An. Chr. 1513. Quo facto Rhenanus Pietatem suam in defunctum testaturus, Epitaphium Præceptori suo posuit:

ΤΟΤΣ. ΑΓΑΔΟΥΣ. ΚΑΙ. ΘΑΝΟΝ-
ΤΑΣ, ΕΤΕΡΓΕΤΕΙΝ. ΔΕΙ.

D. O. M. Sacrum.

A Sta Viator, si non molestum est legere. *Fr. Johanni Cononi*, Norimbergensi, Theologo, Græcæ linguæ callentissimo, singularique per omnem Vitam pietate prædico, qui spe juvandi meliores literas, ob immaturam mortem non nihil frustratus: *Beatus Rhenanus* Pietatis ergo Præceptori, B. M. de suo fecit. Vixit annos L. obiit Anno D. MDXIII. nono kal. Martias.

Vale & abi in rem Tuam.

Vid. Adami in Vita B. Rhenani. Urstius in Chronico Basil, ejusque Epitome.

me. p. 194. Le Grand Dictionaire Historiques fol. 1694. Tom. I. p. 239. & Omeisius in Diss. quibus immortuus est, de Claris Norimbergensibus. p. 23.

Milesius Coverdale.

ANglus gente, Eboraci honestis Parentibus genitus, honeste etiam educatus, & literis sacris præcipue, ab incunabilis fere imbutus, ad Episcopatum Excestriensem denique post alia officia minora evectus est. Sed incidit bonus ille vir in turbulenta Angliæ tempora, ut sæpius esse solent in eo regno, quibus *Henricus Octavus*, ob recusatam libertatem divortii a Pontifice, Reformationem in terris suis meditabatur. Reperti etiam non pauci, qui ex Doctoribus consilium isthoc adjuvarent; multos tamen etiam habuit, qui contradicerent, & adversarentur. Mortuo *Henrico* filius sceptrum gerenda suscipiebat *Eduardus VI.* dictus, incepta Patris persecuturus; qui vero postquam VI. regnaverat annos non sine suspitione veneni, diem suum obiit supremum.

Soror

Soror igitur major natu, regium adscendebat solium, timentibus ac trepidantibus omnibus, qui purioris doctrinæ incrementa promovere studebant. *Cranmerus* præcipue, *Petrus Martyr* alia multa mala ex hujus Reginæ Imperio vaticinabantur: Id quod factum; *Maria* enim Pontificia sacra per totum Regnum reductura, magna vi & crudelitate id effectum dare conabatur. Quibus rebus factum, ut alii docentium intra Regnum, manerent, & vitæ periculum subire haud abnuerent, in quibus *Cranmerus* Anno 1555. & alii flammis sublatis vitam amiserunt: alii vero fuga salutem sibi quæsituri, ex his malis, ut rubecula cito transitura, evaserunt. Donec mortua *Maria*, ab *Elisabetha* revocati in pace vitam domi exigere liceret. In his igitur & *Coverdallus* noster fuit, equidem jam sub *Henrico* apud externos vivebat. Cum enim *Wilhelmus Tyndallus*, annuente Rege & operam ferentibus *Joyo* & *Constantino*, Novum Testamentum Nostri Salvatoris, ad facilitandum Reformationis negotium

gotium in vernaculam suam transtulisset, & Hamburgi vel Antvverpiæ excudi curasset, *Wolfei* & aliorum Episcoporum Pontificiorum machinationibus factum, ut prohiberetur mandato Regis, ne promercialis fieret ille codex in Regno Angliæ. Quin etiam exemplaria omnia, quotquot obtineri potuerant igne sunt consumta. Verum An. 1530. *Tyndallus* hanc suam interpretationem emendatam denuo typis mandavit, inque Angliam, ut divulgarentur misit patri suo & *Patmore* Mercatori cuidam. Verum enim vero recognita & Episcopo Londinensi significata, grandi poena isti affecti, & ignominiosa; schedis quippe multis amicti & inversa facie equis impositi, exempla universa, quæ inveniebantur, in rogam, quem in foro publico, struxerant, projicere coacti sunt. Atque hoc animadversionis genus postea *Tyndallus* etiam subiit Anno 1535. quo & ipse in vincula conjectus igne combustus est. Hoc facto alius quidam *Joh. Roger* sub *Thoma Mathæi* nomine latitans denuo recudifecit per Graff-

Grafftonum codicem sacrum , idque approbante Rege , verum ut eo tutius id negotium posset tractari , aliam editionem quidam purioris doctrinæ viri meditati sunt. Concessione igitur a Rege Galliæ impetrata, ut Parisiis id fieret, *Milesius* noster *Coverdale* in Galliam transiit , atque omnia direxit , ita quidem, ut totius operis Correctionem & emendationem suscepit. Verum postquam *Matthæus Orus* Generalis Inquisitor comperisset, opus prohibitum , & paginæ omnes, quæ jam impressæ erant, Vulcano sacratæ sunt. *Coverdalius* Corrector operis cum Typographo aufugit, & officinam omnem cum toto apparatu, Londinum postea deductum, reliquit. Attamen in Anglia denique idem opus absolutum est Anno 1535. fol. & vocatum Biblia Tyndaliano - Coverdaliana. Non solum autem in hoc opere, verum & in nonnullis aliis postea ita se gessit, ut ad Eruditos Correctores referri meruerit : Exul enim hinc inde vagabatur; Ex Anglia quippe denuo *Maria* Pontificiorum sacra in re-

gno restaurantem fugam abierat, & cum
 eo *William Wittingam*, *Andr. Gilbus*,
Thom. Sampson, *Guilh. Cole* & *Christ. Goodman*,
 quorum alii Francofurti, alii Gene-
 vae vitam trahebant, usque dum, *Elisa-
 betha* Thronum occupante, restituti re-
 bus suis fuerunt. *Coverdale* interim non
 quievit, sed varias Bibliorum Anglico
 idiomate procuravit editiones; Anno
 1550. Quarto Londini per *Rich. Graff-
 ton*. it. 1553. fol. ibid. Itemque novam
 omnino versionem adjuvantibus Sociis
 jam nominatis ex fonte Hebræo & Græ-
 co concinnatam cum annotationibus
 marginalibus & Epistola præmissa ad
Elisabetham Reginam prælo submisit
 Anno 1561. fol. & Quarto. Novi Testa-
 menti, succedente Anno 1562. Ve-
 teri Genevæ, cui operi totum infusum
 est biennium, & in quo corrigendo,
 ut in aliis libris Anglico sermone Gene-
 vae excusis, admodum *Coverdalius* noster
 sudavit. Vid. Bibliothecam Bœrnerio-
 Longianam pag. 322. & A. E. L. Anno
 1694. p. 315. seqq. ubi & excerpta ex *Joh.
 Strype* Art. Mag. Historia Thom. Cran-
 meri

meri Archi Ep. Cantuariensis conspiciuntur.

Casparus Cruciger.

Natus Lipsiæ Anno 1504. d. 1. Januarii. In juventute pie a Patre & aliis Magistris institutus, gnaviter & meditabundus omnia gessit. Bonus proinde discipulus optimi Mosellani fuit, & æquales fere omnes sedulitate & profectibus anteivit. Exorta Evangelii luce & morbo Lipsiam infestante in vicinam Musarum Sedem Wittenbergam profectus est. Hic brevi tantum in Jurisprudentiæ sacræ studio profecit, ut mox linguarum cognitione imbutus, Magdeburgum ad regendam ibidem Scholam publicam obierit. Hic in ludo Johannitano, & æde divi Stephani, tanta cum doctrinæ existimatione docuit, ut etiam provectioris ætatis homines, imo & Clerici nonnulli eum convenerint, ita quidem, ut Conclavia numerum audientium non caperent, & coetus in ædes, Augustino dicatas, deducendus fuerit. Anno vero 1527. de-

nuo Wittenbergam, expetitus quidem, migravit, ibidemque Interpretationibus Bibliorum, & concionibus in templo, ad arcem sito, vacavit: Præterea in Castra Medicorum delatus, non ut transfuga, sed ut explorator, si cum Seneca loqui licet, herbas et frutices nosse didicit, tanta ejus erat in discendo aviditas. In primis vero magno nostro *Luthero* adjutor fuit in translationibus S. codicis, paresque labores cum *Melanchthone*, *Forstero*, & *M. Auro Gallo* subeundo, & præterea mendarum a prelo commissarum rationem habendo, una cum *Georgio Rorario* & *Christoph. Walthero*, de quibus postea dicendi locuserit, strenue elaboravit. Quorum posterior affirmat verbis in præfatione ad librum in ejus vita citandum disertis, per viginti annos primum quidem cum *Crucigero* & *Rorario* in Typographiis se vixisse, & sphalmata ex libris expunxisse. Paria affirmat manus Anonymi cujusdam in fronte *Postillæ Ecclesiasticæ B. Lutheri*, editionis A. 1530. eodem seculo scripta, conspicienda, quæ *Crucigerum* summum

mun officinarum Librariarum Corre-
ctorem vocat, eumque vi sui officii in
laudata Postilla A. 1544. edita, quædam
immutasse meminit. Facta autem est
illa immutatio in verbis de Judæorum
conversione speranda, imo jam instan-
te, quum in primis Postillæ hujus editio-
nibus se sperare clarissimis verbis innu-
erat noster Megalander, inde etiam a B.
Spenero, ut testis veritatis hujus citan-
dus. Postquam vero cognita Judæorum
impietate Lutherus de gravitate loci
Paulini Rom. XI. conquestus, dubitare
de salute communi Judæorum cœperat,
imo in libello, Schemhamphoras dicto,
plane illam abnuerat, non poterat non
optimus Cruciger mutata sententia mu-
tare & ipsa verba: unde posteriores edi-
tiones Librorum Lutheri meliores cen-
sendos, & conciliationes locorum, quæ
interdum inter se pugnare videntur,
instituendas esse, eruditi statuere cœpe-
runt. Sed dum recurrimus ad *Cruci-*
gerum nostrum ad hoc quidem facien-
dum opus ille maxime idoneus videba-
tur, propter ταχυγραφίαν, quam in pri-

mis callebat, unde etiam facile promittitudo ejus in aliis hujuscemodi negotiis intelligi poterit. Certe usurpari de eo *Adami* in Vita ejus posse credidit, *Martialis* effatum:

Currant verba licet, manus est velocior illis

Nondum lingua suum dextra peregit opus.

Ob eamque adeo in scribendo alacritatem putaverim ego, Notarii manus in Colloquio Wormatiensi percelebri religionis causa instituto, ei fuisse delatum, ubi etiam incredibili pennæ volubilitate notavit cuncta, imo sæpe *Philippum*, si quæ omiserat, commonefecit optimo conatu, ut *Gravellanus* Præses disputationis de eo diceret: *Lutheranos scribam habere omnibus Pontificiis doctiorem.* Excepit etiam calamo enarrationes & conciones permultas a *Megalandro* nostro recitatas, postmodum eodem ordine numero verborum & phrasium constructione repetendas & illustrandas; Cujus laboris fidem non solum *Luthero*, verum ipsi etiam *Rorazio*, a quo interdum

ardum adjuvabatur, reapse fecit, si opus esset. Postmodum etiam tempus quoddam Mathematicis consecravit artibus, quarum eam consecutus peritiam, ut Instrumentis a semetipso fabre factis, varia notatu digna præstiterit. Atque ita inter rumores Belli Germaniæ crudelissimi, sibi Musisq; vivens, placidam, sed variis morbis expositam, vitam egit. Tandem laboribus & lucubrationibus exhaustus An. 1548., cum Rectoratum gereret, infirmiori uti cœpit valetudine: Eoque tempore nihil fere ex eo auditum ferunt, nisi hæc paucula, sed magni ponderis, verba:

Omnia prætereunt, præter amare Deum.
 Ut invalescente morbo præsentiscens, sibi ex vita migrandum esse, de omnibus doctrinæ partibus, de miranda Ecclesiæ gubernatione, de Immortalitate & aliis cum suis collocutus, manibus complicatis, inter vota adstantium exspiraverit, aliis narratum est. Utrum, posteaquam chasma in coelo conspectum fuisset, hoc prodigio Cruciger motus varia in orbe futura prædixerit, quæ Sacra miserum-

que Ecclesiæ statum respiciebant, aliis relinquo judicandum. Factum illud est An. 1548. d. 16. Nov. Filium reliquit non bene omnibus audientem, ad Castra *Crypto-Calvinorum* Saxoniorum transfugam, & propterea Wittenberga tandem excedere jussum, de qua Historia Form. Conc. frequens mentio apud *Hutterum* aliosq; occurret. Cujus non refricanda hic fuisset memoria, nisi primū eundem Correctoris munere functum esse, & mihi persuasum fuisset. Quod cum certo comperire nondum potuerimus industriis Historiæ superiorum seculorum scrutatoribus investigandum commendamus, hætenus in Patre subsistimus; cujus etiam scripta meliori sunt in pretio apud Eruditos: Sunt: Commentarii in Evang. *Johannis*. In Epistolam *Pauli ad Timoth. I.* In Psalmos *Davidis*: Enarrationes in duos Articulos symboli. *Nicæni &c.* Orationem de eo habuit *Erasmus Reinholdus*, quæ extat Tom. III. orationum *Melanchthonis*, ex qua *Adami* sua hausisse dicit, ut nos in multis vitula ejus arasse fatemur, collatis

tis tamen Consiliis Wittenbergensibus
 Francofurti fol. excusis Tom. I. p. 9. seqq.
 & *Mayero* de versionibus Bibliorum *Luth-
 eri* diss. cap. IV. Huic adjungendus
 venit recentior

Thomas Crenius.

Diu incertus eram, quid agerem,
 huc ne referrem, an auferrem, *Cren-
 nium* e numero Correctorum Erudito-
 rum. Fundamento enim nitebar im-
 presso quidem typis, sed ob partium
 studium & affectum auctoris admodum
 suspecto. Prodiit nempe Epistola qua-
 dam Amstelodami ipsis Kalend. Aprilis
 An. 1706. scripta & excusa, autore Seve-
 rino a Clamoribus ad Amicum quen-
 dam Baronem, de studiis, vita & mori-
 bus *Crenii* latina. In his plagulis misere
 tractatur Vir laboriosissimus, ut libel-
 lum in famam aliorum iniquiorem eo
 uno, si falsa sunt, quæ illic habentur ex-
 cepto, vix legerim. Ignorantem enim
 & omnis solidæ Eruditionis plane ru-
 dem homuncionem appellat auctor ma-
 ledicentissimus, & qui solus sapere ve-

lit, describit : Et quæ sunt multa alia, quæ quandoquidem verane sint an falsa ignoramus, & in viri hujus contumeli-
am hic repetere nolumus. Scimus, non omnes judicare Eruditos de *Crenio*, ut ille *Severus Severinus* a Clamoribus de moribus, studiis & scriptis ejus clamare audacter non est verecundatus. Ut ut sit, nobis id unum prætermittendum haud erit, quod inter alia eidem objecit : *Cum non habuisset, quæ suo uxorisque latrantibus objiceret stomachis, inopia sua consulturus Correctoris manus apud Leer-
sum obiisse, librosq; deinde scriptitasse, & quæ sunt hujusmodi similia.* Hujus igitur testis, tanquam firmo stare calo non ausus sum, donec ex amico quodam cognovi, qui ex istis terris ad nos venerat, non omnino falsa esse, quæ ille hac in parte scripserit, sed *Crenium* utiq; hos diu peregisse labores ; illud vero, utrum factum sit paupertatis sublevandæ gratia vel studio juvandarum literarum, juxta cum amico illo me ignorare profiteor, quamquam magis illud vero simile mihi videatur. De reliquis idem interro-
gatus,

gatus, vel filebat, vel meliora docebat. Concedet itaque clarissimus *Crenius*, si suo nomine percelebri numerum Correctorum illustriorem reddidimus. Non est, cur eum pudeat hujus operæ, juxta quam & adhuc amat studia, promoveretque ea variis modis haud ignobilibus, & labores exantlavit, quorum Literatissimos olim viros non poenituit. Multoque adeo minus laudi & æstimationi ejus detrahetur, quin potius in majus excrescet, & emerget, si reapse refellet. *Severinum* illum iniquissimum, qui superciliosum & sublatis animi esse scripserat, dum inferiora ad juvandas literas conducibilia negotia tractasse non erubuit. Quod superest de Patria, Germaniam ne & Lüneburgicum agrum, si ve quod *Schulzius* verosimillime affirmat, Marchicum eum genuisse hætenus a multis dubitatum est. *Carolus Arndtius* in Bibliotheca Politico-Heraldica Hungarum appellat, cum quo consentit Clar. Struvius in præfatione in libellum Guarini de ordine docendi & studendi, qui vero a laudato *Schulzio* tr. de Claris

Mar-

Marchicis p. 36. refellit ac Marchiam patriam habuisse ex Dedicatione Exercitiorum sacrorum MDCCV. 8. Lips. editorum, item ex Dedicatione Partis XIV. Animadv. Philol. multis cum viri Encomiis evincere contendit. Reliqua quæ fuerint *Crenii* doctissimi, nostris Germanis forte magis quam Belgis æstimati, fata transigant, quibus otium est, & certiora innotuerunt. Scripta vero idem *Schulzius* enarrat, quæ tamen repetuntur ab Autore, des ausführlichen Berichts von neuen Büchern und andern Dingen Francofurti & Lips. 8. P. III. p. 299. Ex quibus sequentia eminent: Animadversiones Philologicæ & Historicæ Partibus XVIII. jam constantes. 8. Exercitationes de LL. Scriptorum optimis. Lugd. 8. De furibus Librariis Lugd. Bat. 1705. 8. Exercitia Sacra in priora quædam Musis Lips. Betrachtungen von Seiden Jesu Christi P. III. der anfangs erschrockene / zu sezt aber wohlgemuthete David / 8. 1708. De singularibus Scriptorum. Scripta aliorum, quæ emisit, nunc

nunc non recensebo, utpote multis satis jam cognita & locis citatis recensita, ut sunt : opuscula ad Histor. & Philol. sacram spectantia : Analecta Philol. Critica : Museum Philol. & Histor : Methodi & Consilia studiorum etc. Sicco igitur pede propterandi ad alios ultimus in Elemento C. occurrit

Stephanus Curcellæus

Celeberrimus hic Remonstrantium Doctor Genevam habuit patriam, natus ibidem VI. Nonarum Maji Anno 1581. Patre *Firmiano Curcellæo* Ambienfi, qui in Laniena ista Parisiensi, quam sapientiores Pontificii ne ipsi quidem defendere audent, multa subiit pericula. In cella enim quadam Lugduni per tres dies noctesq; in occulto latuit, atque sic tandem salvus evasit. Ab eo igitur *Stephanus* noster probe educatus, feliciter edoctus, aliorumq; virorum doctrina curis traditus fuit. Non fraudavit etiam patrem spe sua eventus; erat enim judicii viribus admodum illustris, prudentiq; & limato ingenio præclare instru-

structus. Ad hæc a pueritia in Magistro-
rum suorum placita se non jurasse, sta-
tim præ se tulit, nihilq; nisi firmissimis
fundatum fuisset rationibus, credidit.
Unde pæne luxus ingenii & in varios
postmodum errores lapsus coortus est.
Factum etiam narrant non raro, ut Præ-
ceptoribus obloqueretur, quando pri-
ma ætate omnium rerum exactam re-
quirebat demonstrandirationem. Excuf-
so Scholastico pulvere in Athenæum Ge-
nevensium susceptus, fervido ad Mathe-
sin impetu abreptus, omni contentatione
illud agebat, ut nulla alia occupatio, ad
judicii vires firmandas, idonea institu-
tum studiorum cursum retardaret. Ce-
teroquin nihil invita faciebat Minerva,
ad omnia paratissimus promptissimusq;
Astrologiam præcipue judiciariam, o-
mnium artium, ut ipse postea affirmavit,
vanissimam, ita amavit; ut ab iis nugis
vix abduci passus fuerit. Postea *Car-*
tesii hypothefibus Philosophicis dedi-
tus in iisdem tamen fenescere recusans
in forum Theologorum transiit, in quo
versandum imo moriendum ratus. Sed

ne hic quidem a Doctorum opinionibus
aut Personarum gravitate pependit,
quin sentiendi sua libertate retenta et-
iam *Calvino & Beza*, Dictatoribus quasi
Reformatorum, non raro publice con-
tradicare haud vereretur. Tandem Ge-
neva Basileam, abhinc peragratis variis
Germaniæ regionibus Coloniam & Hei-
delbergam delatus est. Miratus est hic
loci tenacissimam *Dionysii Gothofredi*
memoriam, quinquaginta & sexaginta
lineas aliorum scriptorum ex fidelissima
hac rerum custodia, memoria, recitan-
tis. In Gallias deinde reductus, mune-
ra publica petens Fontis primum Bella-
quei Pastor factus est; postea Am-
bianam in Picardia Ecclesiam curæ suæ
commissam habuit. In quo quidem
officio constitutus ad Arminii partes in-
cinans Synodum cœpit oppugnare Dor-
dracenam, & denique Instrumento in
Synodo alia de V. Prædestinationis Ca-
pitibus constructo subscribere recusans,
relictæ cœru suo in pago quodam ali-
quandiu docuit. Evocatus tamen ex-
inde fuit, ut Ecclesiæ Urbicæ Vitriacen-
si

si totius Campaniæ frequentissimæ & celeberrimæ prospiceret. Post decennium tamen anno ætatis 34. Gallos libertati suæ inopinando infestos timens, in Belgium abiit. Atque histandem in locis ea operatum esse memorandum nunc erit, quæ in recensum nostrum eum collocarunt. Verbis id faciam ex Vita operibus ejus præmissa mutuo acceptis, quæ hujus sunt tenoris. Refert non nemo ipsius inimicus (*Maresius* puta) quod in has terras ingressus Episcopo ad pedes sit provolutus; dein prolixè illud exagitat quod Canonibus Dordracenis subscripserit; deniq; exprobrat, quod Typothesis ad prælum in libris emaculandis inservierit, atque hoc velut opificio se & familiam sustentaverit. Nescis, *Maresi*, nescis Inimice, pergit Vitæ Auctor, cum neque verum sit omne, quod dicis, & id, quod verum, non in contemptum, sed in laudem amici Tui cedat. Nego supplicem esse factum illum, cui in Auditorium hoc ingredienti Episcopus ipse honoris gratia assurrexit, suaque ei subsellia concedere voluit,

voluit , ut ipse habendæ disputationi præesset. Unde existimare licet , dignatione quanta a D.Episcopio sit habitus , quamq; nihil necesse fuerit huic humanissimo viro se supplicem prosternere. Sed enim prælo noster inservit , & ad magnas angustias est redactus. Fecit ille hoc non spe lucri , sed in gratiam præstantium aliquot virorum , & quidem eorum rogatu Illustris *Hugonis Grotii inprimis* , cujus *annotata in quatuor Evangelia* , a mendis repurgavit. Vertit & Mathematica nonnulla , in linguas alias , quod nescio an homo inimicus præstare , possit , & in gratiam amicorum , an facere id posset , si velit. Descriptiones Geographicas , quarum Clarissimus *Barlaeus* nonnullas confecce- rat in opere magno *Blaurviano* persecutus est , atque contexuit etc. Ad hæc addimerentur verba Clarissimi *Benthamii* infra citandi : **Ober wol / scribit , auf geschehene Verwerffung des Arminianismi , wieder angenommen wurde / seyrete er doch bald wieder zu sol-**

K

cher

cher Meinung/ und entwich nach Hol-
land / da er dann Anfangs sich mit der
Correctur in der Buchdruckerey des
Blauwen zu Amsterdam sich erhalten
musste. Sed non diu admodum in his
Curcellaus hæsit ; Episcopo siquidem
e vivis sublato , in officium illud & lo-
cum sat splendidum est surrogatus, col-
legasq; habuit, *Carolus Niellium* , *Bar-*
thold. Prævostium, & *Albertum Hutte-*
num. Huic muneri ea Sedulitate ac fi-
de præfuit, ut in lectulo jam jam fatali
decumbens lectiones & colloquia di-
sputatoria habuerit. Sublatus tandem
est ex hoc mundo eodem die, quo nos
Christi gloriosam in cœlos ascensionem
sancta memoria lætabundi gloriamur.
A. 1569. Scripta reliquit plurima ex-
quibus eminent illa , quæ emisit, cum
inter *Mosen Amyraldum* & *P. Molinaum*
controversia exorta esset, in qua discer-
nenda priori magis, quam huic favit, po-
stea tamen ipse contra *Amyraldum* li-
brum edidit, de jure Dei in Creaturas',
quo se & *Arminium* strenue defendit.
Novum Testamentum ejus studio niti-
dissime

diffime excusum prostat, ex antiquis
codicibus emendatum, & Lectionibus
variantibus ornatum; quibus tamen
non semper cæca fides est habenda,
eamq; ob causam apud nostrates in tan-
to pretio non est, quantum apud Re-
monstrantes sibi acquisivit. Sub finem
deinde vitæ tr. typis concessit, de Esu
fanguinis, quo ut in V. T. abstinendum
esse judicat, quod ab *Heideggero* est op-
pugnatum. Susceperat etiam Historiam
Johannis Papisæ (qualem & nunc Cele-
berrimus *Leibnizius* meditatus est) eam-
que fabulam fuisse & esse monstraturus
erat contra *Maresium*, scripta posthuma
sunt: De vocibus Trinitatis, Personæ
etc.: de Peccato originis: De necessi-
tate cognitionis Christi? De Hominis
Justificatione coram Deo &c. Taceo de
plurimis præfaminibus, quæ variis hinc
inde præmisit operibus. Epistolæ ejus
reperiuntur in Epp. Remonstrantium 8.
primum postea vero fol. impressis 1684.
ap. *Wettstenium*: Opera conjunctim
prodire Amstelod. apud *Elzevirios*
1675. fol. quibus oratio funebris *Arnoldi*

Poelenburgii præmissa est, quam vide
conf. *Crenii* Animadversiones Philoll.
P. V. p. 104. *Benthemii* Holländischen
Kirchen und Schulen Staat. &c.

VVolfgangus Christophorus

Deslerus

Vir Pius & varia Eruditione spectabi-
lis, natus in Imperiali urbe Nori-
berga, patre *Nicolao* mercaturam gem-
mis aliisque pretiosis rebus faciente,
matre *Margaretha Ræjlina* Anno 1660
d. 11. Febr. uti a prima prope nativita-
tis hora fortunæ vices varias multiplici-
ter expertus, quippe qui in lucem vix
editus erat, ab Obstetrice pulvinaribus
tectus & suffocatus fere, periisset: Ita
etiam crescentibus annis vitæ pericula
alia non unius generis subiit, ex quibus
tamen singulari Dei bonitate salvus sem-
per evasit. Interim a pueris amore li-
terarum rapiebatur, eisque erudiri a vide
cupiebat: Verum parentum bonorum
facultatibus admodum attenuatis, mul-
tisque pretiosioribus mercibus hinc in-
de in aulis Principum divenditis, pro
qui-

quibus solutionem obtinere haud pote-
 nt, invitus & non nisi pietate in Pa-
 trem ductus, Aurifabri fidei artique
 didiscendæ se passus est tradi. Sed cum
 nihilominus aviditatem in libros reti-
 neret, & vix aliquâ lætitia, nisi viso ali-
 quo Erudito viro perfunderetur, factum,
 ut a Magistro suo dimissus alius generis
 munia in ædibus, quibus monetarum e-
 rumque valoris ratio habetur, itidem
 coactus susciperet: donec ad labores
 anteriori justo visus ad patrios reversus
 est lares. Otio igitur dato ingenii vires,
 cum alia re non posset, ingeniose fabre
 actis & ludicris rebus præclaram indo-
 ctinam prodidit. Unde Patri tandem a-
 mici persuaferunt, ut filium melioribus
 artibus expoliendum traderet. Curæ i-
 taque & fidei Magistri *Joh. Georgii Bren-*
nelii Conrectoris Scholæ ad Spir. S. tra-
 ditus liberalis doctrinæ primis funda-
 mentis instructus est. Hinc postmodum
 in inclytam Universitatem Noricam
 Altdorfium migravit, atque ibidem mo-
 lerantibus *Rætenbeccio*, *Omeisio*, *Stur-*
vio & aliis avide omnia arripuit didicit-

que, cum qua industria raro exemplo Pietatem insignem probitatemque vitæ habebat semper conjunctissimam. Interim neque hic ab ærumnis liber fum-
tum raritate attritus, a laudabili conatu recedere fere coactus fuit, & ex mœro-
re, ut visum, contracta febris hæctica oppressus est; At Dei beneficio pristinæ sanitati restitutus res suas convale-
scere denuo vidit. Post hæc peregre a-
biturus, celeberrimum *D. Bebelium* affi-
nitatis vinculo sibi junctum, in visere su-
scipit. Impeditus tamen & nummorum
æque ac Sanitatis tenuitate, cui nimis
fidendum non erat, in patria permansit,
amicitiamque Clarissimi *Erasmi Franci-*
sci, de quo suo loco exponemus arctissi-
mam coluit. In hujus gratiam quædam
subinde transtulit ex Italico idiomate
sive in Latinam sive in German. linguam,
nullum laboris pretium & præmium
pactus, quam fidam laudatissimi Viri
Instructionem, & benignam interdum
manum, quam benevolentiam hucdum
prædicat *Deslerus* noster. Cœperat in-
terea aliquoties etiam ex Cathedra Ec-
clesia-

clesiastica ad populum sermones facere; cum vero voce nimis submissa & exili loqueretur, eamque attollendo sibi & valetudini timeret, aliorum consilio ab incepto destitit, totumque se emendationi librorum in Typographiis consecravit; Eum in finem linguas Italianam, Gallicam, Anglicam, Hispanicam & Belgicam docili hausit animo, ut & vertendis codicibus, si requireretur, operam navare posset. Intercedente igitur dicto *B. Erasmo* Francisci ex officinis *Knorzianis*, *Sperlingianis* & *Felscherianis* paginas ad se missas omni studio restituit. Vertit etiam in nostram Germanicam linguam plurima scripta sibi tradita, quæ omnia hoc loco cum ipsis libris, quos immensa copia correxit, brevitati studentes, recensere operæ pretium esse vix ducimus. Sufficiat meminisse Illustris *Pufendorfiani* operis, quod *Commentarius de rebus Suecicis* 1695. fol. Germ. & Latin. & Gallicæ A. 1697. titulum gerit; Itemque *Florinzi Klugen und Rechtsverständigen Haus: Vatter*; & *Le Grand Historia*

Naturalis. Quæ scripta, cum a mendis, quod in se erat, purgaret, Impressor, inscio Correctore, nominata in Latina *Pufendorffii* editione dolose admodum egit. Mittebat scil. negligentissimus homo plagulas jam jam correctas, & ad revidendum traditas, atque interea nihilo secius haud cessabat in opere preli, atque sic multas imprimebat mendis admodum scatentes. Recepta vero charta, cui notata erant in scripta, tunc demum quod superesset corrigens, excudebat quædam meliora exemplaria. Eam turpem lucri cupidinem indigne *Deslerus* noster, utpote operis Corrector, cum semper tulerit, ita etiam nunc querelas non immerito fundit, & lectorem de causa sphalmatum monet. Quod reliquum est huic operi intentus immori eidem bono cum Deo constituerat; verum enim vero, cum ad docendum in Scholis in primis aptus videretur, moderante summo Numine, Con-Rector tandem Norimbergensis Ludi ad Spiritum S. electus est; quem nuncium singulari le-

i lectione de providentia DEI occupa-
 us, uti insperato acceperat, ita in hu-
 neros suos laborem mandatum A. C.
 1705. die Exaltationis Crucis suscepit,
 & cui hucusque cœlebs omni fide, Pie-
 ate, diligentia præest, & DEO inspe-
 ante impofterum diu præerit felicissi-
 ne: quod toto pectore aprecamur.
 Restat ut paucis de scriptis ejus mentio-
 nem faciamus, quæ non sunt aliis no-
 tata. Sunt vero illa: **Das alte und**
neue Morea/ quem libellum ex Italico
 transtulit idiomate, ejusque adjecit
Boëthii Kriegs-Helm / An. 1686. 4.
 Ex Gallica lingua vertit Primam partem
 Artamenis in Germ. L. Ascetia sunt:
Die Seelen-Lust/ 1692. 8. **Andachts-**
Woche / ex Gall. *Herz Moulins*, An.
 1696. 8. **Blut- und Liebes-Rosen/**
oder Passions-Andachten/ 1695. 8.
 & nuper demum, **Herz-wallende und**
von heiliger Liebe erregte Funcken der
Liebe Jesu/ 1712. 8. Susceperat etiam
 in vernaculam nostram transponere
 Tratado de la Oracion ii Meditacion re-
 copilado par el *Pedro de Alcantara*, Ma-

driti, 1612. excuso, quo vero opere certis ex causis iterum abstinuit. Præter hæc non dubito, quin & alia ab eo expectanda adhuc sint, quorum vim haud exiguam in cordibus Lectorum judicamus, quippe qui Autorem candido pectore, & in Christum amore sincero, nec fucata Pietate scribere, suæque vita ipsa confirmare plane cognitum habemus & scimus. Sed procedendum ad alios. Occurrit vero proximus a *Deslero*

Demetrius Chalcondyles.

PAtria *Byzantinus*, qui, Constantino-
poli a Græcis occupata, & durius
nimis Græcis illic tractantibus, una cum
aliis Popularibus, viris probis & Erudi-
tis patrium solium, dulce quamvis his
hominibus, relinquens, in Italiam, vici-
niorem sibi & studiis literarum aptio-
rem, contendit, Seculo post Christum
natum decimo quinto jam inclinante.
Florentiam itaque delatus, ubi factum
paulo ante erat, ut Civis ejus *Johannes*
Argyropolus, qui Cosmi Medicis benigna
libe-

liberalitate usus, & *Petro* filio, *Laurentioque* Nepoti illius Præfectus fuerat. Ob pestem istis terris imminentem, dum Romam aufugisset, fortunæ suæ initia invenit. Etenim hujus munus desertum favore Principis inunitus ambire cœpit, sed mox æmulum nactus Angelum *Politianum* peracrem quidem, & ambitiosum hominem, ut *Jovius* eum appellat, competitori cessit, ac lubens ei omnia reliquit. Ubi quidem maxime oberat nostro *Demetrio*, quod Latini sermonis mediocriter peritus, facillime a *Politiano* vincebatur, quamvis hunc Ciceronianum magis, quam Christianum hominem, ut accusant, alii que excusant, Græco superaret idiomate. Quibus etiam rebus factum, ut rariuscule Auditores in Schola Chalcondylæ comparerent, Angelusque omnes suavitæ sermonis politici ad se alliceret. Discessit igitur noster Venetias, ibidemque apud Aldum Græcos codices sub prælo sudantes diu correxit, opere non contemnendo, & maxime utili, atque ad quod tunc temporis non nisi in Græcia

cia nati & Eruditione illustres requirebantur, viri. Id tamen factum est, non antequam Princeps Florentiæ obierat, neque *Demetrio* locus ibidem commorandi amplius supererat. Post hæc Mediolanum a *Ludovico Sfortia* accersitus, una cum uxore & liberis eo commigravit, ac non multo post Grammaticæ suæ rudimenta luci publicæ exposuit. Ex ea uxore prudentissima & castimoniam admodum perspicuam, tres filios genuit, filiamque non nisi unicam. De illis vero parum habuit, audivit, viditque, ob quæ lætari potuisset: Major enim natu *Theophilus* multum quidem profecerat in literis, ita, ut Ticini jam publica authoritate *Homerum* explicaret; Sed cum vir esset inquieti & turbulenti animi, factum, ut nocturno tempore congressus cum petulantibus quibusdam hominibus hostili modo, confossus, & obtruncatus occumberet. Quæ tamen filii fata mater sapientia spectabilis clam, Patre jam sene, semper habuit. *Basilus* alter, optima Patri de se exspectandi spem fecerat quidem veram,

ram, hujus spei complementa datu-
s, Romam a *Leone* P. R. ut in Gy-
nasio doceret, vocatus, febrili morbo
æmaturato fato vita excessit. *Seleucus*
minimus inter fratres vix ex Ephebis
progressus, diem obiit supremum: Fi-
lium vero *Jano Parrhasio* celebri ob Erudi-
tionem viro in matrimonium con-
cessa fuit. Denique & noster octoge-
nario major Mediolahi spiritum exha-
vit. Quem de reliquo bene distin-
guendum esse a *Laonico Chalcondyla*
atheniensi, qui eadem ætate fere vi-
verat, monemus. De ejus Gramma-
ticæ Rudimentis jam antea quædam di-
cta sunt. Erotemata ejus magnis lau-
dibus celebrat *P. Danesi*, quæ edidit
Melchior Volmarus, testante *Kœnigio*, in
Biblioth. De ceteris; vide si placet *Jo-*
sephum in Elogiis p. m. 69. ed. 8. *Basil.*
Nicol. Reisneri Icones T. I. p. m. 77. &
Morhofii Polyhistorem P. I. L. IV. c. 11.
p. 6. p. 6. & alios.

Johannes Michaël Dilherrus.

Hic Noribergensium præclarissimus
Theologus multis nominibus Eru-
dito

dito orbi & Ecclesiæ cognitus, Themari, oppido ditionis & Comitatus Hennebergici An. Christi 1604. ortus est Patre, Johanne, Juris-Consulto apud suos claro, & rerum Memmingæ gerendarum Patrono. Vix noster e crepundiis & cura domesticorum Præceptorum profuerat, missus est in Gymnasium Schleusingenſe, ubi prima literarum posuit tyrocinia, jactis Pietatis Christianæ & artium fundamentis, in Græcis potissimum proficiendo. In hoc tamen studiorum suorum cursu non nihil retardabatur, fortuna & Religionis negotiis Parentibus adversis; Necessaria igitur ad vitæ sustentationem vix obtinere potuit; Unde non sine stomacho in hoc Pelagus Eruditionis se immerſit. Sed per aspera ad Astra eundum esse jamtum ſentiens, eam legem & sibi scriptam esse agnovit *Dilherrus* noster, atque hinc, superata egestate, conatu ac studio indefesso, Numinis omnipotentis niſus gratia, tandem ad scopum per varios anfractus, DEO Duce, feliciter pervenit. Id vero antequam contingeret,

ingeret, multa adhuc subire fata singu-
 aria & tristia non minus quam secunda
 ecesse habuit. Anno 1623. Goslariam
 abhinc Lipsiam profectus est, ubi nulla
 occasione, quæ sustentandæ vitæ
 inserviret, inventa, famulitia, nobili-
 us quibusdam Musarum filiis facere
 cepit, idque exemplo variorum,
 liorum virtute, & Eruditione cele-
 riorum virorum, ex quibus unum
Abasverum Fritschium nominasse
 sufficiat. Posteaquam vero conspe-
 xit, literarum studiis parum hac via
 consultum esse, aliud quoddam ne-
 gotium, rebus suis congruentius, ut pu-
 tabat, & ad studia promovenda aptius,
 suscepit. Expunxit itaque, certo pre-
 tio constituto, vitia ex paginis, quæ in
 Typographiis Lipsiens. præla. fatiga-
 vant; atque sic cum alimentis tum
 etiam Musis suis satisfactum credidit.
 paululum itaque ex tot hostibus sospes
 evasit, & diligentia atque sudore sum-
 mo, quo literis inhiabat ad majora sem-
 per pedetentim conscendit. Claritate
 enim nominis quodammodo conspi-
 uus, & ingenii viribus conspectis lau-
 riori

tiori quoque fortuna usus est. Wittenbergam igitur profectus; postquam aliquandiu ibi vixerat & pari sedulitate correxerat, Lipsiam reversus & Norimbergam hinc ab Amicis vocatus, cum gnatis eorum, suæ fidei creditis, Altdorfium abiit. Abhinc porro Jenam cum iisdem, qui curæ suæ commissi erant, devectus est. Atque hic tandem locorum munus, Eloquentiam publice docendi, demandatum accepit, ad quæ cum Historiam latifundia perspexisset, Poëseosque rationem gessisset, ad literas divinas explicandas accessit. Florente sic Nominis fama, Norimberga celeberrima Civitatum Imperii cum sibi vindicavit: Illustris enim Senatus inclytæ Reipubl. Professionem Theolog. in Gymnasio, & directione ejusdem it. Bibliothecarii & Inspectoris Alumnorum, cum spe splendidi stipendii obtulerunt. Qua conditione accepta Pastoris deinceps Primarii in æde Sebaldina officia subeunda illi fuere demandata. Quid multis? Tanta ejus fuit in laudata urbe æstimatio, & auctoritas, quanta, quanta vix ante,

aut

ut post eum, quemquam valuisse
actenus compertum est. Imperatoris
quoque Leopoldi & Principum vario-
um Imperii German. consecutus est
ammam: Ad hæc Senatorum Civitatis
opulique favore usus, omnibus gratus
constanter vixit. In concionibus alta
& clara utebatur voce, ita ut quasi Elo-
quentia sua intonuerit, quam etiam vo-
cem sublatam, nequidem in ultimis Vi-
e diebus, quo beneficio & B. *Andream*
tyhldorfium nuper demum vita defun-
tum, in officio post interjectos alios
accessorem usum itidem fuisse Cives
torici optime norunt. 'Obiit *Dilber-*
us An. 1669. d. 8. April. Cujus libro-
rum Pars, jure ut vocant Testamenti.
em Nummophylacium Collegio Ec-
clesiastico Sebaldino cessere, & in ædi-
bus Sebaldinis *Pfarr-Hof* asservantur;
ars autem publicæ Sebald. ut vocatur
bibliothecæ, quæ in Monasterio Do-
minicanorum conspicitur, tradita est.
uarum utraque a Laurentiana probe
scernenda, uti enim illa copia libro-
rum, & eorum præcipue, qui inter

prima Typographiæ inventæ tempora excusos numerantur abundat; ita Laurentiana ostentat Codices pretio claros & raritate spectabiles: Hujus autem Dilherri ultimæ voluntatis causa, sine dubio, fuit, quod uxorem duxerat ex plebe, id quod hodiernum ob cupidinem divitiarum explendam a Pastoribus pessime fieri solet. Eam vero non ita expertus est humilitate nempe conspicuam ut speraverat quidem. Huic igitur & cognatis ejusdem Librorum numerum utilem vix fore ratus publico usui destinasse creditur. De reliquo quotiescunque per occasionem liceret, eos, qui Ecclesiæ præesse contendebant, monuit, caveant, ne ex vulgo sibi uxores ducerent, ut quæ non raro superbire admodum soleant. Quod monitum certe etiam nostro nunc ævo variis conducere posse sum persuasissimus. Scripta, quæ de *Dilherro* hodiernum extant varia sunt, & ab omnibus Geographis jam descripta, ut Apparatus ejus Philol. Atrium linguæ sanctæ Eclogæ sacre N. T. Syr. Gr. & Lat. Postilla & alia, in quibus

quibus non est, quod moremur. Con-
erantur Freherus, Witte, Uhseus,
Clarmundus & alii. Misso igitur hoc
ine cunctatione ad alios progredie-
mur. Sequitur ergo

Augustinus Dodo.

PAUCA sunt, quæ de hoc viro expi-
scari & colligere potui, nisi quod
x Frisia ortum traxisse communi con-
sensu Eruditi & *Suvertius* inprimis tra-
unt. Postea vero studiorum causa
inc inde circumvagatum, ac denique
asileam, diribitorium fere tunc tem-
oris Eruditorum venisse non obscuris
ocumentis constat. Nobis in præsens
ufficit monuisse Canonicum ibidem S.
eonhardi factum, & *Johannem Am-
erbachium* in opere Typographico ad-
vuisse, emendando, quæ imprimeban-
ur, restituendo veterem & genuinam
odicum lectionem, & summaria li-
ris totis atque Argumenta Capitibus
ngulis præmittendo An. 1504. Au-
iamus hac in re Adami verba, hæc in
ita Pelicani tradentis: *Eodem anno Jo-*

hannes Ammerbachius Senior excudere typis omnia opera S. Augustini cœpit. Ad hanc editionem contulit operam suam Augustinus Dodo, Canonicus ad Div. Leonhard. qui cœperat etiam scribere in singulos hujus operis libros argumenta. Antequam vero ad finem iste labor perductus fuerat, pestilentiali morbo Dodo correptus, diem obiit supremum. Reliquit alias Excerpta varia, quæ se typis excusa vidisse Gesnerus testatur, nobis autem nunquam conspecta sunt. Conf. Cl. Buddeus in Lexici T. II. p. 844. Reimannus P. III. des Versuchs/ &c. p. 231. & Simlerus in continuationes Biblioth. Gesnerianæ, ubi ipsius Dodonis fit mentio. Cetera enim obscura sunt. Quare ad celebriorem pergimus.

Desiderius Erasmus.

IN arenam potius descendat, Syncretista ille famosissimus, Monachorum flagellum, & Erudita Bestia, ut a Pontificiis nominabatur. Cujus quando quidem omnes, quotquot fere extant Vitarum Scriptores, fecerant mentionem,

tionem , non satis causæ video , cur multis de eo in præsentî differere opus sit. Attamen , ut instituto nostro satis faciamus , paucissimis repetenda videntur singularia tanti viri fata. Genitus est , ut tradunt , furtivo concubitu , Patre *Gerardo Gerardi* , Matre *Margaretha Medici* cujusdam filia , & *Roterodami* quidem An. 1466. d. 2. Octobris , unde cognomen hæsit. Puer admodum in Schola *Daventriensi* a *Rudolpho Agricola* visus , his verbis dimissus est. *Tu eris aliquando Magnus.* A Tutoribus deinde in Monasterium *Emaus* , ad *Goudam* situm , detrusus , averſatus hoc vitæ genus , vestitu Monastico retento , in familiam *Episcopi Cameracensis* receptus est. Posthæc Itinera suscepit , & *Bononiæ* Doctor *Pestilentiarius* ob indumenta creditus , & a pueris in via publica verbis plagisque vexatus , vestes religiosas dejecit. In *Alpibus Cottiis* honores *Doctorales* obtinuit ; *Romæ* vero admodum magnificis decretis honoratus , parum abfuit , quin in *Purpuratorum* numerum receptus fuerit , ni odia tot

tantaque contraxisset sibi, ex eo, quod Religiosorum ordinum segnitiam, Ruditatem aliaque vitia, tanta stili & sermonis acrimonia sæpe traduxisset. In negotio de reliquo Religionis, judicamus fuisse vel nullius, vel omnibus addictum, professione tamen externa longas Pontificum manus timentem Papæ cultorem fuisse constat. Videbat interim & perspiciebat Ecclesiæ suæ corruptelas, neque negare poterat, revocandam esse integritatem Apostolicam priscam, fidem & mores sanctos. At vero ob meticulositatem hinc inde fluctuans, & conscientiae utcunque consulturus vulneratae, fontes divinae sapientiae, tandem studia nempe Theologica plane seposuit, & in elegantiori literatura ad vitæ usque terminum extremum constanter perstitit. De reliquo, ut mens de externis quibusdam Pontificiorum sacrorum ceremoniis ejus pateat, sciendum, raro, nisi in conspectu aliorum sacra atque benedicta aqua se adpersisse, & raro eum secundum ordinem Corollarum suarum preces ad Deum

Deum vel Sanctos misisse, visum fuisse.
His alia singularia quædam viri optimi
adjiciam, quæ non ubivis obvia sunt,
& non nisi ex Epistolis Londinensis præ-
cipue editionis patent. Pisces ei fuisse
insalubres, Cerevisiam Britannicam
non amasse, vino gavisum eleganti, sine
acore, novo maturo, non dulci, non
acerbo, mediocri colore leviter
rubido, stantem, scripsisse: De nummis
corradendis valde fuit sollicitus, id
quod tamen miramur, cum sexcentis
per annum uteretur florenis ad fami-
liam alendam, quam Equi duo, tres fa-
muli, & anicula quædam faciebant. In-
terim tamen fortiter tulit nummorum
jacturam, cum aliquando a latronibus
spoliatus fuit. De reliquo sæpius se
ipsum gloriosius commendavit, &
quamvis ambitiosus ideo dicendus non
veniat, interim tamen non raro illud
vitium passim emicuit, ita quidem, ut
aliquando equo mercenario & vili in-
fidere eum puduerit. Sed hæc haud cu-
ramus, saltem illud ut verissimum, ne
que sic tamen, quod literati orbis com-

moda attinet male rem se habuisse, multum potius usui fuisse toti literatorum choro; scriptis præcipue, ut fere necesse erat, ea tempestate emendandis, restituendisque incumbendo. Non tantum enim *Lovanii* apud *Theodoricum Martanum*, sed, ut *Scaliger* testatur, etiam *Venetis* apud *Aldum* exornandis codicibus præfuit, id quod tamen non nisi de Proverbiis suis ipse factum esse concedit. Quam maxime autem *Basileæ*, utpote in suo, ut aiebat, campo, in ædibus *Frobenianis* castigando & corrigendo *Hieronymi*, *Ambrosii*, *Hilarii* & aliorum Ecclesiæ primæ Patrum Latinorum Volumina, conquiritis vetustissimis Exemplaribus ac collatis, adjutus, tempus haud breve consumsit. Neque corrigendo tantum, atque ad marginem subinde notando, quæ male habeant Fratres ignorantia in se quicquam desiderari passus est: uti *Exempla Frobenianarum Editionum* tersissimarum lectorem edocent. Eadem opera functus est in *Novo fœdere* imprimendo, quod *Leoni X.* inscripsit, & ali-

& aliquoties repetitis , in quo tamen quam maxime errasse nostri queruntur, dum dictum illud ad Romanos IX. **v. 5.** ad mentem Photinianorum excudi concessit , puncto inter verba, ex quibus Christus secundum Carnem & *ὁ ἰὼν ἐπὶ πάντων θεὸς εὐλογητός* , interjecto. De hac editione nuperæ Millianæ & Küsterianæ fol. cum Wettstenianis 8. consuli queunt. Aliquandiu postea quidem Basileæ valedixit , sed mox editurus Adagiorum suorum Chiliades, eo reversus est , quo tempore studiis Theologicis revocatus, Paraphrases Paulinas & Evangelicas ad finem perduxit optatum. Vi fati eo deductus , cum spina dorsi , ab Equo consternato, distorta fuisset ; Basileæ vero veritate Evangelii patefacta, Pontificios in concepta de se sinistra opinione non confirmaturus, abitum meditatus est ; Friburgum, ubi domum emerat; id quod factum, postquam octo continuos illic exercuerat annos. Nec ullis tamen potuit Ammerbachiorum precibus retineri. Navem igitur inscensurus ajebat:

L 5

Jam

*Jam Basilea vale , qua non urbs altera
multis ,*

Annos exhibuit gratius hospitium.

*Hinc precor omnia leta tibi , simul illud
Erasmo ,*

*Hospes uti ne unquam tristior ad ve-
niat.*

Hoc vale tamen , quod Benif. Am-
merbachius tabulis suis exceperat , &
quod jam semel dixerat urbi , neglecto ,
rediit nihilominus An. 1535. & in Ci-
vitatem & ad priores labores , quorum
quantum habuerit curam , & quam gra-
ve fuerit opus , ipse in Epistola quadam ,
cujus verba Celebr. Caveus in Introdu-
ctionis ad Scriptores Ecclesiasticos præ-
fatione , ita nobiscum communicavit :
*Herculem tantis laboribus non fregisse ,
in hunc modum non sudasse , cum tot per-
tumescentis , ac torvis bestiis dimicandum
fuerit , quam se in corrigendis codicibus
tot mille mendarum refertis , iisque ex-
pungendis. Et in alio libello ad P. Cur-
sium de dolofo quodam facto Impres-
soris ita scribit : Nuper cum , inter impræ-
mendum , excusores aliquot conquesti
fuissent ,*

fuissent, me sibi Xenia nondum persolv-
 visse. Exortus est inter eos quidam vino-
 lentior, qui profiteretur, se pœnas a me
 exacturum; atque ita profecto Veterator
 tam egregie perfecit, ut aureis nummis
 trecentis istam ignominiam redimere vo-
 luissim. Cum enim in Vidua mea, quam
 Serenissima Hungaria Regina dedicave-
 ram, ad laudem cujusdam sanctissimaæ fœ-
 mine inter alia liberalitatem illius in
 pauperes referrem, hæc verba subjunxi:
 Atque mente illa usam eam
 semper fuisse, quæ talem fœminam de-
 ceret. Soelestus ille animadvertens sibi
 vindictæ occasionem oblatam esse, ex
 mente illa, mentula fecit. Itaque
 Volumina mille impressa fuerunt. Quid
 igitur, &c. Sed properans ad finem,
 illud moneo, quod ad mores spectat
 Erasmi, Eum visitaturis, ut a peregrini-
 nis fieri solet, raro conspiciendum se
 cuiquam exhibuisse, id quod nonnulli
 ob deformitatem membrorum, & li-
 neamentorum corporis torvitatem il-
 lum fecisse perhibent. Tandem in adi-
 bus

bus *Joh. Frobenii* extinctus est *Erasmus*,
 & Anno 1536. d. 12. Julii æt. 70. mor-
 bo correptus articulari e vita excessit.
 Neque Typographicæ rei in morte de-
 posuit amorem, quod ex Testamento
 eluceat, in quo *Bonifacio Ammerbachio*,
 Hærede nominato, *Frobenium* & *Episco-
 pium* viros meritissimos ultimæ hujus
 voluntatis Executores constituit. Ab
 his etiam in æde Cathedrali sepultus,
 & monumentum obtinuit, quod heic
 exprimere angustia chartæ prohibet.
 Scripta ejus sunt, ut notissima, sic uti-
 lissima: Paraphrasis in N. T. III. Voll.
 1544. Adagiorum Chiliades apud *Al-
 dum, Frobenium*, & Parisiis apud *Robe-
 rum Stephanum* 1558. prostant. Vita
 ejus prostat, cum Vita *Nicod. Frischlini* 8.
 Argent. 1605. & alibi repetita est sæ-
 pius. Novum Testamentum prodiit
 Annos 1516. 1519. 1521. 1527. 1535.
 Basil. ap. Froben. & Episcopium. Opera
 universa excusa esse Basil. ap. Froben.
 An. 1540. IX. Voll. & Amstel. plenissi-
 me, IX. pariter voluminibus, procu-
 rante Clerico, & Lugd. B.X. Tom. 1703.
 quis-

quis ignorat. vid. Adam. in Vitis Philos.
ed. 8. p. 92. Mallinkrodt de Arte Typogr.
4. Colon. p. 96. Reimmannus p. 330.
Clarmund. P. I. p. 1. seqq. Buddeus in
Lexico & alii.

Guilhelmus Fabritius.

Gente Gallus, patria Pictaviensis,
nominis sui fama celebris circiter
An. Chr. 1540. aliquot linguarum Græ-
cæ præcipue & Latinæ peritissimus. Vir
de reliquo non vulgaris Eruditionis, ut-
pote quem potuisse differere de omni-
bus rebus subtiliter, graviter, ornatè,
frequenter, conjungendo sermoni sua-
vitatem, & affabilia verborum lenoci-
nia referunt. Unde ab Eruditis sui
temporis magni fuit æstimatus, præci-
pue vero a celeberrimo *Roberto Stephano*
omni amore & benevolentia semper est
exceptus. Id quod exinde facile elu-
cet, quod receptus in ædes ab ipso Ty-
pographorum Principe ex Decem-
virorum hujus Typographi numero
fuisse, compertum habemus. Emenda-
vit autem interprimos diu, codices im-
pressos varios, in Regia hac officina a
vitiis

vitiis Typothetarum in cura Impressorum inspersis, non sine laudis & doctrinae suae emolumento. At maximum tamen laborem impendit ad fidem vetustissimorum codicum excusis, atque his adjecit loca ad marginem notata, quae in aliis exemplis occurrunt, & variantes vocantes lectiones. Quas dum celebramus dotes, eam intelligimus editionem, quae prodierat ex officina hac Illustri *Stephaniana* 1540. fol. Paris. quam passim audias, ut omnium optimam & praestantissimam celebrari, rarissimeque conspicitur. In praefatione *Robertus* ipse hac in laudem *Fabritii* candide pronunciavit: *Opportunum esse video, ut Te ex animo salvere jubeam, quod tamen amplius facturus non sum, quam pro officio hominis grato animo praediti, agnovero beneficium acceptum a Guilhelmo Fabritio, Amico & familiari nostro, viro Hebraice, Graece, & Latine doctissimo, qui in his Bibliis emendandis candido & liberali studio me plurimum adjuvit. Annevero Biblia alia aliosque libros circa ea tempora excusa manibus*

bus suis triverit, & qui nam isti sunt
definiri a me non poterit. Prodiere
Biblia fol. 1532. 8. 1534. & 1537. *Roberti*
Annotationes in Pentateuchum 4.
1541. Evangelia quatuor cum Actis 8.
1541. Novum Testamentum Latinum
cum brevibus variarum lectionum an-
notationibus 12. 1543. Biblia fol. 1546.
Prodierat etiam An. 1536. Linguae La-
tinae Thesaurus, & Anno 1546. Dictio-
narium Latino-Gallicam aliaque scripta
plurima. Quibus vero ex his *Fabritius*
noster praefuerit vix affirmare quis-
quam audebit, nam decem fuere, qui
hoc munus sibi demandatum habuere,
quinam autem ex his hunc vel illum
codicem suae curae commissum habuit,
vix expiscari poterit. De nostro vide
Paulum Colomesium in Gallia Orientali,
quae inter opera ejus Hamburgi a vi-
ro celebr. *Joh. Alb. Fabritio* 1709. 4.
publicata comparet p. 6. Le Lonus in
Biblioth. sive aucta & recusa ab Excellen-
tissimo Lipsiensium Theologo *Boërnero*
Lipsiae 1709. 8. P. p. 594. & P. II. p. 634.
Huic adjungendus erit

Jere-

Jeremias Felbinger.

Qui natus est in Silesiorum percelebri urbe Briga, Anno a salute reparata 1616. Puer parentum cura in patrio lyceo iis literis imbutus fuit, quibus tenerior ætas ad Eruditionem ac veram simul Pietatem deduci ac informari solet. Juventutis annis egressus, cum Theologicis studiis Scholastica conjunxit, & postquam in his etiam vires ingenii sui satis periclitatus est, cui instituto amplectendo ansum dedit mors viri cujusdam ipsi haud ignoti, qui Coslini, quæ urbs est Pomeraniæ supremus Scholæ Moderator hucusque fuerat: Ejus enim vestigia institurus, illud ambivit munus, eoque in se collato, diligenter atque probe eidem præesse omni studio elaborare visus est. Verum vix illud susceperat, ecce sede isthac iterum Scholastica nec immerito dejectus est. A prima enim ætate, incertum quo impostore impia Photinianorum hauserat dogmata, eademque per totam postea vitam in animo conservavit,

servavit, defendit inque eorum sententiam aperte tandem ivit : ita quidem ut & aliis instillare istas hypotheses non dubitaverit. Ejectus igitur, postquam cognitum est, quis qualisque huc usque fuerit illa Sparta, & officio atque urbe excedere jussus, hinc inde vagus in Germaniæ circumivit variis agris, donec Helmstadium forte delatus est. Sed vero cum & heic virus suum, mente conceptum, spargere, atque de infaustis multa, Prophetæ instar, proxime venturis prædiceret, ante solis occasum, ut urbe excederet, ei imperatum fuit. Quo facto, sæpe de injuria sibi illata equidem conquestus est, atque quæcunque a Pontificiis mala Lutheranis inferantur, ea omnia justo Dei judicio ob impietatem eorum fieri ac permitti divinitus identidem affirmavit. Hinc vero Amstelodamum commigravit, & omni destitutus auxilio in maxima egestate, ac penuria, ab ipsis etiam Socinianis reliquis, quippe a quibus non raro dissentiebat, derelictus vixit. Tandem autem clandestino Consilio pueros do-

gere, ac in Typographicis officinis libros emendare cœpit. Equidem non dubitarem; quin quo animo fuerit, plane ignorarint Typographi, quibus alias timendum fuisset, ne forte in corrigendo quædam subinde immutaret, atque adderet, quæ sibi suisque Arrianis placitis magis convenirent; id quod facillime ab hujusmodi hominibus effici poterit, & *Serveti* exemplo id postea comprobabimus. Sed quoniam neque *Sandii*, neque etiam aliorum haud latentia dogmata, eos tantam edocuit, hinc consuetæ nonnullorum lucricupidini & oscitantæ ad scribendum potius putaverim, quam inscitæ. Ut ut sit; strenue profecto in hoc negotio suscepto *Felbingerus* perrexit. Tandem cursu vitæ suæ infelicitè fatis in his terris factò, ex hac vita ad æterna migravit. Scripta ejus Bibliotheca *Sandii*, quoniam non omnium manibus teritur, huc transferam. Doctrina Syllogistica 1646. 12. secunda ed. Roterod. 1675. 8. Nomenclatura Lat. Germanica 1646. 8. Rhetorica & oratoria Bartholini

tholini 1646. 12. Politicæ Christianæ
Compendium 1646. 4. Uratislaviæ.
Belgice translaturum per Anton. a Cop-
penol. Germanice servatur in Manuscri-
pto. Demonstrationes Christianæ 1653. 4.
cui addita est Epistola ad G. *Calixtum*
scripta, Coslini 1653. **Bekänntnuß des**
Christlichen Glaubens der Polnischen
Brüder 1653. 8. **Vorläuffer über**
das alte Testament 1654. 4. **Die Leh-**
re von Gott und Christo und dem
Heil. Geist/ 1654. & 1667. Latin. Anno
1657. 8. Gallice ex versione Gedeonis
Curcellæi Nordovici 1657. 8. Belgice
eodem Anno & 1670. **Antwort an**
D. Christian Grossen/ Superint.
zu Colberg/ 1655. 4. Epistolæ ad Pe-
largum 1655. 8. Lexicon Gr. German.
super N. T. 1657. 12. **Die erste Anwei-**
sung zu der Griechischen Sprach/
Belg. 1657. 8. Versio Germ. N. T. Ste-
phani Curcellæi Amstelod. 1660. 8.
Christlich Hand- Büchlein/ 1661. 12.
it. Belgice: Litteræ ad Joh. Bidellum da-
tæ Dantisci 1654. Epistola ad Christia-
nos, unum altissimum Deum agnoscen-

tes contra *Socinum* 1672. 4. Roterod. 1681. 4. Collectanea Manuscripta : Exercitationes Logicæ & Rhetoricæ MScræ. Videatur Arnoldus in seiner unparthenischen Kirchen- und Reher- Historie/ fol. Tom. I. p. 565. it. Bibliotheca Anti-Trinitariorum Sundii 8. Freistadii 1684. exc. p. 157. seqq. Antequam finiamus, non possum non, quin commemorem de cognomine , *Joh. Paulo Felvvingero* , Prof. Altdorf. ex scriptis adv. Sociniano, ipsumque *Felbingerum* noto, eum, qui & ipse *Felbingerus* dictus scriptusque fuerat, partim ex odio in *Felbingerum* Socinianum, partim distinctionis gratia, nomen illud mutasse & *Felvvingerum* per *W.* dici maluisse, quod utrum Socraticam illam doceat prudentiam, alii judicent. Nihil enim viri doctissimi meritis tam Philos. quam Theol. utroque scriptio- nis genere detractum putamus.

Casparus Finck.

URbs Hassiæ est Giesæ ornatissima, ac Musarum domicilium splendidum. Hic locorum *Finckius* lucem primum aspe-

aspexit Anno Christi Millesimo quingentesimo, septuagesimo octavo d. 19. Octobris. Parentem habuit *Balthasarem*, honestum piumque civem opificio Pannificum, & Præfectum Fisci Ecclesiæ. A puero bonis imbutus literis, successu temporum linguarum & studii Theol. cultura magnopere delectatus, semper illud expertus est Horatii: Multa tulit fecitque puer sudavit & alsit: nec tamen facile emerfit, cum res esset angusta domi. Altioribus percipiendis idoneus visus, Marpurgum commigravit, ibidem Philosophorum fontes, scrutari cœpit, ita quidem, ut quamvis famuli servitia in ædibus *Hermanni Kircheri* faceret, simul studiis indefessus incumbens, mirum quantum profecerit. Sic vitam agens honestam, miseram tamen, stipendium postmodum a Senatu Giesensi obtinuit, id quod Princeps Hassiæ clementer auxit, in numerum Beneficiariorum majorum, ut appellantur, cum recipiens. His adjutus subsidiis ulterius contendens a *Paulo Egenolpho*, optimo viro, & Typographo

celebri, ut sibi conferret operam in re Typographica; nec difficulter in domum & correctionis opus receptus est. Huic labori, & institutioni simul liberorum ejus tanta sedulitate, mentisque alacritate, & accurata diligentia sub initium superioris seculi & circa annum 1600. præfuit, ut *Egenolpho* in medullis quasi hæserit; ita quidem, ut filiam etiam in matrimonium collocare non dubitaverit. Cognita post diuturnam moram in ædibus soceri, viri Eruditione, & ratione docendi a Gymnasii Giesensis Curatoribus ad Logicam, Physicam, Metaphysicam, & Rhetoricam docendas, expetitus, divinum agnovit nutum, eoque concessit, officia oblata accepit, eoque Scholæ forma in Academicam transmutata, omnium consensu retinuit, atque pie & fideliter administravit. Tandem etiam ad culmina honorum, Deo sic jubente, altius ascendit, siquidem *Jeremia Vietore* defuncto, Theologica profitendi, munus ei fuit oblatum, atque successu temporis Theologiæ Doctor ac Superintendens Generalis,

ralis, Consistorii Assessor & Scholarcha creatus est. Atque sic denique curis & honoribus obrutus, ab aliis etiam vocatus. Deniq; variis, memoriam suam conservantibus, scriptis relictis, obdormivit Anno 1631. d. 15. Junii ætatis 53. vide plura de eo in *Freheri* Theatro P. I. p. 448. ubi & seriem librorum ab eo editorum invenies notatam, in quibus sunt: Schœdiasina sive Controversiæ Theologiæ & Philos. Disp. Anti Cocle- nianæ: De diebus Festis tr.: Clavis scri- pturæ S. Synopsis doctrinæ de S. Cœna: tr. de Monachis: Quæstiones Illustres Theol. Loci communes Theol. Reichs- Predigten II. Theil: Fest- Postill: Spruch- Postill: Kirchen- und Schul- Postill / 2c. conf. Witte, in Me- moriis Theol. p. 334. p. 634. *Uhse*. Spi- zelius in Templo Honoris 4. & alii.

Matthias Flacius.

FRANCOWIZIUS, seu ut *Melanchthon* eum vocat in Ep. ad *Erh. Schnepfium* Tom. III. per *Pezelium* ed. p. 246. *Gar- bicus* cognominatus, magnum in Eccle-

sia Sec. XVI. habuit nomen , de quo omnes, præter Philippi asseclas , testantur , scriptis & meritis , Eruditionem incredibilem sperantibus Theologum fuisse, & animosissimum & excellentissimum. Theologica sane , ut ex Clave Scripturæ patet ex asse calluit : Historicas autem & Philologicas literas non degustavit saltem , ut ab iis fieri assolet , qui in omnibus aliquid , in toto nihil , sunt , verum intime exhaustit. Unde etiam tantis dotibus instructus & opinione discipulorum accensus , & acerrimum & fortissimum se præstitit Philippi & nutantium discipulorum opugnatores. Procreatus est Albonæ, quod Illyriæ oppidum est, Sclavoniæ vicinum , Patre Andrea , nobili ut quidam credunt , alii vero honestæ conditionis viro An. 1520. d. 3. Martii. Post præcepta a Patre suo accepta *Franciscum Ascerium* , & postea Venetiis *Joh. Bapt. Egnatium* audivit. Equidem opibus destitutus in Coenobium se abdere decrevit , at mutato, suadentibus amicis, consilio, Basilicam profectus, Grynæo moderante

derante, in literis amplius progredi coepit. Atque ita simul luce Veritatis Evangel. collustratus, Tubingam visitavit, ac tandem Wittebergam, commune tunc temporis Eruditorum Emporium pervenit. Gratus erat hospes ubicunque vixerat, *Luthero*, *Melanchthoni*, *Camerario* & aliis, quorum amicitiam, amoremque & fidem non raro expertus est. Salutatus etiam ibidem Magister bonarum artium & variis tentationibus, de quibusdam fidei articulis subortis, liberatus; confirmatusque in fide, Brunswigam, belli motibus per Saxoniam vagantibus, ut publice ibidem doceret, abiit. Quibus sedatis, Wittebergam reversus, contra famosum libellum Interimisticum insurrexit, & audacter satis quamquam candide, procul habita autoritatis ratione, etiam Præceptorum *Melanchthoni*, & aliis contra ivit. Paulo post autem, ut eo liberius, quid sentiret, in hac re agere posset, Magdeburgi sedem suam fixit, cum socium *Nicolaum Gallum*, qui stationem suam *Ratisbonensem* ejusdem periculi motu,

quod Interimistici negotii hostibus imminebāt, reliquerat. Clandestino igitur Itinere instituto, ambo reliquerunt Wittebergam & Magdeburgum devecti, acriter mitiori parti universæ se opposuerunt. Atque hic etiam, ut *Flacius* vitæ suæ sustentandæ prospiceret, Typographiæ cuidam præfectus, omni studio, cura & labore ex pagellis impressis mendas eiecit. Quo tempore etiam Historiam Ecclesiast. magnam, quam *Centurias Magdeburgenses* vocant, adornare cœpit, adjutus opera doctissimorum virorum, laudati *Galli*, *Wigandi*, *Amsdorfii*, *Martini Coponis Medici*, *Ebelingii*, & *Matthiæ Indicis*, *Dippolswalda Misnici*, *Basilii Fabri Sorani*, *Andrea Corvini* & *Thom. Holthuteri*, quibus & alii obscuriores addendi sunt. Prodicrat forte tunc temporis *Andr. Osiandri* liber de Justificatione hominis coram Deo. Huic itaque errori de Justificatione per essentialem Justitiam Dei inhabitantem in homine se objiciens, ac paulo post etiam cum *Victorino Strigelio* de libero arbitrio in Spiritualibus confli-

conflictans, Flacius ipse in alium delapsus est errorem, de peccato originali, quod sit ipsa hominis Substantia. Et quamquam exinde multum litigii cum eo peractum fuerit, quod rectus cum sentire, quam loqui, autumabant, ab Eruditis tamen nunquam a formulis certis, quibus de hoc argumento scribere solebat, abduci potuit. Quare re diu deliberata agitataque in Exilium abiit. Hinc passim oberrans Ratisbonam, tandem Argentoratum, Antwerpiam ac Francofurtum denique delatus, atque interea a paucis adhuc quibusdam defensus est. Reliqui enim fere omnes, ut Manicheæ Hæreseos suspectum eum averfabantur. Quod odium coëxcrevit, ut imago ejus ex Bibliotheca etiam Academica Jenensi, in qua omnium Theol. Icones servantur, posthæc exempta ac in locum, a reliquis distinctum seposita fuerit, quasi digna sit, ut quæ in locum peccatorum collocetur. Animam tandem exhalavit An. Chr. 1575. d. 11. Martii Francofurti ad Moenum, ætatis 55. præsentē

Adamo

Adamo Lonicero, de quo postea dicendi locus erit. Atque illic etiam ante fata denuo ad Correctoris munia rediisse non obscura suspicio est. Exequias ei fecit *Caspar Heldelinus* Cronbergenfis sec. al. Lindaviensis, qui una cum Epicediis aliquot ejus scripta in lucem emisit An. 1575. Epitaphium vero ei positum est a M. Joh. Fraxineo. Testantur de hujus viri ingenio & Industria scripta hodiernum extantia plurima: Eminent ejus *Clavis S. sacræ*, egregium opus, cujus optima editio est *Musæana*, in Partes duas distributa: opus, ut ipse fassus est, aliquot annorum, multisque vigiliis & singulari labore, concinnatum, cujus, inprimis vero Partis posterioris Exegeticæ, utilitatem, vix videntur multis satis agnoscere, neque ea, qua par erat, attentione frequenter satis tractare. Introductionem ad lectionem hujus libri fecit *Joh. Olearius* Leucopetrensis Theologus, quæ editioni itidem Jenensi præmissa est, excusæ 1674. fol. Glossa super Nov. Test. primam adspexit lucem An. 1570. & primas

mas post clavem tenet partes, exteris quoque in pretio habita. Elenctica ejus scripta sunt plurima contra Pontificios, ut: *wider den Primat des Pabstes. 1550. Widerlegung des Catechismi des Parren, Bischoffs von Sidon. De Sectis, Dispensionibus, Contradietionibus & Confessionibus Doctrinae Religionis Scriptorum & Doctorum Pontificiorum Bas. 1665. 4. Contra Adiaphoristas multa edidit, quibus recensendis hic supersedere vid. de iis Unschuldige Nachrichten/ 1708. pag. 207. Ejus etiam Catalogus testium veritatis Francofurti 1666. & Cattopoli 1672. quæ Dietetriciana vocatur. Galartiana vero prodiit Lugd. B. 1597. 4. II. Tom. & auctior Genevæ 1608. vide Autores jam confestim citandos Adami in Vitis Theol. Germ. ed. 8. Francofurtanæ p. 472. Freheri Theatrum p. 236. Casparis Sagittarii Introductionem in Histor. Eccles. 4. 1694. exc. p. 241. Uhsæ in Vitis Eruditorum Sec. XVI. & XVII. p. 177. addatur & Wendeleri Disputatio, Memoria*

morias Theologorum aliquot Secc. XVI. & XVII. continens, sub Præsidio Clarissimi Altdorfensis Prof. D. D. *Sontagii* habita, p. 112. Sequitur

Johannes Flittnerus.

QUæ confusio non raro inter Eruditos exoriatur, & quot errores sæpe ex nominibus homonymis literatorum virorum committantur, nemini in hoc studiorum genere, leviter saltem versato, ignotum esse poterit. Non igitur laude sua vel eo nomine, quam alias dudum promeritus est summam, singulari privandus erit. Clar. *Joh. Mollerus* in utilissimo, quem edidit, & de Homonymo-scopia inscripsit, libello. Ego vero, data occasione, similis ex confusione erroris promam exemplum. Duo nempe fuerunt *Flittneri*, ambo *Johannes* appellati. Natus alter Sulæ in oppido Comitatus Henneb. An. 1618. Postquam patrio ludo interfuerat, ad annum usque 1633. in Schlenfingense secessit Gymnasium, & anno 1637. altiori degustaturus, Witte-

Wittebergam, sacra illic pertractaturus studia, migravit. Feliciter iis absolutis Jenam, Lipsiam, & Rostochium delatus est, & tandem Cantoris munus in Illustri Grimmensi Schola obtinuit. Cui quando vix præfuit annum, *Caspere* in terra *Helmio* Diacono Ecclesiæ Grimmensis mortuo, ejus nupsit viduæ, ac officium idem Ecclesiasticum per triginta annos integros accepit administrandum. Exul autem factus, & hoc loco pulsus Stralsundiam devectus est, ibidemque An. 1678. d. 7. Jan. æt. 58. ex hac vitâ discessit, corpus vero Grimmam delatum, ac in templo juxta Altare tumulatum est. Bibliotheca ejus instructissima & Manu exarata, parem fortunam experta fuit, quam habuere, Alexandrina, Byzantina, Scorialensis, Londinensis, *Bartholini Stockfleti*, *Severini Lindrupii*, *Buxtorfii* Biblia Magna Rabbinica, *Keppleri*, *Jungii* &c. Bibliothecæ & Manuscr. quæ igne omnia consumta sunt. Edidit noster *Flittnerus*, das himmlische Lust-Gärtlein; atque is est, qui variorum

riorum hymnorum sacrorum author præscribitur: ut: *Jesus meines Herzens Freude* / it. *Liebster Jesus meine Freude* / &c. Sed de hoc plus satis; Alter *Flittnerus* itidem *Johannes*, Notarius fuit Cæsarea authoritate constitutus, & Poëta excellens, unde hujus Artis lauream promeruerat. De cetero rerum forensium in Dicasterio Francofurtanæ Patronus, quos Procuratores vocant, audit, idemque ille est, qui in vernaculam transtulit *Joh. Heidefeldi Spingeni* Theol. Philosophicam, quæ prodiit An. 1624. 4. Francofurti, cui præfationem præmisit. Atque hos viros, Novorum literatorum Germaniæ Collectores inter se commiscuerunt, unumque ex duobus conflarunt, habueruntque: Quod quidem, si vacat inspecto anno 1705. menseque Septembri p. 328. manifestum erit. Ubi, postquam de priori egerant, eumque optime quidem Hymnorum autorem prædicaverant, tandem eundem etiam Francofurti fuisse, ibidemque operas Typographicas tractasse, tradunt:
 Quem

Quem paullo post etiam Notarium, Poëtam, & Procuratorem Francofurti fuisse affirmant, conferatur p. 350. & 328. optime omnium ea de re consulendus erit hoc in negotio Clarissimus Lubecensium Superintendens G. H. Goëzius in seinem Send-Schreiben an den Herrn Verfasser des Evangelischen Nieder-Schazes: M. Joh. Chr. Olearium 4. 1709. & p. 4. & 5. Ceterum quoniam ipsi Celeberrimi Collectores Nov. Lit. agnoverunt, alterum Anno 1628. jam Notarium fuisse, alterum An. 1618. demum natum fuisse, cospirationem hancce ex ipsomet hoc indicio facto facillime & clarissime patere crediderim. Laudatus præterea Goëzius ex Curriculo Vitæ Grimmensis Diaconi notat, ne semel quidem eum salutasse Francofurtum; Ideo quod correxerit hic locorum Typographicas operas, vix mihi quicquam persuadere potero. Certus potius sum, alterum ejusmodi laboribus incubuisse, qui forsitan sanguine cum priore junctus erat. Non minus interim & hic laudandus

dandus erit, quam iste, quandoquidem foetus Doctorum puros in lucem prodire faciunt Correctores, illi autem quasi gignunt. Vincuntur tamen illi laborum gravitate, non vero molestia & asperitate. Denique, quæ volumina conscribuntur, iis ut cum utilitate & sine falebris frui possimus, hi efficiunt. Sed pergendum ad reliquos. Conferatur interim citatus D. *Goëzjus*. *Nova Literaria Maris Baltici*. *Tenzelius* in *Biblioth. curiosa* p. 18. Recens. Nov - Antiquæ Tom. V. p. 691. Huic addendus igitur est

Erasmus Francisci.

AD Juris - Consultos profapia nobili ortos & Theologicarum scientiarum cognitione claros referri potest celeberrimus *Erasmus*, imo debet, quippe Lubecæ patricio genere natus Anno 1627. d. 19. Novembris, vitalem auram trahere auspicatus est. Parente *Francisco Fix* Consiliario Brunsvico-Lüneburgico spectatissimo, & *Vice Trestio* ut vocant Lauensteinensi & Lavēna-

venaviensi. *Matre Margaretha Erasmi Reuzenii* Christiani IV. Regis Daniæ, Consiliarii Intimi filia. In sacro baptismatis lavacro nomen *Avi*, qui *Erasmus* vocabatur adeptus, postea nominari voluit *Erasmus Francisci* scil. Filius, *Felix* gentilitio, dum viveret, ea de causa neglecto, ut eo melius privatam vitam & natalibus suis non indignam, etsi tenuiorem, degere posset. Ab incunabulis positis literarum Tyrociniis permagnos in humanioribus studiis fecit progressus, & cognitionem variarum rerum Historicarum potissimum est consecutus; conjunctis tamen semper Juris divini & humani Principiis. Felix enim erat ingenio, & Patre complurima innocentiae pietatisque edente exempla, sub ductu celeberrimorum *Dorncrelliorum* ab Eberherz, Patris nempe Doctoris Medicinæ & filii Archidiaconi ad D. Nicolaum Lüneburgici, non vulgarem, se aliquando doctrinæ futurum amplificatorem spem fecit. Annis jam longius proventus, Patruelis sui *Joh. Ernesti* de Wallenrod studio-

rum ac morum moderamine in suscepto , peregre cum eo abiit : Graviori in via morbo tamen correptus , & ab eo pergente relictus , alia deinceps occasione oblata varias peragravit Provincias & Regiones. Multum exinde lucri & utilitatis in his itineribus capiens , ac refertus doctrina politiori , aliisque ornamentis , in patriam remigravit , matrimoniumque paulo post contraxit cum Centurionis cujusdam *Johannis Mänhofii* vidua , filia *Lucæ Friderici* Inspectoris Primarii Publicanorum ad fluvium Albim , quæ *Maria Hedvvgis Sibylla* dicta est , muliere omnibus virtutibus decorata. Verum sinistra quædam posthæc expertus fata , ob gravissimas causas Norimbergam cum uxore transvehi voluit : Patrimonium enim , quod jure optimo utrisque debebatur a Tutoribus aliisque , erat dilapidatum ; Adhuc etiam uxoris Creditores non erant solvendo , ut , unde pro generis conditione domi apte viverent , vix superesset. Ex eo tempore a Viro in Norica Civitate clarissimo

rissimo, *Joh. Doppelmayero*, honorifice invitatus, benevolentiam iste hanc acceptans cum omni familia sub tutela benignissima Senatus inclyti in hac Imperiali Civitate degere cœpit. Quamquam vero maximis his in locis a laudato *Doppelmayero* ornatus est benefactis, tamen ne viri voluntate ac propensione abuti videretur, & ipse circumspexit hinc inde, ut sibi vitæ sustentandæ necessarios sumtus pararet, negotiumque isti faciliteret. Consecravit igitur tandem laudabili conatu, se & libris scribendis & corrigendis in Typographiis. Ad quod institutum illi plurimum sufficebant studia literarum feliciter acta, & desiderio ejus satisfecerunt, *Endteriani* Bibliopolæ ac Typographi. Etenim non tantum sumtibus suis in lucem ejus ingenii foetus multiplices protraxerunt, verum etiam alios varii generis libros sub prelis suis sudantes curæ ejus tradiderunt, ut vitiis expurgaret, correctissimosque Eruditis exhiberet. Quo labore victum sibi Vir diligentissimus largum faciebat,

præcipue cum ad alia munia obeunda, ob vires corporis admodum debiles, & memoriæ, aggravescente ætate, notabilem imbecillitatem minus idoneum se fore credidisset. Unde & quamvis functiones variæ satis splendidae ab aliquot Imperii Germ. Proceribus offerrentur, vitæ tamen genus, quod hætenus vixerat, quietum tranquillitatisque plenissimum, & ab aularum turbulentis negotiis alienum sponte retinuit, solo Consiliarii Illustrissimi Comitis ab Hohenloh & Gleichen titulo contentus. Ita tandem vitæ hujus satur, Vir exploratæ inter omnes Integritatis ac Pietatis vi morbi correptus sentiens imminentis solutionis Corporis & Animæ horam sibi exoptatam, rebus compositis Spiritum suum Deo reddidit d. 20. Octobris anno a nato Christo 1694. Eamq; mortem non imparato accidisse, ex eo patebit, quod sibi ipsi jam antea tria funebria carmina in templo & tumultum præcinenda confecerit, quæ etiam Concioni funebri, mox citandæ, adjecta sunt. Quorum titulus *vorberetliche*
Her.

Herzens-Rüstung vor dem Ende zu dem Ende. Porro Manuali ipsius L.L. nempe Confessionum Augustini, cum Anselmi Meditationibus &c. ex quibus quotidie ad Deum precari solebat, verba inscripta sequentia, & non atramento solum, verum etiam ipso viri pii sanguine exarata hunc in modum reperiabantur :

**GESU / du mein höchstes Gut /
Dir verschreib ich Herz und Blut.**

Ex quibus Pietas, & affectus in Deum ardens non obscure poterit cognosci. Nomen de reliquo, *Fixius*, nonnisi ex ipsiusmet Vitæ curriculo, quod scripserat, certo post mortem innotuit. Cum olim nescio quod *Mynsichti* & alia ab ipso consulto assumpta a variis passim tribuerentur, & adhuc falso tribui soleant. Quantum post fata reliquerit & Eruditorum luctum, & apud plurimos, etiam Personas Illustres, desiderium, ut & Scripta doctrinæ & raræ Pietatis testimonia, nemini credo ignotum esse. Illa vero sunt vel Theol. vel Historica, priora apud *Uh-*

seum & alios invenies, nos vero reliqua
 hic addemus, quibus cum iis conjun-
 ctis, omnia habebis. Sunt vero po-
 tiora : Neu- aufgerichtete Liebes-
 Kammer / primum fuit a juvene ad-
 huc profectum, 8. Lustige Schau-
 Bühne allerhand Curiositäten / P. III. 8.
 Herandringende Türcken- Gefahr / 4.
 Tisch-Reden eines vornehmen Bassa /
 4. Türkische Staats- und Regi-
 ments- Beschreibung / 4. Neue und
 kurze Beschreibung des Königreich
 Ungarns / sub nom. C. M. Türk-
 sches Stadt- Büchlein / sub nom.
 Theophili Urbini : Historischer Lor-
 beer- Kranz / der Christlichen Ritters-
 Leute / sub nom. Des Erzehlenden :
 Hohe- Trauer- Saal / IV. P. 8. Neuer
 Polnischer Florus, 12. Schau- Platz
 der denckwürdigen Geschichte / 8.
 Ost- West- Indtanischer und Sines-
 scher Lust- und Staats- Garten / fol.
 cum figuris, fol. P. II. Die alleredelste
 Sache der alleredelsten Gemüther /
 12. Guinefischer und Americanischer
 Blumen- Busch / 8. Historisch Rauch-
 faß /

faß / III. P. Das eröffnete Lust-
 Haus der obern Welt / 4. cum Fig.
 Der Erd-umgebne Luft-Straiß / 4.
 cum Fig. Bericht von der Lappländ-
 der Wahrsager- Paucken und Hexe-
 reyen / 8. Vermehrung des Cometens
 Gespöts: Der Ottomannische Welt-
 Hammer: Der siegende und entzün-
 de Adler / 4. Türckischer Gubernator
 und Vassall. Die Ehre des Herzogs-
 thum Grains / coll. a Joh. Weichardo
 Valvassore, Germ. redd. 1689. fol. cum
 Figg. Der Höllische Proteus: Die
 Ehre der verbliebenen alten Heiden:
 Vorblitz des fortstrahlenden Adler-
 Blitzes / 4. cum Fig. De his omnibus
 illud notandum, in Historiis recensendis
 non indubitata semper fidei fundamen-
 tis bonum virum niti, ut qui raro vel
 a libris vel vivis hominibus deceptus ad-
 modum fuit, & certe memini, me ipsum
 a viro, ad hujusmodi res nato, perce-
 pisse, se non raro *Francisco* in Tabernis
 Bibliopolarum de variis rebus sciscitanti
 falsissimas Historias pro veris dixisse,
 quas ille notatas suis dein operibus in-

seruisse credebatur. Vide de reliquo *Pippingium* in *Memoriis Theol.* p. 1078. *Uhseum* p. 637. qui sua sine dubio haurere ex sermone funebri a *Joh. Conrad. Feurlino* Nerolingenſium nunc Superintendente celeberrimo, ſuſceptore meo maxime venerando, recitato, & una cum oratione Parentali, a D. *Wolfg. Chriſt. Deſlero*, viro pientiffimo habita, ab eodem luci expoſito ſol. 1697. Catalogus librorum omnium prodiit ſuntibus auctoris, 8. 1691. Norib.

Johannes Frobenius.

Vir omnium conſenſu nunquam ſatis laudatus, atque præconiis promeritis extollendus. Typographus prudens, & celebritate nominis caput efferens, ut inter *Viburna Cupreſſus*. Natus eſt *Hamelburgi Franconiæ*, enutritusque bonis literis, miſſus eſt poſtmodum *Baſileam*, ut ad finem optatum ſtudia perduceret. Illic ingenii ſui bonitate & judicii acrimonia præclaram navavit operam. Conſilio deinceps non contemnendo, una cum
Adamo

Adamo Petri a Langendorf oriundo
 eodem ex Hamelburgo populari, ce-
 leberrimorum tunc temporis Typo-
 rhetarum *Joh. Ammerbachii*, & *Joh.
 Petri* Amicitiam & Amorem sibi con-
 ciliavit. Eoque favore impetrato la-
 bores suos illis uterque obtulerunt, in
 corrigendos codices impendendos. Nec
 minus acceptis promissis sedulo ad-
 modum, ea quæ facienda susceperant,
 peregerunt: Unde factum est, ut tanto
 in hanc ipsam Artem, omnium artium
 certe utilissimam, amore flagrare inci-
 peret, a quo retrahi haud unquam po-
 tuit. Quin potius ipse permittentibus,
 imo suadentibus reliquis istius loci Ty-
 pographis officinam hujusmodi &
 sibi comparavit. Ex qua edidit libros
 postea in publicam lucem quam plu-
 rimos & optimos, quos ob nitorem,
 diligentiam & chartæ soliditatem ho-
 dieque admiratur politior orbis. Inter
 quos in primis Augustinum a *Joh. Am-
 merbachio* inceptum & Hieronym. ut
 nitidissimos ita correctissimos connu-
 merant. Usus enim, ut cura ipsius
 singu-

Angulari, ita quoque pariter Correctoribus Eruditissimis, *Pelicano*, *Ammerbachicis* fratribus, *Erasmo Roterodamo* & similibus, de quibus suo loco actum est. Præcipue vero cum Erasmo intimam eoluit Amicitiam, certantesque invicem de victoria ex beneficiorum alteri tributorum numero reportanda conspiciebantur, diverso a nostro ævo more, ubi tritum illud & malum: Proximus sum egomet mihi potius invaluit dictevium. Frobenius contra erat procul ab omnibus simulatibus, liberalis, animo forti & constante, omnium mundanarum divitiarum contemtor, suaque Sorte contentus. E loco aliquando sublimi in terram præceps cum rueret lateritiam, lethali isthoc casu admodum laborabat, & rebus suis difficulter prospicere amplius posse videbatur, cum præsertim nemini eo infortunio patefacto sequenti anno circa talum cruciatus sentiens, pessime habere cœpisset. Restitutus tamen utcunque, suavisu Medicorum & desideratissimi sui Desiderii Francofurtum itinera varia susce-

suscepit , *Erasmo* omnibus Typogr. curis relictis , verum reversus iterum , laboribusque repetitis , & viribus maxima ex parte amissis , ex alto denuo in pavimentum quoddam cecidit , graveque capiti inflixit vulnus. Unde etiam post biduum corporis exuviis liberatus , ad vivendi finem feliciter pervenit An. Chr. 1527. cum valetudine ita prospera & vegeta semper usus fuisset , ut per omnem vitam nunquam morbo decubuerit. *Hunc virum nobis ereptum , ut cum Erasmo loquar , decebat omnes , qui colunt bonas literas , pullatos , lacrymas & luctum sumere , apio flosculisque sepulchrum ornare , lymphas aspergere , odores adolere , siquid talibus officiis proficeretur.* Id quod eo magis confirmat , dum in Epistola infra citanda Erasmus ad Joh. Emstadium scribit : *Fratri Germani mortem moderatissime tuli , Frobenii desiderium ferre non possum.* Ipse certe defuncto posuit Epitaphia , ex quibus latinum huc adduxisse juvabit :

*Ardua Johannis tegit hic lapis ossa Fro-
beni,*

Orbe vivit toto nescia fama mori.

*Meribus hanc niveis meruit studiisque
juvandis,*

*Quæ nunc mæsta jacent, orba parente
suo.*

*Rettulit, ornavit, veterum ornamenta
Sophorum,*

Arte, manu, curis, ære, favore, fide.

*Huic vitam in cælis date Numina justæ
perennem,*

Per nos in terris vita perennis erit.

Vid. Adami Vitæ Philos. p. m. 63. Reim-
mannus P. III. p. 247. Urstisii Epit.
Histor. Basileensis 8. p. 179. Conf. Epi-
stola 9. L. XXIII. Epp. Londini fol.
1642. exc. Antea quam vero pedem
ad alios sum prolaturus, non abs re fore
judico, si alium quendam Virum Fro-
benio per Vitam conjunctissimum,
cum eo etiam post fata conjunxero.
Est ille Lachnerus, Princeps Frobenianæ
Typographiæ, & Typographi istius So-
cer optimus, quem Celeberrimus Era-
smus, titulo nunc nominato, non solum

orna-

ornavit, verum etiam Ep. octava Libri XIX. Voluminis Londinensis, virum utriusque Literaturæ doctissimum, & pari secum fide præditum, quod sane in postremis haud numerandum. Ex his verbis aliisque Ep. 2. L. III. Clarissimus Caveus evincere jure optimo potuit, quod solus primum, postea vero simul cum Erasino muneri Correctorio præfectus fuit, ita quidem, ut hodie non sine laudibus hujus Lachneri facienda sit mentio. Videantur Prolegomena in Scriptores Ecclesiasticos n. XI.

Johannes Thomas Freigius.

Clarum inter Philologos & Jure-Consultos nomen est, *Johannis Thomæ Freigii*, & Academiæ Altdorfinæ in primis memorabile. Rectoris enim in ea secundi post *Erythraum* munus ab Anno 1576. supra quinquennium obiit. De prioribus fatis non erimus verbosi; ut enim Basileæ studiis literarum incubuerit, rationem illam studiorum suorum *M. Christoph. Angerer* in

in Carmine Schematismis trium artium præmisso An. 1568. exposuit. Quem admodum autem *Friburgi* docuerit, deinde & *Basileæ*, multo minus opus est, ut pluribus repetamus: quæ *Adamus* & exinde *Freherus*, atque *Omeisius* excerpterunt: Quæ tamen ipse quoque in oratione prima hic *Altdorfi* habitaculo a *Philippo Camerario*, Rector Scholæ novæ præficeretur, publice narravit; Atque illic etiam Præceptores reperies Juris-Consultum *Zasium*, *H. Glareanum*, & *P. Ramum*, cui præcipue in Gallia additus fuit; etsi postea in præfatione Moisaico suo præfixa Rami asseda haberi noluerit, sed *Aristotelis* Sectator. Quæ ipsa præfatio Anno 1582. *Basilæa* scripta singularia quædam nobis suppeditabit, quæ extremam viri fortunam nobis explicabunt, paucissimis forte, & ipsam illam legentibus, cognita, nisi lucem aliquam a nobis affusam acceperint. Conqueritur enim in ea magnopere de Calumniis a quodam *Theatino*, Epistola præsertim publice sparsa, disseminatis, & mendacia ei per multa adscribit in
illa

illa ipsa Epistola palam pronunciata. Inter quæ accusatio de studio in Ratum nimio primum locum tenet. Altera imputat ei, quod subornaverit *Freigius* Studiosos, qui in lectionibus hujus Theatini strepitum excitarent. Tertia odium Aristotelis cum Ramæo studio repetit. Quarto inimicitiam in Adversarii hujus auditores *Freigio* obijcit. Ceterum, quod hospitem illius sollicitaverit, ne in ædibus suis retineret, perhibet. Et his similia: Quæ enim supersunt, ab istis non differunt, aut levia sunt. Nec tamen nomen indicat ejus, cum quo contentionem habet, & in quem gravibus invehitur verbis. Illud ergo ut intelligas, Lector benevole, *Theatinum*. hunc fuisse, *Christianum Grant* / Saxonem & discipulum Jesuitarum, nolumus Te ignorare. In quorum Scholis cum alibi, atque Romæ etiam vixisset, & ad castra tandem nostratum transiisse præ se ferret, sua jactantia, quæ fuit maxima, Eruditionis Philosophicæ & Aristotelicæ potissimum, impetravit, postquam Norimbergam

bergam venerat, ut in Academia Altdorfina, recens condita, Professoris munus affectaret, eoque nomine jam aliquoties in Auditorio publico prælectiones illic institueret. Quas quidem omnino nonnisi tres fuisse, & non plures, ipse Freigius in laudata præfatione commemoravit, sed tamen maximam hominis audaciam ita describit, ut non solum *Hotomannum*, *Zuvingerum*, *Grynæum* tanquam barbaros adduxisse affirmet, sed *Sturmium* etiam *Rhetorculum* appellasse, *Philippum* aperta fronte contempsisse, *Ciceronem* pro homine loquaci & inepto habuisse, dicat. Imo etiam *Freigio* denunciari iussisse legitur, ut ad pugnam se pararet, & de æternitate Mundi, Providentia DEI, & immortalitate animæ secum disputaret, quanquam Sophista ille objecerit *Freigio*, se fuisse ab ipso ad nescio quod barbarum certamen provocatum, quod tamen *Freigius* constanter inficiatus est. Idem vero, postquam illa ad disputationem evocatio e Cathedra contigerat, strepitu excitato, studiosos præmature disces-

discessisse, loco citato narrat. Eademque occasione calumnias etiam coeteras obiectas operose diluit, & inter alia hospitio *Glaciani* hominem istum Altdorfi quidem usum esse, sed ex eo nunquam a se expulsum asserit. Neque aliud quidquam ei molestiae creatum esse saepius repetit, nisi quod ad Reipublicae Proceres identidem scriptitasse aliunde constat, significando scilicet, fore, ut si isti Thrasoni licentia hæc declamandi & profitendi concedatur, quod ipse hætenus extruxerit boni in nova Academia, penitus evertatur. In quo non fefellisse *Freigium* opinionem sequentis temporis turbulenti hujus hominis fata reliqua addocuere. Quippe, ex quibus in Poloniam mox commigraturum, hostes divinitatis Christi jam sub initium A. 1584. Antitrinitarios adiisse constat, atque tandem ipsius *Socini* Antagonista factum Claudiopoli in Transylvania 1590. diem obiisse innotuit. Quicquid vero horum fuit, eventus Altdorfini litigii iste fuit, ut *Frænckius* Norimbergam revocaretur, & quod

ex Epistola Norimbergensis Amplissimi Viri *συγγενὴς* intelliximus, ideo, *quia Freigius tantopere se ei opposuisset*, publice docendi in Auditorio Ægidiano potestas illi fieret; ubi organon Aristotelicum prælegentem, tam celebre habuisse auditorium, idem testatur, ut Senatores quoque & Consiliarii quidam aliquandiu auscultatores fuerint, neque tamen deessent etiam (hæc ille addit,) varia hominum ea de re iudicia. Facta hæc sunt sub finem anni 1580. & initium sequentis 81. Ex parte Freigii autem, dum hæc ita agebantur, denique accidit, ut Vir alias doctissimus, sed vehementiori, & Cholericò, ut videtur, temperamento affectus, suspensiones animo conciperet, annoque incunte 82. missionem posceret, & tandem etiam discedendo Altdorfio honestissimam conditionem defereret suam. Quas suspensiones, quasi contemptui esset Proceribus inclytæ Reipubl. Norimb., tantum aberat, ut dissimularet in præfatione isthac sua, ut tanquam causam discessus sui primariam ipsemet allega-

allegaverit. Ut ut Basileæ etiam postea multum de injuria sibi illata non sine indignatione, nescio an satis solida, conquestus sit. Quæ utrum è Rectoris officio adempto ficta fuerit nec ne, pro certo non affirmamus. Illud scimus, post impetrata Privilegia Academica Munus, quod ex eo tempore more solito cœpit esse anniversarium, & a Freigio supra quinquennium gestum, in *Edonem Hildericum a Varel* translatum esse, *Freigiumque* eo honorifice exutum. Præter causam *Franckianam* alias fuisse, ob quas abierit Basileam, disertis verbis etiam in citata præfatione testatum reliquit, sed quænam illæ fuerint, prior an aliæ, non liquet. Atque ob hanc denique in urbem inclytam Basileam reversionem fecerat ista præmittenda. Nam tunc demum, quod animo jamdudum agitaverat, non solum, sed etiam re ipsa peregerat aliquandiu, iterum subit munus, & in *sua familiaque sua salutis præsentissimum periculum* (liberali stipendio privatus Norica,) conjectus operis Typographicis se addixit,

Correctoris labores in Sebastiani Henrici (filii) Petrina officina suscipiendo, iisque, quod sciamus, moriendo. Rediisse ad hos labores diu quidem dubitaveramus, sed postquam in oratione Altdorfina Auspicali tales ipsum jam antea fecisse professum legimus, quod nempe *ab Hieronymo Wolfio in Typographicis laboribus Basilea sudans inclitya Norimb. Senatui commendatus sit*, tanto minus de eo dubitavimus. Atque eo magis desudasse in hoc exercitio Correctoris per aliquod tempus credimus, *quoniam totum amata, & culta a se Typographia se devovisse*, ibidem ait. Imo a Typographico prelo & aratri stiva, seu prædii cujusdam redditibus, *ad Dictaturam literarum, ut alter Cincinnatus evocatum* tertia vice inquit. Ut adeo non de novo Correctoris labore, sed iterato recepisse, & quod dictum, immortuum iis esse, jam sit extra dubitationem positum. De priori munere ultro quaesito J. J. Grynei Theologi Reform. Basil. nos instruxit testimonium, qui ipse præsens ex eadem urbe, cum

non-

nondum vidisset, Freigium, cum sibi
sumsisse Correctoris illud officium se in-
telligere, ad C. A. *Julium* Norimbergam
perscripsit. Ex qua Typographia etiam
supra citatus *Mosaicus*, s. Historia Pa-
triarcharum & Mosis, Freigii 1582.
prodiit. De posteriori vero omnes
mentionem fecere, quando Peste il-
lum Basileæ, quæ tum ibidemque graf-
fabatur, abreptum annotarunt, & qui-
dem, quod a plerisque omissum, cum
annum ætatis vix quadragesimum ter-
tium explevisset, & paulo ante obitum,
& Patris & filiæ funera vidisset, quæ,
ut alia infortunia, illi Theonino ho-
mini (seu *Franckio*) accepta se ferre in
citata præfatione professus est. Quos
libros interea emaculaverit ibidem fa-
cile ex Chronologia constabit. Scripta
vero, quæ ipse in lucem dedit publicam,
quæ sunt multa admodum & notissima,
recensere supersedemus, nisi quod
dignum videtur annotata præter illa a
Frehero cumulata edidisse Grammati-
cam, Rhetoricam, Poëticam, Logicam
in Usus Scholæ Altdorfinæ, 8. 1580.

Norimberg. De moribus & genio non satis constanti & fixo, sed defultorio & vago lubet cum B. L. communicare Ep. Manuscriptam, nondum editam, quam debemus Patroni cujusdam benevolentiae, quæ ab eodem laudato *Grynæo*. ad familiarem quendam amicum scripta est Anno 1582. d. 20. Octobris. Illam autem quam antea nominavimus ad C. A. Julium scriptam cum aliis circa hos etiam dies in lucem protrahet *M. S. J. Apin. Altdorfinus*. Nostra vero hæc est. S. Magnifice & præstantissime Vir, Libenter sanè & Lazaro Koetzlero vestro, & meo propinquo Doctori Samueli Grynæo J. C. morem gessi, cum ambo peterent, ut moram illius, quæ ei publici testimonii in utroque Jure Candidato, hoc tempore opus est, eo consilio apud tuam præstantiam excusarem, ut & fratribus ac propinquis constare posset, justam ob causam reditum in patriam cum in hoc usque tempus distulisse. Quod enim se mihi familiariter, statim atque Basileam venisset, adjunxisset: & tuæ præstantiæ commendatio, accessisset:

fisset: vestrique homines mihi multis de
caussis cari sint & amabiles, ejus mihi
habendam rationem duxi; ac in ipsius
gratiam, cum intimo meo Ammer-
bachio, cum D. Samuele Grynæo & D.
Adamo sæpe contuli: ac, nisi fallor,
auctor illi fui, ut eam Juris vestri cogno-
scendi gratia methodum sit ingressus,
cujus beneficio istis proxime præteritis
diebus in sacris apertancis, quibus ex-
ploratur Candidatorum doctrina, vice-
rit expectationem J. C. ut mihi D. Sa-
muel narravit. Restat Disputatio in-
auguralis, qua ubi *ὁν θεῶν* defunctus
fuerit, ornatus publico testimonio, sta-
tim Noribergam accedet, ut ne familiæ
herciscundæ, fratrumque suorum vo-
luntati usquam deficiat. Oro itaque præ-
stantiam tuam, Vir amplissime, ut pro
tua auctoritate non graveris, hominem
tui nominis observantem, apud fratres,
cum erit opus, excusare. Non diu res
prorogabitur: Sed ut arbitror intra 14.
diem absolvetur. Christus Dominus
det, ut Patriæ suæ Lazarus noster, clariss.
parentis exemplo, usu olim sit & orna-
mento.

O 5

Habui-

Habuimus proxime præteritis mensibus, florentissimam Academiam, cum multi illustres, generosi & eruditi homines ad nos sese reciperent. Sed *μυρμήκιον* istud Academicum pestis magna ex parte dissipavit. Non tamen conticuerunt hætenus piæ Musæ: ac me, quod attinet, disco quid sit *ναυάγια πολιτεύειν*, dum ne quidem pestis facit, ut omnes a latere discedant. Quod autem multæ omnium facultatum hominibus proficiscendi occasiones, hospitibus nostris Academicis, non defuisse, intelligentes viderint: non dubitamus, remittente Dei ferula, multos, & propter tranquillitatem Ecclesiæ Scholæque (quæ Dei beneficio nunc mediocris est) & propter eruditæ doctrinæ exercitia, huc accessuros. Ac si tum Magnifico Viro, Domino Geudero, tuæ præstantiæ & aliis, placebit, filios huc ablegare, meque superstitem esse volet Christus, re ipsa testabor, quanti vos omnes faciam. Licebit enim illis & domo & Colloquiis & Libris meis uti & frui. Freigius apud nos priva-
tam

tam agit vitam. Sane & Ammerbachio, & mihi permirum visum est, quòd à vobis discedens, κυγλίζειν ἀγαθὸν βίον maluit, quàm spartam, quam nactus erat, exornare. Sed non me fefellit conjectura; Memini enim cum primum ad vos accessisset, me quibusdam dicere, futurum, ut dum genio suo delectatur, paucorum annorum hospes sit in Norico. Mitto Theses Theologicas, de quibus permitto judicium tuæ præstantiæ. Precor toti familiæ tuæ benedictionem à Christo, & amanter πανοικὲς saluto filium tuum, optatissimum meum Compatrem Doct. Christoph. Basileæ 20. Octobr. 1582.

Verè tui Studiosus

J. Grynæus.

Jam ad Literam G. transmigrandum erit, ubi primus memorandus occurrat

Sigismundus Gelenius.

CLaruit olim in Bohemiæ Regno, familiæ antiquitate & meritis illustris, Gelenia dicta, quæ a Cervis nomen

men hoc traxerat: Eos enim, ut audio, Bohemi Gelenos vocant. Atque a nobis Cervina quam optime nominari poterit. Ex ea ortum suum *Sigismundus* noster *Gelenius* habet, natus siquidem Pragæ, quæ Sedes est Bohemiæ Regia, Patre de Republica bene merito viro, quique in Summis apud Regem honoribus & maximo vivebat loco. Quo etiam non videtur indignus fuisse, siquidem, præter publicarum rerum peritiam, non illiteratus, etiam jam Sec. XVI. Eruditione sua in regno magnam nominis sui famam est adeptus, atque inter alia lepidum illud Erasmi opusculum, de Moria, in vernaculam accuratissime transtulit. Mater fœmina nobilis audit, prudens & ob virtutis laudem a Regina similiter valde adamata, & ei & ob probitatem morum admodum familiaris fuisse fertur. His parentibus genitus, natusque *Sigismundus* noster, parem suis natalibus habuit educationem, ingenuam quippe ac magnificam, nec minoribus virtutibus paria quoque cum Patre confectabatur studia.

studia. Ad ea longius provehenda, atque ad dotes animi magis magisque excolendas, cum ad externos profectus, juvenis admodum Germaniam Galliamque lustraret, variarum linguarum collegit notitiam. Præcipue vero linguæ Græcæ amore captus ad eam sibi penitus addiscendam animum appulit, inque ea literatura Doctorem habuit cum & Italiam visiteret Marcum Musurum Græculum celeberrimum; eo successu, tantaque fortuna, ut mirum in modum postea in isto idiomate excellerit. Posteaquam pecuniam ex Patris hæreditate acceptam in necessarios studiorum sumtus impenderat, redditum ex Italorum terra in Germaniam suam paravit, atque ex eo tempore aliquandiu Wittebergæ Philippo gratissimus hospes, ut & Camerario Sodalis jucundissimus vixit. Tum vero denuo ad externos abiturus, mutato vero consilio, Basileæ substitit. Cum enim egestatis mala, comitemque bonæ mentis paupertatem sentiret, jam attritus opibus, ap. *Frobenium*, vir meliori dignus

dignus Sparta , victum sibi amictum-
 que quæsit. In ejus igitur officinam
 receptus Typographicam codices Ma-
 nuscriptos perlustravit , mancos muti-
 losque restituit , atque inter imprimen-
 dum emendavit ; tanto quidem studio
 & conatu , ut parturire eos foetus solus
 atque unus pro omnibus videretur.
 Maximopere sane laudat ejus diligen-
 tiam in isthac negotio dato , adhibitam
 in præfatione ad *Ammianum Marcelli-*
num H. Valesius. *Erat quidem inquit ille*
in utroque horum virorum , magna doctri-
na , ut scripta utriusque testantur. Sed
in Gelenio major quedam ingenii vis , &
judicium acrius. Quod cum multi præ-
claræ labores illius viri testantur , tum ma-
xime interpretationes latine Dionysii Ha-
licarn. Appiani , Philonis & aliorum. Ex
quibus apparet , cum excellenti ingenio ,
& singulari doctrina præditum fuisse. Sed
& Ammiani Marcellini Historia ab eo
edita abunde id testantur. In quibus plu-
rima & ingenio se emendavit , & insignem
paginarum transpositionem , quæ in omni-
bus MSCtis Codicibus reperitur , & in
 editio-

editioe extat Accursii, mira dexteritate restituit. Quamobrem ejus viri nomina libenter hoc laudis impertimus testimonium, neminem adhuc extitisse, qui de Historia Marcellini melius meritus sit. Neque parcior in eo prædicando fuit celeberrimus Huetius, qui de claris Interpretibus; Erat scribit, in eo animo lenitas mira, natura bonitas quadam, ut vix irasci posset: Irritatus etiam cum nemine unquam similitatem gessit: Rerum alienarum minime curiosus, minime suspicax, sed antiqua non tamen stulta simplicitate præditus. Referunt quoque statura fuisse procerum, memoria polentem divina, continentiae denique & abstinentiae miræ. Certe per multos annos in his laboribus constitutus, omnium Eruditorum favorem sibi comparavit; at vero, ut nullas comparavit divitias, ita quoque relinquendis & ad hæredes transmittendis sollicitudo eum non habuit, suppellectili domestica victuque parco contentum. Ceterum laborem suum, quem impendebat in corrigendis codicibus, tanto pro-

prosecutus est amore , ut varia etiam munera publica , quæ offerebantur constanter recusaret. Adeo , ut cum a Rege Bohemiæ magnis præmiis & amplissimis honoribus promissis in regnum patrum juberetur redire , oblata respueret , moderatum hocce vitæ genus , ambiosis & turbulentis aulæ ambagibus sapienter præferens. Similiter & *Phil. Melanchthon* aliquoties ad officium publicum invitavit , atque inter alia in Schola Noribergæ instauranda centum aureorum precio , in singulos annos constituto , conducere effatus est. Sic enim in Epistola quadam , quæ reperitur inter ad *Camerarium* scriptas & editas Lips. ap. Voegelinum 8. p. 49. ille scripsit : *Sed addixi, inquires, Biennii operas Frobenio: Nihil a Te, vir optime, petitur, quod non possis honeste præstare. Nam si ea res una prostat, quo minus concedas Noribergam, aget cum Frobenio Senatus urbis, ut fidem tuam liberet; Proinde hoc scire cupiunt, an si permittat Frobenius, pertrahi Noribergam patiaris. Multæ profecto causæ sunt, quæ Te in-*
vitare

vitare eo debebant , quas si omnes colligerem , viderer de tua Prudentia dubitare. Sed hac est precipua , qua animum Tuum pellere debebat , quod ex Republ. videris facturus , si in eo loco studia bonarum literarum instauraveris. Quas itaque Te , ut de voluntate Tua Baumgärtnero respondeas. Senatus prestabit , & ut fides Tua liberetur , & ne Te susceptæ conditionis pœniteat. Sed neque his Melanchthonis , precibus ut optaverat ille , respondit , nec ad lautiorẽ fortunam , qua ob mores & studia elegantiora dignissimus habebatur , ab incepto deduci potuit. Segniores enim se futurum credidit , rerum omnium attenuata fortuna in meliorem conversa. Nec tamen interea defuere Viro industrio beneficia alia , quæ in eum sunt derivata ; nam præter ea , quæ a Frobenio accipiebat , Johannes etiam Rudolphus Stöer , Antistes Murbacensis & Ludrensis , annum illi concessit stipendium , quod post facta Geleni Oporinus ad Bibliothecam amplificandam ab eodem Starzio , Musarum Pattono indulgentissimo , impetravit.

Facile exinde colligere poterimus, quanto studio Doctores Gelenium nostrum observarint, ut etiam exemplo nostra ætate rarissimo, imo nullo, communi quasi Literarum nomine certam pecuniæ summam pependerit. Sed & contigit nostro, quod fieri sæpius solet, ut laudentur ab his, culpentur ab illis. Nam neque *Gelenius* caruit obrectatoribus, quorum alii nimiam libertatem, qua tunc Correctores utebantur in emendandis ac restituendis scriptis, reprehendebant, alii alia. Inter hos Clar. C. Barthius in Adversariis suis L. XLIV. c. I. hunc in modum judicavit. *Ingeniosissimus, sed audacissimus, & prorsus nihil sibi negans Arnobii Corrector fuit, Sigism. Gelenius in eam editionem, quam totam ad suum captum reformavit, aut transformavit. Conspirat cum Barthio præfatio editionis Lugdunensis Bar. Arnobii 1651. excusæ. Arnobium, inquit, hunc primus quidem vulgaverat Franciscus Priscianus Florentinus, sed una cum veteris Manuscripti, quo usus fuerat, sædis admodum erroribus. Sigismundus*

mundus postea Gelenius editionem hanc corruptam, solo ingenio, ut potuit, restituit. Sed ingenii ille fiducia malo exemplo usus conjecturas suas textui inseruit, antiquas lectiones suo Imperio ejecit, & Arnobium nobis finxit, qui Arnobii speciem non refert. Eandemque licentiam conquesti sunt Eruditi, illum sibi sumsisse in editione Plinii tertium a Gelenio castigata, quorum quidam, ac si quicquid libuerit ex capite suo mutaverit, asserunt; gloriatumque mirifica se præstitisse, cum potius crimine maximo se polluerit, addunt. In unam cum his sententiam mihi visus est ivisse Huetius, a quo ante laudem obtinuerat egregiam, & alii, quorum tamen querelæ, quantæcunque etiam fuerint, merita tanti viri per triginta annos Reipubl. literariæ exhibita vix obscurant, tantum abest, ut contaminent, aut tollant. Ea enim præstita sunt a Gelenio, quæ ab aliis multis exspectari vix poterant. Quibus libris emaculandis præfuerit, ex annis obitus, vitæque in Typographia antecedentibus facile intelligi poterit.

Unde & præfationum ab eodem præmissarum, quarum haud paucæ sunt, a Correctoribus quibusvis vel Typographorum nomine, vel suo etiam præscriptæ Author cognoscendus est. Fatis autem concessit ultimis noster *Gelenius* Basileæ, ubi etiam uxorem duxerat, An. 1554. ætatis suæ 77. relictis scriptis variis, ex quibus eminent: Versiones Lat. Dionysii Halicarn.: Josephi Evagrii Historiæ Eccles.: Originis contra Celsum: Philonis operum omnium: Appiani de Bellis Punicis, Syriacis & Parthicis: Dictionarium quadrilingue. Græco-Latino-German-Dalmaticum: Annotationes in Titum Livium: it. in Plinii Historiam naturalem: Præfatio in Eutropium &c. Quæ sunt Basileæ omnia excusa & ab eo correctæ apud *Frobenium*. Videantur, Thuanus in Histor. Gall. L. LXIII. p. 277. Bælius in Lexico Critico ed. posterioris T. II. p. 1322. Buddeus in Lexico Univerf. T. I. II. p. 219. Teissierius Les Eloges des Hommes Scavans T. I. p. 89. Adami in Vitis Juris-Consultorum in Vita Zuichemii p. m.

p. m. 228. ubi cum doctissimo viro *Sigismundo Gelenio* Basileæ Amicitiam ille contraxisse legitur, eo tempore, quo libris ibidem corrigendis noster præesset. Adde & Cl. Reimmannum P. III. c. 1. p. 231. Succedit

Hieronimus Gemusæus.

ORtum huic dedit Mulhusium, Alsatia Superioris oppidum, Helvetiis foedere junctum An. 1505. Cum ingenio esset præstanti ad studia literarum a suis adhibitus est: Idque primum in Schola patria factum, postea tamen Basileam ad mercatum elegantiorum studiorum missum legimus. Nec inconsulto; habuit enim quos audiret illic optimos doctrinae omnes non minus quam Pietatis Doctores, ex quibus *Henricus Glareanus* eminuit. Atq; hujus etiam institutione ita excitatus est, ut non raro absente illo, vices Præceptoris subire, & magna suavitæ condiscipulos suos docere potuerit. Eodem *Glareano* Philos. ordinis Decano summos laborum suorum adeptus honores, Magister

anno ætatis suæ vigesimo renunciatus est. Discedens postmodum Basilea in vicinam Galliam excurrit majora scientiarum incrementa peregrinis in locis conquisiturus. Nec spem fefellit eventus; In Græca enim literatura, ut & in reliquis, ita profecit, ut inter optimos & doctissimos sui temporis literatores connumeratus & habitus fuerit. Platoniorum & Aristotelicorum scriptorum diligentius pervolvendorum cognitionem tanto ardore hausit, ut alios non sine fructu & applausu instruere de placitis utriusque sectæ potuerit. His suis profectibus junxit postea & artem Medicam, in qua addiscenda haud infelicioꝝ, quin potius dignus honoribus, laurea Doctoris suprema Taurini An. 1533. cinctus, faustis avibus in Germaniam rediit. Basileæ gratus receptus est hospes, non diu tamen ibidem moratus est, cum scientias rerum naturalium exponendi publica ei facta esset potestas. Cui numeri satisfactorius, spartamque ornaturus suam, commodius rem quoque domesticam formavit, vitæ-

vitæque sociam sibi elegit filiam *Andr. Cratandri* Typographi. Quo factum, ut occasio ei subministrata fuerit, focerum in operis Typotheticisque curis curandi. Emendavit itaque ei scripta, quæ excudebat, sedulo, summaque diligentia, si quæ imprimenda ex Manuscr. occurrerent. Atque ita effecit, ut auctores optime ex ea officina excusi prodirent. Præter hos vero labores, aliud quoque sibi facessivit negotium: Ductore enim *Sebastiano Munstero*, quamvis jam ipse Professor Publicus, Hebraicam addidicit linguam, cum in finem, ut cum scientias ex fontibus deducere nosset, ita & sacras literas purius escaturigine deductas calleret. Occasio vero huic linguæ addiscendæ erat ipse labor Typographicus, cum sæpius in paginis lustrandis Hebraica occurrerent, pudore, quod ea non calleat ductus, & illi tractandæ incumbere cœpit. Tandem denuo suscepta in Italorum terras migratione, cœli insuetus in temperiei, in ipso itinere ægrotare cœpit, & reversus confestim Basileam febre

ardenti correptus , viribus indies attenuatis & consumptis , denique extinctus est , d. 29. Januar. Anno 1545. non sine gravi omnium Eruditorum moerore ob diligentiam omnibus probatam. Monumenta, quæ de eo testantur sunt præter Epitaphium, Præfationes prolixæ, & omni Eruditione refertæ, Galeni operibus & Almagesto Ptolemæi latino præmissa , quæ opera sibi ad corrigendum a Typographo ad corrigendum exhibita erant. Aristotelis etiam scripta quædam attente scrutatus est, eorundemque nonnulla in latinam linguam convertit; Porro Epitomen 17. librorum Strabonis , Græce ab incerto Autore scriptam, eleganter satis & terse transtulit, &c. Conf. Adamum in Vitis Philos. p. m. 129.

Nicolaus Gerbelius.

Vir optimus atque integerrimus , & humanitate suavitæque, morum & doctrina omni genere solidæ laudis excellens. Hoc enim periit Encomium Joach. Camerarius in Vita Melanchthonis

nis p. 278. Nec injuria : omnibus enim Seculo XVI. viventibus luminibus Eru-
ditionis laude celebratis per clarus fuit,
& ob morum integritatem studiorum-
que multivariam soliditatem æstima-
tissimus. Ut etiam B. Lutherus primo
genitum ejus ex Sacro baptismatis fonte
fusseperit. Nam præter Juris Civilis
notitiam, cujus erat gnarissimus, poli-
tiores literas & disciplinas, quæ ea tem-
pestate in pretio fuerant, exacte calle-
bat, neque linguarum etiam Græcæ &
Hebrææ ignarus, sed celebratur scien-
tissimus. Non ergo sine causa *Johannes*
Capnio, quem discipulus ille Præcepto-
rem venerabatur in medullis cum ha-
bebat, cum ob diligentiam raram, tum
vero etiam, quoniam eandem haberet
patriam : Uterque enim Pforzhemii
oppido Marchionatus Badensis inferioris
natus fuit. Equidem Pater Gerbelii
Viennæ in Austria lucem adspexerat,
unde filius adultior factus, ut studia ha-
tenuis optime gesta amplificaret eun-
dem in locum missus est. Eoque itinere
feliciter peracto ille locorum ad scopum

perventurus suum, sibi suisque Musis solum vacavit, factumque adeo est, ut Eruditione & probitate mirum in modum exsplendesceret, ita quidem, ut celeberrimi etiam viri Johannis Cuspiniani amicitiam familiaritatemque consecutus, tandem ipse ex discente redderetur docens. Atque his laboribus nominis sui famam mox tantopere diffudit, quam quisque alias; fortunæque venturæ peramplæ faber quodammodo fuit. Vix enim per aliquot annos, alios docere politosque reddere cœpit, cum a Senatu Argentoratensi inclyto, ut Historiarum monumenta publice in Academia erueret, arcesseretur. Neque etiam huic muneri humeros subtraxit, sed potius omni contentione opera ac studio effecit, ut inter literatissimos doctissimosque sui Seculo etiam in hoc positus studio, referretur, tantaque erat diligentia, ut dies vigilare noctesque, & intervenientibus feriis, cessantibusque ordinariis lectionibus in re Typographica curam pagellarum impressarum suscipiendo Rempublicam literariam

riam sibi devincire laboret. Nempe *Schüreriz* sub id tempus Argentorati flore-
rebant, quorum officina omni appa-
ratu præ ceteris instructa erat. Horum
ergo famam studio incitatori aucturus
codices emendavit atque ornavit, & si-
quid prodiit ex officina *Schüreriorum*,
quod ob literas nitidiores & accuratam
impressionem Lectori placeat, id unice
fere *Gerbelio* erit adscribendum. Ipse
nobilissimus *Mallinkrodtius* in libello ex-
asciatissimo de ortu & progressu rei Ty-
pographiæ apud Schürerium Argenti-
nensem Nicolaum nostrum operam in
corrigeno impendentem, & An. 1515,
opusculis quibusdam Erasmi edendis &
emendandis occupatum se invenisse vi-
rum præclarissimum testatur, & laudi-
bus propterea insigniter mactat. Quam-
vis autem merita hujus viri fuerint ma-
xima, tamen ab obrectatoribus & ini-
micis vix securo ei vivere licebat. Nam
inter alia adversa a pessimo quodam Re-
gularum Rhetoricarum Compilatore
miserrime tractus est, quippe a quo
exempli loco in Actionis Capitalis
Scena,

Scena, nomine tenus adductus, atque
 tanquam Sacrilegii rei introductus est.
 Quo comperto ille, injuriam tanquam
 innocentissimus ac optimus male ad-
 modum tulit, autoremque scripti non
 immerito in Jus vocavit, & *Melanchthon*-
ne intercedente, iste Criminis infamiam
 recepit, atque peculiari scripto
 innocentiam *Gerbeldii*, & injuriam, qua
 innocentem affecerat fassus est. Ita res
 acta & vita protracta Argentorati, do-
 nec *Gerbeldius* fatis suis cessit, obiit siqui-
 dem ætate longius progressus, eodem
 quo *Melanchthon*, *Georgius Sabinus*, &
Petrus Lotichius mortui sunt, anno d. 20.
 Januarii An. 1560. scripta ejus posteris
 relicta potiora sequentia sunt. Nov.
 Test, Gr. in ædibus Thom. Anselmi An.
 1521. 4. emissum, cum præfatione:
 De Anbaptistarum ortu & progressu:
 Chronicon Cuspiniani de Cæsaribus
 Romanis Græcis atque Turcicis illustra-
 tum, suisque curis emendatum cui præ-
 missa est, Cuspiniani vita Bas. ap. Opor.
 1561. Ejusdem Cuspiniani liber de
 Consulibus Rom. quos egregie auxit &
 ex-

explanavit. Eodem authore scripta est etiam Præfatio in Arriani Historiam de Alexandri rebus gestis. It. Præfamen in Lycophranis Cassandram, qui libri sedulam Gerbelii manum in corrigendo fenserunt : Vita utriusque *Tzezis* : LL. pro declaratione picturæ sive descriptionis Græciæ Sophiani fol. Basil. ap. Opor. 1550. Literæ Melancthonis & Lutheri ad eum datæ extant, inter Epp. Theol. Marbachianas, quas novissime Venerandus *Fechtius* ad supplementa Sec. XVI. adjecit : Epitaphium, quod *Matthæo Zellio* posuit, vide in hujus Vita apud Adamum p. 191. Confer. de *Gerbelio* Cl. Buddeum in Lexico Univers. T. I. II. p. 234. Adamum in Vitis Juris-Consultorum p. 133. qui de munere Correctorio nihil meminit. Teisfieri in Elogiis ed. 1683. 8. p. 209. Fireherum in Theatro p. 842. Joh. Henr. Majum in vita Reuchlini 8. p. 87.

Victor Geselinus.

JUre-Consultum excipit Medicus, talis quidem, quales raros nostra ætas habet

habet & profert. Criticus enim acutissimus, Philosophusque exquisitus hodieque audit. Natus est Anno undequingagesimo supra millesimum & quingentesimum d. 23. Maji. Sandtforti Comitatus Flandriæ. A primis annis a parentibus, ut ad laudem est institutus, ita ad omnes virtutes, quibus is, qui aliquando excellere inter bonos cupit, instructus esse debet, assuefactus est. Artium ingenuarum fontibus prægustatis, Medicinæ Studio sis nomen adscripsit suum, non tamen penitus sepositis, quæ ad politio rem literaturam pertinent. Porro neque in adolescentia in otio consenes cere vitaque umbratica scientiam consecrari voluit. Sed vivido ardore in lucem procedens, uberioris animi cultus capiendi causa, ad externos excurrere decrevit. Habuit in hoc itinere socium fidum admodum & Clarissimum Justum Lipsium, a quo etiam postea, cum Dolæ ad amplissimum dignitatis Medicæ gradum adscenderet, laurea Doctorali coronatus esset, oratione publice habita, quas Panegyricas vocant,

vocant, laudatus est. Quibus Elogiis, ab eodem passim in scriptis Lipsianis maectatum fuisse comperi. Redux ex profectiōibus fixam constituit sibi; habuitque sedem Brugis Flandrorum, matrimoniumque iniit fortunatum. Atque sic operam in rebus Medicis & Curationibus morborum feliciter facere cœpit, idemque per aliquod tempus Antwerpiz vixit, idemque, cum Medicas tractavit artes, tum etiam Celeberrimum *Christophorum Plantinum* adjuvit in Typographicis, operis. Is enim, cum certatim ad se convolare videret scripta Eruditorum, quæ offerebantur selectissima, ut imprimerentur, factum, ut cum eorum petitis satisfactorus esset, continuis prelis iisque permultis, officina ipsius laboraret. Ne autem laudem hætenus ab omnibus sibi imperitam amitteret, aliquot sibi comparavit viros Eruditissimos, qui impressa inspicerent, & si quid falsi vel reprobi positum fuerit, corrigerent. Ad simile igitur negotium Geselinus invitatus, id non recusavit; quin potius certum pactus

ctus præmium , quod largum Plantinus solvere solebat , accurata sua diligentia spei Plantini de se conceptæ ex asse satisfecit. Tandem vero debilitatis admodum viribus , ut Eruditorum solent esse fata , in ætatis adhuc flore constitutus , placide exspiravit , & a moestissima Coniuge tumulatus est. *Beyrlinckius* vero sequenti defunctum laudavit Epigrammate :

*Cum nato certat Latona mascula proles ,
Vult ubi Victorem, quilibet esse suum.
Phæbus ait : Meus est : Meus est Epidaurius inquit ,
Certant ; Victorem vincit acerba quies.*

Extant ejus Poëmata varia : Notæ Eruditionem spirantes in Poëtam Christianum Prudentium Adagia , qualia Erasmus & Junius emisserunt. Edidit etiam Fernelii librum de morbo Gallico : Scripsit etiam plurima alia , quæ Giphanium suffuratum pro suis venditasse *Janus Douſa* affirmare conatus est. Videantur *Adami in Vitis Medicorum* p. 239. *Struvius in Bibl. Philos.* p. 239. Mallin-

Mallinkrodt. Colon. ed. 4. p. 96. Epistolam Geselini ad Franc. Nansium scriptam invenies ap. Crenium in Animadversionibus Philol. P. VII. p. 234.

Johannes Gheesdalius.

VOcatur is a Cl. Struvio Antonius, adducto in fidem doctorum *Alberto Miræ* in Elogiis. Swertius autem in Athenis Belgicis Johannem constanter appellat, cujus testimonium, quoniam se discipulum ejus fuisse gloriatur, firmiori fundamento niti crediderim. Nec vero simile est *Antonium Sanderum* in tractatu *de Claris Antonis* eum omis-
surum fuisse, in quo tamen nihil prorsus invenire licet. Idem vero Swertius, quod mirati sumus valde, de laboribus ab eodem exantlatis, ob quos a nobis in numerum Correctorum Eruditorum relatus est, ne apice quidem mentionem fecisse legitur. Solam igitur fidem Dr. Struvii & fontis communis Miræi moniti hac in parte haud diffiteor. Ceterum natus est Gheesdalius in Flandriæ Comitatu, & pago quodam, cui Berg-
hemium

hemium nomen est, non procul ab urbe munitissima Aldenardo sito. Musicam ferunt amasse, & ab adolescentia exercuisse, cui Poësin postea adjecerit; Unde merito a Swertio appellatus fuit, Musicus ab arte, Poëta a natura; Idemque refert post varios fortunæ casus, in Schola tandem Antvverpiæ Mariana publica authoritate constitutum docuisse. Quod si animo mecum reputo, sub id quoque tempus non dubium est, quin simul plagulas a Nobilissimo Plantino excusas, velut in otio Scholastico existens, ab erroribus liberarit. Atque in hoc tandem etiam officio, postquam satis sudaverat, diem suum obiit, ac sequens in magno Virginis Mariæ cœmiterio ei est a *Maximiliano Vrintio* Epitaphium positum:

Quod fuerat, Gheesdale tui mortale, sepulchro

Hoc jacet; at solus non tamen ipse jaces.

Quin quod habent sancti, Libothrus & Hemus & Aon,

Girraque, & eternis fontibus Ascramadens. Omne

*Omne simul tecum jacet , hoc Gheesdale
sepulchro ,*

*Tot juga, tot fontes, tam brevis urna
tegit.*

Scriptit Stichologiam sive de Syllaba-
rum & carminum ratione , vario metri
genere explicatam a R. D. Lævino Tor-
rentio ap. Plant. 8. : Catechismum ad
juvandam puerorum memoriam car-
minice. ibid. 8. Carmina in natalem diem
Domini nostri JESU Christi Gandavi 8.
Epigrammata jocosa , quæ latuerunt
Manuscripta in Musæo Franc. Svertii,
ubi nam vero post fata hujus devene-
rint, ignoramus. Hunc vide in Athe-
nis Belgicis, uni pleraque debemus eo-
rum , quæ sunt de Vita ejus , & fatis
ejus narrata , conf. Struvium in Intro-
ductione ad Hist. Liter. p. 574. ultimus
in hoc elemento sequitur

Hubertus Golzius.

Vir ingeniosissimus , cui similem
præter Ez. Spanhemium Virum il-
lustrem Germania nostra nunquam ha-
buit in arte numismatica. Lucem

Q 2

vidit

vidit Venloæ Ducatus Juliacenſis oppi-
do d. 30. Octobris An. 1626. Patre
Rutgero Golzio Herbipolitano Cive, pi-
ctore. In ea Parentis arte addiſcenda
aliquot tranſiere anni, donec litera-
rum ſtudia cum ea filius conjunxit.
Præcipue vero antiquitatum explanan-
darum cupidine raptus, nihil a juven-
tute prætermiſit, quod intactum reli-
quiſſet. Eamque ob rem ſumma dili-
gentia & lectioni ſcriptorum quorum-
vis incumbibat, nec ullis ſumtibus la-
boribusque parcebat, ſi quando ſuis
conatibus ſatiſfacere poſſet. Ad quod
acceſſit præclaræ artis commoditas;
quo magis enim præcellebat arte pin-
gendi & cælandi, eo leviores & facilio-
res habebat in deſiderio numiſmatum
colligendorum progreſſus. Verum
patrios ſibi lares ad ea, quæ ſuſcipiebat
perficienda, neſtquam ſufficere cer-
nens, peregre abire conſtituit, atque
primum quidem luſtravit Belgium,
unde digreſſus & alia regna terrasque
viſitavit, & ſedulo ſemper in ea inqui-
rens, quæ ſibi utilia fore inprimis no-
verat.

verat. Ubicunque locorum esset, quacunque ex Nummophylaciis offerebantur, in more positum habebat, ut in chartam depictas Icones sibi servaret, atque sic incredibilem tandem Thesaurum nummorum colligeret. Maxime vero omnium calcaria ei subdebantur, cum *Laurint*, viri in numismatum cognitione solertissimi suppellectile, in Italia, Gallia, Germaniæque acquisito, potitus esset. Tanta enim ex eo tempore solertia & ardore Eruditorum armaria penetravit, ut nihil in Galliæ, Italiæ, & aliarum regionum Provinciis pæne fuerit, quod non oculis inspexisset suis, suaque manu tangere licuisset. De quo & ipse gloriari solebat, a nemine sui temporis Curiosorum hujusmodi sectatorum, tam multa, tamque varia numismata conspecta, manibusque trita, & delineata quoque fuisse, quam a se uno factum sit. Multis igitur chartis & Iconismis, ipsisque nummorum exemplis onustus, Jasonis instar in patriam redux, non aureum, sed papyraceum, reportans vellus, operi emit-

tendo & publicando se totam accinxit. At Typographorum perspecta cognitaque, negligentia, incitia, ac lucrandi non inserviendi cupidine, noluit sua, tot sudoribus errasse eorum committere curæ. Verum, ut sibi suisque lucubrationibus eo melius consultum esset, ipse intra privatos parietes insignem exstruxit officinam, eam quidem, quæ non paucis, imo plurimis, eo tempore aliis, typorum nitore, chartæ albore, ac densitate antecelleret. In qua porro non rudes literarumque expertes aluit viros operarios, sed doctos & Eruditos, qui Typothetarum munere fungerentur. Ipse vero Dux auctorque in omnibus, quæcunque imprimebantur, sedulo inspexit, & ubi per errorem quidquam falsi commissum esset, correxit, atque sic nitidissima dedit literato orbi opera, quamvis rara occurrant, cum nonnisi amicorum & Intimorum sibi libros excudere solet. Signum, quod codices ab eo impressi in fronte gerebant, virginem exhibet, Cornu Copiæ manu gestantem, atque ex eo varia profundentem

dentem numismata , additis ad latera
atque caput illius verbis , ad nomen
Golzii respicientibus, *Aurea secula Hu-*
bertas. Atque in hoc officina non suos
tantum, sed non raro etiam aliorum
probatos sibi libellos excudit, quorum
quicumque traditi essent, pari cura &
animadversione in emendandis accu-
rate omnibus, rationem ipse Correc̃tor
habuit. Eaque de causa in hunc re-
censum referri jure optimo debuisse
judicavimus. Nam si propter ea tan-
tum, quoniam suos ipse inspexit, codi-
ces locus illi concedendus hic fuisset,
omnes propemodum Eruditi hodie re-
censendi fuissent, qui ob ignorantiam
& stupiditatem Typographorum, sua
ut expurgent scripta habent necesse, &
absentes ut plurimum de nævis luçu-
brationum solemniter conqueruntur,
ac protestantur. Sed ad Golzium ut re-
vertamur, antequam obitum ejus ex-
ponamus, omittendum haud erit ob
merita in rem literariam per egregia,
non tantum a Civibus suis maximi ha-
bitum fuisse in summo pretio, verum

etiam apud exteros tantum authoritate
valuisse & fama, ut Civitate Romana
donatus fuerit. Quæ si ita sint diutur-
niori vita dignum fuisse Belgii isthoc
lumen omnes fatebantur. Verum nec
doctrina nec fama, neque quicquam
aliud prohibere potuit, quo minus ma-
tura morte ad plures abiret, idque fa-
ctum est summo literatorum luctu An.
1583. anno ætatis 56. Brugis Flandro-
rum, relictis ex duabus uxoribus, qua-
tuor filiis & filiabus tribus, ex prioribus
Henricus ille præclarissimus vos ob cæ-
landi artem eximiam consecutus fa-
mam omni laude dignus merito cense-
tur. Monumenta Eruditionis, quæ su-
persunt illustria admodum & multa ha-
bentur. Eminent inter illa: Fasti Ma-
gistratum & Triumphorum Romano-
rum, ab urbe condita ad Augusti obi-
tum, ex antiquis tam numismatum,
quam marmorum monumentis restitui-
ri fol. Brugis excusi An. 1666. Deinde
Græciæ univ. & minoris Asiæ numisma-
ta Antvverpiæ fol. 1644. & cum notis
Nonnii 1618. & 1672. fol. Itemque
Cajus

Cajus Julius Cæsar s. Cæsaris Vita & res gestæ fol. Brugis 1577. & cum Nonnii Commentariis Antvverp. 1644. Similiter Vita Tiberii cum Commentariis Nonnii Antvv. 1644. & Brugis 1579. Animadversiones aliquot in Fastorum libros. Catalogus Consulium ab Augusti obitu usque ad Justinianum: De origine & statu Populi Rom. deque Magistratuum Initiis & mutationibus, Itinerarium per Germaniam, Galliam & Italiam. At in his autem omnibus sedulo attendendum esse judicant harum rerum gnari, ut nummi genuini a spurjiis discernantur, utpote in quibus accurate dignoscendis non semper felicem ac prudentem Golzium affirmant. Quamquam etiam iidem fateantur, numero abundasse labores Golzianos, ac tantam eum unum æri incidisse multitudinem, quantam per totam Italiam & Græciam, quæ censentur his cimeliis alias refertissimæ, vix invenire licebit. Non desunt quidem, qui plagii eum accusent, & quasi *Martini Smetii* Inscriptiones, tanquam a so-

collectas ediderit, suspicentur, unde versiculi Hadriani Damman Gandensis orti:

Sed neque Te Golzi decuit, quæ Smetius olim,

Priva reliquisset vidua tua dicere : Cunctis,

Vendereque : Os hominis post liminione putasses,

Vindicias peterent manes & posthuma proles.

Sed de his nostrum non est arbitrari, quibus inter Correctores præcipuos locum dedisse Golzio satis est ostendisse vid. Adamî in Vitis Philos. p. m. 309. & Teissierius in Elogiis T. I. p. 581. Pergimus ad literam H. ubi agmen ducit

Franciscus Harduinus.

ANte omnia distinguendus est noster a *Philippo Harduino* Medico, & *Dionysio*, it. *Johanne Harduino*, S. J. Presbytero hodiernum florente; viris toto orbe celebratissimus. Nam omnibus istis *Franciscus* vetustior, famam nominis sui Seculo XVI. adeptus est, sub

sub cujus finem inclarescere coeperat. Natus est Gandavi, Patre *Justo Harduino*, qui frater Dionysii erat, genitus, ob ingenii fecunditatem ad ludos Poëticos natura destinatus videbatur. Ad eos certe concinnandos ita a juventute promptus erat, ut varium & elegans omni fere numero poëma sine difficultate funderet, cui nec dulcedo fluida, nec venustas lepida deesset. Eaque adeo in arte omnes fere sua tempestate antecire Eruditos, & carminum pangendorum gnarus credebatur. Nec minor reliquis bonarum literarum scientiis ingenuis fuit Eruditionis apparatus, quem sibi comparaverat potissimum, cum juvenis adhuc terras Gallicas & vicinas alias peragrasset, in quo itinere præcipue Amicitia & Doctrina *Adr. Turnebi* Professoris Parisiensium celeberrimi, & Typographi Regii, nostro usu venit: Eadem etiam occasione familiaritatem iniit literatam cum *Johanne Aurato Gallandio* aliisque doctissimis viris, quibus ob perspectam *Harduini* integritatem & ingenii capacitatem, discendique

amo-

amorem, charissimus, quamdiu in istis vivebat locis, semper fuit. Reversus in Belgium *Plantino* primum operam suam addixit, eidemque in negotiis Typographicis constanter auxilio fuit, colluctatus dies noctesque cum mendis, quas in codicibus reperiebat, exterminandasque curabat. Atque ob hos etiam aliosque labores, omni laude, dum viveret, maclabatur ab Eruditis passim, nec minori hodieque dignus est. Namque ipsi aliisque ejus collegis ornamenta Plantinianorum librorum inprimis debemus, & quotiescunque signum Plantinianæ Typographiæ conspiciendum se nobis exhibebit: toties *Francisci Harduini* diligentiae meminisse juvabit. Obiit tandem, An. 1609. d. 21. Octobris. Edidit præterea suo Maorte, dum adhuc in vivis esset Odas, & Elegias varias, quæ raro admodum comparent. Convertit etiam in Vernaculam suam Belgicam nempe linguam, *Anacreontem Tejum*, vatem illum mellitissimum. Tumulum denique *Justus Rycquies* civis ejusdem Inscriptione Epitaphio Dialogi in modum sequenti ornavit:

Har-

Harduinus. *In cassum quid me Vates plo-
ratis ademtum,*

Omniibus una Erebi nox adeunda manet.

Ryccuius. *Omniibus illa manet, sed Te
quid vinceret arte,*

Musæa ad Stygias nullus adivit aquas.

H. *Scilicet hac Lex est, fatorum ut pri-
ma fatiscant*

*Optima: Nihil stabili hic conditione
manet*

R. *Hinc Tibi nos tumulum, & tuuulo pia
vota quotannis*

*Fundet ad extinctos Julia Ganda
rogos*

H. *Nemo me fletu decoret, nec inania
faxit*

Marmora Musæo nomine, clarus ero.

R. *Clarus eris, cælo dum fidus currit
utrumque.*

*Dum tua qui recinat carmina, Phœbus
erit.*

H. *Sic eat, & cum Te vitalis deseret
ætas*

Manibus obtingant omnia fausta Tuis.

Vid. Reimmannus P. III. p. 242. & Sver-
tius in Athenis Belgicis p. 245.

Mar-

Marcus Heiland.

VAhinga arx oppidumque est Ducatus Württembergici, in quo Marcus noster hanc lucem vidit. Patre *Johanne*, honesto quidem viro, sed tamen in re lauta & bene aucta non constituto, genitus. Quo factum, ut, quamlibet literis addiscendis ob ingenii felicitatem videretur aptissimus, ex ludo patrio pro tractus, & invitus quodammodo, jussis parentum obtemperaturus *Pforzheimium* abierit pannorum detondendorum opificio operam navaturus. At præterlapsis annis, qui huic artificio discendo constituti sunt, & vix, quod ajunt, famulitiis tyrociniis depositis, & ipse coepta isthæc fastidire, & ad studia revertere cogitavit. Hoc animo petiit *Basileam*, initio quidem non penitus ab opere pannitonatorio recessurus, verum crescente indies amore in liberales artes, internoque quasi raptu accedente, tandem omnino valedixit tonsuræ suæ, & ad Musarum transiit castra; inprimis autem sacratoris literaturæ

turæ studiis indefessa incumbere coepit diligentia. Non parum ad ea gnaviter continuanda , amicitia , quam colebat cum multis Eruditis viris illic locorum degentibus faciebat, tam etiam omnium propemodum Doctorum scripta , nominatim *Erasmi* , *Lutheri* , *Philippi* & similia , quæ Basileam quasi certatim convolabant, ut ope Typographorum Basileensium per orbem celeberrimorum luci exponerentur publicæ. Quæ ut attentissime & sine sumptibus posset lustrare , a *Frobenio* petiit, ut iisdem emendandis præficeretur. Eoque facili negotio impetrato , atque salarium insuper obtinens annum , omni studio & ardore munus demandatum pergit , atque ita Eruditionis suæ incrementis æque ac sustentationi necessariæ , denique quæ fuit Viri incredibilis solertia Bibliothecæ comparandæ consuluit. Summa quippe adhibita cura codicibus omnes legebat , relegebatque , pretioque laboris accepto in victum amictumque impenso , simul omnes , qui apud Frobenium excudebantur, libros

libros gratis in perpetuam obtinebat possessionem. Posthæc cognitis viri optimi dotibus, itemque diligentia ac doctrina non vulgari apud Senatum Basileensem tantam gratiam iniit, ut officio prædicandi verbum divinum publico præficeretur. Quo munere auctus, An. 1552. nuptias celebravit, & ex eo conjugio *Samuelem* filium clarissimum procreavit. Interea quocunque otio dato Frobenii plagulas nihilominus manibus suis tritas expolivit, & erroribus liberavit. Sed cum natale solum, nescio qua dulcedine & ipsum traheret, succedente tempore liberato Ducatu Würtembergico a Papicolarum superstitionibus ad patrios lares reversus est, non quis quantusve factus fuerit ex lanifice ostensurus, sed laudatissimi Principis Ulrici, qui armata manu avitas terras recuperaverat, voluntati obsecundaturus. Honestissimi igitur a Basileensibus non sine insignibus laudum Encomiis dimissus, Gamartingæ confedit, ibidemque per biennium purioris doctrinæ fontes auditoribus suis aperuit.

aperuit. Calvam deinde traductus in Hercynia silva sitam superatis feliciter impedimentis compluribus, a Pontificiis illic objectis, annos undecim largam Dei messem fecit. Exinde & meritis aliis per multis inclaruit; Seminarium enim Eruditorum erigere coepit, & colloquiis variis in causa Religionis habitis, ut Wormatiensi, Hagenensi, & Ratisbonensi praesens noster, suasque partes strenue tutatus est: Donec tristissima ex libello isto famoso, quod *Interim* appellant, vulgato, & recepta illius passim authoritate, tempora inciderent. His fatis ingruentibus officio cessit, & *Argentoratium* ultro profectus est. Accepius illic gratusque hospes munere nullo post oblato in oppugnanda ista hypocrisis Adiaphoristica perstitit, repetitis in aliquot tempus laboribus correctoriis. At malo isthoc, ut credebatur, latius serpente, & Argentinensium quoque animos occupante, de *Calva* sua repetenda tandem consilia iniit. Morbo autem gravi correptus, antequam id perficere posset, retentus ejus

vi placide ad nutum Patris coelestis ex hac vita in meliorem commigravit An. 1549. vid. Adami in vita Samuelis Heilandip. 373. De reliquo non inter Correctores tantum Eruditos, sed & opifices doctrina claros referendus, quales omni ætate haud paucos fuisse notum est, & vel solo *Benedicti Balduini Ambianensis*, authoris tractatus erud. *de Calceo antiquorum: Johannis Baptista Galli Florentini* & si placet *Jac. Böhmi* quoque *Görlicensis*, sutorum exemplo constat, ne quid de *Wolfg. Musculo* & *D. Le Feure*, Textoribus, itemque *Nicolaso Bourbonio* Fabro primum *Ferrario*, *Petro Aretino* Bibliopego atque similibus dicamus: Neque enim ad nostrum institutum ea pertinent. Pedem igitur promovemus ad Eruditos, qui supersunt, Correctores, a literarum subsidiis hisce claritudine nominis insignes. Excipit autem Heilandum ordine literarum

Basilii Johannes Herold.

Patriam huic non obscura olim Suevorum urbs, prælioque nuper ad
eam

cam commisso clarissima, *Hochstadium* dedit: Hic enim A. 1511. auram vitalem primum hausit, spectatis virtute & Pietate parentibus. Cum ex Ephebis excessisset, & in puero se proderet ingenium ad literas oppido idoneum, omnibus artium elementis, cum ad varia narum ingenii volubilitas proderet, in ludo Patrio eruditus est. Postea vero adultiori ætate in alia loca missus & tandem An. 1539. *Basileam* traductus est. Hic dum alacriter in studio Theologico progressionem faceret, Historiarum monumenta simul revolvere cepit. Eodem tempore, ubi otium aliquod daretur, codices ex Typographiis Basileensibus prodeuntes diu amendis liberavit, atque sic victum amictumque lautiolem, pretium certum sibi a Typographis pactus, comparavit. Neque multo post inter hos labores, (quos tamen in quibus officinis potissimum exercuerit nondum investigare potuimus, nisi quod augurando quasi in mentem venit, *Nicolaum Brylingrum* & *Henricum Petri*, fuisse, ex quorum

officinis aliquot scripta ejus lucem videre & qui hujusmodi viros non raro alere solebant) cum solitudinem suis rebus minime commodam esse cerneret, uxoris ducendæ consilium iniit; quo facto *Pfeffingen*si pago, qui imperio Basileensium paret, publica vocatus est auctoritate ad conciones habendas sacras, purioremque Evangelii doctrinam colonis prædicandam. Verum mandato huic muneri vacare diu non potuit, sed a Typographiis Basileam incolentibus & operam ejus enixe petentibus, retractus, petitis eorum cedens An. 1546. in urbem remigravit. Exinde permultos illic annos moratus, & ipse varia scripsit ediditque, Historica præcipue, omnium tamen maxime aliorum libros imprimendos emendavit, atque ita vitam laborum, quorum patientissimus erat, plenissimam longissime protraxit: atque cum non parum de Republ. literaria meritis in numerum Basileensium civium receptus esset, ad vitæ usque finem in emendando, scribendo, & subinde docendo etiam per-
stare

stare ſecum conſtituit, tandem etiam
exſpiravit, poſtquam An. 1566. ſcriptis
adhuc corrigendis intentus fuerat. Sunt
vero ea quæ ipſe edidit: De Romano-
rum in Rhætia littorali ſtationibus, &
hinc ortorum ibidem vicorum atque
municipiorum hodie ſuperſtitum ori-
ginibus, quod opusculum etiam extat
in Simonis Schardii Germania illuſtrata
Tom. I. Baſil. per Henr. Petri MDXXIV.
De rebus plurium gentium LL. VI. in
quibus continuationem *Guilh. Tyræ*
Archi-Epiſcopi LL. XXIII. quos de Chri-
ſtianorum Occidentaliſum adverſus Sa-
racenos expeditione compoſuit, vide-
tur ſibi propoſuiſſe, quique prodire
Baſileæ per Nicol. Brylingerum fol.
1560. Debemus quoque eidem Chro-
nologiam Pannoniæ, quæ incipit ab
anno poſt diluvium 155. (Mundi 1812.)
deſinit An. 1568. fol. Baſil. prodiit cum
Bonfinii rebus Hungaricis, & Francofurti
ad Moenum per Andr. Wechelium 1581.
fol. De rebus Hungarorum contra Tur-
cas auſpiciis Ferdinand. I. An. 1556. in
Interamnensi Pannonia geſtis, ad mo-

dum Dialogi propositis, editis etiam postea Hannoviae 1613. 8. Lucubratio extat in S. Schardii Germ. illustr. Tom. II. An. 1574. & Giesæ 1673. fol. & inter Hungaricarum rerum scriptores M D C. fol. scripsit etiam Heroldus noster orationem in obitum laudatissimi Imperatoris Francofurti 1564. 4. excusam; nec non Maximiliano II. recens inaugurato, prolixum dicavit Panegyricum: Collegit etiam Leges antiquorum Germanorum Basil. 1557. fol. Videatur Martinus Hanckius L. II. de Romanarum rerum Scriptoribus Lips. 4. 1675. p. 142.

Hieronymus Hornschuch.

Medicus, editus in hanc auram An. 1573. *Henßstadii* (qui pagus est in Comitatu Hennebergico) Patre Pædagogogo ejus loci *Valentino Hornschuch*. Juvenis beneficio splendido in Illustri Schleusingenſi per octo integros annos usus est. Cum moderator Gymnasio præſſet, M. Wolfgangus Müllerus. Ex ea Schola postquam ad altiora studia capax

capax esse videbatur, *Jenam* quidem, sed nil nisi summam penuriam secum afferens, ut a multis fit, contendit, atque illic aliquandiu comoratus *Lipsiam* tandem pervenit, id quod in libello suo, quem edidit *ὁρθολογικῶς* titulum gerente paucis ipsemet indicavit in præfatione siquidem ad virum amplissimum *Andream Chefferum* Juris Doctorem hunc in modum scribit: *Annus jam Vir amplissime duodecimus agitur, quo, Jena Lipsiam ut commigrarem dua me res compulere: Spes nimirum sublevanda, qua extrema premebar, inopia, & amor, quo ab ineunte ætate erga studium flagravi Medicum, summus. Nam cum Jena tantis fortune novercantis fluctibus navicula agitaretur mea, ut in Syrtes adacta subsideret, καὶ ἤδη ἴσαμὲν πρὸ ἀναλκίδι λίμῃ! vox quadam Amici Lipsiæ tum Musarum in castris militante, de improvviso blanda oborta aura, ad me fertur, monens, ut qua data occasione inde solverem, & ad se, ubi in portu navigare liceret, tenderem. Eam ergo vocem DEI ratus, πλοιάριον meum non nihilex onero, post remis velisque*

Lipsiam tendo. Huc ubi ventum, non multo post offertur conditio duplex, altera qua praeessem libris in Typographiis corrigendis, altera qua liberis honesta disciplina instituendis. Accipio utramque sed hanc propter nimiam parentum in natos indulgentiam offendo miserrimam. Igitur ea valere jussa, illam retineo, non tamen citra magnam difficultatem. Nam ultra biennium quo esset, unde libros compararem, vile quod e pistrino illo redundabat pretium, unciatim ferme comparo, adeo interim genium defraudans meum, ut tandem similis fierem ex Pylo captivis: Deceveram enim, quidvis pati, modo aliquam saltem in divinae Medicina cognitionem penetrare possem. Aderat tunc temporis Juvenis quidam doctissimus rei-que herbariae peritissimus, Joh. Ludov. Fürerus Northhusanus, qui cunctos meus factus, eadem gustaret amara (unde etiam arctissimo & haecenus in dissolubili amicitiae vinculo inter nos coirvimus.) Hic Fürerus meus primus in Clarissimorum Jungermannorum familiaritatem me insinuat, & sic e quodam quasi famis antro in lu-

in lucem protrahit. Illi vicem meam dolentes, ad Matrem suam, magni illi Camerarii filiam ἡν οὖν ἐν αἰσίοις deferunt, cuius placito in ministri illius locum sufficior. Hic si memorem quot quantisque me affectum iuverint beneficiis, finis daretur nullus: Tantum hoc dico, me plus favoris, gratia, auxilii ibi invenisse, quam alibi; dixerim pæne etiam domi. Nam Patrona illa pietissima prout εὐσπλαγχνος, erat, & in pauperes prodiga; ita suam in me quoque benignitatem non claudebat, sed necessaria plurima liberali suggererebat manu, matris instar mitissima; sicut etiam maternum erga me affectum suum brevi ante beatam ἀνάλυσιν palam profitebatur: Filii vero ipsius, heu! quæ non humanitatis mihi prestiteret officia, quam me non in Germani fratris dilexere loco! inprimis vero Ludovicus Medicina & Botanicæ studiosissimus, & charissimus Gothofredus, illud Musarum φίλον καὶ ἄριστον, ex sua librorum copia, meam identidem supplere inopiam, pro quibus divinis beneficiis, ni memorem contra & gratam mentem circumferam:

*Tunc mihi vel tellus optem prius ima de-
hiscat,*

*Vel Pater omnipotens adigat me fulmine
ad umbras*

*Pallentes umbras Erebi, noctemque pro-
fundam.*

*Ceterum licet in modo dicta Provincia con-
stitutus lās διαλογας abunde haberem :
tamen, ut lα exαπάματα etiam suppetere-
nt, in hunc usque diem e Typographiis me
vindicare non potui, sed continenter ibi,
gravi cum studiorum meorum remora ha-
vere fui coactus: Quam interea miseriam
cum aceto vidi, eo praesens hoc opusculum
extorsit. Nam cum quotidie magis fere
cum Manuscriptis mendosis, & monstrosis,
quam Typographorum erratis mihi esset
depugnandum (quemadmodum nuper in
quodam volumine ipsiusmet autoris Ma-
nuscripto, vix duomillia erratorum obser-
vare licuit) caepi equidem saepius cogita-
re, quo pacto ei malo posset fieri modus ;
ac postquam semel aliquando Dn. Michaeli
Lanzenbergero, viro Typographo, pio,
probo, diligenti, nec non aliis quibusdam
hominibus eruditis, ac bonis, hanc men-
tem*

*tem meam aperuisssem, autores mihi illico
fuere, talem aliquam rationem ineundi,
qua publice de rebus Typographicis impe-
riti edocerentur, quandoquidem ex mera
harum ignoratione istud pervenire consta-
ret, &c.*

Nolo totam præfationem, & non
admodum verbosum libellum hic re-
petere, quamvis totus fere dignus sit,
qui in omnium manibus esset, quot-
quot correctionibus præfunt, quippe
quos, quomodo officio satisfacere de-
beant, egregie instruit. Impressus &
aliquot saltem plagulis constans Lips.
apud Mich. Lanzembergerum 8. 1608.
titulum gerit: 'Ορθογραφικὰς ἢ In-
structionis & admonitionis ad scripta
sua in lucem edituros, & operas Ty-
pographicas correcturos. Quod super-
est, eodem author anno, quo libellum
hunc evulgaverat, *Lipsia Basileam* mi-
gravit, ibidemque compendium sum-
tum facturum lauream capessivit Do-
ctoralem. Mox tamen *Lipsiam* suam
repetiit, & matrimonium iniit cum
Casparis Jungermanni filia, cui *Magda-
lena*

lena nomen erat, sed neque conjugio
eo diu admodum usus est: Etenim Fe-
bre ardente occidit, nullaue prole re-
lictâ diem obiit Lipsiæ d. 22. Maji 1616.
ætatis 43. vid. Freheri Theatr. p. 1335.
Martinus Zeillerus in Epp. ed. 4. Mar-
purgi 1656. p. 696. Cent. III. Ep. 37.
Sed ut novi Correctoris doctrina poli-
tiori ornati conservetur memoria; En
Hornschuchii quoque Encomiastis,
quod subtexere placet:

*Ad Dominum Hieron. Hornschuchium de
felici operum & Scriptorum excuden-
dorum Correctura, & aliis ad impressio-
nem eorum spectantibus, differentem.*

*Correctura Tibi, narrato Typographe,
quantum*

Prosit, dicit, quantum Bibliopola Tibi.

*Hac etenim si quis non castigatus oberrat,
Forte liber, vario sphalmate ubique
scatens.*

*Illum nonne tuo pigit impressisse labore?
Vel Tu quis vendis, non pudet esse
Tuum?*

Est

*Est ita: Quin igitur typica nunc arte
docentem,*

*Hic correcturam percipe! nullus abest.
Non levis est cura hac, levis haud labor.*

Hic quoque verum

*Quod, ceu Corrector, Naso Poëta canit.
Sape aliquod verbum cupiens mutare re-
linquo,*

*Judicium vires destituuntque meum.
Sape piget (quid enim dubitem Tibi ve-
ra fateri!)*

*Corrigere & longi, ferre laboris onus.
Scribentem juvat ipse favor, minuit quo
laborem,*

*Cum suo crescens pectore servet opus.
Corrigere at res est, tanto magis ardua,
quanto*

*Magnus Aristarcho, major Homerus erat.
Ergo facis temet dignum, Corrector
amande,*

*Quique Machaonia es clarus in arte
satis:*

*Quod Tu consignas, emendaturus hiul-
cum,*

*Quid faciat scriptum, quam teneat-
que viam.*

Sic

*Sic, sic prostantes potuerunt excudere
libros,*

Multorum multi dexteriore modo.

*Sic, sic Hornschuch pressis Tibi gratia
libris,*

Plurima constabit. Vive valeque diu.

Sigismundus Sellius,
Meinungensis Typographiæ Bey-
erianæ a Correctura.

Christianus Hohburgius.

Vir studiosissimus Pietatis vitæ, ve-
rum, ut fieri solet haud raro, vo-
luntatis emendationem recte urgent,
ut de connatis Intellectus tenebris ex-
purgandis parum sint solliciti, atque in-
de in Fanaticorum Indicibus clarius
nomen est consecutus. De quo cum
meum non sit in præsentī negotio ju-
dicare, satius erit vitam fataque heic
paucis indicare. Natus est Lüneburgi
An. 1607. Patre *Georgio* Pannifice, ma-
tre *Anna*. Cum puer admodum, parens
alter ad cœlestem evocaretur patriam,
& matre honeste, & ad omnem educa-
tus

tus est pietatem. Præceptore usus M.
Lockio, sub ejus doctrina quidem opti-
 me, sed annis jam auctis haud æque fe-
 liciter statura corporis excrevit. Adul-
 tior factus *Regiomontum* discessit, mox
 tamen *Lauenburgum* reversus Cantoris
 officium illic oblatum suscepit; Quo-
 dum fungeretur officio non destitit in-
 dies sacratoris doctrinæ incrementa
 capere. Ediderat paullo ante Beatissi-
 mus *Arndius* libellum auro chariorem:
De vero Christianismi statu; Hunc igitur
 unice fere dilexerat, nec male, si
 intra limites vir bonus perstitisset. Ac
 enim vero cum postmodum suasu
 quorundam *Schvvenckfeldii*, Nobilis
 istius Silesiorum Fanatici, scripta per-
 lustrare coepisset, & illud præcipue
 quod *Cælestis Medicina* titulum præ se
 fert, eo prolapsus esse permulti pu-
 tant, ut veram, quam sectabatur, Picta-
 tem, erroribus variis conspurcaverit, ac
 voluntate, utcunq; emendata mentem
 haud mediocriter depravaverit suam.
 Neque tamen statim, quid sentiret, pa-
 tefactum, nisi postquam ad Conrecto-
 ratus,

ratus , ut vocant , munia obeunda
Ulzenam pervenit. Nam per singulas
 hebdomadas sermonem sacrum publi-
 ce recitare e suggestu , inter alia , sibi
 demandatum habebat. Hac igitur oc-
 casione arrepta , dum ad veram praxin
 Christianam suos perducere nitebatur ,
 in quibusdam etiam fidei Capitibus a
 norma Ecclesiæ discedere , ac ceremo-
 nias potissimum nostræ Ecclesiæ re-
 ceptas reprehendere , & ut abrogaren-
 tur omnes nervos intendere cœpit ; ad-
 hæc precationis formula , quæ causis
 belli Germanici est subtexta , ita perti-
 naciter adhæsit , ut sæpe iterumque
 commonefactus omnium conatus
 frustraret. In Jus ergo vocatus , ut ra-
 tiones dictorum factorumque redderet
 ac imposterum desisteret , graviter ad-
 monitus , omnia recusavit : Ab officio
 igitur remotus , primam subiit Catastro-
 phen. *Hamburgum* post hæc profe-
 ctus , docendo ibidem vitam aliquan-
 diu auxit , ac tandem reversus *Lünebur-*
gum in *Typographia Sterniorum officina*
 celebri satis corrigendo errata sibi suisq;
 consul-

consultum ivit. Interea dum ex eorum praelis suos etiam emitteret libellos, *Sternii*, ut sibi famæque caverent moniti, *Hobburgi* laboribus & libris nuncium miserunt, postquam aliquot annis servitiis ejus usi fuerant. Proscriptus igitur, Correctorio hoc munere relicto, Spartam adivit aliam, vocatus siquidem in Pagum *Bornensem* ab Illustrissimo Principe Guelferbutano, ut sacris ibidem omni pietatis studio præesset celebrandis. At cum denuo illic puritas rerum novarum in rebus fidei in eo desideraretur, iterum exauctoratus post multos rerum & fortunæ anfractus Nobilis cujusdam sacra in Belgio administravit. Sed variis etiam hoc loco cumulatîs negotiis, non multo post eodem Patrono ob scelera & impietatem excluso a communione Sacrorum, ipse ab hoc officio discessit *Lathunum*. Neque vero hic satis tutus ob librum editum, *Der unbefandte Christus* / inscriptum, hinc *Amsterdamum* & *Medtoburgum* concessit. *Hamburgum* denique altera vice repetens,

eo tandem prolapsus est, ut *Mennonistis Altenavia* V. D. prædicare, certis conditionibus, non dubitaret: ac tandem d. 24. Octobris An. 1675. ex vivis sublatus, & Exiliorum finem, ut sperare nos Amor jubet, quietem consecutus est. Cetera Theologorum relinquimus disceptationibus, in quorum Scholis notissimus sub *Elia Pratorii* nomine semper fuit, eritque quamdiu Scripta ejus manibus Doctorum terentur. Primum ex his est, quod Ulzeni luci exposuit, *Herb-Wecker / & Praxis Pietatis* in Psalmos 25. 27. 51. 71, in quo opere tamen precatiunculas quasdam nunquam a se factas agnovisse, ut ab aliis interpolatas, filius testatur. *Hamburgi* evulgavit, *Praxin Arndtianam; Medullam Tauleri; Deutsch Evangelisch ärgerlich Christenthum* / sub nomine *Bernh. Baumannii*, Pastoris Berovvensis in Prussia, 1645. 8. It. *Spiegel der Mißbräuche bey dem Predigt-Amt*; Ex Sterniorum Typographia prodire fecit, *Helmtischer Prüfung Vortrab*; Authore *Johan. Seuberlich*, contra *Guilh.*

Guilh. Christoph. Heimii, Ecclesiæ Belgicæ apud Hannovienses Pastoris, librum de vinculo gratiæ, pro externo interno-que cultu conjungendis, scriptum: **Libellum vom Teutschen Krieg; Evangelisches Judenthum; Praxin Davidicam in Psalms 86. 73. 63. v. 32. Für slichen Juden: Spiegel; Lathumi edit Postillam Mystico - Epistolicam; Herzens - Theologie.; Meditationes in Canticum, Nun kommt der Heyden Heyland / assumto Schemate Christiani de Montaldo; It. Herr Christ der einig Gottes Sohn; Von der Wiedergeburt; Von dem unbekannten Christo.** Hamburgi, ultimum emisit opusculum, cui titulus, **Batterlandes-Præservativ.** Plura de Chr. Hohburgio desideranti satisfaciet exactissime Phil. Hohburgius filius, qui Hamburgi 1676. pleniorẽ Patris sui Historiam reliquit, excusam etiam 8. quarta. vice, 1698. Ex qua relatione celebris Arnoldus, nuper demum defunctus, sua hausit, ac in P. III. **Der Historie der Wiedergeborenen / p. 6.** pro solito partium studio,

recensuit, ex quibus fontibus, & ex editione in 8. excusa, nunc memorata, hoc qualecunque Compendium me confecisse lubens meritoque fateor.

R. Jacob Ben-Chajim.

JUdæus est, quem nominamus, atque adeo ex ea gente ortus, quæ vix alios, nisi eruditos in Literatura Hebraica, librorum Correctores admittit. Unde fit, ut in plurimis excusorum Voluminum Titulis juxta cum Typographo etiam Correctoris nomen sæpe cum ampullis expressum legatur. Tantum scilicet abest, ut eos laboris impensi pudeat, ut gloriam quoque ex eo sibi venari non vereantur, & quod magis eo facilius per hæc merita, qualia correctiones librorum esse credunt, salutem æternam se consecuturos credunt. Unde in Mincha p. 30. dicunt. Quicumque l. unicam literam in volumine, cui lex inscripta est, correxit, ille apud Deum idem cum eo fecisse putatur, qui totam legem descripsit: Latissimus ergo in hosce alienigenas excurrendi

rendi campus aperiretur. Sed de nostro Jacobo solum quædam differere constitutum est. Erat ille Filius *Chajim* Filii *Isaac*, Filii *Adonie*, ex Africa oriundus, Tunetanus patria, qui claruit An. 1524. seqq. Causam, cur e patriis expulsus fuerit laribus, distinctam equidem ignoramus; a Barbaris tamen eo adductum fuisse, ut fugeret, & in Europam transfretaret, credimus, utcumque sit, posteaquam, ipsius Jacobi testimonio constat, exul Italiam longelateque pervagatus erat, atque interea Romæ & Florentiis aliquandiu vixerat, Venetias tandem delatus, per plateas huc illucque oberravit, victum amictumque, si qua posset, negociando, ut solent Judæi, comparaturus. Forte autem fortuna obviam factus *Danielz Bombergio* Antwerpiensi celebri Typographo, &, qui, cum a *Felice Pratenfi* (a) Bibliorum hæctenus excusorum Cor-

S 3

rectore,

(a) Felix hic Pratenfis gente pariter Judæus erat, qui tamen velo a facie sua projecto, felicem in Castra Christianorum sacra fecerat transitum. Unde eo lubentius a Daniele Bombergio in domum receptus, & Labo-

rectore, & direttore Hebraica ipse didicerat, ad studia Hebraica promovenda natus, multisque nominibus hodieque celebrandus, initia melioris scitis non opinatus reperit. Ille enim blande admodum Jacobum allocutus, quid rerum ageret, inquisivit, & cum literas sacras ipse admodum diligeret, & ille easdem se tractasse profiteretur, in officinam suam eum non renuentem abduxit, qui facili negotio, cognita Typographi Eruditione, æque ac Liberalitate, sibi persuaderi passus est, ut

Biblia

Laboribus Hebraicis præpositus est, quorum fuscipiendorum promovendorumque solus fere extiterat autor suatorque. Adhibebat vero fidem, quæ tantum virum decebat, in variis libris excudendis restituendo corrigendoque eosdem. Idque facili opera ex Biblijs Rabbinicis Anno. 1517. mense Novembri sol. Venetijs excusis cognosci poterit: Eam enim editionem ad Codicum Manuscriptorum variorum fidem excusam, & variantibus lectionibus in margine notatis, ornatam solus fere procuravit. Quoniam vero non emendata ex mente Masoretharum, verum vanissima isthæc Judæorum traditio penitus fuerat seposita, unde parum gratiæ apud varios Judæos, & præcipue ap. R. Eliam Levitam promeruit. Sed eo majori in pretio habetur a non paucis nostratium, in primis a B. Luthero aliisque, quibus ob varia loca restituta admodum semper placuit. Conf. D. Joh. Georg. Abichtii Pror. Lips. celeberrimi disp. de restituendis duobus versibus Jos. XXI. A. 1714. habita.

Biblia denuo splendidius imprimenda, fusciperet. Quo facto typis collectis, & reliquis ad consilium perficiendum necessariis, inprimis vero Schedulis & Manuscriptis, quæ Masoretharum annotationes Criticas continerent, conquisitis, operam suam *Bombergio* latibundus Judæus noster promisit atque locavit. Atque sic inito fœdere elegantissimum illud opus Bibliorum, quod etiam *Jacobus* noster *B. Chajim*, a mendis incredibili studio expurgavit typographicis, prodiit, fol. cum Commentariis Rabbīnorum, Paraphrasi, & triplici Masora, improbo labore, uti congesta, ita quoque disposita, IV. Voluminibus Anno 1526. quæ prima vocari solet, (a Judæis nempe procurata) editio, ad quam posteriores omnes sunt adornatae. In quibus tamen alii postea Correctores, atque Gubernatores Judæi, nominatim *Cornelius Adelkind* Levita, in illa, quæ lucem vidit, Anno 1549. elaborarunt. Nam eo usque *R. Jacob Ben-Chajim* fuisse superstitem non est credibile. Laudante quidem Philologi

R. Jacobi diligentiam, sed nimium Masorethici laboris, & superstitiosum studium non pauci etiam, secus ac vulgo fit, reprehendunt. Quo factum, ut contra ipsius contextus tenorem, & clarissimam numerorum lucem, Jos. XXI. capite, versiculi 36. & 37. cæca veneratione omissi, & ab omnibus, qui eadem confidentia Bombergianum codicem secuti sunt, etiam Christianis, ipsoque *Leusdenio*, injuria ejecti sint. Ex quo uno specimine, cum nostrum non sit copiose differere, quid de improbo labore habendum videatur, perspicui potest, & pluribus ante aliquot annos in *dissertatione Academica Altdorfina*, cui *Maris Masorethici infidi* Titulus est, ostensum fuit. Quæ de ædibus Bombergianis, & locis, ubi convenerit Senatus Rabbiniæ, ex variis orbis locis convocatus, præsidente Jacobo Chajim Is. Vossius adversus *Simonium* narravit, ex Judæorum relationibus, derivata sunt, sed a *Rich. Simonio* risu potius, quam refutatione, exceptis, leguntur in iterata illius ad objectiones Simonii Responsione,

sione, An. 1676. ed. 4. Lat. Crit. Veteris Testam. Simon. ubi & testimonium o Scaligerianis, de Correctoribus Judæis in plurali excerptum exhibetur. Nobis primas fuisse in eo celeberrimo opere procurando, & emaculando, Jacobi partes, satis est ostendisse, cui & præter Masorethicas Minutias, variæ Lectiones aliæ debentur, studiosius notatæ, & Præfatio doctissima, atque ingeniosissima, cum Introductione ad Accentuationem, Masoræ maximæ adjecta, & quæ sunt alia minutiora, quæ & *Buxtorfius in Basileensibus Bibliis Rabbinicis* repetiit, & quæ, nisi fallor, ita vero ex calce libri vasti colligo, ipse etiam *Buxtorfius* sua manu correxit. Quod reliquum est, non dubitamus, eundem R. Jacobum Bombergio quoque in editione rarissima Talmudis Babylonici operam aliquamdiu saltem addixisse; quoniam eo officinam adjuvante, non pauca, operis istius splendidi, partes in lucem prodierunt. Idemque de Talmude Hierosolymitano, ex Bombergii officina uno volumine ed. auderemus affirmare, si

inodo annus impressionis titulo præscriptus compareret. Sed quia non penitus comperta ea nobis sunt, brevibus hæc annotasse sufficiet. Antequam hinc discedam, non videtur inutile, si paucis adhuc commemoremus, in editione Basileensi Talmudis in æde *Frobenii*, An. 1579. Judæum quoque Correctorem egisse non indoctum, cui *Joh. Buxtorfius* Prof. L. Sacræ Basileensis clarissimus hodiernus, in *Catalectis*, nomen *Israëlis Sifroni de Gazolo* tribuit, atque permultas a Buxtorfio Patre editas Epistolas, in Institutionibus Epistolicis, ex Volumine Epistolarum, quas varii ad eum scripserunt Judæi ex Italia & Germania Rabbini, cum vacaret correctioni, testatur desumptus. Vid. ejus *Catalecta* n. 224. p. 275. Possem huic adjicere R. *Judam de Mutina*, sive ut vulgo vocant, *Leonem Mutenensem*, Synagogæ Venetæ Rectorem, qui præfuit Bibliis Rabb. juxta priores edd. *Bombergii* excusis, cum *Tar- & Masora magna & parva*, & *Commentariis Rabb. binorum*, 4. & Fol. Venetiis, An. 1617. & qui

& qui vita hac excessit, Anno 1654. re-
 liētis Manuscriptis Bibliis Hebraicis An-
 no Mundi 5065. cum variis Lectioni-
 bus Ben-Ascher & Ben-Napthali, qui
 codex in Johannis Seldeni manus per-
 venerat, unde ex liberali viri donatione
 Bibliothecæ Bodlejanæ concessus fuit.
 Sed hæc cum obiter saltem indigitavi,
 ideo nulla mentione facta de Clarissimo
Manasse Ben-Israel Judæo Amsteloda-
 mensi, de quo, quanta diligentia suas
 Bibliorum editiones procuraverit, con-
 stat sicco pede ad alios pergere potero.
 Illud tantum addere lubet, *Bartholoccium*
 valde jejunum esse de nostro Jaco-
 bo, ut verear Lectorem eo ablegare,
 & potius ipsummet in conscripta præ-
 fatione Bibliis Bombergianis atque
 Buxtorfianis præfixa conferre suadeo:
 alios vero, quos nisi obiter ejus studii
 mentionem facientes, allegem, non
 habeo, & ipsum quoque *Buxtorfium* in
Tiberiade vix præter nomen quicquam
 memorasse doleo. Sequitur

Frân-

Franciscus Juntinus.

Vir honesto genere , & quidem *Florentiis* natus , neque adeo obscuri nominis , ut a Cl. *Struvio* creditur fuisse , sed sua potius ætate admodum celebris fuit. Quod , ut commonstrem , meum erit , famam nominis ejus , ne tam ignotus videatur , refricare , eaque laude , qua dignus erit , mactare. Nec id solum facturus sum ex eo , quod Typographiarum curam habuit , verum etiam ex Eruditionis speciminibus aliis ipsius , quæ omnibus , eo , quo vivebat seculo , luculentum de celebritate ejus suppeditabunt Testimonium. Fuit nempe *Juntinus* Monachus Carmelita , ejusque ordinis Provincialis , Mathematicus insignis & Astronomus non proletarius , quanquam , quod carpendum , nimis superstitiosus , speculationibusque variis & ludicris admodum , vel ad cachinnum usque deditus. Ubi natus sit & quo anno ignoramus , ut plurimum vero vixisse Lugduni & *Florentiis* satis constat , quo posteriori etiam loco

loco *Juntis*, quibus consanguinitatis
vineulo junctus erat, operam suam
addixit in emendationibus codicum, &
restitutionibus bonorum scriptorum
effecitque sua industria, ut prelum Jun-
tarum Eruditis omnibus gratum ac-
ceptumque redderetur. Et fama est
non incerta celeberrimum etiam post
fata *Grävium*, Juntarum Libros præ
reliquis magni aestimasse, & laudasse,
cum ob chartæ albedinem, tum etiam
vitiõrum Typographicorum raritatem
atque alia ornamenta quamplurima.
Quas dotes, utut multis exemplaribus
nemo temere negaverit, fatendum
tamen est, codices apud Juntas impres-
sos jam me voluisse manibus, qui
mendosi nimium quantum fuerunt.
Ipse quoque prodiit *Catalogus librorum*,
qui in Juntarum Bibliotheca Philippi hæ-
redum Florentiæ venales erant An. 1604.
12. excusus, grandibus, & quam pluri-
mis scatet erroribus, id quod sine du-
bio ex incuria aliorum, Correctoris
præcipue, ortum est. Melius autem se
habent Codices, qui nostri Francisci
doctas

doctas sensere manus, unde etiam non mirum est, quod lautum satis pretium pro labore suo obtinuerit, ut nihil ei deesse videretur. Ad quem cum redimus, eundem, dum libris emaculandis incumberet, qua erat vel ingenii vel rei faciendæ solertia, alium lucrandi modum circumspexisse ferunt, & commutationi pecuniarum, Cambio ut vocant, ita incubuisse, eoque successu, ut Thesaurum Sexaginta millium Joachimicorum tandem nactus exinde fuerit. Quas tamen opes, ut male partus, sic male dilapsus esse addunt, ita, ut sub finem vitæ ne vestigia tantarum divitiarum reperiri potuerint, & miraculo simile omnibus fuerit, quorsum tanta pecuniæ vis demersa sit, nisi forte credendum vel vi clandestina abreptos nummos, vel ab ipso Juntino terræ gremio creditos fuisse. *Gesnerus* certe testatur in Epitome Bibliothecæ, *Juntis*, inquit, *honestissimis Typographis* (*in quorum adibus sæpe librorum correctionibus operam posuerat,*) *mille aureos nummos cum moriens*

*riens legasset, illi mihi fassi sunt, eos uti reliquos evanuisse, nimirum omnia per-
dita fuisse, quæ perditus ille anxius hinc
inde corraferat. De cetero, ut narrant,
animo admodum fluctuanti ac mobili
videretur fuisse. Vix enim in Gallias, ubi
abierat, religionem illic mutare haud
dubitavit; sed non minori festinatione
ad Sacra iterum reversus est sua, quæ
olim coluerat, Lugduni in ædibus S.
Sanctæ crucis coram publico conventa
in gremium Pontificiæ Ecclesiæ rece-
ptus ab hæresi, ut vocant, juramento
præstito se liberavit. Quo facto totum
se tradidit Astrologiæ judicariæ, ge-
nethliacis præsertim artibus mirifice in-
dulgens, atque ita anxie desudans in
futili isthoc studio, ut multa spe-
cimina laborum horum reliquerit,
quorum intuitu immortalem sibi com-
paravit apud eos famam, qui in pari
nugas istas habent pretio, ut omnium
hominum fata, sive fausta, sive adversa
exposita stellarum certo derivare co-
nentur. Prodierunt in lucem ejus Spe-
culum Astrologiæ de nativitatibus ac
annua-*

annuarum revolutionum relationibus.
 8. 1570. De divinatione, quæ fit per
 astra, Florentiis 1571. & Colon. 1580. 8.
 Commentarius Latinus in Joh. de Sa-
 crobosco libellum de Sphæra An. 1577.
 Commentarius in duos posteriores
 quadripartiti Ptolomæi Libros 1577.
 Discursus de Cometa apparente in No-
 vembri An. 1577. Paris. eodem anno,
 & Lugd. 1578. 8. Discursus de Refor-
 matione Calendarii facta per Papam
 Gregorium, Gallice, Lugd. 1582. 8. Di-
 scurso sopra il tempo innamoramento
 de Petrarca, con la spositione del So-
 netto, Gio fiammeggiava l'amorosa stel-
 la, &c. Videatur Venerabilis D.D. Bud-
 deus L. II. P. IV. Lexici. Bælius in Lexico
 Histor. Critico. adde G. J. Vossium de
 Scientiis Mathematicis. Gesneri Epito-
 men supra citatam, &c. Properanti nunc
 ad alios occurrit

Gothofredus Jungermannus.

Magni Patris non minor filius, & li-
 cet in numerum haud pari splendo-
 re, at meritorum magnitudine æque
 clarus.

clarus : Genuit enim hunc Gothofredum *Casparus Jungermannus*, enixa autem cum est *Ursula*, Celebratissimi Literatoris *Joachimi Camerarii* filia optima. Ab his Parentibus una cum fratribus suis Germanis *Ludovico & Joachimo*, pietatis æque ac studiorum principiis innutritus est, ea præsertim methodo, qua non minus ac fratres literas præcipue elegantiores solide excoleret. Quanquam in his Græcam Linguam præ ceteris sibi delegerit, in qua etiam pernoscentia tam sedulam collocavit operam, ut Atticissare exactissime crederetur. At mirum in eo fuit, quod cum maxime ad officia publica incunda idoneus esset, negotia publica semper renuerit, & sibi ipsi atque Musis suis canere præoptarit. Lautum igitur & opulentum vitæ genus, ut averfabatur, ita honorum quoque non erat appetens. Ut tamen vitam honeste sustentaret, alia sibi procuraverat subsidia. Atque ita accidit, ut, cum sibi non solum inservire vellet, sed aliis etiam commodo esse studeret, eo fine

T

apud

apud *Wechelios* Typographorum celebratissimos tantos subiret labores, quantos quisquam alius in publico munere unquam devoravit. Siquidem Manuscripta, temporum injuria depravata, innumerabilia restituit; impressa volumina ingenti copia correxit & emendavit, sub prelis sudantes plagulas infinitas a quibusvis purgavit, & omnibus ornamentis instruxit, ut vix fidem inventuri apud posteros, ea narrantes Historici: Ipsi adeo *Wecheliana* officina ingens decus conciliavit; Sicut enim præstantiores Correctores, quod nostro instituto demonstramus, vix alibi diligentiam suam probarunt, quam in Typographiis illustribus, ita quoque Typographiarum nomina vicissim plurimum laudis acceptum tulere correctoribus præclaribus; Neque enim quisvis, & potissimum tunc temporis Correctionibus præesse poterat, ut nunc plerumque fieri solet, sed requirebatur *Sylburgii* doctrina, *Jungermannii* Eruditio & *Erasmii* diligentia. Neque vero id noster agebat invitus, aut famam nomi-

nominis sui se lædere credebat, sed longe fecius, ut *Wecheliorum* amore eximio fruebatur, ita aliorum quoque virorum doctrina præcellentium consuetudines indies augebat, ambientibus quippe Eruditis, uti Typographorum sic quoque Correctorum, ut sua, quæ prelo subjicerent, quam accuratissime exirent, Favorem & Amicitiam. Quo factum, ut & *Jungermannus* noster non multorum solum impetraret affectionem, sed etiam erudita cum iisdem literarum commercia per omnem vitam haberet. Cujus etsi bene multa specimina ex Epistolarum fasciculis, qui typis quoque procusi extant, proferre possemus, non tamen nisi unam particulam ex Responsione ad *Scipionem Gentilem*. Illustrem Academiae Altdorfinæ JCrum, quippe functionis Jungermannianæ & diligentiae ad oculorum usque morbos, testem producere placet. Ita vero in Gudianis Epp. noster scribit: *Ceterum ut tandem ad illud veniam, quod scribis, Te, cum Rittershusio meo sollicitos ob functionis meae incommoditatem, velle, ut*

vobiscum esset loco honesto, si non sim a professione alienus: Vosque ideo cogitatu-
ros & conaturos, quas Tibi grates agam
mi amplissime? Non opis id nostra est.
Quamvis enim satis honesto stipendio sim
apud Marnium, tamen laborum nimia est
moles, qua nullam refectiorem admittit,
omnemque valetudinem negligere cogit,
quod alias facere soleo. Accedit hoc, quod
ita penitus abstrahar a jucundissimis stu-
diis utriusque linguae, & bonis auctoribus
versandis, cum tamen ego id unice in votis
habeam, si talem quietem & otium nanci-
sci possem, quod illis tranquille tribuerem.
Otium enim absque literis, mihi mors re-
vera. Ut ut tamen sit, non facile avelli
me patior a loco, ubi semel assuevi: nisi
oculos patros etiam accederet, & Lingels-
heimius meus (cui haecenus id occultavi
rescivit per alium) mihi inclamaret sedu-
lo, quid agerem, an me velim perdere? Va-
riis quidem modis Marnium hic commora-
tus expertus fui, an labores mei minui
possent, quum me invito ideo amici magni
Marnium objurgarent, quasi me oneraret
nimis. Suscepi itaque primum duo prala-
dein

dein per aliquod tempus tria , mox tria cum dimidio , dein tantum unum in illo difficili Concordantiarum Græcarum & Hebraic. Veteris Testamenti , cum pauculis alijs , & constitui per hanc hiemen , si hieme pergent , unico pralo saltim inservire , sed varia simul aliorum ἐλαεισματα mihi supplenda sunt , nisi Marnius velit damnum facere , & itur ad vie de singulis quisquilijs ubi hærent. Hac vero omnia ut me de recreatione cogitare non facerent , id aliud tamen facit. Biennium jam est , quod prala bina e nostro Typographio ad majorem Aubrium translata fuerint , cum & ipse hanc artem tractare velit. Incidunt tamen inter illum imperitum profecto , & minus aptum ad gubernandas operas & nostrum Senem , quem Marnius præfecit , quique fidelissime & diligentissime omnia administrat , varia lites , dum quicquid ille corrumpit & peccat in nostrum transfert : Et alias etiam Aubriani rationes reddi sibi Marnio volunt , & hereditatem prorsus dividi , adeo , ut aliquoties officina claudi debuerit , cum alias inter has occupationes ad calculos sedere

quiete nequeant. Unde necessario mihi de alia conditione cogitandum. Nec tamen ullam præoptarem, quam de qua scribis. Fuit enim mihi in votis, & id non occultavi prorsus apud alios, jucundissimam vitam mihi fore, si Deus me aliquando Altdorfium transferre velit, ubi Philologia (qua Deus in patria mea heu! exiluit & spernitur.) suam sedem fixit. Sane probare cogitarem cum & vobis tenuia officiola mea, ut videretis, me id unice spectare, ne ingratus aliquando mori viderer. Unum est, quod considerandum vobis relinquo, nec audax sum, nec fasundus. Quamvis & Rittershusio Duce quidvis audendum videatur. Sed nec doctrina erudita ulla apud me copia, quamvis vobis magnis Doctoribus de ea consequenda aliqua minime prorsus desperare possim. Ceterum molestus fui Tibi plus satis. Jam adgredior Rittershusium meum. Vale atque salve mi Amplissime Domine, & amice, atque Patrone unice. Hannov. 10. Sept. 1606.

Haftenus de sua in Typographico Marniano assiduitate in corrigendo audivimus differentem. Jam vero quam-
diu

diu in eo desudarit contendendum. De quo quidem ex sequenti Epistola Anno 1607. scripta constat, ubi postquam salutare iusserat *Hubnerum* & *Rittershusium*, addit, ex Typographio Wecheliano. Unde non obscure ad finem usque vitæ Saxum hoc eum volvisse conijcimus. Etenim d. 16. Augusti A. C. cIo Io ex. fatis concessisse certis testimoniis scimus. Monumenta, quæ reliquit, suo Marte elaborata sunt: Cajus Julius Cæsar, quem collatis Manuscriptis puritati suæ maxime restituit, notisque suis illustravit, inque lucem publicam prodire iussit. 4to 1606. Francofurti cum Commentariis integris *Henr. Glareani*, *Joh. Glandorpiz*, *Joach. Camerarii Aldi Manutii*, *Joh. Sambuci* & aliorum: in qua tamen editione distinctiones in versus desunt. Recusum est hoc opus An. 1669. sed admodum infeliciter; deficiunt enim præfationes laudatorum virorum, adjectæ sint quanquam distinctiones versiculorum: Eidem debemus notissimum tractatum Hieronymi Magii, de Equuleo in carcere conscriptum,

quod prodiit postea Amstel. An. 1665. & 1689. de cujus libelli singularibus factis agit clarissimus Wolfius in diss. de Carcere Eruditorum Musæo p. 36. Extant etiam Epistolæ peculiari Volumine impressæ. Porro edidit etiam Herodotum, cum interpretatione Vallæ latina recognita ab Henr. Stephano, & spicilegio addito Frid. Sylburgii Fol. Francofurti 1608. quam editionem se emendasse in præfatione datæ Typographæo Wecheliano ipse scribit: *Nihil fuit, inquit, amice Lector, de quo nos minus cogitaverimus, anno præterito, quam Herodoti editionem ista hyeme susceptum iri, nec ejus rei vel leviter mihi in mentem venire potuit. Sed variæ sè habent etiam optimarum Typographorum rationes, ut, me hercle, quantum ego habetenus, dum illi artè operam ἐπαγορεύτικὴν ἐν partē dedi, cognoscere potui, verum hic illud fit, quod proverbio trito expertus pronuncio, scil. & nos plerumque in ipsa demum arena consilium capere oportere non secus ac gladiatores, &c.*

De Animadversionibus in Juliū Pollucis

cis onomasticon dignum est notatu, diu latuisse istas lucubrationes, donec eas feliciter celebr. Obrechtus Argentorati ap. Sutorem oppignoratas inveniret, easque levissimo pretio IV. Imperialium redimeret. A quo clarissimo Lederlino transmissæ sunt, qui eas *Julii Pollucis* editioni novissimæ adjecit, a *Lederlino* inceptæ a *Kuhnio* vero perfectæ & *Tyberio Hembsterhasto* absolutæ & in lucem editæ, Amstel. 1706. fol. II. Voll. Inspiciantur. Ven. D.D. Buddeus in Lex. Tom. IV. Crenius in Animadversionibus Philoll. P. V. p. 13. 20. Bælius in Lexic. Hist. Critico T. II. p. 1684.

Cornelius Kilianus.

Vir doctrina nobilis & meritorum gloria nemini secundus. Inprimis vero ad exprimendum dulcissimo versu, quicquid collubitu esset, natus. Ortus est iste Carminum pangendorum Magister *Duffla*, quod oppidum est in Brabantia modicum, ubi & rudimenta in studiis primæ posuit, & Lovanii eadem amplius excoluit. Ex qua Aca-

T 5

demia

demia vix assumpta virili toga evocatus, Antwerpiam concessit, sedequē constanter illic fixa per omnem vitam in medela Libris Typothetarum incuria fauciatis paranda, elaboravit. Tantoque ampliorem diligentiae aequae ac Eruditionis exercendae campum consecutus est, quo frequentior in Christophori Plantini, cui inserviebat unice, officina, occasio erat, non triviales, sed selectas virorum doctissimorum lucubrationes, praelo subjiciendi, easdemque inter sudores imprimantium perpoliendi. Quonomine dignus nobis visus est, cui non solum locum inter Eruditos Correctores daremus; sed primas etiam, vel ob longissimum quinquaginta annorum hujus industriae aestimatae tempus, assignandas partes putaremus. Cetera ex subjecto Swertii Amici & familiaris Epitaphio, quod ei consecravit, cognosces.

D. O. M. Cornelio Kiliano, Duffleo, constantis laboris, & perennis industriae laude ornato viro. Quinquaginta annos Plantini Typographiae curam gessit,
Quam

Quam fideliter, perite, docte, ipsos ro-
gate libros, elegantia, nitore, fama
æternæ artis primos. Nec semper ali-
enos tractavit, cum & suos reliquit.
Latina oratione disertus; versificatu fe-
lix, patriam quoque Eloquentiam ex-
coluit, cultumque ejus & propieta-
tem revocavit. Obiit ætate operibus-
que gravis, A. M. D. C. VII. ipso Pascha-
tis die. Venæ Poëticæ simul & in corni-
gendo studii testimonium esse arbitra-
mur carmen sequens ab ipso Kiliano
non sine bile effusum;

Officium est nostrum mendosa errata librorum,

Corrigere, atque suis prava notare locis.

Ast quem scribendi Cacoëthes vexat, ineptus

Ardelio, vitiiis barbarieque rudis.

*Plurima conglomerat, distinguit pauca
litis*

*deformat chartas, scriptaque comma-
culat.*

*Non annum premit in nonum, non expolit
arte,*

Sed vulgat properis somnia vana typis.

*Qua postquam Docti, Musis & Apolline
nullo,*

Com-

*Composita exclamant ; ringitur Ardelio.
Et quacunq̃ue potest , sese ratione tuetur ,
Dum Correctorem carpit , argitque
reum.*

*Heus ! cessa , immeritam culpam transferre
deinceps*

*In Correctorem, Barde, Typographicum.
Illud quod est rectum non depravabit : At
audin,*

posthac lambe tuos Ardelio Catulos.

*Errata ulterius, quisquis correxerit, illum,
plus satis invidia, gratia nulla manet.*

Sed pauca quoque de scriptis Kiliani at-
texere juvat ; Est interea celeberrimum
Etymologicum Teutonicæ linguæ, quod
& Lipsius accuratus librorum censor
laude non modica mactandum esse cen-
suit : Idemque Dictionarium Teutonico-
Latinum, impressum apud Plantinum,
An. 1599. 8. typis Moreti; recusum est,
sub titulo *Kiliani aucti*, sed admodum
depravate, ut priores editiones huic
longe anteferantur. Extant etiam Poë-
mata ejus varia, quæ rarissime conspi-
ciuntur, ea facetiis Swertio laudantur.
Submisit etiam singula disticha singulis
ima-

imagunculis passionem Servatoris nostri exhibentibus, excusis & æri incisis Antwerpiæ a *Joh. Sadelero*, viro cum aliis hujus nominis in hac arte incomparabili. Ejusdem sunt Translationes *Comminæi* & *Guicciardini* Historiarum in linguam Belgicam. Memorabile etiam est præ cæteris & ad nostrum institutum apprime facit *Epigramma Apologeticum* pro Correctoribus, quo Criminationes Scriptorum, quibus in Correctores invehebantur re-
 tundens, ipsos eorumque scripta, infelici *Minerva* sæpe elaborata accusat, quod vide, si placet in *Beyerlinckii* Theatro vitæ Humanæ Tom. IV. L. T. p. 238. Ex quo ἀποσκευάτιον illud, quod paulo ante recitavimus, nos accepisse profite-
 mur. Dignum quoque idem visum est *Chevallerio*, quem libello suo Gallice scripto, sed rarissime in Germania, nec nisi in *Bibliotheca Spanhemiana* a me *Berolini* conspecto, de originibus artis *Typographicæ*, inseruit, quem etiam de *Kiliano* vide p. 203. adde *Fr. Swertii* Athen. Belg. p. 189. Bælium in
 Diction.

Diction. Tom. II. LL. Buddeum, & si
quialii, quod tamen plerumque obiter
factum, ejus meminerunt.

Johannes Kislingius.

WEissenstadtensem hanc fuisse ex ne-
potibus accepimus : Quod oppi-
dum est Burggraviatus March. Branden-
burg. Franconia Superioris. Natus An-
no 1613. d. 5. Febr. patrem habuit in
mercimonia rerum domi occupatum,
cui *Erasmi* nomen fuerat inter suos ce-
lebre. Ab his pie educatus ob ingenii
dotes præclaras, animum liberalibus
excoluit artibus, ductore *Laurentio*
Munzero, Patri Ludimoderatore. A quo
cum testimonium vitæ honestæ & dili-
gentiæ laudabilis accepisset, in nume-
rum Alumnorum Serenissimi Marchio-
nis Brandenb. Wonsidelii receptus, illic
eodem fervore studiis incubuit suis,
edoctus a *Joh. Kellio* & *Simone Schæpfio*
Præceptoribus. Hinc An. 1634. Num-
burgum migravit, ibidemque in stu-
dio literarum ad annum usque trigesi-
mum nonum post millesimum & sex-
cente-

centesimum ultiores progressus fecit. Atque exinde Jenam sibi vicinam petiit, ubi tamen non nisi duos annos vivere licuit, calamitatibus oppresso. Parentibus enim per bellorum infortunia miseris cum Paupertate conflictantibus, sumtus etiam mediocres, quos ut hactenus consueverant, suppeditare filio non poterant amplius. Quapropter An. 1641. domum reversus, quid in Exercitio concionatorio valeret, suis & patriæ ostendere elaboravit, atque nonnulla eum in finem edidit specimina. Verum spei suæ certum fixumque terminum cum Weisenstadii non reperiret, Noricam adire urbem, ut, si qua fieri posset, ibi salutis suæ consulere, auxiliante divino Numine constituit. Sed ut sunt fata hominum, qui præmia studiorum expectant plerorumque, ut aut consensescere inter spem atque metum plerosque oporteat, quibus fortuna iniquior est, aut præcipuum scopum tandem desperabundi deserunt, aut privatis informationibus puerorum ætatem vegetam conterunt, & plus in
lite-

literis , istas quisquillas tractantes deficiunt, quam proficiunt. Ita pares calamitates & noster sentit Kislingius , qui tamen eas , conjugio , quod cum vidua cujusdam *Leonh. Schvverdtsegeri* iniecit , utcunque lenire interea conatus est. Donec lautiores conditionem vivendi , minusque onerosam ac proficuum etiam obtinuit, cum Anno 1651. optimi *Endteri* operas suas excudendas fidei ejus crediderunt , ut corrigendo puriores eas a mendis redderet. Atque isthoc sibi datum negotium per annos viginti & tres maxima cum laude industriæ , primum in officina ipsa , postmodum vero in ædibus suis pergit , eaque fide , quæ requiri ab homine his curis præfecto poterat, & tamdiu continuavit , quamdiu vires a Deo concessæ præsto essent. Pietatis adhæc atque humanitatis decore omnibus sigillatim vero Ecclesiæ Ministris atque imprimis Dn. *J. M. Dillherro* charissimus fuit, de qua re testatur Præfatio ad Lectorem Kislingianæ Arti vivendi & moriendi præmissa. Tandem

Anno

Anno 1674. d. 14. Octobris ex hac vita in patriam migravit coelestem, postquam continuos annos viginti & tres prælo inservierat. Scripta, quæ ab Anno 1655.--1673. luci exposuit Ascetica sunt. Sunt ista: *Himmelsche Tisch Reden* / 1658. 12. *Christliche Lebens- und Sterbens Kunst* / 12. 1662. *Christl. Haus-Vatters tägliches Bet-Stund-Büchlein* / 1663. 12. *Christl. Herzen geheime Bet-Kammer* / 1665. 8. *Geistliche Weihnachts-Freude*. 1665. 12. *Buß, Beicht- und Communion-Büchlein* / 1666. 8. *Nürnbergisches Hand-Büchlein* / 1666. 16. *Christl. Herzen geheimes Bet-Kammerlein* / 12. *Herz-erquickendes Trost- und Freuden-Brünnlein. Geistl. Wetter-Büchlein: Geistl. Weg-Weiserlein* / 1678. 16. & alia. Imagini ejus æri insculptæ *M. Justus Jacobus Leibnizius* rhythmos Germanicos submisit, quos tamen hic repetere non placet, quin potius ad alios progredior; Obscurior autem succedit, nempe

V

Ada-

Adamus Knouf.

Hic ordine sic poscente memorandus erit, obscurioris vero fateor est famæ, & a Doctis nonnisi ob Typographicas curas laudatus, & præstantissimæ Typographiæ celebritate ipse clarus. Medicum fuisse studiis & professione, patria vero Coloniensem Bælius in Lexico suo retulit, idemque etiam, quod Gryphiorum officinæ servitia corrigendo præstiteris, loco mox citando commemoravit. Atque ex eodem fonte diligentissimus Dn. *Reimannus* sua quoque hausisse mihi fit vero simile, quando nomen ejus inter Eruditos reposuit Correctores. Ego vero licet plura & singularia quædam indagaturus nulli operæ pepercerim, nihil, quod memoratu dignum esset amplius invenire potui. Cum itaque spes me fefellerit, silebo cum Bælio & Reimanno, Lectorem autem benevolum, si quid innotescat pro lubitu, ut lacunam hanc suppleat, honorifice rogabo. Consulatur interim Bælius Tom. II.

Dictio-

Dictionary p. 1401. Reimmannus P. III. p. 242. Introd. in Hist. Lit. Num vero Joh. Theodorus Leubscherus in Schediasmate de claris Gryphiis An. 1702. evulg. in quibus de Seb. Gryphio Celeberrimo Typogr. Lugd. Galliaë differit, quædam notarit, nec ne, non habeo dicere, utpote quod inspicere non licuit. Lectorem tamen, ut consulat, si præsto sit, monere, non abs re visum fuit. Sequitur nunc clarior

Ludolphus Küsterus.

Utrum gratiam initurus sim a Doctissimo Celeberrimoque viro, an vitium atque invidiam promeriturus, quando nomen ejus in Correctorum numero recenseo, nescio. Averfari enim eum, imo abhorrere ab omnibus, quæ non sunt splendida, percepisse me a quibusdam memini, quum animi indolem haud sane laudabilem (relato refero) Berolino Amstelodamum, & nunc porro, ut fama est, in Gallias ad Pontificiorum abduxisse partes, & sacra, ferunt. Sed quicquid horum sit, dicendum

dum fane quod res est, neque in ignominia vertendum, quod præclarissimi viri sibi honori duxerunt, si quis ab opere, & suo se pede metire didicerit. Omissis ergo hisce, pro more huc dum mihi consueto, agendum erit. Jurium hic Doctor celeberrimus Patriam suam esse gloriatur Marchiam Brandenb. in qua Saxon. infer. provincia non splendidis, at honestis & probis genitus est parentibus. Ob ingenii vim, & judicii acrioris observata vestigia literarum studiis consecratus, universe in iis, ac in Græca cum primis literatura, profecit, ut juvenis adhuc eximia jam dederit futuræ Eruditionis documenta. Egregie igitur in Scholis domesticis & patriis enutritus, & ad altiora tractanda aptior inde redditus, celeberrimam Musarum ad Albim sedem suam fecit, delegitque exercitatione palæstram. Post aliquot autem annorum tractum, nescio quo fato, Amstelodamum delatus est. Atque hic locorum callidissime inservivit tempori, & cum ob tenues facultates liberaliter vivere haud posset,
five

sive nummis etiam necessariis destitutus, sive juvandarum literarum amore, aut si mavis ex singulari quasi instinctu ad labores istos perferendos maxime idoneus, Bibliopolis ac Typographis Amstelodamensibus in ornandis & corrigendis libris operam fortem ac strenuam locavit, nihil tamen etiam simul prætermittens suæ industriæ, qua in studiis politioribus altius semper ascendere posset. Præterlapso autem quodam temporum intervallo, cum domestica sede nihil sit jucundius, in natale solum, quod olim genuerat, alueratque, rediit. Berolinum itaque invisens, tantam gratiam Electoris, atque Regis deinceps potentissimi, mox consecutus, ut sumtibus Regiis Germaniam, Belgium, Angliam & Galliam lustrare concessum fuerit. Fausto igitur omine terras modo dictas peragravit, atque Cantabrigiæ præcipue aliquandiu hærens, ingentem sibi bonarum observationum apparatus comparavit. Refertus tandem omni Eruditionis genere domum est revocatus. Quo facto,

eum rediisset in Marchiam , in Mandatis accepit, ut Academiae Equestris Berolinenses cives humaniores literas doceret. Id vero munus cum spei suae majori animo dudum conceptae , aliquid derogare , & doctrinae suae scientiarumque amplitudini haud satisfacere existimaret , ad altiora se natum ratus , ut Bibliothecae curae sibi demandaretur , supplicibus contendere precibus a Rege suo Clementissimo non destitit. At enim vero cum doctissimus Gallus *Maturinus Veyssiere la Croze* , a Bibliotheca Regia jam esset , petitis hisce satisfieri aliter haud potuit commode , nisi haecenus , ut surrogaretur Crozio. Factum id quidem est , verum neque his etiam contentus *Küsterus* , omnem sibi uni in libros potestatem primario vindicaturus ; at vix id sperari posse cernens , iterum officio abdicato , ad externos abiit. Valedixit igitur Berolini , vitae aulicae quasi pertæsus , & Musis suis victurus potius , quam in splendida , ut opinabatur , miseria diutius perstiturus. Olim igitur jamjam suis rebus in Belgio consul-

consultum fuisse memor, Amstelodamum denuo intravit; ubi aliquot annos, scribendo, edendo, corrigendoque libros victum amictum nominisque gloriam quæsit, & literato orbi abunde satis Eruditionem suam probavit. Nuper vero & hujus vitæ pertæsus, sacris quoque mutatis ad castra Pontificiorum Lutetias transiisse relatum est. Ubi non dubitamus pari studio, & labore insuperabili laudes hucusque paratas, sed defectione ista infelici admodum conspurcatas, ut augeat, operam daturum esse. Est siquidem patiens laborum, affabilis atque blandus, magnaue oris commendatione, tantaque doctrina (quis enim diffiteatur?) præditus, quæ majora indices ab eo præter ea, quæ jam dedit illustria specimina, nos expectare jubet. Inter celebriora quæ jam publice prostant, quantum ego memini, sunt; Historia Critica Homeri recus. Francofurti 1696. 8. Bibliotheca Novorum Librorum Trajecti ad Rh. 1697. Ejus Tomum primum ipse solus concinnavit, in altero vero ac ter-

tio accessit studium *Henr. Sickii*, Prof. LL. OO. Cantabrugensis, Bremensis, qui misero non ita pridem fato se ipsum suspendio necavit. Quo adjuvante etiam T. IV. & V. Bibliothecæ hujus, tot enim, si recte memini, constat opusculum integrum, evulgati sunt. Sunt præterea Küsteri Suidæ Lexicon cum notis variorum & suis 1705. III. Voll. quæ editio Genevensi plurimum præstat, quam jam antecesserat Diatribe de Suida Anno 1701. Cantabrigiæ. Edidit quoque Jamblichi vitam Pythagoræ Amstel. 1707. 4. Aristophanis Comoedias cum notis Is. Casauboni, Ez. Spanhemii & Rich. Bentleji cum suis Amstel. 1710. fol. Notandum autem Spanhemii notas non esse, nisi in priores tres Comoedias excusas, nam dolo quodam malo factum, ut reliquis Küsterus carere necesse habuerit. Ex ore id relatum habeo viri alicujus celebris & literatissimi, qui tunc temporis in Anglia versatus erat, cujus pace etiam & fide totum, ut actum est, negotium illud referendum non piget. Nempe L. Küsterus

sterus sive *Neocarus*, ut interdum appellari maluit, Aristophanem evulgaturus, sensa mentis critica, in eum autorem per literas ad Illustrem Spanhemium datas, requisivit. Ille igitur benevole satis, ut solebat, notas suas in priores tres Comœdias concessit, additis promissis, in reliquis se etiam ei non defore. Verum non multo post, quæ agerentur, cognoscentes amici Spanhemii, idemque Küstero inimici, invidia accensi obstiterunt Illustri Oratori & L. Baroni, quo minus, cum & reliquas efflagitaret accessiones, earum compos fieret. Invidebant nimirum honorem Küstero ex his doctissimi viri Laboribus acquirendum, atque hinc omnes intendebant nervos, ut inclytum Spanhemium ad alia agenda abducerent. Cujus consilii perficiendi celeberrimus *Grabius* Regiomontanus, qui ad plures non ita pridem abiit, dolo haud sane probando, administrum sese præbuit: Is enim certior de petitis Küsteri, & promissionibus Spanhemianis factis & ab ipso Spanhemio, quo familiarissime

utebatur, confirmatus, famulum, nullius fere notæ, ad Spanhemium misit, traditis simul literis, in quibus de fide dudum data communi quasi Doctorum nomine ad Partem alteram, de usu & Præstantia numismatum, edendam monebatur. Studium vero illud notas in Aristophanem scribendi & ad externos mittendi, quanta fieri poterat industria, quasi minus dignum tanto viro, exprobrabatur. Addebantur, & quibus, ni promissis stare, fore ut ædificium gloriæ hætenus laudabilibus studiis, doctrinaque politiori exstructum omnino collabatur, eademque Epistola simul, ut responsum in certum deponeret locum, expeditum est. Acceptis his prælectisque literis, ipsum *Grabium* autorem hujus fabulæ vocabat in consilium *Spanhemius*, qui pronus ac lubens ei persuasit, ut Comicum obscurum faceret missum, & propediem numismatum absolveret enarrationem, probatoque consilio suis manibus ipse, quæ rescribenda putaret Spanhemius, accepit, atque ut jussus erat a viro illustri in locum designatum

gnatum reponenda curavit : Eo pacto effectum, ut notas laudatissimas non impetraret; in quorum locum Bentejanas postea furrogavit; Hæc hætenus. Ejusdem Küsteri, ut ad cetera monumenta redeamus, est, Novum Test. Græcum nulla satis laude ob industriam summam prædicandum, atque in Anglia post triginta annorum spatium in lucem emissum *Joh. Millii*, recusum est Roterodarni, & Lectionibus novis adhuc variantibus locupletatum An. 1710. fol. Taceo reliqua & præterea, quid sua opera idem quoque contulerit in Thesauro Gronoviano & Græviano colligendo, quorum illi addidit Diatribem de Museo Alexandrino Tom. VIII. p. 2766. conspiciendum : In hoc vero Patritii rem militarem Roman. ex Italico idiomate, & Savoti diss. de Nummis ex Gallico transtulit in Lat. & alia. Quæ reperiuntur T. X. XI. XII. dictorum Voluminum celeberrimorum. Constitue- rat etiam Genesii LL. V. *Βασιλικῶν*, ut & Scriptores Historiæ Byzantinæ typis evulgare; id vero consilium non perfe-
cit:

cit : Utrum vero a proposito abstinuerit, subdubito. Atque ficalis etiam recentioribus dissertatiunculis viri hujus Eruditissimi relictis, quas videre poteris, in P. IX. des ausführlichen Berichts von allerhand neuen Büchern / p. 834. pedem promoveo ad elementum L, ubi primum suo merito occupabit locum Græcorum Exulum famigeratissimus.

Johannes Lascaris.

Hic vir nobilissimus pariter ac doctissimus a *Simlero* in Bibliotheca, incertum, quo jure vocatur *Andreas Janus Lascaris*; & a *Vincentio Parravicino* in libello nuper, demum in ed. de singularibus Eruditorum *Johannes Andreas*: ab aliis vero communi consensu nonnisi *Johannes* appellari solet, sic tamen ut cognomentum *Rhyndaceni* subinde adjectum videas. Satus fertur principe sanguine: quandoquidem ex *Lascarina* familia quosdam Scepta Orientis tenuisse gloriari poterat. Eamque ob rem a parentibus acceptam illustrem

strem inde indolem crediderim, moribus & doctrina ut ornaret, æque laudabiliter laborasse. Erat autem inter profugos ex patria, cujus urbe primaria occupata, & Tyrannide Turcarum latius indies in subditos invalescente, cum cæteris cœlum, in quo natus educatusque fuerat, non sine tristitia reliquit. Italiam igitur vicinam, sedemque Musarum petens, & per aspera maris transiens, naufragio feliciter superato, a *Laurentio Mediceo* Florentiis gratissime susceptus, asylum hoc Literatorum secunda intravit fortuna. Unde etiam Principi benigno quacunque data occasione gratum testari animum non intermittebat. Non tantum enim eum adjuvit mascule in formanda ornandaque Bibliotheca, quam iste meditabatur, verum etiam morigerum atque paratum se præstitit, cum in patriam remigrare, ad certa, quæ demandata fuere agenda negotia, juberetur. Eoque animo legatione missa ad *Bajazethem*, Turcarum Principem, eidem se adjunxit, atque ab Imperatore, gente
Barba-

Barbaro quidem , at non mediocriter scientiis philosophicis imbuto , facile impetravit , ut domi hinc inde vagari , & Codices Græcos , Manuscriptos præcipue , conquirere licentia daretur. Quo facto variis Voluminibus passim conquisitis , lætabundus noster in Italiam rediit , & Principis Medicei gratiam ex asse consecutus est. Sed cum paulo post iterum Constantinopolim profectus , eodemque favore , quo antea , usus esset ; dubitari quidem de fide ejus coepit , nihilominus abdita denuo ille Græciæ scrutatus est , ac priorem fortunam recuperaturus in terras Italiæ cum gratulatione remeavit. Inde maximopere crescente tanti Viri fama , & in Galliam usque dimanante , a *Ludovico XII.* Lutetias desideratus , atque illuc de- vectus , tanto habitus vixit in pretio , ut Legati munus Venetias suscipiendum ei fuerit demandatum ; cujus Legationis causas in *Historia sua P. Bembus* , adjectis sermonibus , quos ad Senatum Lascaris habuit , tradidisse constat. Posthæc Romam abiit , ibidemque amicitia fretus

Leo-

Leonis X. Laurentii de Medices Fratris, non quidem ut aliqui autumant, Con-
filiarius evasit Papæ, sed postquam ex
Græcia juvenes Eruditos & bene mora-
tos secum eduxerat, hujus Collegii, ad
conservandam linguæ Græcæ puritatem
instituti, Ductor, moderatorque factus,
magnis & ingentibus Pontificiis bene-
ficiis est gavissus. Abhinc denuo in Gal-
liam a *Francisco I.* citatus est, ut Regi a
Bibliotheca esset, id quod *Bælius* evincit
ex Epistola *Jacobi Tusani*, ad filium La-
scaris data, sic habente. Jani Patris tui,,
Excellentiam, in Romana lingua, ne,,
dum in vestra, peritiam, pluribus hic,,
verbis, ne fusius, persequar; Illud certe,,
dicam, Græcæ literaturæ quantum usu,,
quantum scientia præcellat, ex hoc vel,,
maxime intelligi posse, quod eum ex,,
cunctis vestri generis hominibus, de,,
sententia doctissimorum delectum,,
Princeps noster Franciscus accersen-,,
dum esse, censuerit, ut Museo, quod,,
in hac urbe longe omnium Principum,,
celeberrimum speramus excitatum iri,,
propediem velut alter Apollo præsi-,,
deat.

fideat. Mortuus tandem est Romæ magno admodum natu, ætatis nempe nona gesimo An. Chr. 1489. morbo articulari constanter laborans. Sepultus in æde Gothica sive Agathæ supra Suburram. Epitaphium, quod ipse sibi fecit Latine redditum, *Jovius & Freherus* citant, in *Lambecii* vero Comment. in Biblioth. Vindob. P. VI. Supp. I. T. II. p. 274. & apud *Kænigium* in Bibliotheca inde excerptum invenire poteris. Sed antequam ab eo discedam, illud, quod nobis constitutum est, non prætermittendum esse duco. Indicandum scil. ubinam locorum ad prelum libros impressos correxerit. *Henricus Stephanus* ergo de illa re audiendus, a quo cum postmodum dicendi futurus sit locus, nunc in querela Artis Typogr. de nostro differentem hunc in modum habemus. *Quid vero dicturos*, inquit, *Marcum, & Janum Musurum, & Janum Lascaum* putamus, in quibus primis *Græcia reviviscere cæpit, & qui Principes in pandendo nobis ad Linguæ Græcæ adyta itinere fuerunt? Quid, inquam, dicturos remur, si, quum ipsi*
tantum

tantum honoris Anti-Typographica detulerint, ut non indignam existimarint, cui suam navarent operam, fungentes munere Correctorum, (liceat enim de rebus Typographicis typographice loqui) eo rem devenisse videant, ut si quis tria Latina Lingua verba, totidemque Græca norit, Typographica illius correctioni nobilissimi quique utriusque lingua Scriptores committantur. Vera utique hæc sunt. Nam multum laboravit Lascaris in Correctorio opere, imo plura fecisset, inquit Erasmus Roterodamus, ni crebra legationes, & Regum negotia eum revocassent. Florentiis autem quam maxime & Venetiis id factum credibile est, illic apud Juntas, hic apud Aldum Manutium. Ego sane, ut nunc præsto sunt, Græcos Scriptores nos tales non habituros credo, ni accessisset studium horum virorum, quibus Græca vernacula erat lingua. Ne quid enim de protractis adductisque exemplaribus e Græciâ repetamus. Eos optime etiam manu exaratos codices & legere, & examinare, & expurgare a mendis potuisse, quod & fecisse totus

orbis testatur literatus, quis est, qui negare vellet? De reliquo Lascaris noster, quamvis facundus fuerit ac moribus probus, & Lat. insuper Linguae gnarissimus, iners tamen valde, *Morerio* testante, ac desidiosus erat, nisi stimuli subjicerentur. Qua de causa factum, ut pauca supersint scripta, quae testimonium de viri maxima eruditione exhibere possent. Vix enim *Polybii* opus de arte militari, ut latinitate donaret, persuaderi potuit, cum praeceteris longe tamen aptissimus ad hujusmodi versiones conficiendas omnibus visus fuerit. Librum de veris Graecarum literarum formis ac causis apud antiquos Paris. 1536. & orationes Francofurti 1573. in Catalogo Biblioth. Oxfortinae se vidisse annotat *Balius*. Epigrammata Latina & Gr. Bas. 1537. excusa esse *Gesnerus* in Biblioth. sua affirmat, ut & *Simlerus*, qui ea cum tractatu de Castorum metatione apud Rob. Winterum An. 1537. Basil. prodiisse distinctius scribit: Haec de Lascari dicta in praesens sufficiant. Fontes, unde ea hausta maxima

ex parte, memoramus, Clr. Buddeum in Lexico P. III. IV. cujus verba: **Man hat ihm auch viel wegen der Correction in denen Buchdruckereyen zu danken/** in primis huc pertinent. Quemadmodum & Bælius sequentibus eadem in re utitur in Lexico suo verbis. Il entendoit bien le Latin, & n'avoit pas de daigne, d'être Correcteur d'Imprimerie, adde Almeloveënium in Vitis Stephanorum, 8. Amstel. 1683. p. 140. Chevallierum p. 194. Morhofii Polyhistorum. Maitterium p. 168.

Johannes Lonicerus.

Acutissimus Literatorem excipiet Philosophus, qui primum hujus coeli spiritum hausit An. 1499. *Arterna*, quod oppidum Comitatus Mansfeld. Patre genitus optimo, at matura morte filio subtracto, unde a Vitrico durius non raro habitus, jam a teneris fortunam novercam tolerare necesse habuit. Hujus se subducturus disciplinæ rigidiori Islebiam se primum contulit, ut in iis, quibus a Vitrico prohibebatur, re-

bus melioribus strenue pergere posset. Cum paupertate tamen ibidem conflatus maxima, itidem mala diutius tulit, fecitque multa puer, sudavit & alsit, imo sitiit, escuritque atque alia molestissima quoque devoravit. Interea vero ad inserviendum sibi aliisque ad vitam necessaria comparabat, præceptorum maxime benevolentia, studio suo, obsequioque sibi conciliata. Rudimentis illic positis, Erfurtum contendit, inde tamen Lutheri & Melanchthonis fama incitatus, paullo post Wittenbergam abire constituit. Quo facto ibidem ob Ingenium, Sedulitatem & Zelum in causa religionis sacrum, viris, antea laudatis gravissimus fuit amicus. Qui amor deinde admodum crevit, cum *Camerario* & *Melanchthoni* in *Lexico Gr. Latino* locupletando strenuam navasset operam. Postea Friburgum Brigavjæ deductus linguas orienti olim & nunc communes aliquandiu ibidem docuit. Anno vero vix unico elapso, Argentoratum, monente *Nicol. Gerbelio*, adiit, ac suasu *Melanchthonis* Gr. nonnullos

nullos codices, inprimis LXX. Interpre-
tes & Novum fœdus, itemque Homeri
opera, omni studio vertenda, sibi sum-
sit. Simul vero etiam, quasi subsecivis
horis Catechism. Lat. adv. *Tezelium*, In-
dulgentiarum nundinatorem, acriter
defendit. Eidem Lonicero Lutheri scri-
pta per multa Latine e German. Lingua
reddita debemus, quæ ut & alias plures
aliorum lucubrationes apud *Schürerios*,
imprimi curavit, sua vero non minus,
quam aliena omni studio correxit, pre-
lique vitia emendavit. Idque post-
quam ex professo per quatuor, & quod
excurrit, annos, peregisset, atque labori-
bus his interea peractis per ora Docto-
rum circumvolitaret, *Marpurgenses*
eum, ut Græcas in suo Athenæo profi-
teretur literas, evocarunt. Ipse vero
petitis haud illubenter annuit, qui lau-
tiores diu circumspexerat fortunam,
& pretium ex prelis redundans rebus
suis domesticis non sufficere expertus
erat. Namque & uxorem duxerat at-
que adeo familiam augeri, ejusque in-
commoda persentiscere cœperat. Cum

Conjuge igitur Marpurgum discessit, & ad finem usque vitæ illic quoque substitit. Atque idem ille fuit, qui primus Baccalaureos in alma hac Universitate, 1530. creavit, & multis admodum honoribus mactatus est. Ad Theologorum siquidem subsellia elatus pari industria ac fide per 21. annos huic præfuit muneri, donec An. Chr. 1569. d. 20. Julii ætate gravis morbo correptus, & interrogatus, an dormire vellet? Responso dato, jam indormiscam, placidissime exspiravit. Parentatorem habuit *Johannem Pistorium* illum, Niddanum, Medicum & Apostatam deinceps famosissimum, cujus ultima verba notanda videntur, quibus inquit:

Sancte Senex, salve æternum, celeberrime scriptis,

æternumque vale; Celsis Pars maxima olympi.

Salve iterum, rursumque vale, superaddite Divis.

Quibus laudibus haud indignum fuisse, ut alia multa ita scripta potissimum testantur, quæ cum Freherus enarravisse, nonnisi commemorare placet, quæ

quæ sunt potioris momenti. De sanctorum cultu: Exegesis Theoduli, veteris cujusdam Græci Theologi in Ep. ad Romanos: Explicatio figurarum & Cereemoniarum Veteris Testamenti, & illarum ad Christum accommodatio: Methodus Græcæ Grammatices, Rhetorices Latinæ. Conciones variæ: Epithalamia: Epicedia: Epigrammata & alia plura, quæ uti dictum plenius alibi recensita videre licebit. Vide igitur Adami Vitas Philos. Freherum, Boissardi Icones. Nostrium erit potius nunc subnectere filium. Sequitur ergo

Adamus Lonicerus.

Qui cum natus sit *Marpurgi Hassorum* An. Chr. 1528. d. 10. Octobr. corrigendus *B. Kænigius* erit, qui in Bibliotheca sua Anno 1500. lucem aspexisse tradidit, qua tamen assertione firmo talo stante, Pater a filio non nisi unico distaret anno. Sed hæc obiter. Boni patris bonus etiam fuit filius, nam ab eo, ut ingenuis instructus est artibus, sic, ut cum doctrina pietatem conjunctam semper coleret, pariter fuit edo-

etus. Crevit itaque maturè animi & corporis viribus, ita quidem, ut anno vitæ decimo tertio *Baccalaureus*; decimo vero sexto sapientum Magister publicis applausibus renunciatus fuerit. Quaterna ætate, ut in cursu feliciter cœpto alacriter pergere posset, a Patre *Francofurtum* ad Moenum missus est, ut de recta alios instituendi methodo edoceret. In hac amplissima Civitate a *Jacobo Mycillo* humanissime exceptus, multum in Eruditione solidiori profecit, atque deinde etiam, ut Scholæ urbicæ operam docendo daret, oblata est conditio, id quod mandatum divino nutu acceptum ratus, maxime cum gaudio executus, pro virili Spartam suam ornavit. Deinde vero Medicum, quod amabat, studium, Scholasticis laboribus impeditum sentiens, ne studio hoc excideret, & horas subsecivas ei impendere posset, *Osterodæ*, Experientissimi Medici liberos informare cœpit, sperans, fore, ut major Patris liberorum, Benevolentia, Fides, & Amicitia & in se suaque studia exinde profunderet. Sed eo beneficio

neficio non diu admodum frui nostro licuit; Siquidem *Marpurgum* ad Mathematicam Professionem curandam invitatus, novis curis occupatus per aliquot annos illi muneri præfuit. Quinquennio elapso gradum in *Medicina* summum est consecutus, ac paulo post nupsit filiae *Christiani Egenolphi*, qui in primis *Frankofurti* rem *Typogr.* tractabat. *Moguntiam* paulo post accersitus, ut *Medicinam* illic exerceret, quasi pertransitum focerum *Egenolphum* invisens, forte tunc *Graphius* Medicus Civitatis *Frankofurtanæ* diem obierat supremum. Curante igitur *Egenolpho* ac suadente, Senatui officia sua, hac data occasione, obtulit, paratumque se esse, siquid industria sua præstare posset *Reipublicæ* commodi professus est. Placere Magistratui conditiones, atque sic ad ultima usque fata negotia egit publica, quæ a Medico expectari possunt. Quemadmodum vero *Reipubl.* præfuit medendo, ita quoque Socero laudatissimo *Egenolpho* parem fidem ac diligentiam exhibuit. In ejus vero

officina ad tollenda menda, quæ in pagellis impressa occurrebant, continuam quoque diligentiam exercuit. Idque etiam opus ac studium Egenolpho calcar subdiderat, ut *Lonicerum* alio contendente Francofurti retinuerit; quippe quem jam antea juniorem in iisdem negotiis aliquandiu desudantem & solertem cognoverat. Atque adeo hunc etiam, cum hætenus aliis crediti essent iidem labores, commodius certiusque a *Lonicero* suo fieri posse putavit. Nec fefellit eventus spem conceptam; nam, etsi districtus multis rebus fuerit noster, attamen otio quocunque sibi dato, prelo & ejus puritati promovendæ sedulo inserviit, ad finem Soceri usque vitæ. Ipse vero terminum vitæ suæ tandem An. 1586. d. 19. Martii adeptus, & a laboribus indefessis ad coelestem & æternam requiem evocatus fuit. Ut vir præclaræ Eruditionis ipse, ita & scripta nonnisi præclarissima appellare necesse est. Qualia sunt: Introductio Latina in Arithmeticen, Aphorismi *Hippocratis* a *Forefio* explicati An. 1551. it. 1554. 8.

Bota-

Botanicon five Historia Plantarum, animalium, Metallorum, Succorum, &c. Herbarum vernacula lingua ab *Euch. Röslein* inceptum, a nostro vero absolutum ac typis mandatum An. 1540. 4. Historia naturalis, cui quædam accedunt, destillatitorum liquorum ratione, ejusque artis, & instrumentorum ratione An. 1551. T. II. apud Egenolphum, ut reliqua omnia excusa, & quæ cum aliis aliorum libris istorum temporum diligentes *Loniceri* sensere manus. Posthumum opus est *Methodica explicatio omnium corporis humani affectuum* 1594. 4. & de purgationibus LL. III. per *Teucrum Annæum Privatum*, 1696. Francofurti 8. vid. *Adami in Vitis Medicorum*. *Boissardus P. III. Iconum*, &c.

Paulus Manutius

Celeberrimi Patris non minus clarus filius. Habuit enim genitorem *Aldum* illum, cujus nomen maximo apud Eruditos in honore est, & cujus vitam edendam, uti e *Silesia* spes facta est, anxie desideramus. Idque cum ob
alias

alias causas communes, tum vero maxime, quod existimamus filii & nepotis fata simul in ea illustranda, & notabiliora nobis suppeditanda, quam quæ brevibus hætenus Jovius & ex eo Freherus aliique tradiderunt. Nec etiam in præsentī compendio multa a me, nisi hinc inde congesta, paria tamen cum iis, quia brevitati studendum est, expectari poterunt. Pueritiæ annos transiegit sub moderatione morum & doctrinæ, tum Patris ipsius, tum aliorum Magistrorum, in quibus *Erasmus Roterodamus* claret, cujus informatione cum in Patris familia breve tempus viveret, usus est. Ab his igitur omni fide edoctus, magnum orbis literati tandem præbuit lumen. Quamdiu in familia paterna idem vixit, tamdiu, quamvis in matrimonio jam constitutus, adstiterit ei in opere Typographico, corrigendo præcipue, tum vero etiam aliis negotiis agendis. Atque id etiam non sine causa gravissima, nam diligentiam accuratam requirebat Aldus, quippe qui interdum aliquot dies unica plagula excudenda

cudenda dicitur insumsisse, idque ex
 nimio timore, ne vitium remaneret
 qualecunque Typographicum. Neque
 immerito: Succedente enim tempore,
 ii, quibus editiones librorum repetere
 placebat, neglectis ut plurimum *Manu-*
scriptis, ad impressos codices recurre-
 bant, expressuri secundum istorum fi-
 dem suos. Quo facto repetitis errori-
 bus non nisi corruptos haberemus
 scriptores, quo tamen timore veteres
 Typographi optime nos liberarunt,
 quibus etiam laudes debentur nulla
 temporum oblivione corrumpendæ.
 Hujusmodi etiam negotio expoliendi
 bonorum virorum scripta noster Pau-
 lus, ut aptissimus fuit, ita lubens præ-
 fuit, favoremque omnium Doctorum
 adeo meruit. Famam inde nominis
 & per Patrem & doctrinam suam conse-
 cutus, a Bononiensibus, ut Academiam
 urbis suæ excudendo ornaret, expetitus,
 sine mora eorum desideriis satisfaciens,
 per sex integros annos officinam instru-
 ctissimam illic locorum habuerit. Ab
 hinc denuo migravit *Venetius* susceptu-
 rus

rus patris & *Andrea* ejusdem foceri officinarum curam, adornare easdem pro virili coepit, librosque maxima copia ex ea præstantissimos emisit. Habeo ex his orationes *Themosthenis* Partibus III. excusas, atque signo paterno Delphino nempe Anchoram amplectente ornatas, Anno 1554. 8. excusas, cujus libri partitertiæ in fine nihilominus additum est, impressa hæc esse volumina in ædibus Pauli Manutii Aldi filii. In fronte vero singulis partibus adjecta verba legi possunt: *Prodiere corrigente Paulo Manutio.* Ex quibus denuo pronofluit alveo, non Manuscripta solum cum restituisse, verum etiam Codices ipsos a sphalmatibus purgasse, cujus laboris eum adeo non puduit, ut potius omnibus patefecerit, quid quantumve in ejusmodi libro sibi facessiverit negotii. Atque sane optandum esset, ut Correctores priorum temporum omnes, sua ubique addidissent nomina, ut cunctis appareret, quanti viri præclarissimi in operibus sudarint, & de
codi-

codicibus ipsis, eorumque pretio, quo habendi & æstimandi essent, eo melius constaret. Interim tamen Paulum nostrum ita amasse operas Typographicas, ut reliqua studia neglexerit, non audeo affirmare, imo non raro querulas tulisse eum constat, quod abductis ab aliis rebus fere solum huic rei vacare cogatur. Unde in Epistola III. L. I. An. 1553. jamjam scripserat: Collegi ipse me, nec solum studiorum meorum, quæ intermiseram potius, quam dimiseram, verum etiam rei familiaris, cui nisi consulerem ipse quoque jacere studia necesse erat, habendam mihi rationem duxi. Quo consilio in patriam reversus, retuli me omnino ad veteres meas tum legendi, tum scribendi Exercitationes: Sed tum in domestica re instituenda, tum in emendandis antiquorum libris districtus, postea vero etiam erudienda duodecim nobilium adolescentium Academia per triennium occupatus, quantulam habuerim excolendi facultatem eloquentiæ, quantumque in tantis temporum angustiis per eam, quam ingressus eram, latine scribendi viam procedere

dere potuerim facile, ut opinor, est existimare. In alia vero Epistola ad Anton. Nattam scripta Libroque tertio numero 34. occurrente ita scribit: *Menda quædam deprehendi nimis fæda, nec ejusmodi, ut dissimulari possint. Cujus incommodi causam Tibi puto non latere: Sape enim hic, dum inprimitur, vel emendationi nemo præst, vel præesse solet homo mercenarius, & parum literis instructus & is, cui pecunia, quam fama sit antiquior. Nos tamen & quia de existimatione laboramus, & quod Te nimium diligimus ob tuam probitatem, nimium colimus, ob Eruditionem enitemur & contendemus, quantum feret acies oculorum nostrorum, ut satis in hoc genere fiat tuæ voluntati. Ad quam Tu me diligentiam tacite vocas in tuis literis: Laudas enim, & Aldi filium agnoscere Te dicis* Hujusmodi igitur curis involutus *Romam*, a nescio quo, ut ipsius Manutii verbis utar, præmiis commotus & blanditiis captus atque irretitus, abductus est. Illic aliquot menses inani officiorum genere consumserat, & ille quem secutus erat, montes aureos

aureos promissos in minimis vix præstiterat, consilii & Itineris hujus inici pœnitere cœpit. Argentei autem typi & 4000. Ducatorum annui stipendiū loco promissi erant a Pontifice Pio IV., quibus verò an steterit P. Maximus, non solum verba nunc recitata, verum altum de iis silentium Manutii dubitare merito jubent. Interim tamen per decem annorum lustra, pari gratia Pio V. & Gregorio XIII. in se propensis Spartam suam diligenter ornavit. Liberrimus inter hæc nostro erat aditus, & usus Bibliothecæ Vaticanæ, cui & præfectus aliquandiu fuit, unde Manuscripta varia, præcipue illa, quæ Heidelbergæ venerant, producta restituit, emendavit, atque typis suis vulgavit, quos codices omnes ipse lustrans ab erroribus preli purgare solebat. Interim tamen ne siquidem contentus Romæ vivere poterat, sed ob varia illic locorum sibi displicentia non nisi in patriam redire studuit. Notanda inde veniunt verba in Ep. V. L. IX. ad *Johannem Cratonem* exarata, in qua, hoc, sermone, suum statum Romanum

Y

descri-

describit: *Laborabam, inquiens, domesticis incommodis, fratrum meorum culpa, nec spes erat emergendi, nisi nova consilia caperentur. Vocabar a P. M. quo nihil videri poterat honorificentius: Fructum autem quis non expectaret? Cohortabantur amplissimi viri, quorum erga me singularem benevolentiam multis rebus antea perspexeram. Lata denique copiosa, ampla ab omnibus omnia promittebantur. Quid agerem? Credidi & speravi, ut fere sumus omnes homines hoc ingenio, ut ea quæ cupimus libenter quoque speremus. Quanquam hoc levius, quod spem fefellerit eventus: non tamen abundare, quam non egere gratum est, illud perquam grave, quod perpeti sæpe multa sum coactus indecora prorsus, indignaque studiis nostris, ætate nostra, existimatione antea parta. Nunc singulari divino munere patriam adepti, redibimus ad illa præclara studia, &c. Ex his & similibus facile colligi poterit, quanta animi voluptate Venecias An. 1570. noster redierit, utpote in quo loco ob cœli salubritatem pristinæ valetudini se restituendum fore credi-*

credidit, nam inedia, morbo, mœrore, ad horribilem prope maciem Romæ re-
dactus erat. Dum itaque cum laribus
fuis viveret, quotidie labentibus viribus
sibi unico vivere cupiens, subducturus
se multis multorum alloquiis, amœni-
tatem & salubritatem secutus, Genuam
proficisci in animum induxit suum; sed
accidit, ut contra voluntatem sane An.
1571. & præter opinionem Mediolani
consisteret. Ineunte tamen Anno ejus-
dem Seculi septuagesimo secundo ite-
rum Venetias, atque inde Romam, ante
sibi adeo invisam, denuo migravit. Re-
liquerat isthic nubilem filiam sacris,
quanquam invitam, commendatam
virginibus reducturus eam erat ad nu-
ptias. Neque id, ut ex mente aliorum
loquar, omittendum erat, nam vi illa in
Monasterii claustra detrusa, huic vitæ ad-
fuescere vix poterat, atque idcirco car-
nis voluptate abrepta, sive vi, sive in-
sidiis structis, se inde prodituram mina-
batur. Ne igitur rabie ducta scelus
tantum, quale a Pontificiis habetur,
perpetraret, multum negotii facessivit

patri Manutio, ut inde salva cucullatorum amicitia eriperet. Pugnare quodammodo cum his & præcipue cum iis, quæ de libidine foeminæ dicta sunt, videntur verba, ad Camillum Palæottum scripta Ep. IV. L. XII. *Unicam, inquit, filiam, inter sacras virgines educatam, non hebetem ingenio, nec paucis, nisi me fallit amor, virtutibus instructam, juvenem optimo satis honesti loci, haud postremi ordinis in jure Civili, addo etiam, quod hodie potissimum requiritur, a fortuna bonis non imparato, meis reclamantibus, de sententia tamen fidelium amicorum, despondi, &c.* Neque tamen hac ratione sanatam illam esse scriptores affirmant: Etenim nihilominus, ut malæ ac libidinosæ foeminæ solent, pessime & illa vivere non desit. Quæres, ut Pater, mærore inde contrecto, per tristem & calamitatibus continuis obrutam vitam augeret in causa fuit, eoque factum, ut, variis morbis & oculorum præcipue vitio vehementer auctis, affligeretur, & de Roma denuo deferenda cogitaret. Retentus enim ibidem erat a Gregorio XIII.

XIII. iisdem fere , ut antea datis promissis , quibus fide habita , majoribus corporis & animi malis indies obrutus , tandem septuagenario major An. Chr. Thuanus testante , 1574. octavo Iduum Aprilis ultima fata expertus est , nullis omnino divitiis in hoc orbe , præter gloriam nominis , & scriptis , quibusdam apud plerumque relictis. Quod doctrinam huius viri attinet , erant , qui laudabant , erant etiam , qui culpabant. Et quidem ob latinæ linguæ peritiam in coelum usque a non paucis extollitur , alii vero facultatem latine scribendi , & promptitudinem prædicant , sed iidem in eloquendo ac ore facundo proferendo a pueris sex annorum fuisse superatum perhibent. Imo etiam nasutus ille cavillator Scioppius , pro more suo , vocabula quædam minus latina in Epistolis Manutianis se reperisse , non sine verborum contumelia scripsit. Verum hanc litem meam nunc non faciem , quamvis illud facile cum viris doctissimis approbem. Er sey ein rechter Wörfleins- Krämer / Wurm : Schneider und

Nachdaffer Ciceronis gewesen / ita ut etiam integras Periodos ex eo suas feceris. Attamen præstantissimi quoque largiuntur, quod ex primis ille fuerit, qui Romanam eloquentiam, & puritatem Italos recte docuit. Epistolarum ejus passim prostant L. XII. Harum prima editio ipso autore præfante Coloniae An. 1569. octo saltem libros complexa prodiit. Altera Veneta est, qualis & tertia & quarta est, Anno 1573. undecim libris absoluta. Ultimius vero liber a filio Aldo post fata patris additus censetur. Stilo omnes conscriptæ sunt tersissimo, sed nihil fere continent, nisi mera verba de rebus domesticis, & aliis inutilibus, aut honorificis compellationibus & adulationibus, agentia. Easque ferunt tanta accurata diligentia exaratas fuisse, ut uni interdum Epistolæ concinnandæ aliquot impenderit menses, spatio inter singulas lineas amplo facto, cui ommissa hætenus inferere posset. Neque etiam cuiquam rescripsit, nisi qui pari elegantia phrasium & constructionum utebantur. Præter has ejus 4. etiam sunt

sunt Annotationes in Ciceronis Rhetoricam, Epistolas familiares ad Atticum, orationes, & officia. De gli Elementi & di molti loco notabili effetti 4to Venetiis An. 1557. Judicium de Poëtis: Breve opusculum de antiquitatibus Romanis: De Veterum dierum ratione: Calendarium Vetus Romanum: Apophthegmata: Adagia. De Civitate Romana: De Senatu: De legibus Romanis: De Comitibus Romanorum, quæ scripta hodie rarius comparent. Carmina ejus inveniuntur in Tom. II. Deliciarum Italicarum. Ciceronis opera prodire ex ejus officina nitidissime, quæ editio Manuscripto optimo æquiparanda est, & omni pretio charior æstimanda, vel eo nomine, quod ab ipso Manutio emendata & correctâ fuere. Antequam ad alios progrediar, concessum erit sine dubio paucis de filio Pauli, Aldo nempe, eodem officio Correctoris mihi laudando. Natus hic est Venetiis & patrem a juventute secutus omnis istius fortunæ & Eruditionis particeps factus est. Unde industria sua Genitorem in

officina ejusdem Typographica non sine laude juvare solebat. Verum his rebus mox ereptus, Bononiæ primum, deinde Pisæ docuit. Romam postea a Xisto V. citatus in Gymnasio illius urbis splendidissimo publice professus est, eo tamen successu, quem illi habere solent, qui facundia oris non pollent, & sua de charta sine affectu prælegere solent, ut nempe sine auditoribus vel soli tempus lectionibus constitutum in ambulacris deambulando terendum fuerit. Atque sic rebus stantibus in aulam Vaticanam vocatus Typographicis laboribus vacavit, libros, qui imprimebantur a suis nævis liberando, usque tandem ex hac vita migravit, Libris & a patre acceptis & a se auctis, per testamentum Pisanae Academiæ traditis, ubi in hunc usque diem & multitudine & bonitate clarent. Atq; ita ad alios transco, ex quibus recentior nunc prodit, nempe

Gabriel Maier

POëta felicissimus, sed in orbe erudito ad hanc usque tempestatem,
 non

non ita, uti dignus fuit, clarus. Natus est *Urbonis* ad Lacum Bodamicum in Helvetiorum agro Anno 1639. d. 1. Febr. Unde & vulgo Noribergæ, **der Schweitzer Mater** / dicebatur. Patrem veneratus est virum honestissimum, Johannem Georg. ejus loci mercatorem. Juvenis ludicra serio, quam pro ætatis ratione fieri consueverat, tractans, jam portendebat inature, quid sera ætas ferret. Hinc in juvenilibus, quisnam futurus sit prodens annis, ad literas discendas idoneus suis visus, sedulo iisdem dare operam cœpit. *Stenzium* primo oppidum, post *Feverthallium* & tandem in Gymnasium *Scaphusienſe* missus est. Feliciter ubique jactis studiorum fundamentis, patre An. 1650. piâ ex vivis erepto morte, mater in Noricas abiit. Erat illa Ursula Ortelia nata Holzschueria, quæ patritia est Civitatis & generosa familia. Ea igitur cum Noribergæ sibi sedes figeret constantes, filium quoque, quem secum adduxerat, fidis hujus urbis tradidit studiorum & morum formatoribus. A quibus etiam

præcipue a *M. Georgio Wïdero* Rectore Scholæ ad Spiritum S. omni Eruditionis solidæ apparatu instructus fuit. Altdorfium postmodum contendens Artium Liberalium & politicorum meditationibus, adjecto Juris studio industria maxima incubuit; Literis tamen elegantioribus & Poësi inprimis vacans. Tandem decursu Academico fere absoluto, fausto omine ab Endteris, qui nove-
rant Virum Vitæ sedentariæ amantem, oblatum ei est munus corrigendi sphalmata Typographica a prelis suis suorumque commissâ. Accepit promissa *Majerus*, inter pactus certum & æquum pro labore pretium. Atque inde cum Endteris de Republ. liter. meritissimis, lætus quæ agenda erant, & fide laudabili inde ab Anno 1673. peregit, Bibliisque præcipue ex officina ista prodeuntibus operam sedulitate sua navavit. Labor iste tanto magis viri hujus indoli exoptatus, quo magis sedati erat ingenii, & suis Musis vivere consueverat sine strepitu, unde & constanter illi in-
hæsit. Et quanquam perspecta satis esset
inter

inter omnes *Majeri* doctrina, atque hinc Procerum Reipublicæ clementia officia quædam publica nonnunquam essent oblata, ut lautiori fortuna, si voluisset, uti potuisset; noluit tamen unquam altius adscendere, contentusque fortuna sua vixit. Adeo quidem, ut aliquando Senatori munus quoddam benigne offerenti, responsum dederit: Unicum se illud optare ex animo, atque exhiberi sibi velle, ut a Vigiliarum ad portas publicarum onere, quod per singulos menses, ordine, nonnisi unica vice ad cives singulos redit, imposterum immunis esset. Eoque facili negotio impetrato, ingenti beneficio se affectum existimans strenue in emaculandis *Endterorum* libris pergens eruditosque amicos subinde invisens, omnium Civium sibi favorem amoremque contraxit. Quem non parum auxit singularis illa facultas, qua cum primis pollebat contextendorum extempore carminum, latino præsertim idiomate conscriptorum; Eo quidem successu, ut Anno 1674. Cal. Maji in convivio ignorant

ranti rei futuræ a viro per orbem celebri *Sigism. a Bircken* Palatii Lateranensis Comite & Societatis ad Pegnesum florigeræ Præside spectatissimo, dudum debiti concessi fuerint honores Poëtici. Hinc Laurea ornatus Poëta a laudato paullo ante Societatis Moderatore in numerum Collegii receptus, cognomen Palæmonis adeptus est, sub quo integumento in variis scriptis a dicto Collegio *cujus nunc summus Præses Illustris noster Fürerus est*, editis, latet. Ad rem domesticam quod attinet, duas in matrimonio sibi junctas habuit uxores, alteram *M. Jac. Tydei* Eloquentiæ & Poëseos *P. P. Altdorfini* filiam, alteram *Suventeri* Senatoris istius oppidi gnatam, quæ adhuc in vivis superest. Eo rerum statu vitam protraxit ad annum usque nonagesimum atque nonum præcedentis Seculi, quo morbo laboribus contracto, supra modum sedendo confectus vivendi finem pio obitu fecit. d. 19. Febr. annos natus sexaginta. Carmina quæ maxima copia & numero ad fata usque ultima concinnaverat Sociis Colle-

Collegii Poëtarum ad Pegnesum postremis testamentis tabulis legavit, quæ tamen diligenter quidem servata, nescio quo fato, æquo an iniquo non facile dixerim, laudabili consortio erepta, nunc in manibus ejus servantur, a quo nescelus prodatur, eorum in lucem protractio, nisi per plagium forte, vix speranda erit. Unicam his dictis addo observationem, quæ ad mores viri Beati spectat, solitos. Nimirum ejus Carmina fluentibus & prunis deliciis nunquam magis abundasse, nisi quando ea vino quodammodo & mediocriter imbutus tinctusque composuit. In eo enim rerum & corporis animique statu inter complexus & oscula, Amicis multo numero exhibita, quicquid conabatur dicere, versus erat. Ex quibus duo saltem specimina hoc loco exhibuisse sufficiat. Et prius quidem, quo ab Alumnis Norico-Altdorfii viventibus candelarum quarundam, beneficentia Inclytorum Curatorum Academiae distributorum, munusculum mellitissimo sibi expetiit carmine.

Tem.

Temporis cuicunque cari , Furibus ca-
rissimis,

Amicis in Alumneo degentibus

S. & O.

Vos o qui partem solido de Sole soletis ,

Sepe mihi gratis demere colloquiis ?

Candida , candelas igitur date , Pectora.

Nam quos

Iustius appellem ? Damna repensa volo.

*Luminibus proferte diem , tenebrasque
molestas*

Pellite. Nox mors est, est mihi vita dies.

Alterum vero ex autographo ejus ,
Philothecæ cujusdam amici consecra-
tum, ita habet :

*Dextera , Care , tuum mea poscis ut int-
buat Album ,*

Vis in nominibus nomen habere meum.

*Invitus facio , fateor Tibi , nomina cui-
quam*

me debere piget ; Libera Vita placet.

Servitium vero cultura fidelis amicæ

Adstrictam penitus cui decet esse fidem.

*Hac ego jam meditor : Sed Tu me moribus
aureis ,*

*devinctum pridem jam Tibi prorsus
habet.*

*Te Musa, Te Phœbus amat, chorus omnis
amorum,*

*Ipsū dispereat, si quis amare nequit.
Quid moror & moror? Cui prīdem dedita
mens est.*

*Huic fidam negitem qua ratione man-
num?*

Ex his, si & cetera evulgarentur,
quanti sint futura præsertim elaboratiss-
sima nonnulla facile intelligere licet.
Igitur

*Ne desint fas est, laus, merces, præmia,
grates*

Sicubi sollicitus sudat in arte labor.

Fas esset, fateor, pia si mactetur in aris

Victima Majero, qui decus Helvetia.

*Qui mundos Mundo transmisit sæpe li-
bellos,*

Expurgans fida, sordida scripta manu.

*Ast Tu, quid posces? Hic fama reclamatione
in orbe;*

*Ac ibi summa salus. Sat Tibi laudis
erit.*

Phi-

Philippus Melancthon.

Miraberis quidem sine dubio, benevole Lector, & hunc comparere inter Correctores. Sed compertanos eloqui ex sequentibus patebit, ubi inter factorum ejus varios casus hanc quoque stationem ad tempus fuisse animadvertemus. Equidem vitam ejus jam delineavit optime, ut nihil supra, amicissimus *Philippo, Joachimus Cameraarius*, Lips. ap. Voëgelin, 8. An. 1566. quæ editio reliquis omnibus, Belgicæ nempe in 12. & Lips. in 8. forma præstat, inter quas posteriores, quod menda sint ex inclyti Polyhistoris *Carpzovii* Ædilis Lips. manu annotatum vidimus fere innumera, & cum stupore cognita, verustiore æque ac Voëgelianas omnia anteferre recentioribus quibusque de novo confirmati sumus: Ipsa vero Philippi descriptio exemplum omnibus esse debere, qui curricula Vitarum exaraturi sunt, credo, neminem in dubium vocaturum esse: Nihil enim omis-
sum est, quin potius literaria varia &
Eccle-

Ecclesiastica hinc inde insperferit iis temporibus memorabilia. Unicum tamen desideratur, quod partium studio laboraverit Camerarius, & quacunque occasione arrepta Philippum excusarit, etiam in iis, in quibus aliquo modo saltem culpandus veniebat. Unde etiam in *Matth. Flacium*, & omnes Melanchthoni adversos, non raro detondere admodum solet. Neque illud laudandum, quod parce in scriptis Philippi, placitis iisdem addictus, indicandis autor celeberrimus fuit. Sed mihi in præsens, ut de hisce copiosius judicem, non incumbit, ut potius secundum instituti rationem de pauculis inde excerptis, huc referendis cogitandum sit. Natus An. 1497. *Brette* d. 16. Febr. Patre *Georgio Ehrhardo* Erd id quod nomen, usu tunc Eruditis communi in Melanchthon mutatum postea est. Ob felicissimam indolem, ac indefesso studio, ardentibusque precibus ad magnum Eruditionis gradum provectus incomparabile totius orbis Literati decus factus est: ut qui Principem omnium Doctorum to-

tius Europæ suo tempore appellandum censuerint. Triviis Scholasticis sepositis *Heidelbergam*, atque Baccalaurei titulo ibidem insignitus *Tubingam* discessit, ubi, ut verbis Adami utar, Typographicæ officinæ *Anselmi* aliquandiu Corrector præfuit. Excudebatur tunc, illud grande Volumen Historicū *Naucleri*, quod nonnisi farrago hinc inde congesta a *Cl. Struvio* dicitur: In hoc multa, quæ corrupta erant, ipse emendavit, mutila multa complevit: confusa in ordinem redegit: Obscuris lucem reddidit, effecitque, ut is labor, qui antea erat farrago verius, quam integrum Historiæ corpus, postea & a multis adpeteretur & magna cum utilitate legeretur, prodiit vero An. 1516. fol. Et huc etiam verba Camerarii spectant, pag. 16. concurrentia. Librum autem hunc exprimendum susceperat *Thomas Anselmus*, qui officinam Typographicam habebat *Tubingæ*. A quo perfectum fuit, ut & illius scripti, & aliorum, quæ a se ederentur, curam respectumque *Philippus* susci-

fufciperet, quo prodirent correctiona. Post hæc fundata Academia Wittenbergenfi, Princeps *Fridericus*, ut fe reliquis Doctoribus ibidem adjungeret Philippus ab eo petit. Hanc conditionem fuadente *Capnione* arripiens, Tubinga non fine luctu Eruditorum & Typographi fui difceffit, ut qui multa officinæ fuæ ornamenta ab eo futura perfuadebat. *Norimberga Pirckhameri*, Lipfiæ vero *Mofellani* & *Crocii* amicitias sibi conciliavit, hæc enim loca in Itinere transire necesse habebat. Wittenbergæ vero celeriter omnium in fui admirationem rapuit animos & incredibili proclivitate cœpit amari. Græca illic primum docebat, & in religionis negotio conjunctissime cum *Luthero* vivere cœpit, & vicissim ab eo, ut ut dignitate, & annis superiore dilectus est, qui nunquam etiam desiit, ut fratrem in Germanum Melanchthonem dum vixit colere. *Luthero* absente, & *Carolo* *Stadio* tumultuante, varia quidem capeffivit negotia, in quibus tamen agendis nunquam non taxandum in eo fuit,

quod conatibus istorum hominum, non ea, qua par erat animositate, restitit, sed vel quietus resedit, vel ulcus ipsum tangere nimia meticolositate veritus est. Sed cui non dictus *Hylas*! quo etiam pertinet, quæ de Calvinismo ejus subtili, cui favisse dicitur, passim circumferentur. Illud paucis, quæ autem personam spectant, de iis Cameraarium breviter omnium complexum audiemus: *Fuit statura brevis, non tamen brevitate notabilis, membrorum compositio plane elegans, frons explicata & ardua, insignis vena quadam ampliore in illa eminente, capillus rarior, collum procerum, jugula insigniter concava, oculi pulchri, & acies horum mirabiliter clara, pectus satis amplum venter & illa adstrictiora. Omnium partium corporis & integra & vera sua figura, & congruens erat soliditas. Immodestius pronunciata sunt, quæ Jacobus Balde, Socius Collegii pessimi Jesuitarum, eleganti versu, sed pessimo animo, & malevolentissimo in III. Tomo Carminum in Apologia Pinguium n. 61. ita cecinit:*

housp

Zuving-

*Zuvinglius ! atque ipso nigrior carbone
Melanchthon ;*

*Ultimus hic adeo squallens , ut prater ha-
beret .*

*Ossa nihil , visum post restim ex cannabe
torta*

Fugisse a furca delapso fune putassent.

*Hic tamen acer erat Romani nominis ho-
stis ,*

*Et quia non Asinus rudis omni carcere ,
pejor ,*

*Hic etiam Grajo potuit rudere ore di-
ferto .*

Addam etiam curiosum Patris fami-
lias documentum a Philippo. capien-
dum : Nempe cum aliquando a pere-
grino quodam inviseretur inventus ab
eo cunas motitans , & cum mirum hoc
illi visum esset , officium is Patris fami-
lias prudenter & doctè advenæ novo
tanta suavitate oris exposuit , ut multo
doctiorem cum ad cunas sedendo di-
miserit , quam admirabundum admise-
rat. Liberalis de reliquo in pauperes ,
benignus & non raro prodigusque ,
omnibus charus , nemini inimicus &

minus forte pacificus. De quo animo in Religionis nimis remisso celeberrimum aliquem Theologum Wittenbergensem dixisse memini. Er wäre so furchtsam gewesen / daß man ihn mit einem Schaafse hätte zum Dorff hinaus jagen können. Durius Johannes Affelmannus, Rostoch. Theol. in disser. de Philippismo fugiendo, 1619. excusa inter alia de eo ita dixerat: *Multas Philippo dari a Calvinistis laudes hyperbolicas & eumentias, quibus magis eum suspectum reddiderunt, oneraruntque, quam ornarunt. Philippum primo fuisse omnino purum atque orthodoxum, media etate publice optimum, privatum vero atque inter familiares malum, sub postrema vero vitæ fata inconstantem & Heterodoxum.* Quæ verba si ad lapidem Lydium revocantur, & num excusari possit Melanchthon, inquiratur; Tunc utique constabit ad annum usque 1535. probum atque immaculatum fuisse, verum posterioribus temporibus in Cap. doctrinæ de S. Coena non nihil cespitasse & à priori dogmate recessisse videtur. Unde
etiam

etiam varii discipuli ejus eodem veneno conspurcati in suas redeunt, idem & aliis instillare conati sunt, quales etiam in Norica nostra Civitate latuere, ut *Manutius Hellinus* Superintendens, de quo peculiari & proluxa dissertatione *Aldorfi* excusa actum est, *Laurenzius Dürnhofen*, Antistes *Ægidianus*, & *Henricus Fabritius Schmidein* / dictus, & alii etiam ex proceribus. Nec dubium est omnes motus à *Crypto-Calvinistis Wittenbergæ* postea excitatis ab eo in suam sententiam & obtorto sæpe collo tracto ortum habuisse. Neque id mirum: Etenim *Luthero* mortuo omnia dependebant a nutu *Melanichthonis*, ab eo vero quid nisi ejusmodi obscura, quæ antea vivo *Luthero*, quam fieri potuit, studiose occultaverat, expectari poterant. Excusatur quidem a nonnullis sed à paucis. Neque rectius de mente ejus constare poterit, si literæ ad *Calvini* placita spectantes ab eo datæ, sunt perlectæ, ex quibus, qui exercitati sunt facile, quantus viri hujus fuerit à priori integritate lapsus deprehendent, de quibus

tamen in Celeb. V. E. Loëscheri Historia motuum P. II. & Joh. Chrïst. Wendeler diff. de Vitis demeritis aliquot Viro- rum celeberrimorum in Ecclesiam Alt- dordt excusa uberius legi quædam pote- runt. Mihi paucis de extremis *Philipp* dicendum est ; Obiit ille Malo Hypo- chondriaco diu vexatus , Wittenbergæ diebus Clinactericis anno ætatis 63. An. Chr. 1560. Tumulatus est in tem- plo , quod arci Wittenbergensi adjacet, ex opposito B. Lutheri, quæ monumen- ta Imaginibusque supra impositis statura ad vivum à *Luca Cranachio* depicta , facta salvaque in hanc usque mansere diem. Quod superest tanta est adhuc horum virorum veneratio apud omnes, ut etiam peregrinantes picturæ cerussa nomina sua inscribant, quæ sæpe tanto numero appicta reperiuntur, ut abole- ri a Ministro templi opus sit , ne pictu- ra ex istis maculis corrumpatur. Quam tamen infaniam Orthodoxorum Witten- bergensium, ut & illam, quam ludunt in extollenda ad cachinnum, usque Lutheri Cathedra in omnibus fere titulis dispu- rationum

tationum conspicienda, non raro præcordia saniorum movisse non dubium est. Scripta nostri Melanchthonis in laudata diss. M. Wendeleri sub præsidio Venerandi Sontagii habita'enarrata habebis, præstantiora sunt; Commentarii ejus in Danielelem & in Epp. Paulinas: Summa Doctrinæ Ecclesiarum Orthodoxarum: Loci communes: Objectiones & Responsiones Polem. IX. Voll. 8. a Pezelio editæ, multis Polemicæ Theologiæ Syntagmatibus hodiernis, vel ob styli nitorem, quem aliqui cum Theologia non putant conciliari posse in pretio habendæ, & in primis hujusmodi scriptis collocandus. Epistolarum Tomum I. & II. An. 1580. & 84. Peucerus edidit, tertium Pezelius, quartum & quintum Joh. Saubertus, a quo appendicem etiam ad quartam partem An. 1645. Noribergæ luci expositam esse constat. Extat & Volumen in Belgio excusum An. 1647. Lugd. B. it. Literæ ad J. Camerarium missæ 8. a Voëgelino Lipsiæ impressæ sunt. An. 1569. Sunt etiam Chytræi Epistolis, Melanchthonis

thonis aliquot annexæ. In Camerarianis autem varia occurrunt de filiæ Melanchthonis Sabini uxoris amoribus extra conjugium vagis, non sine famæ Patris detrimento, judicante Kortholto, quò etiam affirmavit se legisse in aliquibus Epistolis Philippi nomina, Carmina Sabini occurrentibus, quos is in animo habuerit ob turbas Germaniæ in Palæstinam abeundi ibidemque verbum divinum prædicandi. De reliquis omnibus utpote in vulgum notis fileo, lectori remitto ad Adami Vitas Theoll. & Philosoph. Bælium Tom. II. p. 2090. Teisslerium T. I. p. 201. qui Scriptorum Melanchthonianorum numerum definit 95. Camerarium in Vita. Freherum & alios. Sic nihil impediante calamo nostro se offeret

Simon Milangius

NAtione Gallus Seculo XVI. claritate nominis conspicuus. Postquam in juventute multa sustulerat acerba & oppido molesta, ut iis fieri solet, qui egestate attriti ex aliorum vel fortunæ

Libe-

Liberalitate vivere coguntur. Nihil
ominus tamen noster ope ingenii sui ad
illud culmen Eruditionis adscendit, ut
ob doctrinam, & singularem in studiis
elegantioribus notitiam Collegii Gui-
nenfis sive Aquitanici in Gallia floren-
tissimi Rector fuerit constitutus. Id
quod munus communi Eruditorum
Reformatorum sacra amplexorum suf-
fragio acceptum summo etiam cum
omnium applausu gessit. Invalescente
vero potentia Pontificiorum & Patrum
præcipue Societatis Jesu in istis regioni-
bus longè latèque sua authoritate gra-
fantibus, & Scholas Hæreticorum, ut
credebant malorum Seminaria rapien-
tibus, effectum tandem est, ut & nostro
Milangio de munere suo vel nolenti ce-
dendum esset. Submotus igitur ab
hoc officio, quod recte administrave-
rat publico, cum de aliis generis ne-
gotiis cogitaret, Typographicæ Artis
amore captus eidem se dare constituit.
Primum quidem aliis saltem ejus rei cul-
toribus operam consecraverat suam,
dum plagulas, quas illi excudebant, ut
mundæ

munda puraque fierent, purificare suscepit, postquam verò in stabulis istis everrendis & purgandis diu, ut Hercules sudaverat, ipse officinam construere intendit. Neque infelicitè consilium suscepit, mox enim typis comparatis, omnia ad opus bene & cum laude gerendum necessaria conquistavit, eoque brevi tempore rem omnem addixit, ut inter primos Typographos Gallia haberetur *Melungius*, cum propter doctrinam, tum verò etiam ob singularem & indefessum literis inserviendi conatum. Præcipuè verò de eo prædicabatur, quod uteretur typis admodum acutis, charta candore marmoribus simili, atramento nigro, & quod maxime aureo quasi lapillo notandum, nihil omnino excudere, nihil emittere unquam in lucem, nisi quod ipse suis revidisset & perscrutatus esset oculis. Quam ob rem quod ipse potissimum scripta omnia correxit, quæ haberet imprimenda dignissimus nobis visus est, qui cum oportuno mox memorando *Golzio* aliisque in eundem venire censum possit. Qua in

re præeuntem habemus Illustrem Monasteriensem Decanum, & Westphaliæ suæ decus *Bernh. Mallinkrotium*, qui ob eandem causam, ubi in ejus mentionem honorificam incidit ad Correctores Eruditos, quorum perpaucos nominat, referre neutiquam dubitavit. Eumque secutus benevolus Lector potro, si vacabit, evolvat, atque dictorum fidem plus satis inveniet, in erudito opusculo de ortu & progressu Artis Typogr. pro Germanis adv. Gallos de dignitate ista concertantem. ed. Col. 1640. 4. p. 96. conferatur etiam *Pauli Patris* Profess. Mathem. Gedan. diss. de German. Miraculo optimo maximo typis literarum 4. Lipsiæ 1710. exc. p. 80. Huic statim subjungatur

Franciscus Modius.

NAtale solum Flandriam, & Brugen-
sem in ea Civitatem coluit, in qua
Anno 1556. stirpe procreatus nobili,
nobiliori verò præditus ingenio fuit:
Puer optimæ & generosæ indolis opti-
ma quæque sperare de se jubebat Paren-

tes.

tes. Quare literis melioribus a teneris unguiculis consecratus magnos & ingentes in iis progressus fecit. Domo egressus & Patria Coloniam petiit, ibidemque *Carolo* Comiti ab Egmond servitia, qualibus juvenes nobili prosapia orti adhiberi solent præstitit. Anno elapso transiit in familiam *Adolphi Hermani Rideselii* Hassiacæ Aulæ summi Gubernatoris, atque postea ad Comitem suum reversus, ab eo in Belgium ablegatus, nulla re eorum, quæ in mandatis habebat, impetrata in Germaniam solus remigravit. Ita *Joh. Posthio* de meliori commendatus ejus intercessione *Erasmi Neustetteri* Præpositi Coburgensis, per triennium usus est beneficentia. His autem abeuntibus patriam dulcissimam reperens bellorum truculentorum rabieque vastatam & miserrimam reperit. Atque adeo urbem quoque natalem ingressus, nonnisi in ea Martis invenit filios dirimentes cunctaque vastantes: Deplorato lugubri rerum statu tristis hinc iterum discessit, relictis quæ hæreditario ad se pertinebant jure aliorum potestati.

Quo

Quo facto in Germania Amicos , ut spes erat, sibi conciliaturus *Frankfurtum* venit , neque etiam infeliciter ibidem Vitæ suæ sustentandæ prospexit , variis hinc sibi suisque Musis conciliatis Patronis. In his *Sigismundus Feyerabend* celebris Typographus ducentos Imperiales singulis annis se soluturum viro solertissimo spondebat , si emendaret libros, qui ex officina sua prodituri essent. Placuit res *Modio* , accepit promissa ac omni studio prelis satisfacere laboravit. Nec defuissent etiam alia commoda succedente tempore ex amore Principum ad eum redundatura nisi Anno 1587. pessimo Consilio , ut animi erat varii & fluctuantis , in patriam redire in animum induxisset. *Bonnam* enim cum transiret, quæ urbs à Gallis vi dam expugnata erat, omnibus peregrinis hostium crudelitati expositis, noster etiam *Modius* in truculentorum militum manus incidit , vestimentis amissis graviter vulneratus , captusque, & non nisi grandi à Jacobo Campio expensa pecuniæ summa, libertati restitutus fuit.

His

His aliisque fortunæ procellis accessit
singulare infortunium, quod aliquando
a Canerepetitis morsibus *Antuverpiæ* in
crure dextro admorsus subiit, & hoc
modo vitæ periculo iterum expositus
fuit. Quibus rebus cum duriori sapius
conflictatus fortuna, cum fulmina ejus
interitum sibi minari censeret, nec ta-
men, quibus ea mala tam insolita, tan-
taque frequentia irruentia promeruisset,
animo secum concipere posset impia
de Deo cogitare tandem cœpit. Ne-
gare scil. ausus, quod omnia regerentur
sapientissima divina mente, atque provi-
dentia, Deique consilia in iis rebus haud
esse ratus, ubi malis bene, & bonis ma-
le sit. In tanto discrimine igitur vitæ &
animæ positus cum celeberrimo *Lipso*
sua mentis sensa communicavit, & ab
eo Philosopho Stoicis Principiis imbutus,
omni quo potuit conatu & labore ra-
tionibus allatis in viam reductus est.
Eaque collatione tam feliciter Modius
sanitatem mentis denuo adeptus est, ut
Philosophi in morem omnia, & bona
& mala æquo deinceps perferret animo.

Tan-

Tandem postquam denuo *Francofurti*
& *Antuverpiæ* prioribus laboribus, cor-
rigendis nempe libris, vacasset, Canoni-
cus Audomari factus est, paullo vero
post ex hac ærumnis plena vita migra-
vit ad vitam tranquilliorē An. 1599.
quanquam sint, qui Annum 1598.
commemorent, imo etiam *Kœnigius*,
annum emortualem, incertum quo au-
ctore, fuisse affirmat 1697. Discrepan-
tibus ergo scriptoribus certum quid de-
finire vix licebit, nec multum etiam sci-
re refert, quanquam B. in *Kœnigii* Bi-
bliothecam vel saltem errorem typo-
graphicum commissum fuisse putem.
Specimina Eruditionis, quæ reliquit,
sunt: *Pandectæ Triumphales* fol. *Fran-*
cofurti 1586.: *Pœmnata* laudato *Neu-*
stettero inscripta: *Lectiones Nov-anti-*
quæ: *Notæ in Frontinum, Ælium*:
Modestum: *Vegetium*: *Emendationes*
Curtii, Justinii, Livii, &c. vid. *Adami*
Vitas Philos. Freheri Theatrum & Swer-
tii Athenas Belg. p. 247.

Aa

VVolf-

V Wolfgangus Musculus,

Theologus Seculo XVI. clarus, natus *Dusa*, Lotharingiæ oppido, ob Salinas, quas habet perquam noto, An. Chr. 1497. mensē Sept. eodem anno, quo Melanchton, atque ideo cum eo in nostro recensu conjungendus. Multas tempestates, & procellas fortunæ adversæ subiit, quas tamen omnes fortiter sustinuit. Patrem nactus est *Antonium* doliarium & Civem laudati oppidi, a quo ingenue educatus, atque omni Pietate fuit innutritus. Post domestica Tyrocinia in Scholas peregrinas missus, *Ruppersvillam*, *Selestadium* & *Coloniā* hinc reversurus a Præposito Monasterii cujusdam S. Benedicti in oppido *Westrich*, ad vitam Monasticam est invitatus, cui probitas morum, & ingenii bonitas perplacebant. Hoc facto spei de se conceptæ respondentem agebat in Claustris vitam pro ratione temporis & instituti, pium siquidem & ab omni luxuria & moribus monachorum tunc vigentibus alienum sectatus morem,

morem, ita quidem, ut ludentibus sæpe numero reliquis, feria ille solus meditaretur, & deambulando plus sibi lætitiæ creari, quam lasciviendo existimaret. Inde otio honesto dato bonis literis studens, cum aliquando in Bibliotheca Cœnobii *Ciceronis* opuscula, & *Ovidium* reperisset, amore carminum struendorum ardere, atque huic arti operam dare cœpit, eoque progressus, ut mox carminis pangendi Princeps haberetur. Linguam Græcam ex fundamento primum non didicerat, neque latinam ut tristitia in his rebustunc erant tempora. Unde *P. D. Huetius* in libro de *Claris Interpretibus* sinistrum admodum de eo tulit iudicium, *quod nempe vir quidem bonus, sed Græcæ lingua imperitus fuerit, imo neque latina valde instructus, ut nisi a simplicitate & fide commendandus veniat.* In utraque tamen rectius deinceps profecit, & Hebrææ Linguae notitiam tantam hausit, ut fontes sacros & obscurissimos Rabbiorum Commentarios intelligere potuerit. Hæc itaque & alia, illudque præcipue

dum promptè ex sacra Cathedra verba ad populum faceret, effecerunt, ut ei facultas publice dicto modo differendi data fuerit. Quo etiam munere variis in locis non sine laude perfunctus est. Atque ita felicissima dies illuxerat, qua Anno post Christum natum 1518., lectis *B. Lutheri* scriptis, in tenebras Religionis Pontificiæ altius penetrans, in veritatem Evangelii consensit; eamque & alios postmodum docuit; unde fere nonnisi Lutheranus a suis appellatus est Monachus. Quare cùm in Monastico ordine tutus esse haud liceret, nec veritati etiam locus daretur, relicto sœdali-
tio, uxorem duxit, atque *Argentina* noctu, ne interciperetur, demigravit. Verùm quid ageret noster? Res erat angusta domi; neque enim ex Monasterio quicquam attulerat, neque cum uxore acceperat largam dotem. Exemplum igitur Pauli secutus textorium opificium sibi eligens per aliquot menses Magistro cuidam ejus opificii *Anabaptistarum* sectæ addicto operam dedit. Conjugivero, ut interim paria officia, ancillæ

ancillæ more, aliis opulentioribus exhiberet, suavit. Sed mox his etiam valedicens operis Senatum Argentoratensem in fossis & aggeribus Civitatis ampliandis occupatum adjuvare constituit, ut vel si honesto modo inopiæ succurreret suæ. Verum enim vero ante opus susceptum, ut singulis diebus Dominicis in pago urbi vicino, *Dorlizhemiam* vocarunt, sacra facere, jussus erat. Post hæc Argentinam, inde Augustam Vindelicorum ad publica docendi munia suscipienda discessit, ibidemque religionis negotia, omni animi ardore, & indefesso studio tractans; mirum quantum Ecclesiam Dei amplificavit. Crevit interea ut officiorum amplitudine, ita honorum titulis & doctrinæ Excellentia, & propterea multis colloquiis interesse jussus est, in quibus celebriora sunt *Donauverthense*, *Isenacense*, *Wormaciense*. Denique decretorum pro Interim recipiendorum violentia compulsus, statione sua clanculum abiit, atque *Basileam* ad Calvinianorum castra transfugit. Atque in hac tandem urbe

Typographiæ præcipua nutrice, uti jam
 antea aliquandiu in varijs locis fecerat,
 per longum tempus correctioni plagu-
 larum à *Frobenio* excusarum, vacavit, quæ
 servitia etiam *Herwagiis* pari alacritate
 præstitit, ita ut per singulas horas non
 rarò vel viginti plagulas, re festinatio-
 nem poscenti, inspectas, absolverit.
 Nam non rarò ita concurrebant paginæ,
 ut circumspectus iis videretur, quibus
 omnibus tractandis nonnisi *Musculus*
 ob alacritatem & accuratam doctrinam
 sufficebat: Inter singularia notandum
 est, quod suæ curæ credita habuerit, ut
 aliorum Patrum scripta, sic nominatim
Hieronymi opera, in quibus restituendis
 repugnandisque à *Socio Sigismundo Ge-*
lenio diu multumque sudavit. *Her-*
vvagio verò in edendis *Chrysostomi*
 operibus occupato, ea de fide suppetias
 tulit, cui editioni An. 1539. absolutæ
 V. Tomis, ut & priori *Hieronymianæ*,
 præfationem doctam præmississe Erudi-
 tis constat. Posthæc *Constantiam*, ubi
 uxorem reliquerat, profectus, tandem
 variorum ad munera Eccles. eum vo-
 cantium,

cantium, desiderijs repulsis, *Bernæ* confedit, ibidemque ad vitæ ultimam usque horam permansit: Eam verò diu expectatam An. 1663. d. 30. Aug. ob-
tigit, quo die lethali morbo decumbens, animo ad extremum habitum præsen-
tissimo ex hac vita migravit. Ejus pro-
stant versiones aliquot latinæ *Commen-*
tariorum Chrysostomi in Epp. Pauli ad
Romanos, Eph., Philipp., Basil. ap. Her-
wagium 1536. Transtulit etiam quæ-
dam *Basilii, item Cyrilli, Sozomeni &*
Evagrii: Ipse scripsit *Commentationes*
in Genes., Psalmos, Matthæum, Johan-
nem, in Epp., ad Rom., ad Corin., Gal.: &
Ephes., Philip., & Coloss., & Thessal., quæ
posthuma fere sunt ejus scripta. Edidit
præterea Locos Communes: Explica-
tionem Decalogi: Dialogos de Concilio
Tridentino, &c. De quibus videatur
Adami in Vitis Theol. p. 367. Freherus
in Theatro p. 196. Bælius in Lexico T. II.
p. 2162. Teissierius in Elogiis pag. 232.
Reimannus in der Einleitung P. III.
c. 1. p. 231. Claudit hoc elementum

A a 4

Mar-

Marcus Musurus.

Tertium nominamus Græcorum clarissimum, prioribus *Lasari* & *Chalcondyla* neutiquam postponendum, sed æquiparandum per omnia, in quibusdam & anteponendum. Hic pariter erat ex illorum numero, qui *Turcarum* potestati cedere coacti in peregrinas emigrarunt terras. Sodales primarii enim fuere: *Bessarion Cardin.*, *Emanuel Chrysolorus*, *Demetrius Chaleondylas*, *Theodorus Gaza*, *Johannes Aggropylus*, *Georgius Trapezuntius*, *Michael Marullus*, *Johannes Lasaris*, & noster *Marcus Musurus*. Ex eo autem, dum viri hi omnes & ortu & doctrina haud infimi lubentes ad sacra Pontificiorum transire, facile cognovi, quam parum non raro religio Græcorum a Romana differat, & quam prona sit omnia ab hac ad illam prolabendi, quicquid dicant isti, quibus interdum inter Evangelicos vivere contingit. Quanquam non negandum, spem honorum suscipiendorum apud Papicolas, ubi fastus mundi regnare

gnare solet, non parum ad horum virorum transitum contulisse, utpote qua facillime isti homines, tenacissimi aliàs in suis sententiis defendendis, alliteri & in obsequio contineri possunt. Quamdiu enim Græcis dabis, tandiu gratus eris acceptusque, fac vero periculum, nec in omnibus eorum responde dogmatibus & petitis, tunc inimicissimos per tot vitam experieris. Ego certe in consuetudine quadam vixi cum quodam Græci nominis viro satis apud nos claro mihiq; amico, qui aliquot annos à patria, quod illis dulcissimum solum est, vel quasi exul, diu in *Germania* vixerat, variaque hinc inde acceperat beneficia, quæ quanta etiam fuerant, tanta tamen ab eo non æstimabantur, qui majoribus se haud indignum judicaret. Imò memini ea interdum illum protulisse de nostris Germanis, eorumq; studiis, præcipue Græcis, quæ huic albo tradere timeo. Præcipue verò *Halensibus* & Theologis quibusdam, iis inprimis, qui orthodoxi haberi viderique cupiunt infensum admodum fuisse reperi.

Sed sit venia arrogantiae istorum hominum, nam eo in vicio in unum quasi conspirare videntur. Noster certe *Misurus* luculentum ejus rei exhibebit documentum. Ille, cum universam fere *Graciam* sub jugo Turcarum ingemiscentem vidisset, *Candiam Insulam*, quam olim *Cretam* appellârunt, & patria nostri erat, relinquens, fortuna sua ventis commissa, sibi suisque studiis consulturus, aliorum vestigiis insistens, *Italiam* amoenissimam petiit, ac *Venetias* primum adire constituit. Ingenii fretus felicitate & dexteritate, ibidem mox inclaruit, & paullo post toti *Italiae* in oculis esse coepit, postquam scriptores quosdam Græcos, suis interpretationibus illustratos, atque à seipso in Typographiis correctos, cui operæ tunc deditus erat, publicæ exposuit luci. Meruit inde Virorum Doctorum communia de Eruditione suffragia, ex quibus vel unum huic opellæ inserere placet; Rhemani nempe in Vita *Erasmi* verba: *Nihil erat, inquit autem, tam reconditum, quod non aperiret, nec tam involutum, quod*

quod non expediret Musurus, vere Musarum Custos & Antistes: omnia legerat: excusserat omnia: Schemata locutionum, Fabulas, Historias, ritus Veteres ad unguem callebat. Hanc tam consummatam Eruditionem insignis Pietas commendabat, &c. His igitur in Societatem literarum communem meritis effecit, ut ab Illustri Veneta Republica munus in Academia Patavina publice docendi, ipsi fuerit concreditum. In ea statione fidelissime etiam, quantum potuit valuitque, discipulos erudit suos eo quidem successu, ut nimio concursu studiosorum facto conclave tandem non sufficeret ad frequentiam tantam capiendam, sed amplificandus locus esset. Id quod recentiori ævo *Johanni Meursio* Lugduni Bat. contigisse legi, ad quem audiendum tantus concurrebat numerus, ut locus auscultantibus vix relictus fuerit, qui tamen post hæc ita imminutus est, ut non raro duobus saltem vel tribus verba faceret præsentibus. Amplius de Musuro nostro testimonium *Erasmi Roterod.* adducendum ducimus in Epp.

L. V. XXIII. hunc in modum scribentis:
*Patavii neminem vidi celebrem, mortuos
tantum commemoro, prater Raph. Regum
hominem admodum natu grandem, sed
cruda viro, viridisque senectus. Erat
tum, ut opinor annis septuaginta, & tamen
nulla fuit hyems tam aspera, quin ille mane
hora septima Marcum Musurum Græce pro-
fitentem audiret, qui toto anno vix qua-
tuor intermittebat dies, quin publice pro-
fiteretur. Hiemis rigorem juvenes ferre
non poterant, illum senem nec pudor nec
hyems abigebat ab auditorio. Musurus
autem hic ante Senectutem perijt, post-
quam ex benignitate Leonis cæperat esse
Arch- Episcopus, vir natione Græcus, ni-
mirum Cretenfis, sed latine lingue usque
ad miraculum doctus, quod vix ullo Græco
contigit, prater Theodorum Gazam & Jo-
hannem Lascharim, qui adhuc in vivis est,
&c. Tanta fuit Musuri diligentia & exi-
stimatio, sed non minor animi elatio
hinc facta, omnium virorum doctrina
illustrium opinionem permagnam ani-
mo suo concipiens, & sibi proponens,
atque ex ea re crescente supercilio &
cupidi-*

cupiditate incredibili plus ultra tendendi, cum Venetias huic spei vix responsuras cerneret, relictis dignitatibus & laboribus *Romam* concessit. Illic cum Poëma quoddam Græco sermone in laudem *Platonis* conscripsisset, quod postea operibus præmissum est, amicitiamque & gratiam *Leonis X. P. R.* consecutus esset; ita, ut non solum facultas data ei fuerit, a Collegio illustri Romano Græca publica authoritate profitendi, verum etiam tanti habitum fuit viri studium, diligentia ac fides, ut Papa *Archi-Episcopum Malanzianum* postmodum creaverit. Attamen vix ad hunc honoris gradum adscenderat ecce! ut Græci solent, majoribus se adhuc dignum ornamentis judicans, eaque illico secutura autumans, nihil nisi, ut in Purpuratorum numerum reciperetur, habuit in votis, eaque spe diu sustentatus est. Vana autem illa persuasione ex eventu cognita, non enim unquam cogitaverat Pontifex de iis honorum titulis & juribus Musuro concedendis: Unde noster tandem sibi suisque Civi-

Civibus imo universæ patriæ ignominiosum fore ratus, suam conquestus fortunam, & indignitatem re desperatæ, mœrore contracto, cum mox in ipsum vultum serperet atra lues, expiravit. Et quidem, postea quam paullo ante exitum ex hac vita, cum triginta aliis a Papâ pileo rubro fuerat condecoratus, teste *Jovio*. Quem tamen alii hydrope laborasse, & nunquam honoribus istis imbutum, diem supremum perhibent obiisse. Anno à nato Christo 1517. Quod mortale erat humo, gloria vero nominis æternitati, consecrata est. Vivit etiam huc dum & ob alia & ob industriam in vertendis, corrigendisque Scriptoribus Græcis diligentiam incredibilem, de qua in Vita *Lascharis* verba ex *Almeloveenii* vitis Stephano-
rum excerpta hoc loco possent repeti. Unde quoniam Lector paginas revolvens, facillime breves illas denuo poterit inspicere lineas describere hic supersedemus. Paucis restat de scriptis *Musuri* quædam, ut addamus. Extant ejus Epigrammata Venetijs Anno 1500. ed:
itemque

itemque *Aristophanes & Athenaus*, quos primus correctissimos protulit in lucem & correxit apud *Aldum*: Præfatio in Etymologicum magnum procul. An. 1499. Venetiis per *Zachar. Calliergium*, cui Typographiæ, uti in hoc opere, sic in aliis variorum doctorum scriptis emaculandis operam suam Epanorthoticam per longum tempus consecraverat. Sepulchro insculptum fuit Epitaphium sequens:

Musure mansure parum, properata tullisti

Præmia: namque cito tradita: rapta cito.

Inspiciant qui plura de Vitæ fati & varia fortuna ejusdem novisse desiderant; Buddei Lexicon T. III. p. 585. Vössium de Poëtis Gr. ad ejus nomen: Bælium T. II. p. 2168. Pierium Valerianum de infelicitate Literatorum ed. Lips. p. 268. Morhofium in Polyh. T. I. L. IV. c. 11. §. 6. Maitterius in Historia Steph. p. 168. &c. Nos nunc vocat ordine ita jubente

Johan-

Johannes Oecolampadius

DE primo hoc Zwingliani dogmatis Sectatore, & pro eo scriptore sollicito, cum alibi multa reperiantur consignata a plurimis, paucis in præfenti repetemus. Natus est An. 1482. eodem anno, quo *Georgius Winsberga*, & a Patre acceptum nomen German. in *Oecolampadii* Latinum transtulit, quod neminem putamus ignorare. *Heilbrunnam* primum domo missus, hinc postquam & matris precibus, & ingenii sui bonitate, à mercaturæ, cui destinatus fuerat, tractandæ metu liberatus erat, *Heidelbergam* venit, Baccalaureus illic & Magister artium creatus, *Bononiam* profectus est. Coeli tamen Italici insuetus, noxiumque sanitati illud conspiciens, atque mercatore adhuc in nummis pendendis ex fide haud agente, ad suos post breve intervallum, rediit. Studio postmodum Juris ad exemplum *Calvini*, *Petri Martyris*, *Lamberti Danei*, *Th. Beza*, *Sacedis* & *Georgii Sohni* aliorumque sui ordinis, sepositis, internoque instin-

instinctu, ut sibi persuadebat, monitus, sacris se dedere literis coepit, & in Aca-
demiam Heidelberg. cum in finem re-
versus est. Nec multo deinceps Paren-
tibus ipsius *Oecolampadii* ditatis admo-
dum singulari fortuna, gratique ani-
mi demonstrandi causa Sacerdotium
Winspergæ erigentibus, filio id primum
committere visum est. Cui functioni
administrandæ, cum nondum se ido-
neum crederet, amplius *Tubingam* mi-
gravit, & *Stutgardiam* aliquanto post
atque *Heidelbergam* transiens à *Wolfg.*
Capitone, perquam sibi familiari, *Basi-*
leam invitatus, sacris ibidem concioni-
bus habendis ab Anno 1515. præfuit.
Eaque occasione Anno 1516. Doctoris
titulo condecoratus, *Erasmo*, Vete-
ris Ecclesiæ Patrum Repurgatori,
adstando corrigendoque ad tem-
pus suppetias tulit. Dein in Monaste-
rium *Altonis* vulgo dictum, & in *Bavaria*
situm, ad *Brigittæ* regulas confirmatum,
aliquandiu se recepit. Sed in Pontifi-
ciorum odium scripto de Confessione
libro incurrens, etiam hinc aufugien-
dum

dum fuit, tam propere, ut triduo ante, quam inimicorum structis insidiis capi debuerit, equis ab amicis quibusdam clanculum subministratis, salvus atque incolumis ad Nobilissimum Virum *Francisc. de Sickingen* vix elabi posset. *Basileam* ab eo dimissus belli metu pristinum hospitium revisere constituit, ibidemque, ne tempus otio tereret inani, ab *Andrea Cratandro*, Typographo laudatæ urbis optime merito, ad sustentandam vitam in officinam publicam Typographicam receptus, largiter, unde viveret, accepit, ea conditione, ut sedulam in corrigendis codicibus exscribendisque navaret operam. Nec tamen huic solum intentus erat Noster labori, sed majora, & juxta cum hisce exercitationibus suscepit agenda, inter alia *Chrysostomi* Commentarium in Genesin, ex Græcâ in Latinam transfundendo linguam, aliaque plura in lucem protrahendo, quæ supersunt. Quo factum, ut, conspectis *Oecolampadii* dotibus, a Senatu ad Theologiam prælegendam, & conciones in fano divi Martini haben-

habendas expeteretur. Atque hic
via jam strata, dataque libertate, ut
ea docere liceret, quæ Scripturæ testi-
monio cognoverat firmata, in eadem
urbe feces Papicolarum ex Ecclesia ex-
purgare cœpit, primusque adeo legitur
fuisse, qui lingua vernacula infantes sa-
cro ritu baptizaret. Satis quoque eo
usque pure professus erat Evangelii do-
ctrinam; sed exortis litigiis inter *Luthe-
rum & Calvinum* à posterioris partibus
stare cœpit. Nec tamen desit strenue
& Basileæ, & in Civitate quoque Ulmen-
si Pontificiis resistere, sed Reformatorum
placita constanter tuendo tanto acrius
eliminandis istis sordibus institit. Eo-
que nomine interfuit disputationi Ba-
densi Anno 1527. cum *Eccio* habitæ, nec
non in colloquiis celeberrimis *Bernen-
si & Marpurgensi* cum *Luthero & Philippo*
pro conciliatione, sed frustra habitis.
Tandem Anno Christi 1531. d. 21.
Novembris (male sec. *Freherum* d. 1.
Decembris) ætate mediocri annorum
49 diem obiit, quem obitum moeror
ex bello *Helvetiorum* & miserrima

Zuvinglii cæde contractus, promovisse nonnullis creditur. Epitaphium ejus exscribere nolui, uti nec pluribus disserendum duco de ejus scriptis, quæ cum plurima sint, ideo nec *Freherus*, nec alii ea recensere voluerunt, sed distinxere in Exegetica, ut in Gen., Psal. & N. Test. in Didascalica & Apologetica. Videatur de his & aliis pluribus, ad *Oecolampadii* fata spectantibus, oratio *D. Johannis Polani à Polansdorf* de vita & obitu *Oecolampadii*, quæ subjuncta Ejusdem *Analyfi Prophetæ Jeremiæ* prodit *Basil.* 8. 1606. p. 210. Et pro compendio addatur laudatus *Freherus* p. 106. & alii *Biographi*, inter quos *Adamz Ulse*, *Clarmundus* &c. qui in omnium manibus hærent. Nunc progredi licebit ad alios in eodem elemento memorandos viros. Præstat vero se *Typographus* toto orbe celebratissimus

Johannes Oporinus.

Natus Anno 1507. d. 7. Januarii,
patre *Johanne Herbst* / *Pictore*.
Nomen hoc familiæ hætenus usitatum
filius

filius postmodum mutavit, insignis illius
apud Martialem Epigrammatis L. IX. 9.
occasione :

Si daret Autumnus mihi nomen, Ὅπωρινός,
essem,

Horrida si brumæ sidera, Χειμερινός,

Itemque :

Dictus ab æstivo Θερινός mihi mense vo-
carer,

Tempora cui nomen verna dedere, quis
est ?

In conceptione macula genitalis, vi-
so à matre parricida discerpando , &
horrore inde exorto , ei fuit impressa.
Studiorum Magistris creditus eo usque
profecit , ut postmodum à *Theodoro*
Zwvingero, Publicus Dei Optimi Maximi
contra Anti- Christum & portas infe-
rorum Notarius appellatus fuerit. Lati-
na enim non leviter tantum, sed & ele-
ganter calluit, neque Græca ignoravit,
atque in cæteris literaturæ partibus ho-
spes fuit , unde gratus acceptusque
omnibus factus est Literatorum Docto-
ribus συγχρόνως. Neque tamen per to-
tum vitæ decursum caruit fortunæ ad-

versæ ærumnis identidem sibi imminuentibus. Sub initium statim impeditus in rebus suis gerendis fuit per inopiam Parentum: unde adultior etiam, nervo omnium rerum destitutus, Argentinam primo, mox Helvetiam, iterum vero Basileam petiit, ubi Patres aliquot Græcos describendos suscepit, atque *Frobenium* typis a sua manu eodem grandibus editurum sumtibus amplius corrigendo sedulo juvit, ob quem laborem magni ab *Erasmo* habitum fuisse constat. Medicas postmodum tractaturus artes, ut eo felicius progrederetur, non veritus est, ut ut jam antea ipse docuisset denuo discipulus, magni illius & cum arte cum jactantia famosi *Theophrasti Paracelsi*. Famulus itaque & Amanuensis hujus *Thraſonis* factus, plurima pericula subiit: Solebat enim iste vino madidus, qualis non raro erat, stricto gladio media interdum nocte per dimidium fere horæ cum larvis non sine ingenti strepitu, & *Oporini* in eodem cubiculo dormientis metu ac horrore de pugnare. Quibus præteritis excita-

tus

tus *Oporinus* ex ore Theophrasti excipere jubebatur expedite sapius recitata prompto calamo, ut dæmonem malum ista ei suggessisse ipse etiam Amanuensis suspicatus sit. Plurima certe, quamvis adhuc in scriniis latentia, supersunt *Theophrasti* opuscula manu descripta Oporini. Abhorruit tandem a Magistro impio Noster, & Basileam reversus *Grynæi*, viri optimi & Patroni Literatorum maximi, familiaritatem est consecutus, eo quidem successu, ut *Grynæo*, in alium vocato locum, Græcæ linguæ Professionem impetrarit. At Senatus deinceps decreto promulgato, quo omnes Academiae Doctores officiis suis publicis honorum convenientestitulos capessere jubebantur, renuens noster id se facturum, Magistratu in mandatis perseverante, statione sua ultro abiit. Reversus igitur ad eam artem, quam longe ante, jam corrigendis libris deditus, adamaverat, Typographica negotia exercere cœpit. Tanto tunc temporis fuit in pretio hæc icientia, ut tanti etiam viri earum tractandarum non

erubuerint, cum hodie vel mediocriter docti, quales plurimi sunt, ab iis laboribus abhorreant : His igitur intus Oporinus laboribus felici haud successu multa tamen sua culpa usus est, conjugis *Winteriana*, cum cujus marito societatem operarum inierat, luxu & superbia pæne naufragium facultatum passus est, imò submersus fuisset, ni multis & Herculeis laboribus rem suam labascentem aliquantulum restaurasset. Adjutus autem præcipue legitur *Christophori Veitmoseri* Juvaniensis liberalitate, quippe a quo Anno 1558. inops vitæ, laribusque traditis mille Joachimicis, fuit restitutus. Multa de reliquo grandia in lucem dedit opera, quæ maxima semper adhibita industria non modo excudebat, sed ipse etiam constanter emendabat omnia, nulloque fere, ut reliqui, usus Correctore, ipse rerum suarum satagebat. De diligentia illa incomparabili verba, quæ *Museo* ipsius inscripta legebantur; testantur sequentia : *Quisquis es, rogat Te Oporinus etiam atque etiam, uti, si quid est, quod a se velis,*
per-

perpaucis agas, deinde actutum abeas, nisi tanquam Hercules defessò Atlanti veneris suppositurus humeros: Semper enim erit, & quod Tu agas, & quotquot huc attulerint pedes. Quantacunque tamen fuit Oporini sedulitas & virtus, omnem tamen Doctorum invidiam evitare non potuit, qui negligentiam viri optimi accusare haud dubitarunt. Cujus causa fuit, quod convolarant ad eum Eruditorum libri incredibili copia, atque hincubi cumulum eorum non raro haberet, omnibus simul satisfieri nullo modo potuit. Quibus rebus cum fieri aliter, quam ut quædam interdum Manuscripta per aliquot intacta manerent annos, & querelas ab Autoribus sæpe numero effusas adhuc legas. Sic inter alios *Hadr. Junius* scribit in Ep. quadam, quæ in editione mihi visa p. 180. conspicitur: *Commentarium meum in Horatii odas, jam totum quadriennium, aut plus eo Oporinus habet, pollicitus, quamprimum eum prelo tradere, sed fidei vanus, me invitissimo, suppressit.* Quam ego &c. & p. 185. eandem repetit querimoniam

sequentem in modum: *Sensere Horatiani Commentarii hætenus calamitatem insperatam, si non dicam potius indignam servitutem, supra quadriennium ἀβιβλιώτατον (sic enim appellare rei indignitas me compellit) Oporinum, hominem Alcæadum non absimilem, qui ut non sit indoctus, tamen multorum scripta eruditiora, unde rem sperat facere in librariam suam officinam, publicanda, si Diis placet, congerit, ut nullus sit modus, sed eadem velut injectis vinculis, illigata apud se asseruat, ut illi olim Martem compedibus manciparunt, & detinuerunt, atque ita mecum expectationem, & multorum bonorum vota eludit flagitiose ac improbe. Equidem nunc non excusabo cunctationem aut negligentiam viri, si modo jure est talis dicenda, quæ ex scriptorum multitudine orta est tarditas: In rebus tamen Oeconomicis segniter, otiose, ac instar dormitantis egisse, non negabo, unde forte, quis in reliquis fuerit, facile colligi poterit. Nihil notabat, nec acceptos nec expensos nummos consignabat, quæ prona ad perniciem*

ut

ut plurimum via est. Unde postquam
 sæpissime etiam deceptus esset, fieri non
 potuit, quam qui postremus fuit even-
 tus, ut 8000. millia æris alieni post fata
 relinqueret. Ita res acta est, donec
 uxoris novæ, quæ quarta erat, instinctu
 officinam suam venalem fecit; Quo fa-
 cto signoque, quod *Delphinus* erat,
 cum insidente *Arione*, aliis concessio, ex
 ea *Bonifacii Amerbachii* filia, *Ulrici Ise-*
lii vidua, filium suscepit, cujus nativitate
 tanta lætitia affectus est Oporinus, ut
 non solum omnibus significaret Erudi-
 tis, sed etiam ex eo tempore omnem in
 Epistolis Oporinulus faceret paginam.
 Vivere tandem desiit An. 1568. vel, ut
Mollerus putat, An. 1578. & alius qui-
 dam An. 1579. d. 24. April. Ex qui-
 bus tamen priorem numerum eligam,
 utpote quem, monumentum quod-
 dam tumulo Oporini impositum, & a
Vicentio Parravicino in libro de Singula-
 ribus Eruditorum citato, & oratio
Andr. Jocisci habita, annoque 1569.
 excusa, confirmant. Elatus est à Civi-
 bus Academicis, non sine omnium
 Musa-

Musarum luctu acerbissimo. Sepultus in summo templo, concione funebri cohonestatus est, habita a D. *Simone Sulcero*. Oratio vero de ejus obitu ab *Andr. Jo- cisco* Silesio recitata, excusa est Argentorati 8. 1569. cui Catalogus subjectus est librorum in officina Oporini impressorum, qui itidem prodit 1571. 8. & Titulum gerit: Exuviarum Joh. Oporini Typographi Basil. Scripta quæ Scholia sunt in aliquot Capita Polyhistoris *Solini*: Scholia in *Ciceronis* Quæstiones Tusculanas: Annotationes ex diversis doctorum lucubrationibus congestæ in Demosthenis orationes: Onomasticum Nominum propriorum: Epitome Vitarum Plutarchi à mendis purgata: Annotationes in Hesiodum &c. Ex Epitaphiis variis & plurimis vel unicum, idque brevissimum, hic posuisse sufficiat:

*Quantula sint hominum corpuscula, disce
Viator,*

Magnus Oporinus conditus hoc tumulo.
Confer Adami in Vitis Philos. p. m. 242.
Teisserium in Elogiis Tom. I. pag. 337.
Crenii

Crenii Animadversiones Philol. P. VI.
& orationis supra laudatæ Autorem, &
si qui alii laboriosissimi viri, qui passim
ejus mentionem injecere, Biographi.

Johannes Opsopæus.

Medicus experientissimus, & gloria
nominis admodum præcellens,
quem vitæ initia habuisse referunt An.
1556. d. 25. Jul. patria eadem, quæ &
Musarum alterum *Apollinem Melanch-*
thonem protulit *Bretta Palatinatus infe-*
rioris antea jam memorata. Literis
ætati congruentibus imbutus, acriter ad
eximia quævis pergere non destitit, eo-
que nomine *Neostadiense* in Vangioni-
bus celebre tunc temporis Gymnasium
adiit. Inde vero dignus a Magistro
Fortunato Crellio, ut sublimiora ageret,
agnitus in Heidelbergensem Acade-
miam concessit. Ubi ad medicinæ lati-
fundia scrutanda natura pronus, indo-
lis bonæ instinctum secutus, multum
brevis tempore in isthoc studiorum ge-
nere profecit. Postquam vero *Fride-*
ricus III. Mæcenas Academiæ suæ ad
cœle-

coelestia migraverat gaudia, Alumni quoque cum ceteris plurimis ob sacra, quæ Successor Friderici diversa sectabatur, dimissi huc illuc dilabi coeperunt. In his igitur noster etiam *Opsopæus* Francofurtum ad Moenum delatus est, ubi, licet inveniret etiam alia, quæ ageret, & quibus victum sibi amictumque procuraret; tamen, quia linguarum atque Græcæ potissimum & Latinæ peritissimus erat, in Wecheliano Typographeo gratissimus fuit hospes, atque in illud contubernium cum voluptate susceptus est. Tradita igitur suæ curæ scripta, quæ erant excudenda typis, singulari alacritate illic inspexit, ac sedulo emendavit, nec mediocres attentâ omnium lectione, & examine instituto in Literarum studiis sibi comparavit accessiones. Cum verò majoribus se parem esse peragendis sentiret, primum quidem *Wechelios*, ob pestem & bellicos tumultus in Galliæ terminos secedentes, aliquandiu est secutus; postea verò, sibi etiam soli, & agrorum commodis vivere atque studere de novo incepit.

cepit. *Lutetiis* proinde Parisiorum Medicæ arti excolendæ prope unice indulgit, eandemque per aliquod tempus haud infeliciter exercuit. Quibus tamen postmodum & sinistra quædam fata accessere, cum ob Hæreticam, ut boni Galli somniabant, in religione sententiam, semel iterumque in carcerem detruderetur, quanquam etiam periculis hisce, atque aliis, non sine difficultate, ereptus fuerit. Relicta tandem Gallia, Britannia, & terris deinde Batavis perlustratis, in patriam reversus est; ubi ad Physiologiam publice docendam Heidelbergam accersitus avide munus sibi demandatum recepit, & pari industria ornavit; *Friderico autem IV* Electore Palatino, Ambergam concedente, suffectus noster in locum *Joh. Posthizii* a societate ministerioque Principis non recessit, nisi haud procul a vitæ exitu. Ubi repetita Heidelbergæ, studiorum matre dilectissima, vi morbi abreptus, ad superos abiit, cum nondum ætatis annum quadragesimum primum explevisset An. 1596. Pro-

dierunt

dierunt de cetero in lucem hujus Medici, Philologi & Correctoris eruditi cura aliquot *Hippocratis*, scripta, quæ emendavit summa industria, tum notis illustrata, & passim prostant, emisit. Eidem debemus Jusjurandum : Aphorismorum Sect. VIII. Prognostica Porroheticorum LL. II. quæ omnia, & alia plura sua manu ad prelum correctâ, abunde doctrinam hujus viri demonstrant. Bene de reliquo distinguendus est a fratre *Simone Opsopæo* Medico, itidem Heidelbergensi, annoque ætatis 43 extincto, itemque a *Vincentio Opsopæo* Franco, qui Epigrammata Græcorum quorundam evulgavit 8. Basil. 1540. ut & Epigramma de arte bibendi, & similia Poëtica. Conf. Adamum in Vitis Medicorum p. 325. Gesneri Biblioth. Freheri Theatrum : Lindenium Renovatum de Scriptis Medicis, auctum & editum a Georg. Abrah. Mercklino, Norimb. 4. An. 1686. p. 651.

Orchui-

Orthuinus Gratius

PRincipis inter eos titulo dignus, qui, Seculo XV finito, inchoatoque XVI, ob fervorem Theologicum singularem, Coloniae vixerunt, & pro superstitione Sacrorum Pontificiorum sub id tempus ex ea arce, Germanicarum Scholarum primaria, acriter dimicarunt. Varii enim ea tempestate viri doctissimi intimos recessus meliorum literarum scrutati, coeperant, ut ita loquar, desipere, quales *Wesselus Gansfortius Gröningensis*, *Lux Mundi* alias appellatus, *Rudolfus Agricola*, & *Johannes Reuchlinus* imprimis clarent. In hos ergo libere interdum sentientes, suaeque edifferentes placita cum applausu, involarunt agmine infesto cumulatim Scholastici illi Doctores pro suo *Thoma Lombardo*, *Scoto*, & aliis aequè barbaris coetibus, hypothesibusque ac methodis ad sanguinem propugnaturi. Omnium maxime, tanquam pro aris & focis depugnandum esset, Colonienſes strinxerunt gladios, condemnaturi scilicet,

quotquot vel hircere auderent, contra
 tot tantaque Ecclesiæ Romanæ lumina.
 Ab his *Wesselus* non solum Mogüntiæ
 An. 1479. ab Inquisitoribus Hæreseos
 diris proscriptus, sed eo etiam pro-
 lapsi sunt furioso Zelo obscuri isti Theo-
 logi, ut comminati etiam fuerint, ni
 Pontifex Romanus in causa *Reuchlini* &
Hochstratani conversa suis faveret par-
 tibus, fore, ut pro capite suo suum ne-
 que Ecclesiæ Pontificem amplius agno-
 scerent. Atque horum præcipue fue-
 re *Jacobus Hochstraet*, *Arnoldus de Tun-
 gern*, *Conradus Kollinus* Curator litera-
 rum memoratæ Facultatis, *Johannes
 Horst de Romberg*, *Theodor. Gandensis S.
 Th. Baccalaureus*, *Theodoricus de Gouda*,
Henricus de Geelen, S. Theol. Professor
 Colon. & Cœnobii Carmelitarum Prior,
 & qui inter primos numerandus fuisset
Orthuinus Gratius. Hi, in quam, o-
 mnes, unitis consiliis, conjunctisque
 viribus, assumtis insuper in Societatem
 Theologis *Lovaniensibus* & *Parisinis*
 omnem moverunt lapidem, ut *Reuch-
 linum* quoque ob Hæresin impositam
 pari acrimonia dampnarent. Sed de
 his

his litigiis plus satis, cum instituti ratio plura non postulet, dictum. Restat ut de *Orthuino Gratio* singulatim quædam exponam. Fuit nimirum ille *Monasteriensis Westphalus*; in qua urbe quidem natus; verum incrementa studiorum *Daventriæ* hauserat; ubi *Alexander Hegius Erasmi Roterodami* Præceptor celeberrimus; artium humanitatem publice profitebatur. Mirum igitur videtur, quod, cum ille nugis Pontificiis non cæco assensu inhæreret; sed acutis non raro inspexisset oculis; abdita Papicolarum arcana, discipulus tamen *Orthuinus* nanius istis Scholasticis mordicus insisteret. Multoque adeo credibilius est ad sanio rem quidem mentem *Daventriæ* ductum; sed ab ea deinceps *Coloniæ* delatum, resiliisse, & proribus tricis, quibus implicandis natura idoneus videbatur; implicitum esse. Unde etiam non raro ob doctrinarum fundamenta, quæ *Daventriæ* posuit, postmodum *Presbyter Daventriensis* appellatus est. Namque ætate & viribus instructus, ut alios & ipse doceret;

Coloniæ, non sine applausu auditorum, huic negotio, & expectationi, de se a quibusdam factæ per omnia, quæ a Theologo Scholastico, & Cathedrario, ut Lutherus vocabat, requirebantur, fatis fecit. Cui dum incumbere labori, subcissivis simul horis, vel scripta quædam ipse & in lucem edidit, vel paginas *Quentelio* Typographo imprefas liberavit suis nævis, quibus scatebant. Quid verò bonæ frugis ex eo labore redundare potuerit in publicum, præter emendationem levissimorum tritorumque sphalmatum in elementis commissorum, non video. Puritatem enim linguæ Latinæ ab eo restitui posse, si qua cespitatum fuisset, creditu difficillimum mihi videtur, quandoquidem *Orthuinus* barbare fatis & ipse scriberet. Inter hæc vero illa sunt gesta peractaque certamina, in quibus postquam lites inter *Reuchlinum* & Colonienses Theologos exortæ fuerant, potiores partes sibi datas vana opinione persuasus credidit *Orthuinus Gratius*. Ut ut sit, occasionem certe exinde sumfit lepidissimus

pidissimus autor Epistolarum obscuro-
rum Virorum traducendi istos Homun-
ciones, & nominatim quidem Orthui-
num Gratium nostrum, qui sæpe omni-
bus paginis vapulat; ut hodieque ludi-
brium orbi literato debeant, quicumque
demùm sit vel Reuchlinus ipse, sive
Erasmus, sive etiam *Ulricus ab Hutten*, vel
nobilis denique aliquis Silesius, quorum
posterius vero similis est, cum priores
strenue negarint ac pernegarint, se
conscripsisse Epistolas istas sine dubio fi-
ctitias, Literatura saltim eorum cogno-
sci potest, & quo pretio fuerint apud
politiores habiti: Sed hæc ἐν παρόδῳ. No-
strum est, tandem ætate & laboribus
confectum diem suum obiisse *Gratium*
Coloniæ notare, postquam ad extrema
usque fata *Quentelio* corrigendo ad fue-
rat Anno 1542. d. 18. Maji. Scripta, quæ
reliquit, sunt: Fasciculus rerum expe-
tendarum & fugiendarum Colon. 1535.
qui continetur in Æneæ Silvii Com-
mentariis de gestis Concilii Basileensis:
Vita Hildebrandi: Vita Henrici IV.
Professio Fidei Waldensium: Articuli

Johannis Wiclefi: Aretinus contra Hypocritas: Devocatione Bohemorum ad Concilium Basileense &c. Qui postremus liber, omiſſa quamvis omnia fuerant, quæ vel in minutis ſuſpecta Romanæ Sedi fieri potuiſſent, non tamen effugere, ex mente Papiſcolarum, cenſuram acriorem potuit, ſed in Indicem expurgatorium, ut vocant, relatus eſt, atque ita permultis ex eo cætu diſplicuit, ut totius operis ſtructura, & ſi res integra fuiſſet, totum ſupprimi maluiſſent. Quam ob rem quia rarius inter nos, ab interitu & caritate ut liberaretur *Eduardus Brovvn* Parochus Sandrigiæ in agro Cantiano Anglus, denuo typis illud mandavit, atque ultra dimidium auctum exhibuit Londini in Fol. Priorẽ editionem Orthuinus ipſe a vitiis purgaverat. Scripſit etiam & publicavit Triumphum Jobi Prophetæ. Porro carmen in ſpeculum oculare Reuchlini, audaciſſimis convitiis, & mendaciis repletum, atque hinc etiam ab ipſo Reuchlino peracri examine tractatum: Apologia quoque ejus extat ſeparatim adv. Reuch-

Reuchlinum edita , & Critico- mastix
peregrinationis Petri Ravennatensis ;
Judiciis quatuor Universitatum Lovan.
Erfurt. Paris. & Colon. prænotamenta
quædam præmisit, in quibus auditu in-
digna mendacia cum commisisse Eru-
diti communi consensu semper affirma-
runt: Conf. de his Cel. Buddei Lexicon
p. 289. & Joh. Henr. Maji Vita Capnio-
nis p. 315. in quibus vero nihil invenire
licet de Orthuini laboribus Typogra-
phicis, quorum testem ego adduco
Maitterium in Vitis Stephanorum p.
168. Obsignamus dicta qualicunque
Epitaphio :

*Cur horret , Lector , mens atra virentia
musco?*

*Quid trepidus spectas , quem tegat iste
lapis?*

*Huc ades , & propius sub terra condita
cerne :*

*Gratius Orthuvinus clauditur hoc tu-
mulo ;*

*Quem clarum dedit obscurorum fata vi-
rorum ,*

*Hic jacet obscurus nunc quoque Theio-
logus.*

Hen-

Henricus Pantaleon

BAsileensis, honestis procreatus Parentibus An. Chr. 1522. d. 13. Junii, ac literis optimis a puero excultus, ita quidem, ut condiscipulos suos doctrina longè antecelleret, imò non rarò tardiores in Scholasticis Exercitiis juvaret. Ob morum elegantiam & eruditionis futuræ luculenta signa *Rudolpho Freyo* Senatori percharus filium ejus vix ipse ex ephebis egressus docuit, primaque industriæ, & inserviando aliis alacritatis specimina dedit. Posthæc *Johanni Bebelio* Typographo Basileensi traditus, aliquandiu in *Isengrinii* officina lectorem egit. Olin enim diverso a nostris more præ ceteris unus eligebatur, qui sonora voce prælegeret e Manuscripto Typothesis, quæ imprimenda essent. Quo facto promti erant, qui verba ex ore recitantis excepta componebant, idque ex tribus vel quatuor schedis totetiam prælegebatur compositoribus. Nostro vero ævo, ut nemini ignotum est, is, qui munus componendi

nendi elementa sibi impositum habet , Schedam Manuscriptam ante oculos positam inspicere solet. Qui modus haud dubie propter ignorantiam Typographorum mutatus, cum temporis rationem habeat , & hallucinationibus minus est obnoxius, maxime mihi arripet. Ab hoc officio postea utpote utiliori , ad minus utile abstracto adolescente, pro *Anagnosta* Typothetæ vices aliquandiu subire iussus est ; sed his nugis, ut ipse vocabat, relictis, *Friburgum* potius proficisci, studiorum suorum majora petiturus incrementa, decrevit. Conatui feliciter respondente eventu, Basileam redux in numerum studiosorum, albo Academico nomine dato, est receptus. Hinc verò spe facta ardori studendi sic optime consultum iri ab Avunculo *Kriesteinio* Typographo Augustam Vindelicorum ingentibus promissis accersitus est. Verùm cum haud ille staret promissis, sed potius ad artem olim tractatam redintegrandam *Pantaleonem* adducere laboraret, res aliter cecidit. Etenim nec pollicitationi-

bus plurimis superadditis, nec alio quocunque modo cessit avunculi precibus, hac una re voluntati ejus anauens, ut eodem anno, quo apud illum moratus fuerat, corrigendo diligentiam probaret suam, ita quidem, ut & vi cognita hominis accurata cura Typographus cum retinere annisus fuerit. Verum ille *Xysti Betuleji* consilia ambiens, ejus suasu Ingolstadium profectus, *Cesaris Delphini* Medici Itali, ibidem docentis sermones auditoribus dextre ex ejus ore est interpretatus. Hoc verò in patriam remigrante, Heidelbergam transiens, Basileam repetiit suam, indignante interim & propter discessum succensente *Pantaleoni* avunculo relicto Basileæ honores non tantum in Philosophia supremos, & facultatem in Ludo Patrio docendi, verum etiam temporis lapsu Sacerdotium in *Æde Petrina* adeptus est. Quibus honoribus muneribusque admotus, non tamen soli Sacerdotali functioni vacavit, sed, ut erat laborum patientissimus, horarum subcisivarum partem *Frobenio* Typographo addixit, pristinumque

Cor-

Correctoris officium in se recepit. Eaque occasione concinnavit Indices copiosissimos *Hieronymi*, *Basilii* & *Hilarii*, operibus suffigendos, ac, cum imprimerentur, easdem Patrum laudatorum editiones ex parte mendis purgavit: id quod in aliis minoribus codicibus factitare non erubescerat. Ad Summum deinceps in Theologia honorum culmen provectus, crescentibus curis, ob vitia quædam & volubilitatem præcipue linguæ ad Sermones ex Cathedra sacra habendos minus se idoneum conspiciens, Medicas tandem artes scrutari, easque cum sacris conjungere constituit, & earum cognitione mox ita profecit, ut & alios publice imbuere inciperet. Ad postremum ætate viribusque plane attritus An. 1595. annorum 73. vitam cum morte commutavit, ac sequentibus monumentis memoriam suam reddidit perennem. Scripsit nimirum Prosopographiam Illustrium virorum Germ. fol. Basil. 1565. Historiam Equitum militaris ordinis Johannitarum, Rhodiorum aut Melitensium, quo-

quorum fata memoria digna , & terra
 marique in omnibus Mundi partibus
 gesta summo recensuit studio LL. XII.
 Libellum de Peste. Historiam Sleidani
 non satis non laudibus extollendam de
 statu Religionis , primus in Germani-
 cum transtulit idioma : Eidem versio-
 nem Jovii Elogiorum debemus , qua
 hodie utimur. Quo studio etiam Hi-
 storiam Polonicam, & plura alia latini-
 tate donavit. Videatur Adami in Vitis
 Philos. Medicum sequitur Medicus

Guido Patini.

GAllus Gente, Vir non minus lepo-
 ribus quam doctrina excellens.
 Natus *Houdani* Anno 1602. in Agro
Bellovacensi : Studiorum fundamenta
 Parisiis delibavit, multis tamen circum-
 septus calamitatibus, ut ærumnarum
 copia, & varietate, impeditus a Mus-
 rum castris propemodum resiliisset, ni
 suasu amicorum alacritateque ingenii
 excitatus in cursu jam cæpto persistere
 coactus quasi fuisset. Medicinæ igitur
 exercendæ, & quidem naturæ ductu, se
 totum

totum consecravit, eoque successu profecit, ut amplissimum postmodum in Gallia consecutus fuerit nomen. Atque hac etiam occasione, antequam istis auctus fuit honoribus, cum curta nimis esset supellex, multaue adeo facienda, nec pauciora ferenda videret, Typographorum quorundam Parisiensium Schedas, quas emittebant, repurgavit a mendis & vitiis, tanto studio tantaque industria, ea denique accurata attentione sensum corrigens, sicubi autorem vel obscuritate laborasse, vel hallucinarum fuisse cognovit; ut cum aliquando *Johannes Riolanus* Medicus per Galliam celebratissimus, pagellas, sicuti erant ejus manu ad margines notatæ, conspexit, non satis ex ungue cognitum admirari Leonem, h. e. juvenis doctrinam laudibus justis celebrare potuerit. Ex quo tempore viri hujus favorem & Collegia gratis audienda consecutus, ut in reliquo studiorum genere, sic in Typographico opere strenue, Herculis instar, sudare non destitit. Quo pacto tandem, ut dictum est, singulari divina provi-

providentia & beneficio in tollendis morbis usus, emergere cœpit. Siquidem Professor Medicinæ in Collegio Parisiensi Regio electus, tantoque ab omnibus habitus est in pretio, ut sâpissime etiam Procères aulici numum aureum, quem Louis d'Or, vocant singulis vicibus præposito orbiculo supponendum promiserint, quoties cibum una cum ipsis capere vellet: Quam tamen conditionem tanquam fastus aulici indicium, atque se suoque honore prorsus indignum generoso contemptu respuisse dicitur. A filio *Carolo*; excellentissimo illo numariæ rei Patrono; sequentibus maximis titulis Guido fuit insignitus. Vocatur enim ἀνὴρ ἄριστος, καὶ πολυμαθὲς αὐτὸς atque etiam Deambulans Museum; Spirans Bibliotheca, βιβλιοθήκη τις ἐμφύχος, καὶ περιπατῶν μουσεῖον, &c. vid. *Lyceum Patavinum* ed. 4. 1682. p. 78. Obiit tandem in ætate, ut ajunt, propter filios contracto, quorum alter Regis gratia exciderat; alter vero Robertus ad voluntatem Patris ejusque nutum haud gesserat se morigerum, αὐτῷ

tis anno septuagesimo, idque eo magis credendum, cum, eum moerori admodum fuisse deditum, probavero: constat enim ex libro l'Esprit de Guy Patin nunc nominando, quod ita tristis & turbatus redditus fuerit, nuncio de morte *H. Grotii* sibi amicissimi accepto, & gravi admodum langvore ac valetudine affectum fuisse, ut tabe attritum Amici ne quidem a facie amplius noverint: De reliquo mentis erat non raro solutæ, ut Eccentrici solent, libere de omnibus judicabat, magos, Sagas, deque iis relationes fabulas habuit aniles. *Bodinæ* Dæmoniacum stolidissimum omnium librum esse consuevit. Sed hæc sufficient, plura desideranti inserviet Vita literis ejusdem Paris. 12. 1685. editis præmissa it. 8. 1688. & 1683. Hagæ. Addatur l'Esprit de Guy Patin Amstel. 12. An. 1710. Extant etiam Patiniana cum Naudæanis Paris. procusa 1701. 12. Promiserat etiam Patinus Elogia Gallorum ad imitationem Sammarthani, quæ an lucem viderint, dubito. In his igitur hodiernum vivit Guido monumen-

tis,

tis, vixit vero etiam, & vivet in posteris, Carolo, & *Gabrielz Carola*, & *Carola Catharina* foeminis Eruditissimis, & posterior præcipue, paucis exceptis, in Gynæceo Eruditarum mulierum merito agmen ducere creditur. Vid. Biblioth. Hal. Tom. I. p. 469. & *Melanges d'Histoire & de Literature par Monsieur de Vigneul Marville* a Rotterdam 1700. 8. cujus excerpta tradiderunt *Autores der Auszüge aus neuen Büchern Hannoveræ* 1702. Mense Martio p. 12. & A.E.L. Anno 1702. p. 225.

Conradus Pellicanus

Rubeacensis Alsatus, patre *Conrado Kursnero* nomine pariter & artificio An. 1478. genitus; a quo acceptam familiæ nomenclaturam communem in Pellicanum ex more istorum temporum commutavit. Tyrociniis depositis, ad majora adspirans studiorum incrementa Heidelbergæ indefesso studio dies noctesque laudabili instituto. Postea vero vitæ Monasticæ pro solita seculi superstitione amore captus, priusquam

quam religioso ordini nomen daret, Tubingam studiorum causa migravit. *Johannem* illic *Staupitium* nactus studiorum collegam, in ejus consortio eo usque profecit, ut non multo post ipse *Euclidis* Elementa explicarit aliis. His tamen, moderante celeberrimo *Reuchlino*, studia addidit Theologica, & notitiam inprimis linguarum, Hebrææ & Græcæ, quam priorem suo Marte coeperat addiscere. At vero postquam hic etiam locorum Lux salutaris Evangelicæ doctrinæ in corde ejus accendebatur, projectus ex urbe, fluctuans diu admodum & vagus in Monasteriis variis obambulavit. Atque in Conventu demum Basileensi Theologiæ studiosis & Sacrarum & Philosophicarum literarum fontes aperire, eosque sanius explicare coepit. Quo tempore, ut ad scopum nostrum propius accedamus, otio sibi facto, non contemnendam diutissime *Johanni Amerbachio* Seniori, Typographo præstitit operam. Is enim tum imprimebat *S. Augustini* opera omnia, in aliquot volumina digesta, &

ut eo correctoria in lucem prodirent, *Augustino Dodoni* atque *Francisco Wylero* emendandi curam demandaverat. His autem e vita interea sublati, noster honorifice expeditus ab *Amerbachio* pari ut priores universa accurandi studio absolvit. Neque *Typographo* solum, eo officiorum genere, sed sibi & collegio suo, in quo vixerat, monastico large admodum consuluit: *Varia* enim beneficia, in se ob id collata, postmodum sensit. Accedebat, quod & ipse *Corrector* variorum *Librorum* magnam ex eo labore notitiam rerum *Theologicarum*, & in *Patrum* scriptis reconditam eruditionem sibi acquisivit, ac *Bibliothecam* instructissimam paulatim conguessit. Sed non *Amerbachio* solum, verum & *Frobenio* & *Stephano Brulifero*, *Basileensibus* *Typographis*, & *Jacobo* inprimis a *Pforzen*, simili cura & sedulitate auxilium tulit; *Priori* præcipue, ut qui primus opera *Hieronimi* typis excudit. Abitum post sexennium, & quod excurrit, *Basilea* parans, nescio quo facto in *Cardinalis Raymundi* consor-

tium

tium & familiam receptus , sed itinere in Italiam vix inchoato, morbum ex viæ incommodis & aëris maletemperati malignitate contraxit, atque relictus est. Quo malo oppressus, ubi diu huc illuc discursitavisset, Evangelii interea veritatem altius inspexit, ac in animum tam efficaciter demisit, ut jam de publica edenda confessione cogitaret. Confirmatus in sententia sua, repetitaque in Italiam profectiōe, ubi Papicolarum miserrimas conspexerat nānias, harum tædio ad opus suum correctorium, red-ux Basileam factus, se denuo recipere decrevit. Neque id factum intempe-
stive: excudebantur enim certatim *Lu-theri*, *Erasmi* & aliorum Scripta. Ho-
rum dum igitur vitia & typosetiarum menda obelo notaret, majorem si-
mul indies hausit doctrinæ purioris co-
gnitionem. Ex adverso quanto magis
sanis dogmatibus imbutus esset, tanto
plus in monasterio fratribus suis redde-
batur suspectus, ita, ut & qui cellæ escu-
lentorumque curam gerebat, in claustro
victum ei propterea denegaret necessa-

rium, & pereundum fuisset misero, nū
Adami Petri beneficentia servatus esset.
 Tandem a Senatu Basileensi in clientela
 receptus, & Tigurum missus, ge-
 nus vitæ monasticum plane abjicere
 constituit, atque ut fidem factis redde-
 ret majorem, uxorem non solum duxit
Annam Frisiam, sed etiam, ea mortua, ad
 vota secunda progressus est, atque ita in
 eadem Ecclesia reformata scilicet, multis
 meritis gravis An. 1556. annorum æta-
 tis 78. ipso Paschatis die obdormivit.
 Monumenta & pietatis & doctrinæ hæc
 sunt : Tota Biblia ex Chaldaico trans-
 lata in Latinum sermonem conjunctis
 cum *Petro Cholino* viribus, quæ versio Th.
Bibliandri & Leonis Juda curis confecta,
 vulgo Tigurina vocari solet, & quid
Roberto Stephano ex ea recusa incommo-
 di subortum sit, ex ejus vita constat.
 Quantos in Literatura Hebraico-Rab-
 binica profectus habuerit, hinc patet,
 quod, cum *Joh. Frisius* & nobiles qui-
 dam varia Talmudica secum ex Italia
 apportassent, ea omnia versione citra
 difficultatem donavit. Scripta reliqua
 clarent:

clarent: Commentarius in omnes V. T. Libros: Collectanea in quatuor Evangelistas: Annotationes in Epistolas Pauli: Correctoris officio debemus Indices ad opera *Hieronymi* immenso labore concinnatos. Ex aliis scriptis plurimis Grammatica Hebraica, Lexicon atque similia potissimum inclaruerunt, quæ ab ingeniosissimo Viro DN. Hermannno ab Hardt in prima literaturæ Hebraicæ restauratæ Dissertatione de fatis studii Hebraici commemorata sunt. Quid multis? tanta scripsit *Pellicanus*, quæ si temporum rationes ineas, quibus cum vixisse constat, ubi barbaries inter Pontificios incredibilis regnavit, vix cujusquam nostro ævo diligentiae comparanda sunt. Idque porro ex eo cognoscere licet, quod sub initium studiorum Pellicani, cum in tota fere Germania nullum Testamentum Græcum reperiri potuit, exemplar demum ex Italia, ubi similiter rarissime comparuerant, ad nostras transductum fuerit terras, & ipse tamen in Literatura Græca & Hebraica adeo strenue & feliciter de su-

daverit, ut Lectoribus hodiernis omnibus sit miraculo. Neque adeo mirum eundem Doctrina non minus, & Eruditionis rarioris laude, quam morum bonitate, omnibus, præcipue Chalcographis, ita amatum fuisse, ut de numero & varietate beneficiorum ipsi exhibendo, inter se quasi certarint. Hæc hætenus. Qui plura desiderat, adeat W. F. *Capitonis* præfationem ad Institut. Hebr. Adami Vitas Theoll. p. 262. & Freherum p. 168. ipsumque etiam Thuanum, qui in Viri hujus elogiis non parcus fuit. Relicto Pellicano transeo ad

Thomam Perierium

Hominem Gallum, qui claruit A.R.S. circiter 1620. Natus est *Parisis*, ubi postquam rudimenta studiorum posuerat, aliquandiu moratus, tandem exteras terras invisere decrevit, ut literarum, præcipue Linguarum Orientali communium, incrementa caperet majora. Eoque consilio socium se præbuit fidumque Achatem celeberrimo *Thoma Erpenio*, cui in itinere Gallicano constanter

stanter ad hæsit, eoque reverso tandem in patriam, & muneri docendi publico præfecto, per octennium ejus institutione usus est. Meruit inde, ut a Cl. *Vossio* in oratione ad obitum *Erpenii*, *Alexandro à Capelle*, *Sixtino ab Amama*, *Joh. Brunnao*, *Antonio Thysio*, *Guil. Merula*, *Samueli Boscharto*, & *Everuvino*, *Goudanæ Ecclesiæ Pastori*, *Guil.* item *Nieuportio*, aliisque adjungeretur, qui ex disciplina *Erpenii*, velut ex Trojano prodierint equo. Ut fidem dictorum faciamus, en! ipsa verba *Vossii*, labores simul *Perierii* typographicos explicantia. *Quid Hadrianum*, inquit ille, *Junium Vitrajectinum* magnæ eruditionis longeque majoris expectationis juvenem! *Quid Thomam Perierium Parisiensem*, qui quantos in *Arabica Lingua* progressus fecerit, locuples ejus *Linguae Lexicon*, quod scripsit, argumento est. Qui ut omnia se *Erpenio* debere profitetur, ita ei potissimum operam locabat corrigendo, quæ *Arabice* excuderentur: Subinde alios etiam in ea lingua instruebat, & p. 39. pergit: Nec fraudandus laude sua *Thomas Perierius* in Galli-

Gallicano utroque itinere ab Erpenio quondam adscitus, & octennio integro ejus institutione, majorique etiam ex parte tecto usus; qui tam benè meritum Virum in extremis sibi deferendum minime putavit; sed diu noctuque ad extremum usque halitum vitæ adfuit, fidelique opera juvit &c. Hic amor eo magis laudandus erit, quanto certius est, pestilentia contactum *Erpenium* obiisse, a quo morbi genere, qui pericula timent, facile divelli sepatiuntur. Quod ad *Lexicon Arabicum* hujus *Perierii* spectat, nunquam illud vidi, neque *Golium* vidisse credo, ut qui in præfatione *Lexici* sui, in qua tamen recensendis hujusmodi laboribus vacat, neverbulo ejus mentionem iniecit. Quare de eo judicium aliis relinquo, & quid recensendis hujus in modi laboribus laboris in corrigendis Arabicis impendit, annotasse mihi sufficit, eoque misso ad clariorem progredior. Qui erit

Fridericus Pistorius

Restitutæ purioris doctrinæ tempore
Vir inter cæteros clarissimus, & in
Norica præcipue civitate spectatissimus,
patria

patria *Prettsfeldensis*, qui pagus est non
 procul *Forchemio* in Franconia situs, na-
 tus An. 1486. cognomine sine dubio
 paterno *Beck* dictus, id quod tamen, pro
 consuetudine istius ævi, in Latinum *Pi-
 storii* mutasse credo. Noribergensibus
 vulgò *Mossthanß* dicitur appellatus,
 quod quidem, unde accersendum sit,
 ignoramus. Postquam in variis Mo-
 nasteriis probatum sese gesserat, ritu
 Pontificio Sacerdotem ad summam tan-
 dem Abbatis dignitatem adscendit. Flo-
 rebat sub id tempus Noribergæ Cœno-
 biam valde illustre *der Schotten Be-
 nedictiner* / ut vocabant *D. Ægidio* di-
 earum, eaque amplitudine conspicuum,
 ut in comitiis Imperii suffragio & Loco
 inter ordines reliquos gauderet. Præ-
 sul hujus Monasterii erat, cum Reforma-
 tionis tempora imminerent, *Wolfgangus
 Summer*, qui Senatum populumque no-
 væ veritatis Orientis luci favere animad-
 vertens, periculis, ex refragatione sua
 prævisis, evasurus An. 1520. in Monaste-
 rium Norico Agro vicinum, *Neufirch*
 vocant, abiit. In hujus igitur locum
 ob pietatem & doctrinam mox suffe-

*Etus est Fridericus, de qua electione
Vincentius Opsopæus cecinit:*

*Fausto bis denis (numerum censeto mi-
norem)*

*Omne delapsis annis, de virgine Christo
Enato casta, citimo tum luna sub axe
Discursat, quintam Lucis ubi Julius
umbram,*

*Extulit effusa: Fatis volventibus urnam
Rite Deum sortis, voto Fredricus amæno
Inauguratus, Pastorque Paterque creatus
Cœnobii, commissa sua regimina dextræ
Usque retenturus: donec fatalia vite
Stamina, dissectis rumpat Mors horrida
fufis.*

Nec infeliciter spei factæ de novo
Abbate eventus respondit. Saniori
enim & a sordibus Pontificiorum emun-
data doctrina latius paullatim per Ger-
maniam universam se diffundente jux-
ta cum aliis, Respublica Noribergen-
sis agnitas errorum tenebras exesse ius-
sit. Eosdem igitur errores agnoscens
Fridericus noster, divino nutu ductus, ve-
ritatem Evangelicam amplexus, proba-
tamque cum aliis pluribus Collegis
com-

communicare nihil veritus est. Per aliquot quidem annos priores, pauca mutavisse legitur in Religionis causa, postmodum vero cum fratribus ὁμοψύχοις, vitæ genus, quod hætenus sectatus erat, plane relicturus, sacrorum puriorum professionem publice edidit, & cum Senatu de tradendo Monasterio pactus est. Quo facto templum, cui præerat, cum omnibus juribus & beneficiis Cœnobii administrationi Præfulum, ut tum vocabantur, eleemosynarum publicarum ultro cessit. Hi autem erant *Nicolaus Grolandus, Leonhardus Schürstab, Leonhardus Tucher & Georgius Kæzelius*, Viri stirpis nobilitate & morum honestissimorum integritate admodum conspicui. Cum vero redditus annui fidei laudatissimorum Curatorum in universum omnes concederentur, atque subsidiis vitæ sustentandæ necessariis *Fredericus* cum Monachis opus haberet, pactio ea conditione inita est, ut, qui ad officia publica subeunda essent idonei, ad ea honeste adhiberentur; qui autem ad mercaturam exercendam vel opificia

opificia tractanda animo propenderent, mediocri saltem juvarentur pecuniæ adminiculo. Reliqui vero, qui vel ob senectutem debiliores essent, vel sacra pristina mutare abnueret, publicis alerentur ad vitæ finem usque sumtibus. Quibus omnibus accedebat denique inter actiones primaria conditio, qua illustris Senatus auctoritate & potentia contra quoscunque, a quibus dicea idcirco forte scriberetur, defensus in pace vivere sibi liceret. Ea conventio An. 1525. die 12. Julii ad finem perducta confirmataque legitur. Neque a quodam posthac est impugnata, nisi quod An. 1567. ex Imperii ordinum albo, sive matriculâ, ut appellant, expunctum Abaziæ nomen. Ad ipsum Abbatem nostrum quod attinet, ad quem nostra redit oratio, pactione isthac facta, ædes suas, quas antea in Cœnobio incoluerat, porro inhabitavit, vitamque traduxit quietam, partim certa a Senatu accepta numorû pensione, partim etiam pretio a Typographis persoluto, quorum prelis inserviebat. Uti enim cum illustri *Hieronymo Baumgärtnero*, Musarum deliciis

iis & ornamento , censuram omnium
 in civitate excudendorum Librorum
 communica sibi commissam habebat,
 sic aliquibus etiam officinis *Antonio* præ-
 cipue *Koburgero* operam locabat suam,
 ut à vitiis Typothetarum pagellas purga-
 ret , eidemque studio & diligentiae tan-
 dem immoreretur. Reliqui ex fratribus,
 quibus tamen omnibus supervixit, erant
Henricus Ammon Prior Cœnobii, *Conradus*
Wolff Subprior, *Martinus Müller*, *Sebaldus*
Stolhofer, *Petrus Mayer*, *Johannes Schön*,
Joh. Weidner, *Joh. Weber*, *Augustinus*
Vogt, *Joh. Rappold*, *Sebast. Franschild*,
Steph. Furstner, *Ægidius Portenstein*,
Joh. Mangolt, *Matthias Goglinger*, *Rup.*
Roshaubt, *Conradus Hubert*, *Matthaus Ma-*
yner, *Vitus Zinner*. Plebani autem, ut
 vocant, fuere, *Henricus Krautler*, *Wolff.*
Schopp, & *Paulus Knöpfel*. Quid vero
 illi post sacrorum ritus immutatos
 egerint, non constat, neque adeo, utrum
 auxilio fuerint in corrigendis Libris
Friderico, dici potest. Id certum est,
 ex iis alios ad castra Evangelicorum
 & quidem plurimos transisse, alios
 vero

vero ætate provectiores, sibi suisque privatim vixisse sacris, iisque ad mortem usque addictos mansisse. Ad *Fridericum* quod attinet, is porro matrimonium iniit, ut mentis de Evangelii veritate integritatem eo magis probaret, Sociam sibi eligens thori *Annam*, nobili familia genitam. Quam in rem extat Epistola gratulatoria B. *Lutheri* ad eum scripta, quæ excusa est in supplemento Epistolarum Lutheri a Clar. *Buddeo* edito, ubi sexagesimum tertium locum occupat. Hanc ex Manuscripto mecum Patronus omni officiorum genere pie colendus communicaverat, sed in paucis ab ea, quam venerab. *Buddeus* exprimi curavit, discrepantem inveni; nisi quod alium titulum sequentis habeat tenoris:

Viro Reverendo & eruditione insigni Dn. Friderico, Abbati S. Ægidii in inclyta Nurmberga, fratri suo in Christo charo.

De reliquo non dubito, quin utriusque exemplaris male picti lectio Critica arte ad sensus investigationem valde opus habuerit, atque inde fieri aliter fere non pōtuit, quam ut alius, sed rarissimus

verbo-

verborum sensus exsculptus fuerit: ut e. g. in media Epistola Buddeus habet: *Porro quid est Magistratus?* Ego vero: *Porro quid est Cælibatus?* id quod postremum magis etiam verosimile videtur, opponitur enim vox conjugio: Magistratus vero, quæ cum substrata materia connexio sit, perspicere non possum. Pari modo sequentibus literis, Buddeana habet editio: *Vide, quo rapiar, cum Dei opera libenter, & ubi possum, verbose laudare verba gestio.* Ego vero ita sonare verba putaverim, quod Manuscriptum non obscure exhibet: *Vide, quo rapiar, ebrius an sobrius tibi videor?* Ego *Dei opera libenter, & ubi possum &c.* Possemus totam Epistolam affectu in Abbatem plenissimam recusam Lectori exhibere, eique & alia Virorum eruditorum luculenta amoris testimonia adducere; Sed, prætermisissimis, Carmen adjiciam *Eobani Hessi* itidem gratulatorium, &, quod ego quidem sciam, nondum impressum, a laudato inclyto Fautore mihi traditum, & eo tempore sine dubio scriptum, quo & ipse *Hessus* Noribergæ bonas litteras docebat, id hunc in modum habet: Re-

Reverendo Patri Dn. Friderico
Abbati & Patrono suo colendo Eo-
banus Hessus salutem.

*Ut bene succedant TIBI, quas modo spon-
sus inisti,*

Precor Tobia junioris nuptias.

Utque Parens fias non infelicior illo,

Qui Liberos quot, tot edidit tribus.

Nec minor existat Conjux Te digna marito,

Quam qua legendo farra legit nuptias.

Nec minus illa duo casto exardescat amore,

Quam qua virum secuta delusit Patrem.

*Nec minus hanc adames, quam qui sibi
esse Sororem*

Regis timore vera qua conjux fuit.

*His TIBI si meliora quidem Friderice
precarî*

Eram paratus, ut precarer optima.

Nam tua sic pietas de me generosa meretur,

Et aucta vero amore liberalitas.

*Quod nisi fama meam ludunt præsagia
mentem,*

Nunquam peribit fama nominis tui.

*Sed neque vana meam ludunt præsagia
mentem,*

Et Te vixisse non negabunt Posterî.

Ad

Ad Pistorii vitam reversus, constanter etiam Abbatis nomen retinuisse, quoad vixit, adhuc restat observandum. Neque etiam omittendum est, promulgata formula, INTERIM vulgò dicta, & Noribergæ mirifice commendata, partim etiam obtrusa, hisce cum mutationibus, quantum fieri poterat, obstitisse, redditaque pace Illustri Senatui pro abolendis quibusdam ceremoniis, fermentum vetus redolentibus, primo loco subscripsisse Nomen. Quid verò effectum sit, aliunde cognoscendum erit. Postquam ita vitam corrigendi inprimis labore arduo, supra medium Sec. produxerat, tandem etiam improlis diem obiit supremum An. 1554. atque in Coemeterio S. Johannis honestissime tumulatus est; ubi uxor vidua sequens ei monumentum, quod superest, poni curavit:

Reverendus Dominus Fridericus Aegidiane Ecclesiae Abbas; Vera justitia & S. S. Sanguinis Christi aeterni Salvatoris contra Anti-Christum fidelis assertor, & multis præstantissimis Viris vera vir-

E c

tute

tute ac pietatis laude charissimus, cum
ageret A. L. XVIII obiit in vera fiducia
& invocatione Filii Dei, ac certa spe fu-
tura Resurrectionis & vitæ æternæ.
Benigno Dei maximi consilio ex arumnis
hujus vitæ ereptus. Cui mæsta uxor
H. M. F. C. Obiit XXIV Martii Anno
Domini M D LIV.

Herrn Friedrich Abts zu S. Aegn-
sten in Nürnberg / und Anna sei-
ner Ghevitthin Begräbnüß.

Præter hoc vero aliud quoque Epita-
phium metro adstrictum reperi :

Pacifica Fridericus amans pietatis obi-
bat,

Bis septem extremo lumine lustra vi-
dens,

Quodque Patrem Christi constanti corde
rogabat,

Liber ab arumnis regna beata subit.

His laudibus omnino dignus erat Fride-
ricus noster, nam probitate morum,
pietate mentis, & doctrina omnibus se
probavit, ea tempestate viventibus, &
literatis præcipue charissimus fuit, qui
cum

• cum intimius noverant; Domi vero tanto in pretio habitus fuit, ut & imago viri venerabilis argento expressa conspiceretur. Ad Beatum nostrum *Megalandrum* quod attinet, cuius amicitiam horologio sibi conciliaverat, is pro hoc dono gratias ei acturus, sic aliquando ad eum scripsit:

Venerabili in Christo Viro Domino Frederico, Abbati Aegidiana familiae apud Norimbergenses, suo in Domino Majori.

Gratiam & Pacem. Ignoratus ignoto,
 „ Vir optime, scribo, id facit meus &
 „ plusquam Tuus *Wenceslaus Lincus*,
 „ qui tuo nomine mihi æneum horo-
 „ logium a Te donatum misit. Donum
 „ gratissimum, ita ut cogar fieri Mathe-
 „ maticis nostris discipulus, donec intel-
 „ ligam omnes istas formas & regulas
 „ unius Horologii, nam antea non vidi,
 „ nec observavi tale, rudis scil. harum
 „ rerum Mathematices. Utinam possem
 „ animo tuo respondere, quem intelli-
 „ go hoc dono significari intime, nihil
 „ esset, quod magis vellem præstare.

„Hoc pro jucunda familiaritate velim
 „candide (ut spero) accipias , ac bene
 „valeas , oraturus pro me , Feria 2. Pa-
 „schæ An. MDXXVII. Martinus Lu-
 therus.

Hanc Epistolam videsis in Tomo II.
 Epistolarum Lutheri Latinarum , & a
Johanne Aurifabro collectarum p. 332,
 cui & adde alteram , quæ p. 376, illam
 legisse non poenitebit , utpote in qua pro
 nummo argenteo , caractere ejusdem
 notato , gratias agi videas : Sic enim
 inter alia Lutherus : *Gratus mihi est , Vir*
Venerabilis , caracter Tuus argenteus ,
ut jam vere gemellum quamvis absentem
possideam. Anima videlicet imaginem
per literas , corporis vero per argentum
istud &c. Nec minori fuit in gratia apud
Melanchthonem , in cujus Epistolis variæ
 ad eum amicissime datæ occurrunt. De
Eobani Hessi consuetudine superius car-
 men testatur , & *Joach. Camerarii* fami-
 liaritate usus est intima , ita quidem , ut
 non raro Philippus , & alii plures apud
 eum Norimbergam transeuntes diver-
 terent. Quam magnifice de eo senserit
Bruschius

Bruschius ex inspecta ejus Monasteriologia intelligere licet : Cui narrationi nunc etiam carmen adjiciam , quod, uti mihi concessum etiam est Ejusdem, quam ante prædicavi, Musarum summi Patroni benignitate, ita pace illius, quia nondum impressa typis creditur, cum B. L. communicabimus.

*Reverendo in Christo Patri ac Domino,
Friderico, Abbati ad D. Ægidium, Norimberga, Domino Macenati suo Summo S. & omne bonum.*

*Te salvere diu jubeo mihi chare Patrone,
Semper & incolumem Te mea Musa cupit.*

*Jam bis clara suos complevit Cynthia cursus,
Cum dedimus Musis carmina pauca Tuis.*

*Qua tua perpetuo celebrabant ordine gesta,
Celsaque tollebant nomen in astra tuum.
Et quibus obnixepacata mente rogabam,
Esses ut Musis Anchora fida meis.
Hac nos per puerum ad Vestras demisimus ades,*

Responsi vero rettulit ille nihil.

*Ergo ego presenti jam præsens offero car-
men,*

*Et precor, ut lata volvere fronte velis.
Sunt parva hæc, fatcor, sunt nullius uti-
litatis,*

*Nulla tamen spernit munera parva
Deus.*

*Tu quoque, quem magnum dives fortuna
creavit,*

*Qua damus e fundo paupere, dona rape.
O utinam majus quoddam Tibi scribere
possem!*

*Id quoque pacata scribere fronte velim.
Si tamen adspicient nostros pia fata la-
bores,*

*Sudorisque dabunt præmia digna mei.
Tunc Tibi non tantum chartacea munera
mittam,*

*Sed dabo pro meritis aurea dona tuis.
Te tamen, o patria magnum decus! ore
precamur,*

*Mæcnas Musis ut velis esse meis.
Sic ego quam primum Tymbræus Apollo
Poëtam*

Me faciet, versu Te celebrabo bono.

*Tu tamen interea longævi Nestoris annos
Ut vivas, superos per pia vota precor.
Et quot Tiresias vixit Cumæaque vates,
Tot Tibi dent letos fata videre dies.*

Reverentiæ Vestræ ignotus

Caspar Bruschius. Egranus.

Tantum de Johanne Pistorio ex Historia domestica depromere visum, de quo præter Bruschium in Monasteriologia ceteri silent.

Christophorus Plantinus.

ENatus est in lucem hic Typographorum Coryphæus, *Touroni* in Gallia sub initium Sec. XVI. An. 1511. studiorum jactis domi fundamentis, capus flagranti Artis Typotheticæ desiderio, a puerilibus annis hanc sectatus est, ita tamen, ut literas meliores simul haud neglexerit. Eaque propter utrique proposito satisfactorius Provincias primum Gallicas peragravit, postea vero etiam exteras terras salutavit, nunquam non id agens, ut, ubicunque locorum viveret, & literarum, & negotii

Typographici haberet rationem. Varias his igitur itineribus officinas visitavit, & vel corrigendo, vel disponendo typos, vel imprimendo etiam disposita, sedulam navavit operam. *Lugduni* autem præcipue aliquod tempus hujusmodi laboribus, inprimis corrigendo, terere non est veritus. *Antverpia* denique post varios casus fixas sibi posuit sedes, atque rem Oeconomicam æque ac Typographicam illic instruxit. Nec male hoc cessit solerti viro consilium, siquidem cum alienissimus esset ab istis vitiis, quæ trivialiter addictis huic arti hominibus alioqui solent esse communia, & familiaria hodie fere omnibus, ut foeda lucrandi cupidine sua deproperent mendosissime, fieri non potuit, quin singularia etiam præmia reportaret; Quia enim sacra auri non ardebat fame, neque sua imprimebat, ut rem suam faceret tantum, sed ut literis bonis præcipue utilitatem, sibi que famam compararet, utroque fine potitus est. Obtinuit, quod optaverat Vir optimus, suaque ætate floruit, & nostris temporibus semper illi honos promeritus, no-

men-

menque suum , laudesque manebunt. Amplificatae sunt hae sedulitatis Plantinianae laudes , vario in ipsa officina , & præclarissimo apparatu. Nam duodecim aluit Impressores , si ita loqui liceat , ac id , quod de *Golzio* alias velut miraculum Mundi annotatum fuit , suis typis centum linguis descriptos libros evulgavit. Præter hæc instrumenta illa , quæ lignea ut plurimum solent esse , eburnea ille habuit , & Correctores aluit non paucos , eruditione omni præstantes , de quibus vel jam a nobis dictum est , vel suo differendum erit loco. Ipse tamen in omnibus paginis relegendis , ultimam addere solebat limam , & ne sic quidem contentus , interdum etiam plagulas e publico loco suspendisse fertur , justum pretium pollicitus , qui errorem indicaret commissum , idque more , *Roberto Stephano* Parisiis quondam solito. Quid mirum igitur his rebus , nitidissime omnia excudisse Plantinum ? Quid mirum Architypographi Regii titulo & honoribus eum fuisse insignitum ? Quid denique mirum , quod inter rariora , quæ inspi-

cerent Antwerpiæ, officinam tam egregie instructam peregrini adire & invifere confuevere. Ipsa fane Celfiffima *Ifabella*, Hispaniæ infans, non dubitavit *Mariam Mediceam* Galliæ Reginam Anno 1613. *Antverpianam* fecum abducere, ut Typographeum hoc toto orbe celebratiffimum oculis infpicere & luft rare poffet fuis. Quamquam *Plantinus* ipfe honore hoc frui non potuerit, fed *Moretus* gener rem Typographicam officinæ hæres gelflerit: Ille enim Anno 1589. annis impletis feptuaginta & octo, jamjam morti fuccubuerat. Et hæc de Typographorum omnium fpectatiffimo Exemplo, Plantino, fufficiant. Cui fubjungendus ordine venit

Petrus Porta.

Cum multi fint ejusdem nominis viri, bene advertendum erit, ne inter fe confundantur. Sunt autem illi *Philippus Porta*, Poëta infignis: *Conradus Porta*, cui debemus Paftorale *Lutheri*, *Islebienfium* Paftor: *Johannes Baptifta* celebratiffimus omnium; *Johannes* item & alii

& alii obscuriores partim, partim & clariores. Noster ad quos referendus sit, & quid dicendum de eo, haud scio. Attamen cum nihil de eo legerim unquam, vel audiverim, ad eos recensendus, uti arbitror, venit, qui in tenebris literarum vixerunt; nisi forte unus idemque sit cum Phil. Porta, cujus nomen Philippi non nisi litera prima P. scriptum a *Mettairio* in Petrum transmutatum esse poterit. Quicquid sit, ut aliquo imposterum gaudeat lumine, dabimus operam: Idque ut faceremus, in causa fuit laudatus *Michael Mettaire*, qui Stephanorum Historiam, Vitas ac Libros diligentissime complexus, Londini cło 1669. ejus mentionem honorificam fecit. Quandoquidem in Vitæ curriculo *Henrici I.* Typographi Parisiensis celeberrimi meminit, eum præter alios viros doctissimos ad prelum corrigentes habuisse *Beatum Rhenanum*, & *Petrum Portam*, cujus adeo unius testimonio ac fide nitimur. Ob hæc igitur merita hosque labores dignus est etiam mihi visus, cui in hoc recensu vel

eo nomine locum daremus. De reliquis cum pauca imo nulla fere de eo nobis sint cognita, alios, quibus plura innotuerunt, sollicitos esse rogamus, & nos convertimus, eo misso, ad alium, qui erit

Theodorus Pulmannus.

C*Raneburgensis* & Belga Patria, Vir multis elogiis insignis, de Republica literaria non minus quam alii *εὐχρηστοί* optime meritus. A teneris quidem, ut studiorum, quod inierat, studio insistere laboravit, nec vana spe ob ingenii excellentiam, laudabiliter electo, se mastravit. At invitus ab eo instituto retractus, & ad opificium addiscendum, Fullonis alicujus disciplinae, & arti traditus est. Quo rerum statu quidem, quamdiu in familia Magistri sui versabatur, tamdiu agenda, quae demandata haberet, agebat, ita tamen, ut omnia momenta temporis observaret, & otio quocunque facto lectioni librorum variorum consecrata haberet, & de opificio deserendo, & resumendis studiis

studiis apud animum suum clam semper cogitaret. Voti etiam tandem damnatus est: Nam laboribus istis ingenio suo ad majora nato indignis, ubi libertatem aliquam nactus esset, abdicatis, eo enixus est, ut diligentia, dotibus animi auxilium ferente, in Academia *Lovanienſi* atque alibi, præcipuam Critici sui ævi & Philologi laudem adipisceretur. Claruit autem quam maxime An. Chr. 1565, quo tempore celebritatem nominis, non scriptis solum publicatis, consecutus est, sed cum primis operam eruditam æque ac indefessam *Plantino* antea laudato cum aliis multis præstitit. In ejus enim officina, codices non paucos, quos ille luci publicæ expositurus erat, & qui suæ recognitioni credebantur, omni nisu, cura ac studio non vulgari diu emaculasse, aliisque ornamentis, quæ a Correctore docto proficisci possunt, instruxisse legitur, ea accurate singulas plagulas relegendo, ut vel aliquot horas uni saltem impenderit, id cum tædio non raro ipsius *Plantini*. Neque tamen in ea functione ad finem usque

usque vitæ perstitit, sed, incertum quo scopo, tandem fortunæ suæ incrementa in Hispanorum quæsiturus terris, eo discessit, & *Salamantica* tandem, Castiliensis regni celebri Musarum sede, ubi nondum votis responderat eventus, ex hac migrasse ærumnarum sede creditur. Quamvis ego lubentius crediderim, in Belgium virum hunc ad labores pristinos rediisse: quid enim ejus obitus in Hispania offecisset *Andrea Schotto*, qui tamen in libello, ad Justum Lipsium misso, hisce mortem hanc notavit verbis: *Video quædam commissa errata in valetudine Plantini, Viri optimi, interitu Theodori Pulmanni, & Fratris mei absentia in Vbiis &c.* Inter monumenta doctrinæ supersunt varii Poëtæ, magno numero ad fidem Manuscriptorum castigati, quos cum Correctorem ibidem ageret, emendatissimos typis Plantinianis Antwerpiensibus exire jussit. In quibus eminent sigillatim: *Virgilius, Horatius, Ausonius, Lucianus*, An. 1577. & 1592. excusi. Porro *Claudianus* An. 1572. *Persius, Prudentius,*

tius, Paulinus, Boëthius de consolatione Philosophiæ 1581. 1590. 12. Quibus denique & Cæsares *Suetonii*; Flores illustrium Poëtarum; Libri variarum lectionum; emendationes in *Terentium* ac similia accesserunt. Consulatur *Freherus* p. 1483. *Reimmannus* P. III. p. 242. *Pulmannum* sequitur

Helias Putschius.

EDitus est Literator ille in hanc lucem Anno 1580. *Antverpia*, Belgii principe quondam civitate, & quidem familia claritate nominis nobili, & cum Patriciis quibusdam Augustanis arctiori affinitatis vinculo conjuncta. Ingenium nactus, de quo præstantissima quæque expectari poterant, faciles in literis fecerat progressus. Etsi omen in tenellis annis editum adspexeris, miraberis, si dixerò, tardioris aliquanto eum fuisse ingenii, ut decimo quarto ætatis anno legere demum latine coeperit. At postmodum *Emde* & *Hamburgi* in pulvere Scholastico desudavit; & virum se præstitit, istam tarditatem large com-

compenſavit, diligentiaꝝque ſuaꝝ primum ſpecimen, *Salluſtium*, ex vetuſtioribus codicibus reſtituendo, edidit inſigne. *Lugduni* vero, ubi vixerat, laborare ſe nimium oculorum vitio cernens, *Stadam* diſceſſit, aërem mutaturus, & quieto vitæ genere ſanitati ſuaꝝ conſulturus. Huic poſtea etiam reſtitutus, *Jenam* & *Lipſiam* veniens, familiaritate *Jungermannarum* uſus eſt conſtanter, & Depoſitionis demum ritu, quamvis invitus, peracto, aliquandiu hic moratus, tandem poſtea in patriam reverſus, peregrinationibus ſanitatis ergo repetitis, amicos inviſit ſuos, *Conradum Rittershuſum* *Altdorfi* inter alios conveniens, cum quo aliquantiſper familiariter vixit. Inde fauſtis avibus denuo in patriam reſgreſſus, de novo cogitans itinere, morbo oppreſſus in flore ætatis & juventutis, funeſto parentibus caſu, occubuit A. 1606. Sed ne inſtitui noſtri ſimus immemores, dicendum paucis adhuc eſt, cur & quomodo Putſchius in numerum reſſeratur Correctorum Eruditorum. Doctum

Doctum fuisse, haud temere quispiam negabit ; atque hinc idoneum ad munus illud obeundum, certum est. Reapse vero correxisse libros, testem voco Clar. Crenium, loco infra citando, postquam de Bootio disseruerat, paucis hæc inspersit memoratu digna. *Hæc Bootius, inquit, infra suam dignitatem tam ignobilem, ut vocat, laborem collocans, & Medicinæ postponens. At eruditus orbis non parum se debere fatebitur Sylburgio, Jungermanno, Putschio, ceterisque, pro isto ignobili, sed Erudita Reipubl. admodum necessario exantlato labore. His adjicio Celeb. Polyhistoris Conradi Rittershusii verba, ex Epistola a laudato Crenio subjecta typis, desumpta. Sic vero ille ad Melch. Goldastum scribit : Requiret illud quidem opus totum hominem, & quidem talem, qualis erat Sylburgius noster amicus, quique in ejus laudem succrescebat Gothofred. Jungermannus, cujus obitum prematurum magno cum dolore cognovimus his diebus, multorum literis crebris : In quo utroque magnam bonæ literæ jacturam fecerunt, imprimis Græcæ. Sicut*

Ff

etiam

etiam fecerant ante tres quatuorve annos
 in fido illo *Jungermannii Achate Putschio*.
 Faciam tamen ego, quamdiu valetudo per-
 mittet, quicquid potero, non solum in iis,
 quæ ab aliis jam translata sunt, ad fontes
 revocandis, accurateque examinandis, ve-
 rum etiam, si qua forte non dum latina versa
 sint, vertendis, dummodo labori meo non
 indignum statuatur præmium. Fere autem
 sic affecti sunt Bibliopola nostri Germani, ut
 lucrum sibi reservent ex libris redactum;
 labores vero steriles relinquant iis, a
 quibus imprimenda volumina acceperunt,
 siue illi primi fuerint operum auctores ac
 inventores, siue Recensitores & Emendato-
 res. Sed de illis &c. Atque ex his conclu-
 do quidem, quod *Putschius* emaculave-
 rit codices Typographorum, sed, cui id
 operæ præstitit, averem scire; Conjectu-
 ra quidem ex conjunctione cum *Junger-
 manno* auguror factam illam fuisse apud
Wechelios, in qua me confirmat opi-
 nione opus Veterum Grammaticorum
Hannoviae ap. *Wechelios* impressum. At
 enim vero cum ex verbis *Rittershusii*
 facili negotio conspici possit, varie
 hinc

hinc inde in manibus Criticorum libros
fuisse tractatos, ut sensus scriptoris ge-
nuinus erueretur, illosque viros Emen-
datores & Recensitores vocatos fuisse,
dubitari posset de Putschio Typogra-
phiæ alicui adscripto, & Correctorem
saltem fuisse ad prela labore domestico,
seu, si ita loqui licet, vom Haus aus /
non minus plausibile foret. Sed cum
annumeretur *Sylburgio* & *Jungermanno*,
in eodem studio peracto, notumque sit,
eum diu satis *Hannovia* vixisse, ideo
parem etiam laborem cum iis subisse
firmiter sum persuasus; de Circumstan-
tiis autem alii dispiciant. Restat, ut bre-
vibus dicamus de Putschianis scriptis.
Præter Sallustium ergo ejus extat opus
Veterum Grammaticorum XXXIII.
Hanov. 1601. 4. maj., quod in Biblioth.
Bosiana Jenæ inspicere licet: Elegiæ ni-
tidæ & fluidæ prodire Lips. & Hanov.
& pauca alia. Conferatur Adami in Vi-
tis Philos. p. 457. Crenius in Animadv.
Philoll. P. V. p. 103. Kœnigius in Bibl.
p. 610. cujus notetur insignis error,
quando perhibet, Putschium Conf.

Rittershusio parentasse, cum ille, ut ipse affirmat, An. 1606. hic vero An. 1613. ex vivis sublatus fuerit. Pergimus itq; ad Lit. R. in qua agmen ducet

Amarus Ranconetus

Vir maximæ apud Gallos famæ, præstantis ingenii, & Juris Consulti, Criticique subtilissimi, laude admodum conspicuus. Natus est *Petrocorii*, vel ut alii, *Vesana*, in agro Pericoriensi Anno Chr. 1499. A teneris annis serio tractasse omnia ferunt, modo puerili aliàs ætati insolito; Unde Parentes de ingenii & judicii viribus non vulgaria quasi divinantes, literis istum consecrarint; Idemque Scriptores testantur, patrio in ludo educatum doctrina singulari & solertia maxima consecutum esse, ut ab omnibus amaretur, & ut suavis erat moribus & colloquiis, diligeretur: Certe sedulitate ex condiscipulis neminem fere habuisse parem, cuncti affirmant. Quamobrem mirum non est, si dixero, cum in omni literatura humaniori & studio Antiquitatum cum Sacrarum tum profana-

fanarum ad supremum culmen adscendisse, ut alias scientias taceam. Illud etiam prætereundum non esse autumo, quod primum fere in Gallia Romani juris aperuisse fontes passim tradi videas, nam antea ne vix centesimus quisque illud intellexerat. Ob hanc igitur Eruditionem singularem in Curia *Burdegalensi* receptum in Senatum, sed mox iterum abiisse isthac Sparta, cognovimus. Nam cum ad exteros fama nominis ejus dimanare cœpisset, a variis ad varia petitus est subeunda munera. *Lutetias* vero vocatus, patriarelictâ, in Regiam hanc Galliæ urbem advolavit. Auctus ibidem officiorum & honorum titulis, Consiliarius primo, mox Præses in Curia designatus est. Certatim itaque in eo eluxerunt hinc dignitas Senatoria, illinc Consilarii gravissimum munus, ad quos tamen gradus honorum cum præ reliquis virtutibus spectata apud omnes eruditionis moderatio provehebat. Verum crescente apud Procere & plebem favore & nominis gloria, crescebat

etiam invidia Inimicorum. Non enim defuere, qui malevolentiae furoribus inflammati, non nisi, ut Ranconetum a fastigiis honorum detruderent, meditarentur. Neque etiam pessimis hisce consiliis defuit eventus, siquidem variorum criminum, imo & hæreseos & incestuosi cum filia concubitus accusatus, inque jus vocatus, extremum & divitiarum & famæ vitæque periculum videre necesse habuit. Detrusus enim in custodiam arctissimam non excusandi modo, sed etiam a calumniis adversariorum sese defendendi facultate, quanquam petierat, prohibitus, moerore exinde contracto inopinato in carcere *Bastilia* dicto, ut ex astrorum judiciis, cujus artis peritissimus erat, sibi sæpius prædixerat, expiravit A. 1559. ætatis sexagesimo. Ita iisdem infelici- bus satis usæ sunt uxor ejusdem & filia, quarum prior fulmine de coelo iecta oc- cubuit, altera vero variis quamvis sce- leribus maculata, ut quæ lasciva ad- modum fuisse dicitur, misere in loco publico, platea puto, expiravit. Filius vero

vero per carnificis manum violento
pariter modo ex vivis sublatus est. His
ita gestis, inimici conscientiae furori-
bus actum, veneno propinato, sibi ipsi
necem intulisse, tradiderunt, a quo
tamen crimine postmodum cognita
viri innocentia iterum liberatum esse
scimus. Sed acerbum illud, & præma-
turum hujus viri funestumque admo-
dum funus moleste posthac tulit Galliæ
regnum, imo omnes literati. Multa
enim egregia ab eo expectabantur, in
lucem proditura, quæ neque parari
pretio, neque alio quovis restitui pote-
rant modo. Varia quippe per vitam col-
lecta conscripserat vir laboriosissimus,
multoque plura ad margines variorum
Autorum sua ipsius manu notaverat,
quæ ad illustrandos eos perquam essent
conducibilia. Aliaque plurima erant,
quibus Ranconetum fuisse instructis-
simum, nemo ignorabat. Hæc omnia
vero post fata viri luctuosissima aut pe-
rierunt omnino, aut dispersa fuere, in-
que aliorum manus pervenere, qui po-
stea, Graculi Æsopici instar, alienas

plumas ostentantes, suas esse vanissima ambitione & injuste gloriati sunt, vix nominatenus Ranconeti mentione injecta. Quod superest studiorum hujus viri ratio uti plane fuit singularis, ita notatu dignum esse judicavimus. Per integrum nempe diem negotiis vacabat publicis, & colloquiis amicorum se frequenter invisentium concedendis facilis erat. Vespera deinde ingruente, levi & mediocri parte cibi sumpta, cubitum se conferens, somnum petere solebat. Hinc expergefactus post aliquot horas, lecto somnoque primo deserto, caput vitta, in modum cuculli composita, textit, atque sic integris quatuor horis Musis inserviit suis, meditationibus unice deditus. Tum repetito brevi somno, eodemque mox iterum soluto, ea, quæ meditatus antea fuerat, chartæ mandavit. Atque ita optime sibi & valetudini conservandæ se consulere arbitratus est. Methodi vero studendi eum in modum perutilis non inficetas rationes attulisse meminisse legere. Inter quas ea fuit præcipua, quod

quod silentio nocturno minus interrumpi, & impediri sensa mentis, & post primum somnum purgato cerebro cruditates stomachi per sputum projici existimasset, purioresque ac defœcationes ita esse cogitationes sibi persuaderet. Utcunque sit diffitendum profecto non est, Græce & Latine cum elegantissime scripsisse, ut ex *Caroli Stephani* Dictionario Paris. 1554. 4. expresso liquidissime pater. Quamvis enim laudato Stephano adscribi vulgo soleat, multum tamen contulit, ut alii testantur, noster *Æmarus Ranconetus* ad ejus concinnationem, omnium vero compertissimum firmam aluisse nostrum cum laudatis *Stephanis*, dum viveret, amicitiam, ita quidem, ut in primis annis, quibus Lutetiis vixerat, *Henricum II.* ejusque Patrem *Robertum*, itemque *Carolus*, Stephanos, strenue sua opera juverit, codicesque, qui prodierant isthac ætate ex officina istorum Typographica, examinando errores, restituendo genuinam lectionem, & corrigendo preli sphalmata adornaverit, unde jure

meritoque locum inter Correctores nostros ei concedendum credimus. Prostat sub nomine ejus scriptum Gallicum cui titulus: Tresor de la Langue Francoise, tot ancienne que moderne a Paris. chez Jean Vignon. It. Codex Justinianus, ex recensione Gregorii Hloandri cum marginalibus Æmari Rancóneti, Petri Fabri, & Jacobi Cujacii fol. Bas. ap. Hervaus. An. 1541. Conf. Buddeum in Lex. Univ. P. IV. p. 259. Clarm. P. VIII. p. 59. Naudæana p. 115. Metairium in Vit. Steph. &c.

Franciscus Raphelengius

ERuditorum Typographorum cum *Turnebo*, *Oporino*, *Plantino* & aliis Princeps *Lanovii*, quod Insulanæ ditionis oppidum, An. 1539. d. 27. Febr. divinitus in hanc lucem editus est, & publicis commodis destinatus cum applausu cunctorum adolevit. Primam eruditionis comparandæ officinam habuit *Gandavum*, sed inde ob mortem Parentis primitiis studiorum decerptis, revocatus domum, matris & cognatorum

rum voluntati obtemperaturus, *Norimbergam*, nobile illud Emporium, ad mercimoniorum faciendorum artes addiscendas migravit. Nactus tamen illuc occasionem exoptatam, neque Domino, cui a famulitiis erat adversum, studia repetiit sua. Idque cum & mater adolescentis conatus cerneret, non impedivit consilium, sed omni potius amore & ope desiderii filii laudabilibus honestisque subvenit. Reversus igitur ad patrios penates, doctrina jam instructus non contemnenda, florentem mox *Parisiensem* Academiam petiit, eosque mox fecit progressus, ut magnam de se spem apud universos concitaverit. Nul- lus enim scriptorum fuit, seu *Græcorum* seu *Latinorum*, quem non degustaverit, cujusque notatu digniora in succum quasi & sanguinem converterit. Multa igitur refertus doctrina, in *Angliam* transmigravit, atque *Cantabrigiæ* fructuum in *Gallia* collectorum non mediocrem apparatus publici juris fecit: Docendo enim magno cum applausu, *Anglorum* præstantissimis cum eruditionem

tionem solidam tum morum quoque integritatem admodum probavit, donec patriæ revivendæ gratia, & librorum coëmendorum, quos in Anglia comparare non poterat, *Antvverpiam* revertetur. Quo facto illic inter primos accessit *Plantinum*, & sermonem cum eo de certa librorum copia, eorumque iusto pretio collaturus, ejus sibi amorem tantopere conciliavit, ut ex eo tempore ægre dimissus fuerit. Discessit enim posthæc aliquantisper, sed paullo post Artis Typograph. amore & ipse captus ad *Plantinum* redux, cum eodem de constanti opera in corrigendis libris pactus, inter domesticos ejus plane receptus est. Ubi quanta sibi de doctrina *Raphelengii* ille pollicitus sit, ex eo apparet, quod in familiam susceptum non solum aluit, datis insuper per singulas septimanas quatuor florenis, atque fovit amicissime *Plantinus*, verum etiam cognito ejus in filiam suam natu majorem amore, eam tradidit nostro in matrimonium. Quo vinculo accedente *precipuan*, ut inquit *Adami*, in *Socer*
 Typo-

*Typographia corrigendorum librorum molem plures annos sustinuit. Multum adeo Raphelengii diligentia ornamento Librorum Plantinianorum contulit, quibus hucusque clarent maxime, cum primis, qui linguis Exoticis Orientalibus imprimebantur, quibus emaculandis ipse solus fere præfuit. Inter omnes vero molestias, quas devoravit plurimas, maximos & incredibiles, *Suvertio* subinnuente, labores toleravit in edendis Bibliis Regiis Polyglottis, cum *Benedicto Aria Montano, Andrea Masio, & Guidone Fabritio*, utpote in quorum impressione indefessa opera doctissimi ac diligentissimi Correctoris officio functus est. Eidemque, multarum linguarum peritia ornatissimo viro, studiosi linguarum orientalium omnes acceptum fere habent, quod nunc possideant universam Paraphrasin V. T. Librorum Chaldaicam longe emendatiorē, quam unquam antea prodierunt, punctisque maxime subscriptis, ad Analogiam Librorum Danielis & Esthræ ubique revocatis, stipatam.*

Atque ita res acta est, donec *Plantino Lugdunum* Batav. commigrante, onus totum regendi Typographi humeris suis impositum haberet, quod tamen prudenter & fortiter gestavit: Illo autem reverso, cum universa familia ipse Lugd. profectus in Soceri successurus locum, atque officinam suscepturus, quam ab eo instructam ibidem esse noverat. Hic indies incrementa & laborum & meritorum famæque nominis uberrima capiens, munus tandem Hebræam linguam publice docendi sibi oblatum accepit, idque tanta diligentia studioque gessit, ut Curatores illius Academiae hujus consilii nunquam poenituerit. Quandoquidem ab auditoribus maximi æstimatus, omnium favorem amoremque constanter retinuit. Denique ætatis & munerum gravitate exhaustus, & viribus confectus, luctuque ob amissam tristi morte conjugem paralyti correptus, atque diem, quinquaginta & octo annos circiter natus, supremum obiit d. 20. Julii A. 1597. Inter monimenta, quæ relicta habentur,

ante-

antecellit cetera Lexicon Arabicum, quod decimo sexto post auctoris fata anno publici factum est juris, *Leida* 1613. 4. maj. opus illustre & observationibus virorum Eruditorum *Guilh. Postelli, & Andr. Masii, Scaligeri* præcipue Auctori communicatis illustratum. Idque majori primum forma in fol. proditurum, ne nimia mole, ac multitudine phrasium verborumque, tyronibus incommodum ad usum redderetur, omiſſis quibusdam, ea tandem excusa est forma, qua hætenus uſi ſumus. Ejusdem Raphelengii est Dictionarium Chaldaicum: itemque Lexicon Perſicum, vocabulorum, quæ in Pentateucho obvia ſunt, & ſimilia, quæ rarius, & nonniſi in Bibliothecis publicis conſpiciuntur: Observationes linguæ Hebr. Tabulæ in Grammaticam Hebr. & alia in privatum uſum collecta, & hinc inde Auditoribus ad deſcribendum exhibita, quæ tamen nunquam, ut typis prodirent, videtur in animo habuiſſe vir doctiſſimus, a *Postello* ſunt ſubjecta, cum rudimenta Grammaticæ Chriſtianorum

Ara-

Arabicae ederet. Videantur pluribus
 Adami in Vitis Philof. p. 423. Bælius in
 Dictionario Tom. I. p. 2557. Freherus
 p. 1491. Bernh. a Mallinkrot editionis
 supra citatae p. 94. & alii.

Beatus Rhenanus.

S*Chletstadium*, quæ urbs est *Rheno* vi-
 cina *Alsatiae*que pars, A. C. 1485. de-
 dit virum huncce non obscuri nominis;
 Qui *Rhenanus* hinc procul dubio po-
 stea dictus est; nisi patris forte originem
 id nomen referat, qui cum *Antonius*
Bildius antea vocaretur, & ex *Rhenaco*
Schletstadium venerat, filio quoque no-
 men Rhenani imponendi causa fuit.
 Certius est in aurea eum incidisse secula,
 si cum prioribus comparentur: Vixe-
 rant enim sub id tempus viri omnium
 celeberrimi *Hermol. Barbarus*, *Picus Mi-*
randulanus, *Trapezuntius*, *Erasmus* &
 similes. Huic igitur felicitati divinitus
 destinatus a parente bonæ indolis
 puer cognitus, literis innutriti coepit,
 Scholamque primum patriam visitavit.
 Adultior factus deinde *Lutetias* in
 Cla-

clarissimam tunc Artium bonarum sedem missus, Magistris est usus doctissimis fidelissimisque, suaque accedente solertia, ingenii vires præclare excoluit. Ad quem profectum haud parum quoque contulit, quod in *Henrici Stephani* officina præstantissima, adjutus opera *Ranconeti* ante laudati, librorum imprimendorum paginas mendis purgavit, & genuinum incorruptis Manuscriptis exemplis restituit sensum. Sed non admodum diu huic operæ inhæsit, quin potius post aliquot annorum delapsus in Patriam reversus, *Argentinam* concessit. Cum vero & hoc etiam loco vitæ tempus in addiscendis literis aliquot lustra peregisset, *Basileam*, ut ad finem studia sua exoptata perduceret, hinc profectus est. Factum forte, ut supra jam digno elogio mactatus *Joh. Conon* in ædibus *Amerbachii* correctionem librorum gereret. Hujus igitur viri in Græca literatura exercitatissimi fidei se tradidit, atque æmulos simul bonarum artium habuit *Brunonem*, *Basilium* & *Bonifacium*, filios *Joh. Amerbachii*. Ut

autem quasi a lateribus suo semper
 harere posset *Cononi*, paria sua officia
 in tollendis codicum erratis promptissi-
 ma *Joh. Amerbachio* obtulit, qua re ac-
 cepta, in familia horum virorum vivere,
 & otio dato schedas, quæ excuderentur,
 emendare cœpit. Neque abiit *Basilea*,
 quantumvis *Conone* mortuo, sed ob loci
 salubritatem, temperatumque aërem,
 tum etiam incrementorum in studiis fa-
 ciendorum spem alens haud dubiam,
 ibidem substitit. Quo tempore gnavi-
 ter continuavit labores in corrigendis
 voluminibus diu cœptos, non apud
Amerbachium solum, verum etiam *Joh.*
Frobenium, qua occasione etiam *Erasmi*
 & *Gelenii* familiarem consuetudinem
 adeptus est. Quorum posteriorem
 tandem etiam socium sibi adjunxit, te-
 ste ipso *Gelenio*, in ornando *Livio* ex
 officina Frobeniana prodeunte, occu-
 patus. Nec minus etiam illum, quippe
 in una familia secum degentem *εὐεργετὴν*
 in corrigendo habuit, testante *Gronovio*,
 quem in præfatione ad *Livium* in 8. con-
 ferre non poenitebit. Tandem vero
 Basi-

Basileæ quoque valedixit, atque in patriam redux, iterum rem Oeconomiam suam instituit, quæ, qualis fuerit, Adami verbis exponam: *Adduxerat secum Basilea famulum, cujus postea per vitam opera semper usus est, præter hunc Rudolphum Berzium, & mulierem vetulam, neminem ea domus habuit.* A matrimonio contrahendo abhorrebat, siue naturæ diffusus suæ, siue nummorum parcendorum gratia, liberalitatem enim quidam in eo desiderabant. Ea certe filii continentia *Beati* patri admodum displicuit, utqui hæredem divitiarum, quas possidebat, nosse cupiebat. Quo mortuo, uxorem tandem duxit, verum post exigui temporis interval- lum, vesicæ doloribus gravius laborans, cum ante matrimonium nemo quicquàm de ea re sensisset, ulcere accedente, *Argentorati*, illuc ex balneis Baden- sibus devectus, sexagesimo secundo ætatis anno obiit, nullo ultimæ suæ voluntatis, & prope etiam Religionis, relicto monumento. Atque ita facultas amplissima numerum 8000. aureorum

excedens, paucis & obscuris cessit hæredibus; Bibliotheca autem, sic jubente Senatu, ad voluntatem Domini famulo *Berzio* tradita est. De salute animæ meliora speramus, quippe doctrinæ puriori tum restauratæ faventiorē fuisse unanīmi affirmant eruditi consensu, unde etiam Pastorem Pontificium in extremis vitæ necessitatibus vix admisisse, non incerto nitor fundamento. Scripta ejus præstantiora sunt & passim obvia: Observationes in aliquot LL. Historiæ naturalis Plinii fol. Commel. 1593. Libri III. Rerum German. eximii fol. Bas. 1551, qui locupletior commentarius editus est a *Jac. Ottone Ulmæ* 4. 1693. Annotationes in Livium: in Cornelium Tacitum: in Tertullianum breviores, & ob argumentorum præmissorum concinnitatem laudabiliore: Hieronymi operibus Amerbachianis emendandis insudasse ex vita Cononis intelligi potest. Sed & Origenis, quæ Basileæ excusa sunt, scripta emendavit, cujus operibus à se correctis Præfamen anteposuit luculentum, in quo pleraque omnia

omnia de Vita Erasmi scitu digniora reperiuntur notata. Omittimus Commentarium in Senecæ ludum de morte Claudii: Vitam *Joh. Geileri*: Versionem concinnam Histor. Eccles. Eusebii &c. Videatur Adami p. 132. Teissierius in Elogiis, T. I. Gronovii præfatio in Livium. Lugd. Bat. 8. exc. Mettairius in Historia Stephanorum. Quibus omnibus denique addatur plenior ejus vita a *Joh. Sturmio* scripta editaque Basileæ fol. 1551, ex qua, uti & reliqui, me me hausisse lubens profiteor. Sequitur

Angelus Rocca a Camerino.

I Talus iste, quod vel nominis forma prodit, S. Theologiæ Doctor, Augustinianorum sodalitis adscitus, ex agro *Picano* oriundus, claruit sec. decimo sexto. Linguae Hebraicæ ac Chaldaicæ gnarissimus auditur, plerisque Antiquitatumque sacrarum & profanarum investigator acutissimus appellatur. Unde vel vix domi, sed in ædibus Romanis publicis, & Hortis Purpuratorum, ubi monumenta Veterum inveniri posse

putabat, conspiciebatur. Dignitate Apostolici Palatii Præfectus vocatur, & a Clemente II. *Tagastensis* Episcopi honoribus titulisque auctus legitur. Ubi non sine causa titulum nominamus datum, nihil enim administrationis aut reddituum ex umbratili ista nubecula accepisse constat. Quandoquidem Civitas illa, patria S. Augustini, in Turcarum jam tum fuit manibus ac potestate. Sed ita solent Pontifices fumum vendere, aliisque potestatem maximam in haud exiguam concedere orbis partem, qua nec ipsi gaudent. Cujus modi viros titularesque Episcopos non injuria *Lutherus* noster *Garben-Bischöffe* cognominare, aut interpretari potius solitus fuit. Sed ad *Roccam* revertor, quacunque sub larva delitescentem. Qui uti erat, ceu jam dictum est, vir doctissimus, ita quoque Viri Rei literariæ promovendæ semper studiosissimi nomine insigniri debet. Non siquidem contentus Manuscriptos codices hinc inde ex scriniis Bibliothecæ *Vaticanae* summa industria depromsisse, excussisque illis

fca.

sensum auctoris genuinum, sicubi depravata occurrerent elementa, ut fieri temporum injuria assolet, restaurasse, Typographis etiam commissa opera mendis a prelo relictis, diu multumque purgavit, idque non contemnendo, sed laudibus promeritis extollendo studio. Hanc vero operam, quam multis præstitit libris, quos obstetricis instar tractavit, purioresque luci exposuit, potissimum impendit in aliquot *Augustini de Ancona*, ordinis Fratrum Eremitarum Sancti Augustini scripta, Romæ excusa, ut in Triumphum ejus in Canticum Deiparæ virginis Mariæ Romæ 1590, quem noster correxit pariter & illustravit. Item ejusdem Augustini Triumphum in Salutationem, & annunciationem Angelicam Deiparæ præstitam, An. 1592. Pari modo a mendis liberavit dicti Augustini Triumphum summam de Ecclesiæ potestate. Porro etiam *Cornelii Jansenii* Homilias in Evangelia Dominicalia, quatuor Commentariorum in Concordiam Evangelicam, libris a *Georg. Braunio* collectas,

emaculasse, Romæ procusas rescivimus, Ea vero, quæ ipse edidit, hæc sunt: De Canonizatione sanctorum Comment. Rom. 1601. De scribendis Epistolis: De Bibliotheca S. Sixti Senensis: Arithmetica Rom. 1587, quæ etiam Hispanice Barceleonæ 8. prodiit. De Campanis, & Tintinnabulis Lib. Romæ 1612. 4. Commentarius in Bibliothecam Vaticanam 1541. 4. in quo nihil, ut Conringius judicat, est memoratu dignum, præterquam quod ex compilatis Onuphrii Panvinii hætenus latentibus monumentis illaudabili facinore est subductum. His subjungo nihil nisi sequens distichon;

Rocca quis? exquiris, meritis hic carmina vincit,

Post cineres ipsum fama loquetur anus.
Videatur Angeli Caninii Hellenismus a Thoma Crenio denuo editus 1709, & præfatione doctissima de claris Angelis ornatus, p. 38. Antequam autem ad alium Italum procedamus, memorandus veniet

Geor-

Georgius Rorarius.

Fidissimus ille Beati *Lutheri* Annuensis, qui vitalem auram trahere cœpit A. 1492, ipsisque Calendis Octobris, honestis parentibus natus in Electorali Saxonia. Illi Pontificiorum, qui tum vigeant, superstitiosum Dei cultum fugientes, traduntur cum puero *Wittenbergam* pervenisse, atque hospitium quoque illie fixisse. Certe gnauiter isthic, utpote in principe Musarum officina, studia literarum consecutus est, & quidem eorum numero commendatione *Lutheri* Megalandri adscriptus, qui ex beneficiis a publico expensis vivere solebant, quosque beneficiarios vocant. Ita vero vitam toleravit, donec vera pietate & recta doctrina probe imbuto, suasu *Lutheri*, Ecclesiæ officia deferre secum instituit. Impetrata vocatione legitima, Diaconus electus *Wittenbergensis*, omnium primus, *Dominica*, quam vocant, *Cantate*, An. 1525. in Ministerii sacri Evangelici ordinem cooptatus est eo solenni ritu, quem

Gg 5

paullo

paullo ante Martinus præscripserat. A qua notabili ordinationis ceremonia, quam sine Papali superstitione primus iniit, distichon

*Ordo mihi primus datus, instituyente Lu-
thero,*

Papa quid insultas? ad sacra jussus eo.
in cum a Poëta conscriptum, tanquam monumentum perpetuum superest. Nec minor ejus in Præceptorem fides posthac fuit; strenue enim eum, uti jam antea adjuvit, tum in aliis, tum præcipue in concinnanda expoliendaque versione Bibliorum sacrorum Germanica. In quo studio quid & quantum ille præstiterit, per compendium cognosci poterit ex consiliis Wittenbergicis fol. Francofurti editis, unde & fol. quidem X. sequentia Germanica, ut sunt verba, depromere non gravabimur. Aber im Jahr 1539. hat der ehrwürdige und selige Werck: Zeug Gottes / samt andern vortrefflichen Gottes- gelehrten Männern / Herrn Phil. Melanchthone, D. Joh. Forstero, D. Casp. Crucigero, & M. Matth. Aurogallo
die

die Biblia, gedachten 24. und 34. sten
 Jahrs / außs neue angefangen zu
 übersehen / und durchaus mercklich ge-
 bessert / und was darinnen geändert /
 und gebessert worden / hat Lutherus
 selber mit seiner eignen Hand gethan /
 ausgenommen etliche wenige Stuck
 in den Propheten / da Er Schwach-
 heit halber nicht kunte / doch ihm sol-
 ches alles gefallen lassen / und unter
 seinem Namen in Druck gegeben.
 Und nachdem solch Exemplar überse-
 hen / hat Er M. Rörern / welcher zu
 derselben Zeit oberster und verendeter
 Corrector in Hans Lustens Buchdruck-
 deren war / übergeben / und demselben
 befohlen / daß Er die Biblia, so fortan
 gedruckt würden / nach demselben
 Exemplar solte drucken lassen / und mit
 Fleiß corrigiren. Et alio loco iterum
 a Paulo Crellio noster Rorarius vocatur:
 Ein bestellter / verendeter und besolde-
 ter Corrector. Neque etiam ipse Præ-
 fationibus Bibliorum nomini suo sub-
 scripto Correctoris addere manus dubi-
 tavit, uti exemplarium, quæ rarius
 hodie

hodie occurrunt, inspectio confirmat.
Exinde Epigramma honorarium a M.
Adriano Beyero profectum:

*Cuncta revidisti Lutheri scripta, Georgi
Rorari, sacris Ros adamate soli:*

*Atque notavisti sacras in margine glossas,
Quas hodie nobis Biblia sacra ferunt.*

Ubi quæ de collectione Glossarum ex ore Lutheri marginalium ab eodem instituta habentur observata, cum trivialia sint, nolumus amplius explanare. Nisi quod, quicquid horum actum est, non sine consensu ordinis Theologici Wittenb. Academiæ factum esse, uno verbo monere oportet. Hæc igitur & alia per plurimos Wittebergæ tractavit annos, diligenter enim monita Lutheri secutus, & in sequentibus editionibus S. Bibliorum religiose in præfationibus, atque, ut vocant, postfationibus adnotavit, quid additum singulis fuerit annis, quæque causæ repetitionis fuerint. Præcipue vero post fata *Lutheri* tres Tomos operam ejus imprimi emendatissimos curavit, tertium Latin., & tertium cum quarto German., ut præfationes testantur.

tur. An. Chr. 1550. Witteberga, & officina Joh. Lufftii, qua nulla prope fuit in Germania scriptorum ad Ecclesiam ædificandam excusorum fœcundior, relictis, in Daniam peregrinationem, petitus quidem suscepit; inde vero post tres annos *Jenam* iterum retractus est. Cum enim *Johannes Fridericus Elector* animadverteret scripta Reverendi viri, divi Lutheri, non eo ordine eaque fide *Witteberga* suis Tomis distincta excudi, quomodo quidem sperasset, consilia & rationes inivit, de alia accuratior, & minus suspecta eorundem promulgatione promovenda, quam ob rem Reverendum virum *M. Georg. Rorarium* (huic enim & prior *Wittebergensis*, vivente adhuc *Luthero*, commissa fuerat) ex *Dania Jenam* vocavit, ac huic negotio præfecit. Quod præclarum opus, conferentibus ad *Typographicas* operas sumtus Illustrissimi & Pientissimi Principis filiis tandem est perfectum. Vid. *Joh. Rosinus* in *Vita Joh. Friderici Magnanimi*. Qualia exinde inter *Jenenses* & *Wittebergenses* orta fuerint litigia, dignum est consideratu, rei literariæ & Theo-

Theologicæ quidem argumentum. Sed quia commodior de illis differendi occasio sese offeret impofterum, hîc attingisse istam concertationem fatis erit. Reliqua exponemus, quando ad *Waltherum* nos ordo dicendorum perdu-
xerit. Noster *Rorarius* Jenæ constanter commoratus, Bibliothecæ Wittebergen-
sis portione maxima & optima in Aca-
demiâ Salanam transvecta, primus
ejus præfecturam subiit, cui officio in-
genti studio & pietate sic præfuit, ut
non sine desiderio suis relicto, ex hac
randem mortalitate demigraverit, an-
nis 65 prope expletis, d. 24. April. An.
1557. Scriptorum ejus fere nihil super-
est, & nobis fere nonnisi innotuit, quod
sub *Amsdorfii* nomine editum contra
Waltherum, quo magnificis verbis edi-
tionem operum Lutheri Jenensem præ-
dicare, Wittebergensem vero suspectam
reddere, & deprimere multis modis
conatus est. Vid. Joh. Casp. Zeumeri
Vitæ Prof. Theol. Jenens. ed. 8. p. 26.
& addantur Consilia Witteberg. Franco-
furti fol. exc. Tom. I. p. 9. seqq. Cum
his

his conjugantur J. F. Mayerus de Bibliorum Lutheri versionibus Cap. IV. & J. M. Krafftii Historia versionis Bibliorum Germ. Lutheri, quam cupide expectamus, & cujus Prodomus nuper demum feliciter prodiit. Nunc itaque sequitur

Hieronimus Ruscellus,

CUi ut patria terra eadem natales cum Angelo Rocca dedit, sic Poëseos studium, & singularis in carminibus pangendis facultas per omnes Italiae regiones seculo decimo sexto reddidit cum celebratissimum. Ex Civitate *Viterbiensi* fuisse accepimus, ingenioque præditum hilari atque ad facerías excoGITANDAS plane comparato. Ad labores vero sustinendos inprimis perhibent fuisse paratissimum & impigrum, neque minori eruditionis etiam in aliis disciplinis supellectili, quam Poëtices instructum. Quare totus literis quasi immerfus, vel Poëmata scribendo, Italico tamen idiomate, vel alia Erudito orbi proficua opuscula protrudendo, a prelis facta vitia vitam transigere solebas. De priori exercitio testan-

tur Poëmata in lucem publicam emissa, quæ cur Italica Lingua scripserit omnia, non mirum erit, quibus compertum est, hunc *Ruscellum* tanto in vernaculam suam flagrasse amore, ut quotquot alias linguæ numerarentur, eas in univ-
sum omnes ante finem mundi perituras, unicam vero Italicam a cunctis gentibus quasi communi jure donandam, auda-
cter affirmaverit. Imo vero, quod ma-
gis ridendum, beatos aliquando cœlites in æternis sedibus ista usuros esse non
veritus est homo superstitiosus tueri,
idque commentum, ratione addita per-
egregia, quia Capiti Ecclesiæ visibili Pontifici illa familiaris sit, constabilivit.
Risum teneatis amici! Testatur de hoc
argumento notissimus J.Ctus *Limnæus*,
in Annotationibus ad Capitulationem
Caroli V. p. 208. De altera autem stu-
diorum parte laudabiliore constat, mul-
tum equidem desudasse in adornandis
variis eruditorum lucubrationibus, quas
inter chalcographicas operas correxit,
& sæpe notis quoque suis adjectis egre-
gie illustravit, in iis præcipue scriptis,
quo-

quorum auctores ex hac mortalitate jam emigraverant. Ubi autem locorum id voverit faxum, non æque in luce est positum, quanquam id Venetiis factum putaverim, cum sæpius aliquot annis ibidem commorari solitus esset. Scholia certe ejus addita libris quatuor de Venatione *Natalis Comitæ* apud Aldum nepotem impressa An. 1551, id confirmare videntur. Ad quod accedit Index virorum Illustrium ibid. Italice An. 1573. impressus, is cum apud eundem Manutium expressus sit in ejus officina, Correctorem Ruscillum egisse mihi fere persuadere cœpit. Id certe in aprico est positum, eo labore peracto, & præmio qualicunque exinde accepto, vitam illum produxisse suam. Utrum vero & alibi, & quibus illa præstiterit officia, nondum fateor distinctius habeo cognitum. Decessisse Venetiis An. 1568. atque in templo S. Lucæ sepulcræ monumentum habuisse refertur. Videatur interim J. M. Crescimbenius in Comment. ad Histor. Poës. Italicæ Vol. II. L. IV. p. 219. adde

Freherum p. 1464. ubi scripta ejus Italico sermone concinnata reperies. His missis in Elemento Sagmen ducat homo Socinianus

*Christophorus Christophori
Sandius,*

CHristophori Senioris videlicet filius, qui Consiliarius Electoris Brandenburgici, ejusdemque supremi Regiminis & Appellationum judicii Secretarius esset, & inde ob sententiam Socini seu erroribus faventem, muneribus A. 1667. exueretur, postea privatus delituit, atque tandem etiam *Regiomonti*, ut videtur, mortuus est. De quo vid. *Hartknockii* Histor. Eccles. Borussicæ L. II. c. XI. p. 646. seqq. Hoc igitur parente noster genitus est An. 1644. d. 12. Octobris. Patri plane ὁμόψηφος domi aliquandiu vixit. Ab incunabulis etiam dogmata falsa impiaque, quæ ex ore Genitoris hauserat, ad vegetam excrefcens ætatem non solum non deposuit, sed ad ultimum usque vitæ halitum pertinaciter defendit. Postquam autem

virus

virus suum in Patria disseminare cœperat , clam quidem primum , postmodum vero liberius , prohibitione facta , suæ salutis solum natale amplius vix tutum esse ratus , in Belgium , commune illud Hæreticorum asylum , se recepit. Heic securus magis , quam antea , vitæ suæ & doctrinæ prospexit commodis. Hujus quidem dum occasione quacunque aliis erronea sua dogmata instillare conatus , libellosque etiam suos typis subjecit : Illius vero , quando inserviando officinis Typographicis corrigendo scripta , quæ prela fatigabant , alimenta necessaria paravit , & nullus liber tam impius erat , cui operam suam denegaret. Et licet more solito vivens non legatur ad orationem reddendam fidei evocatus : nam quamvis Amstelodamenses , ubi degebat , aliæque Civitates Fœderati Belgii , Socinianis una cum Pontificiis nemini religionis exercitium publicum indulgeant , quod ad illos tamen attinet , sub nomine Menonistarum latentes , nihilominus recipiunt & tuentur , tamen rebus suis non semper confidere

voluisse inde pater, quod libris a se editis externum aut commentatitium nomen ut plurimum subscribere maluerit, quam ipsius *Amstelodami* facere apertam mentionem. Ut ut sit, Christophorus certe noster junior, quiete ita vivens, emendando alia elucubrata, scribendoque sua ad ultima usque fata laboriosissime incubuit, quibus etiam medio ætatis virilis flore immortalus Amstel. An. 1680. d. ultimo Novembris concessit. Cui potissimum Typographeo suam locavit industriam, non mini a quoquam, neque etiam a Clar. *Benthemio* annotatum. Atque inde pluribus operam dedisse, dum meliora edoceamur, conjicimus. Scripta reliquit multo plura, quam pater; ea vero nullibi plenius recensentur, quam in ipsa Bibliotheca Anti-Trinitariorum, quam ipse Manuscriptam reliquerat, cui forte ab alia manu ea sunt inserta, ex qua paucis titulos notasse potiorum sufficit. Celeberrimus est nucleus Histor. Eccles. 1668. 8. Cosmopoli (*Amstelodami* ut reliqua omnia) & 1676. 4. excu-

excusus , quod scriptum confutavit semel iterumque Gartinerius , de quo Saggittarius l. c. videri potest. Reliqua sunt Centuria Epigrammatum An. 1669. 8. Interpretationes Paradoxæ IV. Evangeliorum 1670. 8. De Origine animæ 1671. 8. minori, quam confutavit Balthasar Bebelius Argentorati 8. 1675. Notæ & animadversiones in G. J. Vossii LL. III. de Historicis Latinis 1677. 12. Scriptura Sacra Trinitatis revelatrix sub nominis Cingalli Goudæ 1678. 12. Problema Paradoxum de Spiritu S. annon per illum S. Angeli intelligi possint, Roterod. 1678. 8. &c. omnium utilissimam dixeris Bibliothecam Anti-Trinitariorum, opus posthumum Freistadii h. c. Amstel. 8. An. 1684. excusum, ubi reliqua hujus viri scripta & Manuscripta magno numero enarrata videas. Hanc vide p. 169, & in Vita Patris p. 150. Conferatur Bælius in Nouvelles de la Republ. des Lettres 1684. Arnold in der Kirchen- und Reher- Historie / P. I. p. 565, qui Sandium paullo ante obitum in Arminianorum sententias abiisse, atque
mea

mea confessione exspirasse tradit, quod nisi error sit Typographi itidem affirmare videtur Benthemius im *Holländischen Kirchen- und Schulen- Staat* / P. II.

Johannes Scapula

INfidelissimus omnium famulorum, ut eum appellant *Mettairius* & *Alme-loveenius*, quorum tamen posterior titulum hunc a manibus viri deprecatur, si qua durius locutus fuerit. Gente Germanum fuisse testatur Koenigius, sine nota dubitationis, sed sine teste fide digno alio. Quemadmodum & plura hujus viri vitæ fata comperire non magis potuit, quam ego, atque ideo, uti solet, cetera sicco transivit pede. Sitne Scapulæ nomen tralatitium, & ex Germanico *Schulter* formatum, indoles istius Seculi mihi fere persuadet, mallet tamen certiora ejus conjecturæ indicia habere. Quare in his omnibus certi aliquid affirmare vix potero, quoad usque meliora aliunde edoctus fuero. De reliquo quamvis à literatis pene omnibus Plagiarius

garius quasi certus habeatur, miror, neque a *Jacobo Thomasio* tamen de Plagio & Plagiariis, neque in supplementis, neque in additamentis *Almeloveenii*, vel verbo ejus rei fieri mentionem. Utcunque sit, exploratum certe est, vixisse eum aliquot annos in familia *Henrici Stephani* (de quo postea) eique in corrigendo sphalmata operam sedulam præstitisse, unde etiam sine dubio Famulus hujus celebratissimi Typographi vulgo vocari solet. Atque in hoc cum constitutus esset officio, factum, ut *Henricus Thesaurum* suum Græcæ Linguae typis excuderet suis. Cujus operis quotidianam ille lectionem inter describendum nactus compendium dicitur concinnasse, coque feliciter confecto Typographeo *Henrici* valedixisse, & codicem suum *Basileæ* An. 1590, ut *Mettairius* habet, prima vice luci exposuisse ajunt, sine quo furto in obscuro sine dubio permansisset *Scapula*. Atque hinc prodeunte postmodum An. 1572. Thesauro ipso, ita acceptum gratumque obpretii caritatem, prolixitatemque non

fuisse, Lexico Scapulæ An. 1579. præsertim denuo recuso, ut quidem speraverat Stephanus, fama est. Jacturam ingentem passum omnium bonorum Gallia tandem excedere ob æs alienum, coactum fuisse, sunt qui narrant. Non desunt quidem, qui novam Thesauri editionem nihilominus suscepisse cum carmine in Scapulam in vectivo tradunt bonum Stephanum; verum falsa hæc sunt, quæ de altera pretiosi libri editione feruntur. Nunquam enim ita facultatibus suis restitutus est, ut tantæ molis & tot impensarum Librum iterum exprimere potuisset. Illud saltem ex dictis patet, jure merito querelas longe plurimas Henricum profudisse, ob Scapulæ factum sibi maxime noxium. Quam etiam ob rem vitio eas a nemine Eruditorum versas observavimus, ut potius laudarent ea occasione Carmina quædam ab illo conscripta, quorum unum ex *Almeloveenia*, alterum ex *Metairio* hic recudi fecimus. Tertium enim in Morhofii Polyhistore Tom. I. L. IV. c. 8. §. 6. reperire licet, & passim obvium est. Prius ita habet:

Inspe-

*Inesperata alios Thesauros lucra videmus
Ferre repertori: tristemque repente fugari
Pauperiem, vilemque casam mutarier
arce.*

*At me contra inopem meus hic ex divite
fecit*

*Thesaurus, gazasque omnes exhaustit
avitas.*

*Si tamen hic animum vestrum, pectusque
benignum*

*Conciliare mihi (quod ait se posse) vale-
bit,*

*Tum vero haud aliter quam quondam Pe-
lias hasta*

*Fecerit id vulnus, factoque medebitur
idem.*

Gravius est alterum, quo scripsit non
sine argutiis:

*Opus redegit qui illud in compendium,
Impendium in eo temporis quam maximum
Fecisse dicit; Vellet id pensare nos,
Sua crumena maximo compendio.*

*Lectorum at ille maximo dispendio
Contraxit opus id, imposuit & omnibus.
Paena irrogetur huic, ut non gravis ta-
men,*

Tantum esse dignum dixerim suspendio.

Hh 1.

Hæc

Hæc tamen & alia similia, absit, ut existimemus, quod non Scapula ista jam antea præsenſerit. Prævidit non solum, sed etiam omnem plagii suspensionem a se amoliturus, de suo labore in præfatione hunc in modum disſeruit : *In hoc autem opere cum plurimum temporis contriviſſem (remorante me partim ipsius operis prolixitate, partim functione mea, partim denique privatis occupationibus) incidi forte in Thesaurum ab Henrico Stephano conscriptum : cujus sola inscriptione lecta, existimaui me actum egisse. Verum cum Thesaurum illum penitus introspectum, præter alia multa a meo consilio discrepantia, diverso etiam ab eo, quem secutus fueram, ordine scriptum fuisse, re ipsa cognoviſſem, idque amicorum oculis subjeciſſem, eorum iudicio fretus, multis rationibus adductus hæc tandem in lucem prodire permiſi. At verone Thesauri illius, Herculeo sane labore compositi, auctorem bene de literis meritum debita laude fraudare, aut me alienis plumis venditare videar, quid illi acceptum feram, fateri non gravabor &c. His sane*

ne

ne lectis, quis non à plagii crimine *Scapulam* absolveret? Verum, quibuscunque etiam lenociniis verborum facta sua tegat, ea tamen nihil nisi anguem ingrati animi in herba quasi habent latentem. Cujus vitii vel illud haud leve indicium est, quod ne tribus quidem verbis meminerit, quantis *Stephano* obstructus sit modis, cum tamen per aliquot annos ejusdem fuerit inquilinus. Ad hæc neque legimus unquam *Scapulam* vel alios quoscunque ejus amicos Apologiam, aut simile quid vindictiarum conscripsisse, quibus accusationibus Stephani respondissent, famamque innocentis defendissent. Unde altum potius apud omnes silentium tacitam quasi approbationem aut conscientiae vulnus prodere videtur. Jure igitur optimo *Scapula* noster in numerum Plagiatorum, non minus quam infidelium Correctorum referri meretur. Cujus Lexicon Græco Latinum aliquoties lucem vidit post editionem primam An. 1570. & alteram An. 1579. variisque in locis sunt repetitæ. Ultima quod
sciam

sciam est Elzeviriana Amstelodamensis; nitidissima vero omnium Lugd. Batava 1650. fol. Basileenses, *Zuvingeri* ut plurimum cura editæ sunt tabulisque de Dialectis Græcorum variis auctæ, itemque communissimæ sunt, & magis parabiliore. Sunt qui studiosis Græcæ linguæ utiliore Scapulæ laborem istum censent, quam Thesaurum Stephani, sed videntur illi ad tirones magis respicere & pretium, quo ille venditur, hodie potissimum maximum: Multo enim pleniora, & provectioribus magis proficua esse volumina illa majora Stephanianæ industriæ quis neget. Conferatur Mettairius p. 364. & Almeloveenius p. 74. Stephanus ipse in sua de Lipsii Latinitate palæstra, ubi per Dialogum inter Kænophilum & Coronellum admodum Scapula vapulat, id quod pari vehementia fit in Paralipomenis Grammaticarum Institutionum Græcæ linguæ 4. 1587. exc. His addatur Paulus Pater in dissert. de arte Typogr. quæ Lips. 4. prodiit. p. 77.

Johan-

Johannes Schmidius

Theologus *Argentiner. sis*, ob Eruditionem insignem facundiamque sacram, & moderationem animi longe celeberrimus, quem in hanc vitalem lucem editum esse *Budissæ* Lusatorum An. 1594. d. 20. Junii, Patre vero genitum *Johanne*, Pannifice Biographi tradunt. Sub *Bicci* disciplina aliquo usque in rudimentis studiorum proveectus *Hallam* Saxonum pervenit juvenis. Peste vero ibidem grassante, & omnia dissipante, in pago *Zerviker* proxime adjacente nobilis cujusdam matronæ liberos privatim docuit. Hinc *Spiram* postmodum profectus, de novo juventuti domi informandæ operam dedit. Sed neque hoc modo sibi consultum esse credens, *Argentynam* tandem pedem promovit. Rebus autem illic valde attenuatis An. 1613. prope sesquiennium integrum in officina quadam Typogr. quæ, qualis fuerit, cognovimus nondum, *Theodosii* tamen *Rühelii* fuisse existimavimus, preli curam gessit, & cr.

& errores restituit, emendavitque sedulo ; noctes vero studiis Theologiæ incumbendo totas sæpe consumsit. Unde quam dura emergendi occasio, & quæ subeundæ molestiæ ei fuerint, priusquam ad honorum culmen adscenderet, elucet. Neque hoc gradu altius enitendi felicitas contigit viro præstantissimo ; nam posthac iterum Consularis viri, urbis præclaræ filios erudiendos domestico labore in disciplinam accepit. Tandem favore hujus Senatoris adjunctus Magister liberalium artium creatus An. 1617. cum discipulo postremo exteras invisit terras, Germaniamque, Galliam, Angliam & Belgium perlustravit, eoque itinere peracto, variis defunctus est officiis minoris conditionis & ordinis. Denique cum quibusdam juvenibus Tubingam, *Jenam* & *Wittebergam* peregrinatus, vix in loco postremo confederat, cum ad Theologiam publice docendam An. 1623. Argentoratum accersitus est. Atque sic tandem obsequens nutui huic divino per gradus ad summos in sacris muneribus

bus paullatim conscendit honores , & uxore ducta tres liberos genuit , multaque subinde officia delata , qua erat modestia , respuit. Donec Conventus Eccles. & Capituli Thomani Præses electus , & pene obrutus occupationum multitudine , accedentibus calculi laboribus , diarrhœa & singultu viribus attritis d. 27 Augusti ætatis 65. annorum An. 1658. Spiritum Deo redderet , omniumque desiderium domi æque ac foris relinqueret. Scripta , quæ supersunt , plurima numerantur , quæ passim annotata reperiuntur , & Germanica sunt atque Latina ; Ex quibus potiora Concionibus habitis , Festivalibus , Pœnitentialibus & Casualibus , ut vocant , itemque Psalmi aliqui constant , prostantque magno numero. Inter Latina vero eminent : De Augustana Confessione : De Christi adscensione in cœlum , & ad dextram Patris sessione : De attributis divinis : Disputationes variæ , quas , ut reliqua omnia , non opus erit recensere , cum ex Wittii Memoriis , ubi in Decade IX. ultimum occupavit locum , satis constent.

Nobis

Nobis nunc sufficit in Correctores eruditos qualemcunque ei locum quoque in nostro indice fecisse. Quo celebrior vero noster fuit Schmidius, eo famosior est is, qui sequitur, nempe

Michael Servetus

Hispanus gente, patria *Arago*, & de reliquo in omnibus *Europa* Ecclesiis satis decantatus Hæresiarcha. Vocatur quidem ab *Arnoldo* omnium Hæreticorum Causidico, *Tarraconensis Catalaunus*: id quod sine dubio ex Bibliotheca Sandii ita edoctus asseruit, qui itidem, uti & celeberrimus Lipsiensium Theol. *Bærnerus* in continuatione Bibliothecæ sacræ Longianæ, Catalaunum appellavit; Verum bene Collectores Relationum Nov-antiquarum observarunt *Aragonem* fuisse. Nam quamquam varia scriptis suis subjecerit nomina, ut plurimum tamen se vocasse *Rennem ab Aragonia* constat. Quæ etiam re cum illis consentit *Casp. Calvoerius* in notissimo de variis orbis religionibus utilissimoque opere, cujus verba

verba exprimere brevitatis studio nolumus. Studio a puerilibus annis Medico fuisse deditum, passim narratur, & mox *Reves*, mox *Rennes*, mox *de Rennes* in scriptis vocari maluisse, jam satis constat; utut non raro etiam sub *Villanovani* nomine occurrat. Blasphema dogmata ad orcum diu damnata contra S. Trinitatis Mysterium iterum in lucem protulisse ex historia mediæ ævi Sec. XVI. itidem exploratum est. Quo vero ætatis anno, & cujus ductu, suone ipsius Marte ad ista delapsus fuerit portentum, compertum nondum habemus. Illud constat fundamentis studiorum in *Aragonia* quodam cœnobio positum, in Galliam, libertati suæ sentiendi quicquid voluerit magis securum, Inquisitorum sævitiam timentem, abiisse, & postquam *Parisiis* aliquandiu vixerat, in *Africam*, Linguae Arabicæ addiscendæ & Alcorani evolvendi studio, transfretasse. Atque hic adeo, ut multi, qui pura adhuc in Galliam venisse mente sibi persuadent, nec sine verisimilitudine credunt, siue hausit venena, siue jam præ-

cepta auxit. Eo sane ex hoc tempore in transversum abreptus est, ut rectius de Turcis eorumque salute, quam Christianorum sentire cœperit, id quod mirum bene multis in hoc homine videbatur, quippe qui iudicio, ut Hispani solent, polleret acri, sed rationi corruptæ, quod maxime dolendum, & sui ingenii argumentationibus ambitiosis indulgeret. Reversus demum in *Galiam* semina errorum pessima illic dispersit. Ubi & sententia ejus de S. S. Trinitate An. 1523. primum innotuit. Equidem *Th. Beza*, præcipuus Zwingliani dogmatis propagator, post triginta annorum blasphemias illum periisse ait, id quod denuo in Vita Calvinii repetit, dicendo: *Eum totos triginta annos tum voce, tum scripto; cælum ac terram infecisse.* Sed dissentit aperte ab eo Calvinus, inquiens in Epistola ad Sulcerum An. 1553. scripta, *viginti annis ante obitum dogmata eum blasphema sparsisse.* Utrumque tandem conciliat *Sandius*, Calvinum loqui de initio divulgatorum errorum, ope scriptorum typis editorum;

rum; anno enim 1531. tr. de Trinitatis erroribus, prodiisse affirmans. Quibus litibus intercedere nostrum non est; Alii de istis dispiciant. Nobis ad scopum nostrum accedendum propius: Vixit nempe plerumque *Lugduni*, postquam antea in Italia & *Venetiis* potissimum latebras frustra quæsiverat. Varias illic circumspiciens occasiones, quibus virus animo conceptum, ad alios propagare sine suspitione & periculo posset, commodam tandem nactus est. Excudebantur *Lugduni* impensis *Hugonis a Porta* ap. *Casp. Trechselium*, Biblia sacra ex Santis Pagnini translatione. Hæc editio, ut in aliis libris factum erat jam per aliquot annos, corrigenda, ut *Trechseius* consueverat, *Serveto* exhibetur. Quo facto non intermisit ille noster, cum sine metu salutis, & alio nomine fieri posset, varias adjicere glossas impias satis, & anguem sub herba latentem indicantes. Atque ita fraudulentum sub nomine *Michaelis Villanovani* egit Correctorem, & falsarium Impostorem. Lectu digna sunt

verba *Calvini*, quæ dicta a me corroborare possunt. *Lugduni*, ait ille in defensione orthodoxæ fidei adv. *Servetum*, cum sacris literis corrigendis opera ejus (*Serveti*) conductâ foret, postquam *Typographos quingentis libris Francicis emunxit*, ne furatum esse quis diceret, quod mercedis nomine sumserat, singulas paginas partim futilibus nugis, partim impiis deliriis inquinavit. Vide reliqua, & adde l. c. p. m. 59. His factis, a *Lugduno* iterum abiit, & quanquam in latebris saltem hærebat, ad causam tamen dicendam aliquando productus, *Viennam* Delphinatus evocatus est, ibidemque acerrimum se *Lutheranorum* hostem professus, salvus iterum evasit; *Italiam* vero repetiturus, *Genevam* transiit, universum *Vetus Testamentum* commentariis illustraturus. Malis autem auspiciis, inquitente *Calvino*, isthuc appulsus. Nam autore illo, unus ex *Syndicis* dictæ urbis in carcerem ex hospitio *Servetum* duci jussit. Hic per aliquot hebdomadas detentus, tandem nec resipiscens, neque gratiam etiam cujusquam ambiens,

biens, ad rogam damnatus, & vivus, jam senectute gravis, ipsoque Calvino major natu, An. 1553. d. 27. Octobris combustus est. De quo supplicio Sandius citat verba Hyperphrogeni Gandarū ex Manuscripto desumpta sequentia: *Atque ita Servetus eductus & abreptus est, atque lento igne ustulatus, totus concrematur. In quo igne cum horas tantum non duas aut tres circumcurstans, atque vehementiore vento suborto, eoque flamma depulsa, emori non posset, postremo deficientibus lignis, ejulare & exclamare cœpit: Heu me miserum, qui vitam hoc rogo finire nequeo! Anne ducenti coronatū aurei mihi capto abrepti, & non exusti, lege reclamante, torquisque aureus de collo dependens sufficiebant, quibus affatim lignorum cœmi, & huc congeri potuissent, mihi miserando consumendo! Aderat hic Guilh. Farellus Ecclesiæ Genev. Senior Minister, qui non cessabat Serveto in extremis acclamare: Crede in æternum DEI filium JESVM CHRISTVM: Cui constanter Servetus: Ego credo CHRISTVM esse verum DEI filium, sed non æternum. Atque*

sic tandem exustulatus expirans, peremptus est, postquam in manus DEI Patris commendaverat Spiritum. Equidem propterea exprobrare Calvinianis crudelem immanitatem non verentur Sociniani, Pontificii, imo non raro etiam Lutherani, quorum invectivas orationes in unum collegit Clar. Gothofr. Arnoldus in Historia Hæreticorum, quem loco mox citando evolve, lege, & judica. Sed habent ex adverso, quæ pro justitia factorum a suis & Senatu inprimis Genev. reponant, qui stant a Calvinii partibus, & præter Th. Bezam, ipse etiam Calvinus Apologiam pro se suisque consiliis scripsit in defensione orthodoxæ Fidei de Sacra Trinitate contra prodigiosos errores Servetii Hispani, ubi ostenditur Hæreticos jure gladii coercendos esse. Paris. An. 1554. typis Roberti Stephani 8. excusam, in qua de corrigendi officio relata supra citavimus, aliisque libri totius diligentem considerationem commendamus. Id certo Zwingliani uno ore omnes contendunt, in carcere petulantem admodum

augm. D. Boernerii Lips. 1709. 8. P. I. p. 687. it. Casp. Calvoerius tr. de variis orbis religionibus 4. Lips. 1705. L. XVI. cap. III. p. 444. Schlüsselburgii Catal. Hæreticorum ed. 8. Francofurtanæ L. XI, p. 2. Nos nihil, his nisi Epitaphium, quod aliud agentibus enatum est, addemus:

*Me miserum nuper combussit lucida
flamma,*

Accensoque rogo turpiter interii.

*Vox erat infragilis, sic pectus firmitus
are,*

Impia defendi, fasve piūve mihi.

*Servetus num Servatus? non quare viator,
An Servatorem qui negat astra petat?*

Johannes Sextus

NOrimbergensibus magis, quam
exteris cognitus, *Elnboga Bohemus*.
Cum Parentibus ob sacra, quæ colebat,
Pontificiis exosa, e patria excedere jussus,
exul migravit ad exteros: ita tamen
constanter in studiorum cursu progres-
sus, ut nullis ærumnis se abduci inde
passus fuerit. Vagus itaque & extorris

quasi *Cygneus*, inde *Wonsidelium* atque tandem *Noribergam* delatus est. Abhinc, Scholastico excusso pulvere, *Moguntiam*, *Frankofurtum* atque porro *Argentoratum* studiorum gratia migravit, omnique sedulitate iisdem incubuit. Sed A. R. S. 1636. *Ulma* salutata, *Noribergam* repetiit, atque illic, post alios excursus peractos breviores, quos *Egram* & *Wonsidelium* suscepit, firmastandem sedes fixit. Atque ex eo tempore, ut vitæ necessariorum comparandorum rationem haberet, & tamen in literis melioribus simul proficeret, Typographeo *Endteriano* præfectus, libros in eo impressos per aliquot annos correxit, multumque in hisce negotiis se profecisse, sæpius professus est. Quo factum, ut permulti etiam viri eruditione clari, & in orbe literato celebres, amicitiam ejus ambire non sint dedignati, in quibus *Joh. Georg. Styrzelius*, *Augustanus* & *Reipubl. Rotenburgensis* ad *Tubar. Consularis*, aliique plures gratissimum & constans literarum commercium cum eo inierunt. Eundem in nostrum favo-

favorem *Mauritii Hoffmanni*, celeberrimi Altdorfini Medici, itemque *Joh. Gabr. Wurfbainii*, & *Georgii Richter* aliunde colligimus, a quibus & in Philotheca Doctissimi Endterianæ Typogr. Directoris & Ecclesiæ Candidati, titulum & elogium retulit. Ita sibi & laboribus memoratis diu admodum vixit; donec tandem in *Hersbruccensi* Noricorum municipalis urbe Scholæ supremus constitutus est An. 1654, Gubernator. Quo munere non constanter perfunctus est, sed inde denuo Norimbergam rediens, Scholasticis negotiis abdicatis, priores denuo suscepit curas, atque ad ultima vitæ fata Endterorum Corrector permansit. Librorum præterea jam compactorum mercatu, sed non nisi inter amicos instituto, magnum suppellectilis librariæ collegit apparatus, qui postea in *B. Arnoldi Burgeri*, Primicerii Noribergensis eruditissimi, cum filia Sexti, in matrimonium accepta, venire potestatem. Unde, postquam nuper ille diem suum obiit, mirum, quantus optimorum codicum numerus

merus in omni disciplinarum genere divenditus & distractus est. De reliquo, Poëtam fuisse *Sextum* nostrum excellentem, nostratium neminem fugit. Carmina vero ipsa, hinc inde in manibus Eruditorum dispersa, quodammodo in agro Norico circumvolitant, quæ ut conjunctim aliquando luci publicæ exponantur, quisquis intelliget, quid distant ara lupinis, exoptaverit. Speciminis loco unicum ab eo structum, & in Philothecæ ipsius frontispicio amicorum benevolentiam ambiens, placet hic repetere:

*Quaritis, insignes Virtute atque arte
Patroni,*

*Et lecti juvenes quid liber iste velit?
Non deposcit opes, non ditis munera Cræsi,
Hoc tantum votis flagitat ille suis:*

*Ut, vestro videor si dignus amore, fa-
vore,*

*Vestra album signet littera picta manu.
Extet ut indicium, pignusque favoris,
amoris,*

Pectora & ut pateant candidiora nive.

Et

*Et quoties liber hic nostris occurrit ocellis,
Sint toties Vestri cum Pietate memor.*

*Sic etiam absentes inter firmumque ra-
tumque*

Tempore perpetuo fœdus amoris erit.

Johannes Guicaus Stratander

Artis Medicæ, cujus natales non in-
notuere nobis, indefessus cultor,
qui posteaquam per varias Europæ Pro-
vincias iter peractum finierat, idque
sumtibus & impensis potissimum *La-
urentii a Ravenstein*, tandem *Basilea* An.
1560. substitit; Collecturo ibidem pere-
grinationum & studiorum fructus non
defuere occasiones, quibus notitiam,
qua pollebat in Græca & Latina literatu-
ra, exactam demonstraret, tantaque, dum
viveret illic, fuit ejus existimatio, ut
omnium consensu dictarum linguarum
peritissimus ab universis propemodum
censeretur. Ita tunc temporis coleban-
tur studia etiam Medica, longe diverso
a nostris moribus statu, ubi vel vigesi-
mus ex studii Medici cultoribus Græ-
cas callet litteras; ita etiam omnibus
hono-

honorum titulis ornabantur , cum hodie , id quod interdum vix mirum mihi videtur , non semper adeo magni habeantur. Sed ad nostrum Stratandrum revertor , is omnium maxime ab *Hieron. Frobenio* diligebatur , a quo etiam , ut emendationi Sphalmatum Typographicorum in officina sua incumberet , rogatus haud illubenter petitis viri locum dedit , omni industria & studio pro Eruditione , qua præcelluit , huic muneri & Frobenii expectationi satisfecit. Hinc a *Guilhelmo Crataolo* in Indice *Galen*i operibus apud Froben. fol. adjecto , vocatur *Frobenianus Corrector*, *Juvenis eruditissimus & Medicina Studiosus*: id quod nec ipse , ut alii solent , dissimulavit , aut prorsus negavit in Dioptra , sive Elencho *Galen*i librorum spuriorum , aut impropriorum eidem editioni adjecto. Hanc etiam Dioptram , sive copiosissimum Indicem , breviter & accurate singula in *Galeno* occurrentia complectentem , laudato *Laurentio a Ravenstein* inscripsit , & eo ipso gratum animum , cum aliter non posset , publi-

publica beneficiorum ab eo acceptorum professione abunde demonstratum dedit. De reliquo, an Basileæ sub-
stiterit, hisque laboribus immortalus sit, pro certo affirmare nequeo. Plura enim comperire de hoc viro, quamvis omni adhibita opera, non potui. Confe-
ratur laudata editio Galeni apud Frobenium & Nicol. Episcopium excusa
1562. fol. Unde, quo tempore in isto corrigendi labore occupatus fuerit, in-
telligi potest. Hoc misso, jubente ordi-
ne, succedat

Jacobus Ludovicus Strebaus,

Gente Gallus, & patria *Rhemensis*, na-
tus A. O. R. 1481. Claruit sub
initium Sec. XVI. familia prognatus
non splendida quidem & nobili, ho-
nesta tamen. Quam etiam ob rem a
parentibus, qui pauperrimi erant, &
opificio quodam vitæ alimenta quære-
bant, subsidiorum perparum expectare
poterat, unde se sustentaret, & in studio-
rum cursu felices facere progressus pos-
set. Proinde paucissimis contentus,
cum

cum bonitatem ingenii sui nosset, fortunæ quasi obviam procedens, sedulo in stadio, quod ingressus erat, perstitit. Ingenuum scil. credebat animum metu periculorum non territari, virtutemque non humilia, inertia & tuta sectari, verum per alta ire, atque ita procedere, sic existimante Seneca de Providentia :

Utque viam teneas, nulloque errore tra-
haris,

Per tamen adversi gradiaris cornua Tauri
Amoniosque arcus, violentaque ora
Leonis.

Solet alias in hujusmodi fortunæ casibus ultima via pronior esse, initio saltem existente gravi, id quod permultis testimoniis exemplisque comprobari posset, si opus esset. Verum in eodem nostro *Strebae* conjurasse quodammodo omnes ærumnarum ventos crediderim, ita ad extremos usque vitæ dies calamitatibus fuit expositus. Quod ad litteras quidem attinet, lætus & fortis easdem tractavit, nec infelici in iis decremento est gavisus, ea præcipue methodo, qua in disciplinis elegantioribus,

ut non secluso artium aliquarum tene-
retur fonte ; sed unde universum flu-
men gustare poterat. Unde & diser-
tissimus , & ad ornate dicendum para-
tissimus redditus est. Primus certe *Lu-*
tetiis puriorem loquendi & scribendi
modum induxit ; & a barbarie maxima,
ibidem dominium obtinente , Scholas
expurgavit. Dolendum autem est haud
immerito , quod munus publicum, do-
ctrina sua dignum , consequi fortunæ &
Monachorum malignitate & invidia
non potuit , & in summa egestatē
vita pertrahenda fuit. Atque hæc
ratio denique fuit , cur omni quasi
aere congesto , ut se suosque honeste nu-
triret in Typographiis Parisinis ; apud
Stephanos præcipue & alios , pro soluto
pretio , tanquam stabulum Augiæ pur-
gaturus , Eruditorum libros maluerit
corrigere a vitiis , quam otari , vel otiosa
cum egestate conflictari. Omnium ve-
ro maxime isthac opera debilem susten-
tavit senectutem ; cum , ætate etiam pro-
vectior , eo non amplius apud Audito-
res uteretur favore , quem in flore ætatis

consecutus erat. Unde his etiam negotiis diffusus, atque hac quoque via sibi & miseriæ nondum satisfactum putans, tristitia animum, cui nimis indulgere solebat, subeunte, in morbum periculosum incidit, ex quo etiam, non sine bonarum artium detrimento, fato suo tandem placide functus est. Scripta ejus LL. V. de Oratoria verborum collocacione Basil. An. 1539. elegantissime conscripti: & Commentarius in Ciceronis LL. de arte Rhetorica, & perfecto Oratore T. II. Bas. 1541. clarent. Transtulit etiam in Latium scripta aliquot Aristotelis, Ethicam nempe, Politicam & Oeconomicam, idque summa fide & stilo concinno atque valde perspicuo. Cetera, ut & ipse annus emortualis, latent, aliorumque studiis evolvenda commendantur. Nobis in ejus fatibus pernoscendis profuit imprimis, qui videri potest, Tolloius de infelicitate Literatorum ed. Lipsiensis, cum qua Pierius Valerianus simul excusus est, 12. p. 478. Adde Scævola Sammarthani Elogia Jen. 1696. 8. recusa p. 31.

Henricus Stephanus

Roberti filius, & Henrici Nepos, natus An. 1528. Vir præclarus, qui cum a puerilibus annis non nisi inter Eruditos versatus esset, non potuit non omni instructus doctrina adolescere. Præter Petrum Danesium insuper Jac. Dusanum & Adrianum Turnebum studiorum suorum moderatores habuit, a quibus mirum in modum in omni literatura expolitus est. Accedebat, quod in familia non nisi Latina & Græca audiret videretque. Unde constanti exercitio gavissus, ad fastigium omnis eruditionis adscendit. Notabilia & maxime huc facientia verba sunt, quibus ad filium Paulum differit, in Epistola Commentario in Agellium Paris. An. 1588. exc. præmissa, eumque edocet, unde Soror ejus Catharina noticiam linguæ Latinæ acceperit: *Fuit, inquit, tempus, cum Avus tuus Robertus decemviratum* quendam literarium domi haberet, eumque ut πάνγλωσσον, *ita etiam ex omnibus nationibus conflatum, ut omnium erat linguarum.*

Decem hi partim literati, partim literatissimi viri, quorum quidam correctorio munere fungebantur (iique praesertim, qui Epigrammata postrema ejus editioni Thesauri praefixerunt) cum sicut ex diversis oriundi erant gentibus, sic etiam diversum sermonem vernaculum haberent, lingua Latina, tanquam communi interprete, inter se utebantur. Ac cum ex his decem modo hos modo illos famuli pariter & famula, de rebus, quas ipsi ipsaeque vel noverant, vel saltem conjectare poterant, colloquentes; quin etiam in mensa quotidie cum de his, cum de aliis, ut argumenta se suggerere solebant, sermonem habentes, audirent, ita suas paullatim aures verbis illis assuefaciebant, ut non solum plerique eorum, quae dicebant intelligere, sed quaedam etiam loqui valerent. (vid. Colomesii opera Hamb. 1709. a Cl. Fabricio ed. p. 24.) Si itaq; mulieres & ancillae ex commercio hoc erudito aliquid apparatus erudiri hauserunt, multo sane magis affirmare possumus, filium Henricum, qui in choro tantorum virorum educabatur, eosque non raro corrigendo juvabat,

vabat, & in linguæ ipsius cognitione, & præcipue habilitate sermocinandi mirum in modum profecisse. His fundamentis positis, ad externos abiit, ac præcipue in Italia scrinia Bibliothecarum excussit, eaque, quæ impostero usui fore animo cerneret, diligenter annotavit. In Patriam deinceps reversus, Parenti aliquandiu operam in corrigendo ex instituto præstitit. Deinde vero eo An. 1556. mortuo, ad genitoris exemplum officinæ non minori laude celebrandus præfuit, & primo quidem ab An. 1558. usque ad Annum 1568. Illustris *Fuggeri* Typographus dici voluit; sed postmodum totum se suis curis & studiis privatis tradidit. Quanquam autem, ut Pater solebat, plagulas in publicis plateis non suspenderit, nec detegentibus errorem certum promiserit pretium, attamen non minori cura ipse cuncta, aut potiora tamen, inspexit, quæ excudit, eoque recognitionis studio & sedulitate effecit, ut, sicuti *Roberto* Patri, ita & huic correctissimos hodieque debeamus codices, typis exscriptos. Imo quod non

raro filio vitio vertitur, tanta industria Doctorum scripta virorum scrutatus est, ut elementorum, si qui occurrerent, novos non solum, verum ipsa etiam verba Autorum temere castigavit, sensumque invitis sæpe illis, immutavit. Unde P. D. Huetius Civis ejus L. II. de Interpretatione p. m. 48. admodum quidem Henrici operam & assiduitatem in Institutis prædicat: *Pauca quidem, inquit, sed omnibus absoluta numeris in eo studio elucubravit Henr. Stephanus, quem plane Interpretem audeas dicere: Summa in exponendis sententiis accuratio, mira in charactere exprimendo felicitas, pari concinnitate conjuncta &c.* Sed longe aliter celeberrimus H. Boeclerus in Epistola quadam, qua in Stephanum in-
 vectus est: *Prorsus tamen, scribit, egregiū factum est, quod elegantissimus scriptor Herodianus elegantissima interpretatione a Politiano in Latinum versus est, nec minus præclare cessit, quod Henr. Stephanus multa industria, typisque mundissimis utriusque curas publicavit; at quod idem ille Vir doctissimus Politiani versionem,*
 cui

*qui similem hactenus in nullo scriptore habemus, tot castigationibus non necessariis in ordinem redigere conatus est, id ego nec ex Græci Scriptoris nec ex Latini Interpretis merito arbitror accidisse. Effecit eundem tam Critica manus, ut dicendum mihi non sit, quod, nisi instituti ratio efflagitaret, nollem dictum: Henricum Stephanum tum alibi, tum hic præsertim prodidisse, se minus Latine quam Græce eruditum. Ut taceam, quod de Politiani proposito ne ullam quidem videtur cogitationem suscepisse. Durius adhuc iudicium est acutissimi Scaligeri, ut in Scaligerianis legere poteris, qui, *Lexicon Erotiani*, inquit, extat Geneva apud Henr. Stephanum, apud quem Autores mire invenias depravatos, quippe qui φιλαυτία laborans, temere, quicquid displicet, immutat & corrumpit. His & alia Scaligeri verba a Cl. Crenio excerpta, & hinc, quod grati fatemur, sumta adjiciemus: Dalechampius, porro dicit, *Vir alioqui bene doctus Plinium emendandum atque excudendum suscepit, sed, qua est audacia, omnia inver-**

si hoc illudue vocabulum non arridet, statim immutat, atque sæpius in deterius: Et si id tam religiose observassent importuni isti Correctores, cujusmodi etiam habemus *Henr. Stephanum, qui omnes, quotquot edidit editve libros, etiā meos, suo arbitrio jam corrumpit, & corrumpet, & alios multos, non haberemus hodie auctores veteres adeo depravatos: nam hac se ingerente licentia, intempestive & inconsulto corrigendi, quod displicet, totidem varietates locorum prodeunt & prodierunt, quot editiones; & nullos magis corruptos reperias, quam qui sæpius excusi, & a pluribus perlecti sunt. Plures hujusmodi querelas suppeditat* *Clar. Crenius in Animadv. Philoll. P. III. p. 56. ubi Boecleri non solum & Scaligeri citata verba, verum etiam Andr. Schotti & Christ. Ad. Rupertii* *invektiva in Henricum nostrum* *inveniuntur. Denique Rupertum Prof. Altdorfinum Impostorem eum duriuscule vocare non erubuisse, ibidem notatum est, & quæ sunt alia hujusmodi. Sed absolvenda sunt fata Henrici, quæ oppido tristitia tandem fuerunt. Nam postquam diu Lutetiis & in* *orbe*

orbe erudito, velut in luce quadam, vixerat, scripta tandem Anno 1566. Gallico & Latino idiomate *Apologia* illa pro *Herodoto* omnium Papicolarum, præcipue vero Cucullatorum odio in se concitato, insidias eorum evitaturus, fuga salutem bonorum & vitæ, patris exemplo, quærere necesse habuit. Quæ tamen re prohibere non potuit, quo minus in effigiem boni viri sæviretur, quam publice carnificis ministerio cum execrationibus multis flammis hostes combussisse constat. Ut cum id peractum esset supplicium imaginarium, per jocum postmodum dicere soleret: Nunquam se frigoris vim magis sensisse, quam cum Lutetiis medias conjectus fuerit in flammæ. Autorem hujus Historiæ Dn. *Caille* doctissimum Gallum habemus, cujus cornu etiam *Tollius* inflasse videtur. A vero tamen aberrasse utrumque *Mettairius* autumat, qui & causam, quare Lutetiis discesserit, longe aliam fuisse adstruit, eam nempe tot tantosq; Thesauro Græcæ linguæ impendisse sumtus, & in grave æs alienum

prolapsum, atque adeo, cum solvendo non esset, pauperrimum Gallia exiisse tueretur; a quo etsi non dissentiat *Janfonius* in Vitis Stephanorum, in medio tamen rem, usque dum aliorum autoritate lis dirimatur, relinquit. Certum est, vagabundum hinc inde per *Helvetiam Germaniamque* ex eo tempore oberrasse: Mox enim *Genevæ* sedem fixit, artemque ibidem Typographicam exercuit; mox *Heidelbergam* venit, ibidemque communi beneficio victus cum studiosis usus: qua occasione voracitas ejus & mores perquam rustici observati fuere. Lugduni tandem, opibus omnibus destitutus, Anno ætatis septuagesimo & R. O. S. 1598, in Nosocomio vitam finiit, unde jure meritoque a Corn. Tollo in numerum infelicium litteratorum fuit relatus. Cujus vid. nova Lips. ed. 12. p. 481. Addatur Janfonius ab Almeloveen in Vitis Steph. p. 41. scripta ejus potiora sunt:

Lexicon Ciceronianum Gr. Lat. 8. & 4. 1557. Commentarius in Sophoclem & Euripidem, de quibus ipse eleganter sic disserit: *Æschy-*

Æschylon edideram, Sophocles invidit :

At idem

Cur ab eo posthac invideatur, habet.

Græcorum Comicorum sententiæ. Præter hæc Psalmi Davidis aliquot metro Anacreontico & Sapphico in pretio habentur. Edidit etiam Homerum, Hesiodum & alios scriptores Græcos multos. Pindari Olympia, Pythia, Nemea, Isthmia & ceterorum Lyricorū carmina cum versione sua excusa sunt, cum adhuc Illustris Viri Hulderici Fuggeri Typographus esset 1560. forma in 12. oblonga. Huc vero inprimis pertinet Artis Typographicæ querimonia, carmine Elegiaco ab eo scripta, quam Almeloveenius & Mettairius uterque suis narrationibus adjecere. Epitaphia it. quorundam Typographorum: De Lipsii Latinitate, it. de Plauti falso suspecta An. 1572. breviores sunt opellæ. Ultimum The-saurus Græcæ linguæ fol. Genev. 1594. locum habet, quem primum mereri dignitate & labore, nemo est, qui diffiteatur. De quo vero & reliquis omnibus consuli poterit libellus sive Epistola
quam

quam Henricus imprimi curavit, de suæ Typogr. statu, & præcipue Thesauri sui Græci, cui Epistolæ ad calcem Index librorum, qui ex officina ejusdem prodire, adjectus conspicitur An. 1569. 8. Conferatur sæpius memoratus Mettairius, qui exacte desideriis Tuis satis faciet. Sed ad postremum in elemento hocce Correctorem convertendum est, erit ille

Fridericus Sylburgius,

Qui natus est fertili, & doctis viris & proventu terræ loco, *Wetteræ Hasforum*, quod infra *Marpurgo* situm est oppidum, ut & ipse constanter *Veteranum* aut *Wetteranum* se dicere consueverat, parentibus infimæ conditionis & agriculturam exercentibus. Ab his, ut perhibent passim omnes Scriptores, non prohibitum, ut vulgo fit, retractumque a studiis literarum, sed adeo potius instigatum, atque in schola patria primis rudimentis imbutum, donec ad altiora emergere inciperet. Quo facto progressu, sub ductu *Justi Vultei* & *Johannis*

Johannis Pincierii Marpurgensium Docto-
rum, feliciter etiam, quæ optabat, est
consecutus. Posthac iter ad externos su-
scepit, eoque facto cum peregrinan-
do omnem fere suam adolescentiam
confecisset, ab Illustrissimis *Solmensibus*
Comitibus, ut ludo recens erecto *Lichensi*
præset, advocatus, accepto munere,
nunquam in se aliquid curarum deside-
rari passus est, sed omni diligentia & in-
defesso conatu spartam suam ornavit:
ibidemque, otio subinde dato, alios jam
cœpit labores erudita opera tractare.
Ex quibus eminuit, ut erat Græcæ lin-
guæ peritissimus, (Hebraica enim pro-
fus ignorasse dicitur.) *Clenardi Gramma-*
tica Græca, quippe quam emendatam ac
ad faciliorem Scholarum usum præpa-
ratam, sub id tempus emisit in publicum.
Verum enim vero *Lichensem* suam Scho-
lam, & *Neuhusianam*, ubi etiam aliquan-
diu docuerat discentium strepitu mole-
stas, tandem plane reliquit. Neque
sane inauspicato, multo enim plura ex
eo tempore & majora orbi literato do-
ctrina sua exasciata pariter & assiduitate
labo-

laborum, quam in pulvere Scholastico obscuro attulit commoda; præsertim postquam eorum se tractandis veteribus Scriptoribus Græcis consecravit. Hos enim Codices ex Manuscriptis Vir in arte Critica exercitatissimus, restitutos, Latine redditos & expolitos, non solum prelis tradidit frequenter, sed & ipse correxerat hos aliosque ingenti copia, atque sic emendatissimos literato orbi exposuit. Et in hoc negotio discrepat ab Henrico Stephano, quod raro suum ingenium in restituendis locis vetustate temporum deperditis fuerit secutus, sed vel alios codices Manuscriptos vel emendatos hac in arte Critica viros antea consuluerit, dignum adeo se præstans, qui encomiis inter Philologos sui ævi præcipuis mactetur. Neque vero in suis tamen elaboravit operibus, sed alios quoque sua opera & industria adjuvit masculæ. Interque eos supra laudato Henrico Stephano in concinnando Thesaurο Græco multum profuit, ut quarta fere pars istius operis ei adscribenda veniret; cui etiam in excudendis *Pausania*,
Justi.

Justini, Clementis, Alex. Dionysii Halicarnassensis operibus sedulam navavit operam, ejusdemque Viri præstantissimi Indices præcipue faciendo accuratissimos, omnium Doctorum sibi conciliavit favorem. Testem habeo hujus rei *Georg. Whitakerum* doctissimum Anglum, qui in præfatione libri a se conscripti de Autoritate S. Scripturæ, An. 1610. editi Tom. II. ita de nostro loquitur: *Qui hodie in veterum monumentis recudendis, atque repurgandis fidelem operam navant, omni laude & gratia dignissimi sunt. Inter quos non possum, quin honoris causa meminerim Viri accuratissimi & diligentissimi Frid. Syllburgii; cui clementem Alex. Theodoretī Θεραπευτικὴν, & Justinum Martyrem debemus. Ab eodem Athanasium indies expectamus, quæ quodam infortunio suo, non potuit situ suo & latebris emergere. Rogandus Pater cælestis, ut hujus viri sanctissima studia afflatu suo provehat, talesque plures literarum & Veritatis vindices, qui Pontificiorum barbariem, & nefariam in pervertendis omnibus fraudem expugnent,*
exci-

excitare dignetur ; sed non solum Henricum strenue iuvit Stephanum, verum etiam maximam vitæ & laborum immenforum partem apud celeberrimos Typographos *Wechelios* & *Commelinum* corrigendo confecit, istis quidem *Hannovia* constanter, huic aliquandiu etiam *Heidelbergæ* inserviens, neque prope modum noctu aut interdium unquam interquiescens, nisi quod, antequam cænaret, vel unicam horam obambulando per prata & agros consumsisse dicitur. Quibus curis perpetuis non obstantibus, felix tamen propter nominis gloriam, tum etiam meritorum magnitudinem dicendus esset, nisi in eorum numerum referendus veniret, qui ob sociam thori, quippequam Diabolo furenti, quam homini, similiorem Sylburgio contigisse narrant, infelices prædicandi sunt. Quo malo, uti ærumnis reliquis, non nisi per mortem liberatus est. Postquam enim ipsius *Friderici II.* Electoris Palatini iussu ad *Commelinum Heidelbergam* commigrasset, editionem omnium Ecclesiæ Patrum ibidem curaturus,

turus, & summo studio emendaturus, evenit, ut pestilentissima lues, quæ tunc omnes Germaniæ Provincias permeabat, Heidelbergam infestaret. Quo pacto immatura & Typographi & Correctoris morte præclarum illud institutum fuit interceptum: quippe jam sexagenario Sylburgio, altero statim pestiferi hujus anni mense d. 16. Febr. An. 1596. Commelino autem inclinante anno sequente d. 17. Novembris An. 1597. correptis morbo contagioso, atque ex hac vita abreptis. Acerbe justis ex causis tulerunt Eruditi utriusque, & præcipue quidem *Sylburgii* fata, ut pote a cuius studio, assiduitate & eruditione multi adhuc sibi multa promiserant. Quanta de reliquo ejus fuerit existimatio, inde patet, quod Academia Marpurgensis annum ei solvebat stipendium, ut diligentiam magis excitaret, & quod publico funere, non clandestino, ut tempore morborum peste validorum fieri assolet, fuerit elatus. Ad Epitaphium autem ejus quod attinet, reperitur illud Heidelbergæ in cœmeterio Petrino,

L I

quod

quod apud Adamum in Vitis Philos. legi potest, qui de peste, ex qua obierit, nihil memorat; sed quando *Anagnostam diligentissimum* vocat, *nimiis vigiliis ac Typographicis laboribus consumptum* testatur, & eidem corrigendi labori, de quo agimus, immortuum esse satis luculenter demonstrat. Scripta, præter laudatas Patrum editiones, extantiora alia sunt: Herodoti Historià castigata: Aristotelis τὰ εὐρισκόμενα, quibus adjecit ob argumenti similitudinem ejusdem generis quædam Theophrasti, Alexandri, Cassii &c. Notæ in Clenardi Grammaticam cum Antesignani notis prodire An. 1583. Francofurti apud Hæred. Wechel. 4. majori, & alibi. Ipsæ vero Clenardi Meditationes luci expositæ sunt An. 1587. ibid. & ap. Claudium Marium & Joh. Aubrium & apud Andr. Wechelium ipsum. Vid. Adami in Vitis Philos. p. m. 416. & Crenius in Animadversionibus Philol. p. 105. seqq. P. V. Quibus adde H. Clarmundum P. I. & Pope Blount in Censuris Celebb. Autorum p. 813. seq. ed. Genev. ubi quanti
ejus

ejus in corrigendo industriam fecerint *Scaliger* atque *Casaubonus*, in primis animadvertendum est.

Petrus Trecius.

Obscurum nomen, cujus natales omnino etiam qua gente natus, & qua patria ortus, nescire me haftenus fateor. Ut autem in recensum nostrum referremus, in causa fuit *M. A. Coccius Sabellicus*, qui in suis Enneadibus eum commemoravit; ex quibus nobilissimus *Mallinkrotius* excerpta quoque nonnulla dedit. Quorum uterque, eum magnificis, inquit, gloriatum de se verbis, quod triginta Voluminum millia a se revêsa & recognita ex prelis exiissent. Quem numerum librorum quoties perpendo, fieri non potest, quod vel *Sabellicus* Historicus, vel *Trecius* Thraso a veritatis tramite aberrasse non injuria videatur, nisi plus, quam olim *Origenes* dici consuevit, χαλκέντερος ille fuerit. *Sabellicus*, scriptoris non contemnendi, & qui primus, uti Dn. Struvius in Bibliotheca Historica inquit, inter scriptores Historiæ

universalis nugari desit, editis operibus de Historia Mundi ad annum usque 1502. Lugd. 1574. & Basil. 1560. excusis, ut fidem dubiam reddam, vix possum adduci. Plus ergo crediderim, Trecium sibi indulgisse, quando triginta millia voluminum a se correcta fuisse grande aliquid sonans dixerat. Quid multis, temporis ratio, quo vixit *Trecius* iste, Seculum erat XV. quo minus id credamus, postulat, utpote quo ævo tanta copia neutiquam adhuc excudebantur libri in universa Italia, multo minus in una alteraque officina, in qua forte Correctoris officium is subire solebat. Quanquam ergo neque Typographicum, neque etiam alia hominis hujus fata cognita erant, placuit tamen eum adducere, ut sicuti militis gloriosi apud Plautum, temeritas in ore omnium est, jactabundi etiam Correctoris inter nostros exemplum compareret. Quare eum missum facientes lectorem ad *Mallinkrotium* remittimus, ejusque de ortu & progressu Typogr. Comment. ed. Col. 4. p. 97. atque ad alios progredimur. Quos inter eadem litera occurrit proximo

Hermannus Tulichius

Vir omni doctrina elegantiori, & humaniorum artium doctrina instructissimus: Natus *Steinhemii*, quod oppidum est *Westphaliae* ad Episcopatum *Paderbornensem* pertinens, ubi Anno reparatae hominum a Christo salutis 1486. lucem hanc adspexit. Studiis ætati convenientibus in Scholis eruditus ad annum usque 1515. in ludis *Monasteriensi* & *Quedlinburgensi* potissimum profecit, qui famæ celebritate satis tum conspicui erant. Hinc vero studiorum continuandorum gratia *Lipsiam* petiit, ibidemque ea tractavit, quibus in recensum hunc referri meruit. Dignior autem visus magis, quam alii, qui cum laude commemoretur, quandoquidem in tam arduo labore eo successu defudavit, ut maximum vitæ discrimen adierit, e quo vix salvus evasit. Audiamus hac de re *Luca Bacmeisteri* Theol. haud obscuri *Rostoch.* verba, quibus in oratione de *Luca Lossio* ejusque in orbe meritis habita, inter alia de *Tulichio* seqq. memoriæ prodidit: *Biennio post An. 1515. in*

Academiam Lips. inquit, profectus est, ubi
ἱκανοῦς ὢν τῆς, sive Corrector, ut usitate di-
cimus, fuit in officina Melchioris Lotheri
Typographi. Hic Melchior cum libros
quosdam Lutheri in initio renascentis
Evangelii recudisset Lipsia, Dux Saxonia
Georgius, Patruus Mauricii & Augusti
Electorum, Zelo Veteris Religionis Ponti-
ficia, & odio Lutheri, quod, dum vixeret,
nunquam deposuit, Typographum & mini-
stros ejus in carcerem conjecit, & capitis
supplicio affecit, prater unum Georgium
Stangen, quem Lüneburgi postea Bibliopo-
lam factum, virum facetum & officiosum,
multi superioribus annis, etiam Vitenber-
ga, quo crebro librorum coëmendorum causa
commeabat, noverunt. Is vero mirabili-
ter a supplicio liberatus est. Quasitus
etiam tunc fuit Tulichius librorum istorum
Corrector, ut cum ceteris in carcerem tra-
heretur. Sed occultantibus eum viris
doctis & precipuis in Academia Lipsiensi
evasit, & venit Vitenbergam paulo post
disputationem habitam inter Lutherum &
Eccium Lipsia Anno 1519. in Julio &c.
In florentissima igitur ad Albim Musarum

rum sede studiorum Medicæ artis captus amore, ac totus ei deditus, vixit postea, ita tamen, ut subinde prioribus vacaret laboribus, & quæ apud *Georg. Rhauium* aliosque imprimiebantur, emacularet pristina adhibita industria. Quæ dum agebat, studiis simul incumbens suis, summos in Scientiis Philosophicis honores consecutus, ea felici rerum suarum usus est vicissitudine, ut publice Poëseos & Eloquentiæ fontes aperiendi sparta illi demandata fuerit. Id quod etiam publicum officium summo cum discipulorum applausu administrasse, ac semel etiam summi Magistratus Academici fasces & sceptrum prudenter gessisse An. 1525. Wittenbergenfes Annales Acad. docent. Quo favore uti omnium Doctorum, ita maxime *Lutheri* & *Melanchthonis* usus sit, inde elucet, quod prior solo ductus viri Præclarissimi amore libellum de captivitate Babylo- nica eidem inscripsit. Antequam vero ad ejus abitum ex Academia Viten- bergensi nos conferamus, de eodem verba Clarissimi *Jac. Burchardi Hilpers- husani*,

busani, *Gymnasii Prof. Publ.* in libro elegantissimo de fatiſ linguæ Latinæ in Germ. 8. Hanov. An. 1713. p. 354. transcribere lubet. Sic autem ille inter alia de *Academia Vittenbergenſi* scribit: *Enimvero, licet ea eruditos antea habuerit Doctores, quam Philippus Friderici Electoris auspiciis eo est accersitus, quorum numero, præter Buschium, Hermannus Tulichius cum primis fuit laudati Marmelii auditor, qui Lipsiæ etiam bonas literas tradiderat, priusquam Wittenberga abiit, quo postremo loco Lutherus tanti operam ejus æstimavit, ut ipsi scripta sua, quod stilum spectat, sæpius corrigenda dederit, rudis tamen Seculi squalor detergi, literarumque cultus ante Melanchthonis adventum penitus eniteſcere ibi non potuit.* Quibus præmissis, quæ ad laudem *Tulichii* magnopere faciunt, ut, qua occasione tandem ex *Academia Leucorea* is exceſſerit, dicamus. Factum id est, cum *Lüneburgum* expetitus eſſet ad regendum *Gymnasium* illic recens conditum, atque inter docentes primus illi concederetur locus. Huc enim com-
migrans,

migrans, etiam nunc Gymnasii istius
Johannæi Moderator omnium primus
 celebratur. Testem & præconem vir-
 rutum *Tulichianarum* *Lucam Loffium*
 σύγγρονον καὶ σύνεργον habemus, qui de eo
 sequentem in modum cecinit:

*Tum quoque Musarum ac Christi instau-
 rata benigne est*

*Sedes, qua Christum discat, doctasque
 juventus*

*Artes, in vita quorum est hac maximus
 usus.*

Artibus ingenuis sua florent regna beata.

His Christus floret felix Ecclesia in orbe.

Tulichius Rector clarebat missus ab urbe

*Leucorea, sed is primus, parvæque ju-
 ventæ*

Vir fuit, Orator clarus, clarusque Poëta,

*Westfalia Hermannus, Tua quondam glo-
 ria &c.*

Reliqua omittimus, & obiisse tandem
 Virum optimum, nulla relicta mascula
 prole, observamus, postquam octo an-
 nos Scholæ Lüneburg. præfuerat d. 28.
 Julii Anno a Christo nato 1540. ætatis
 quinquagesimo quarto. Epitaphium

quod ei positum est ab *Hermanno Bonno*,
Superintendente Lubecensi sequens
fuit:

*Hermannus jacet hic Tulichius, ille
Orator bonus, & Poëta felix.*

*Hujus sceptrâ Scholâ tenebat urbis
Magna laude diu; sed ante tempus
Tantum fata virum abstulere mundo,
Cum mœrore gravi omnium bonorum.*

Videantur qui incidenter saltem Tuli-
chii fecere mentionem *Programma de
Viris & Rectoribus Gymn. Johannæi M.
Eliaë, Henr. Lauterbachii Hamb. 1694.
it. Schediasma Histor. Theol. de Con-
versis Pontificiis ex lectione librorum
Lutheri, Lutheranorumque Theol. G.H.
Goëzii Lips. 1705. 4. p. 40. in notis it.
Adamus in Vita Luc. Lossii p. 309. Clar-
mund. P. IX. p. 73.*

Justus Vultejus

EJusdem oppidi *Wetteræ*, quod &
Sylburgium dederat, civis An. 1529.
Parentes habuit & opibus & genere me-
diocris conditionis, atque honestis li-
terarum tyrociniis initiatus est, sub
Joh.

Joh. Fanilii ductu , donec *Dillenbergam* novam & haud spernenda fama Scho-
lam adiret. Ubi tanto ad Sapientiae me-
tam contendendi ardore vixisse memo-
rant , ut modum excedere juvenili quo-
dam ac raro impetu videretur , & freno
quasi injecto , coërcendus esset. Unde
facile est conjicere , qua ubertate instru-
ctus humanioris literaturæ *Marpurgum*
accesserit , & quibus opibus ibidem au-
ctis , & ad incrementa majora perductis ,
hinc abierit. Discessit autem *Marpur-*
go & Galliae finibus ὡς ἐν παρόδῳ lustratis ,
Argentoratum , ubi *Martinus Bucerus* &
Joh. Sturmius tum docebant. Exarde-
scente vero Germania bellis fere inter-
necinis , his turbis cessurus *Erfurtum* ,
Lipsiam & *Wittenbergam* denique demi-
gravit. Sed inde eodem fortunæ casu
pulsus in *Helvetiam* , & *Tigurum* pri-
mum excurrit. At neque hic fortunam
faventem sentiens , tandem *Basileam* pro-
fectus est , ubi in ædibus *Miconii* hospi-
tatus a *Joh. Oporino* illud accepit facien-
dum , cujus causa *Correctorum Erudi-*
torum numero adscribendus fuit. Non
enim

enim solum vertendis aliquot Autoribus Græcis in Latinum sermonem, cum esset adhuc annis adolescens, ibidem operam dedit, verum etiam typis postea submissos liberavit a squalore vitiorum, quibus libri alioqui optimi evilesce-
re solent. Cui occupationi dum fuit intentus, simul & favore *Miconii*, aliorumque Eruditorum Basileæ viventium, & largis ab *Oporino* datis præmiis admodum fruebatur. Sed tamen nulla postmodum habita commodorum ratione, peregrinandi iterum captus amore, per Galliæ Provincias plurimas digressus, & *Genevam* & *Lausanam* transiens, in patriam tandem reversus est. Hic ducta uxore, primum quidem in ludo pueros fideliter aliquantisper docuit, & paullo post ad officium Ecclesiasticum evocatus, credebatur in eo perstiturus, at vacillanti in religionis negotio potius visum est ad priores redire labores, eo quidem successu, ut non pueros solum haberet discipulos, verum etiam permulti, iique ætate provectiores Mar-
purgo Wetteram ingrederentur, ut suæ
doctri-

doctrinæ areolas ex ore *Vulteji* rigarent. Quo factum est, ut fama nominis undique percrebescente, tandem & ipse a Schola ista *Marpurgum* transferretur; ubi fato simili, felicissimaque in docendo fortuna, mirum quantum profuit juventuti. Nec minori dexteritate in linguæ sanctæ auditoribus suis tradendæ munere satisfecit. Solus pene lugubris vitæ exitus cætera ingenti ægritudine contaminavit: Capum enim in tenebris oberrantem capturus, inclinato eum in finem corpore, per clathratâ fenestram præcipitatus, lethali vulnere in capite accepto, ex eo casu An. 1575. d. 31. Martii, seu, ut Freherus habet, d. 17. ejusdem mensis obiit. Monumenta, quæ reliquit, præcipua sunt: Versiones *Æliani*, *Heraclidis*, & *Poliani*. Susceperat etiam *Dionysium Halicarnasæum* exponendum, quæ tamen opella ad finem non fuit perducta. Præter hæc circumferuntur varia carmina, quæ & in ipsa mortis hora sibi fecisse vulgo ferunt.

Dum

Dum finimus, in mentem venit breve & inconditum Epigramma, quod sub-
jicimus:

Justus dicebar, sed eo non justificatus:

Nam vivo Christi Justitia & merito.

Sit casus vultu subitus, sit laesio frontis,

Cuncta placent gnaro me cecidisse Deo.

*Felix, qui cecidi! quia Numinis alma
voluntas*

Jussit. Vult ejus gloria, restituar.

Christophorus VV alther.

VIr ea aetate, qua vixerat, celebris, sed
obscuri ortus; neque enim, ubi-
nam locorum in lucem editus sit, com-
perire, adhibita etiam maxima industria,
hucdum potui. Notior est studiorum
& laborum sedes: Vixit enim quam-
plurimum, & quod facile mihi persua-
deo, ad finem usque vitae *Wittenbergæ*,
ubi σύνεργος *Rorarii* diu fuit, & paria
cum eo *Crucigeroque* nec inutilia Eccle-
siæ Christi præstitit officia. Siquidem
Johanni Lufftio, optimo & de primis
Ecclesiæ Evang. procusis libris Bibliisque
Germanicis excudendis Typographo
meri-

meritissimo, per multos annos menda Typothetarum correxit. Qua occasione amicitiam coluit intimam cum supra laudato *Rorario*, quæ tamen perpetua non fuit, quandoquidem eo ex *Dania Jenam* revocato, certamen inter utrumque vehementissimum exortum est. Cui ansam dedit *nova* operum *Lutheri* Germ. Editio *Jenensis*: Hæc enim cum ex mandato Principum Saxonico-*Rorarius* curaret imprimenda, atque, ut accepta grataque Eruditis redderentur, aliquot pagellis ostentaret, maxima ornamenta & prærogativas, quibus *Wittenbergensibus* antecellerent, vix aliter fieri potuit, quin extollendo istam editionem, priorem *Wittebergensem* videretur suppressere. Accessit ad hæc etiam, quod a *Rorario* atque *Flacio*, quædam in *Wittenbergensibus* *Tomis* confusa, & minus ordinata, imo permulta prorsus omissa esse, publicitus spargeretur. Quem in finem *Amsdorfii* nomine prodierat libellus An. 1549. cui titulus: *Das die zu Wittemberg im andern Theil der Bücher Luther*

Lutheri im Buch / daß diese Worte /
 Das ist mein Leib / noch feste stehen /
 mehr denn ein Blat und 4. ganze Pa-
 ragraphos vorseßlich ausgelassen ha-
 ben. Quæ cum ægre ferrent Wittenberg.
 Tomorum Patroni, communi nomine
 respondit ad ista *Waltherus* noster, exci-
 tatus a Typographis & Bibliopolis Wit-
 tenbergensibus, & calumniarum Jene-
 ses postulavit. Præcipue autem oppu-
 gnandum sibi sumsit *Waltherus Flacium*,
 qui itidem contra eum quædam post fata
 Rorarii scripserat, & hominem Crypto-
 Calvinianum appellaverat, libello: *Be-
 richt von denen Wittenbergischen To-
 mis der Bücher des ehrwürdigen Mar-
 tin Luthers / wider Matthes Flacium
 Illyricum* An. 1558.4.ap. Joh. Lufftium.
 Qua vero animorum commotione lis
 ea acta sit, speciminis loco; quæ ex præ-
 fatione hujus excerpimus, verba se-
 quentia Germanica esse possunt: *Nach-
 dem / inquit Waltherus, Matthes
 Flacius Illyricus in seinem Schand- und
 Lügen-Buch / jetzt neulich in Truct
 ausgegangen / auch die Tomos des
 ehrwür.*

ehrwürdigen D. Martin Luthers seel.
und groß: löbl. Gedächtnis hie zu
Wittenberg getruckt / aufs schändlich-
ste lästert / und verleumdet / so habe ich
nicht können unterlassen / weil ich nun
länger den 20. Jahr / erstlich neben D.
Creutziger / und hernach neben M.
Georg Röderer / beyder seel. Gedäch-
tnis / bey der Truckerey gewesen bin /
und habe helfen corrigiren und lesen /
diesen nachfolgenden Bericht von sol-
chen Tomis zu Wittenberg getruckt
den frommen Christlichen Leuten zum
Trost und Guten / die solche Tomos
gekauft haben / und dem Teufel zum
Verdruß / &c. Sed quia posteriora
cum *Flacio* litigia post mortem demum
Rorarii exorta de illis paucula hæc dicta
sufficiant. Ad priorem disceptationem
quod attinet, non minor quidem fuit
utriusque partis in defendenda sua dili-
gentia sollicitudo, sed capita causæ, &
argumenta altercationis super uno alte-
rove sæpe vocabulo adeo levia erant,
ut de lana caprina interdum fuisse dis-
putatum verissime mihi videatur dici

M m

posse

posse. Consentit hac in re B. Joh. Frid. Mayerus tr. de versione Bibliorum Lutheri cap. IV. p. 53. *De multis quoque aliis mutationibus, inquit, Wittenbergenses a Jenensibus Typographis, & hi vicissim ab illis male audierunt, quemadmodum etiam serram contentionis inter eosdem reciprocata esse constat, super fide praestita in aliis scriptis Lutheri per Tomos digestis, & tam Wittebergæ quam Jena vulgatis. Sed fatendum est, invidæ odiique plus fuisse in his certaminibus, quam momenti: præcipue credibile non videri, fraude usos in excudendis Bibliis Lutheri vel Jenenses, vel Wittenbergenses. Verum quod aliter posita immutataque sint, partim negligentia factum esse credimus, uti quod diversum characterem in exscribendo nomine Herr | & alias ejusmodi non tamen inutiles minutias Jenenses prætermisere, partim consilio, quod Luthero viderentur de utraque parte niti, partim denique nimia accurratione sciorum, qui in alieno opere ingeniosi esse voluerunt. Hæc sunt, quæ de Walthero nobis innotuerunt. De mortis autem tempore*

tempore atque genere frustra fuit investigandi labor, quamvis iterum iterumque scripta publica Wittenbergensia revolveremus. Illud vero agentes forte fortuna in novum Correctorem Wittenberg. Typogr. incidimus, de quo mallems ipsius Academiae publicum programma audire, quam nostris verbis ea, quæ reperimus, enarrare, ni eum in Centuria horum Correctorum altera recensere constitutum nobis fuisset. Ad Waltherum si redeamus, hæc certamina omnia cum ejus morte simul sunt sopita, nec hodie unquam de iis restituentis, ut & de aliis tunc temporis exardescenscibus cogitatum est. Quemadmodum ergo laudis plurimum debetur viro laboriosissimo, ita unicum his dictis addimus a Walthero emissum scriptum: Edidit nempe *Register aller Bücher und Schrifften Lutheri / welche in die XI. Teutsche Theil / und VII. Lateinische zu Wittenberg getruckt sind. It. welche in dem 12ten Theil getruckt werden sollen / nach diesem Register verzeichnet* An. 1558. 4. apud Joh. Lustt.

Sed ad alia procedendum, sequitur
proinde

*Georgius VVolfgangus
VVedelius.*

Hic Saxonum Hippocrates, ut a Cl.
Richardo merito vocatur, *Golsena*,
Lusatia inferioris oppido, natus Anno
1645. Parentem habuit M. *Joh. Georg.*
Wedelium, Antistitem ibidem prima-
rium, & postea Ecclesiæ *Sprembergensis*
Ephorum, matrem vero *Evam* Præsulis
Golsensis filiam. Ita *Richardus*: Sed,
nisi me fallit memoria, natales hosce
oppugnatos a non nemine, inter privata
& familiaria colloquia, memini, qui per-
hibebat, *Spremerga* celeberrimum *We-*
delium adspexisse primam vitæ hujus lu-
cem, parentemque Pistorem quendam
habuisse, quos *Schwarzbecker* / ap-
pellant. Verum doctissimo *Jenensium*
Bibliothecario potius quam aliis credi-
mus, neque quidquam causæ videmus,
cur fides hac in re ei possit denegari, ut-
pote conjunctissime cum Doctoribus
Academiæ Salanæ viventi indagare ea
omnia

omnia quam optime contigit. Mirum fane si tantos errores commississet etiam in eorum fatis recensendis, quos singulis diebus horisque coram consulere potuisset. Neque etiam modestia unquam suspecta mihi reddi poterit ipsius Cl. Wedelii, cujus nota est omnibus pietas, & morum vitæ integritas, ut vel cespitantem, credo, de emendando errore commonefecisset. Quales igitur parentes, talis nativitas, & educatio, ejusdemque generis studia, nobilitate nempe insignia ad summum fastigium generosa mente contendunt. Horum fundamenta, ajunt, posuisse in ludo *Spremburgensi*, postea vero in *Golzeno* ductore potissimum Doctoreque *Casp. Dolcio*. Hinc in Scholam Portensem translatus, mirum quantum sub regimine piorum pariter ac eruditorum Moderatorum profecit. Ita quinquennio ibidem, more Pythagoricorum, exacto, nobilissimam Musarum ad Salam sedem petiit. Philosophicis hic primum imbutus artibus ad castra Medicorum mox transit, inque iis militando ela-

borandoque profectus, sudavit & alsit, idque eo magis, quo magis interdum penuria rerum premebatur, quo ve pauciora a matre, patre non amplius superstitite, expectare potuit: Huic igitur inopiæ quadam ratione subventurus, *Krebsianæ* Typographiæ operas suas, & horas otio literario destinatas consecravit, plagulas ibidem excusas longo tempore corrigendo emendandoque. Contubernio simul usus *M. Mayeri* Pastoris h. t. in tractu *Eisenbergensi*, cujus beneficia interea quoque varia expertus erat. Cui proinde etiam grati animi testimonia ferunt exhibere; medicamentorum quorumque usum gratis eidem concedens, ita quidem, ut neque veturæ ab eo pretium pro transportandis huiusmodi rebus expendi patiatur. Et ne in *Krebsianos* etiam hæredes ingratus videri possit, patre mortuo, superstitem nunc filium favore & studio omni non modo prosequitur, sed etiam, ut relatum nobis est, haud concedit iis, qui vires suas disputando periclitari, se præside, cupiunt, ut alibi quam apud *Kreb-*

Krebsium Schedia isthæc imprimantur. Quæ non alium in finem recensemus, nisi ut cognoscat benevolus lector Pietatem tanti viri : Mirari igitur desinat, quod Deus. O. M. ad tanta honorum culmina eum adscendere jusserit. Postquam enim aliquandiu hæserat Jenæ noster Wedelius cum *Samuele Ochltio* Doctore nobilissimo *Landsbergam* abiit, medica illic sua tractaturus ex instituto negotia. Hinc vero perlustrata *Silesia*, & *Spremberga* salutata matre sua, Jenam reversus An. 1666. ætatis anno vigesimo & primo, summos in arte Medica honores, moderante Celeb. *Rolfinckio*, cum omnium applausu, consecutus est. Tandem Medicus Provincialis, & post quinque annorum decursum publicum profitendi Medicas artes munus adeptus, sensim & semper inclaruit magis. His accedebat dignitas Comitis Palatini Cæsarei, Consiliarii Saxon. Ducalis & Hæreditarii in Schwarza, quibus condecoratus in hunc usque diem floret, vigetque in totius orbis literati & Academiae Jenensis ornamentum. Adsit

porro laudabilibus ejus conatibus summum Numen, tandemque Nestoreis annis exsatiatum ad coelestia perducatur gaudia. Scripta hucdum edita videri possunt in laudati Richardi libello, qui librorum ab eo luci expositorum viginti & octo numerum inivit: Disputationes autem sub ejus Præsidio habitas esse ducentas & duas referet, quibus plures interea accessere. Ex prioribus eminent: Progressus Academiae Naturæ Curiosorum 1680. Opiologia 1682. De Medicamentorum compositionibus 1693. De Medicamentorum facultatibus cognoscendis LL. II. 1696. Amœnitates Materiae Medicæ 1704. Exercitationes Pathologicae Therapeuticae 1697. Centuriæ duæ Exercitationum Medico-Philoll. Sacrarum & profanarum, varia eruditione refertæ, & Polyhistoris decus viro Illustri conciliantes. De cæteris confer laudatum jam sæpius Richardum in ejus Commentatione de Vita & Scriptis Professorum in Academia Jenensi hodie publice docentium exc. 8. Jenæ 1710. p. 66. seqq. qui tamen nescio quade

de causa, de laboribus certis sine dubio in officina Krebsiana factis, alte filect, unde illud pro instituti ratione addendum duxi, sperans, virum Illustrem pro Pietate sua male id haud consulturum. Sed ad alium properandum esse duco, qui occurreret statim

Andreas V Vissovvatius:

Vir maximi inter divinitatis Christi hostes nominis, qui natalem terram magnum Ducatum Lithuaniae, atque in Borussiae confiniis situm oppidum *Philippoviam* habuit, ubi die 26. Novembris An. 1608. vivendi initium fecit. Satrapa erat hujus loci *Christophorus Morstinus*, *Socini* affinis, sub cuius tutela Sacrorum suorum coetum sacrum jam ante collegerant, & ductore ac Moderatore notissimo illo *Joh. Volckelio* auxerant. Fuit & ipsius *Vissovvatii* generis prosapia nobilis & equestris dignitatis, quam a patre *Stanislao Philippoviensis* Satrapiae Praefecto Vicario accepit. Nec materno genere ignobilior origo celebratur: Erat enim

Agnete unica filia famosissimi *Fausti Socini* natus, hujus tam ingeniosi Hæretici nepos. A quibus parentibus cum & educatus esset filius, iisdem Sacris cum virtutibus cæteroquin honestis innutritus, nihil mirum est, si erroribus pestilentissimis illaqueatus, quos cum lacte materno quasi imbiberat, in iisdem etiam tuendis ad vitæ finem perstitit. Patre ex *Podlachia* in *Racoviensem* Palatinum migrante, noster cum *Morstini* filiis, uno eodemque Magistro, quem domi ille alebat, usus est, & humanitatis tyrocinia præclara posuit. Idoneus postmodum judicatus, ut ad altiora eniteretur An. 1619. nondum ætate quidem, sed doctrina insigni supra ætatem maturus, in *Racoviense* contulit se *Gymnasium*, & flore ejus Scholæ, qui maximus erat, & ad invidiam prope assurgens frequentia eo extimulatus. Fundaverat illud non ita pridem *Jacobus Sieninius* *Podoliae* Palatinides, *Racoviæ* hæres, Calvinianus antea, An. 1600. Rexerunt autem Viri eruditissimi, *Joh. Crellius*, *Brokajus*, *Manlius*, *Nieciecius*,
Paulus

Paulus Crokierius, quos deinceps *Martinus Ruarus*, *Joachimus Stegmannus*, *Adamus Francus Szilesius*, *Petrus Teichmannus*, *Georgius Nigrinus*, & *Laurentius* denique *Stegmannus* exceperunt, sub quo, occasione fractæ imaginis, crucifixi Christi, funditus deletum fuit. *Crellio* moderante Gymnasium, *Wissowatius* illud ingressus est, ubi tantum discipulorum numerum invenit, ut trecenti Equestris saltem ordinis adolescentes tunc numerati in eo fuerint: Hic studiis liberalibus impigre incumbendo magnum eruditionis apparatus consecutum Parentibus ex Schola protrahere, atque ad Politica negotia adhibere constitutum fuit; verum a *Martino* præcipue *Ruaro* Altorfinæ nostræ Academiæ olim infectore, de quo alio loco & scripto multa erunt dicenda, effectum, ut sacris consecratus manserit literis: Ille enim cum aliis avum maternum in nepote resurrecturum sperabat. Permansit igitur diutius *Racovia*, & hospitio, mensa, quotidianaque consuetudine fruens doctissimorum virorum, quales Photiniani pluri-

plerique erant ; mirum quantum profecit in hauriendis ex eorum disciplina sententiis hæreticis. Tandem e Gymnasio egressus, & ipse aliorum curam nempe *Alexandri Petri Tarlonis filii Lublensis Palatini* natu maximi suscepit An. 1529. Cum quo deinceps ad externos abeundi concessa quidem fuit nostro facultas, sed quia Pontificiæ Religionis iste fuerat, ea conditione uti abnuit, & aliam optabiliorem mox consecutus est. Sumtibus enim a Patre & Ecclesia suppeditatis, comitibus simili mente hominibus, *Ruaro, Pastorio, Lubenienicioque* stipatus *Gedano* in Belgium profectus est. Hic venena sua disseminaturus Lugduni aliquandiu commoratus est. Mox tamen in Angliam, & inde in Galliam transivit. Ubi præcipue Lutetiis vixit, atque familiaritatem *Grotii, Gassendi, Mersenni* & aliorum consecutus, placita sua, data forte occasione contra Sorbonæ Professores acriter non solum defendit, verum etiam clandestino conatu, ut solent isti homunciones, & aliis suum instillare virus non desuit. In Patriam An. 1637. demum redux tristiora suæ
ata-

ætatis tempora videre coepit, & ipsam
catastrophem sibi suisque lugubrem,
quo An. 1638. Gymnasium Racoviense
singulari divino nutu interiit, coram in-
cuius est. Quo facto iterum peregre
abire secum constituit. Ex quo itinere
reversus, patre antea spoliato, & ad in-
citas redacto, tandem etiam morte pri-
vatus est. Exinde noster Ecclesiasticis
officiis diversis fungi coepit, atque An.
1648. matrimonio cum *Alexandra, Rup-
novia* gentis virgine, inito, alia atque
alia subiit fata, & Socinianorum res,
tam privatim, quam publice, in Comitibus
strenu, nec sine fructu egit. Hinc porro
bellorum rabie pulsus, in Borussiam,
mox iterum in Poloniam rediit, suorum-
que res nobilis cognationis ope apud
plurimos diu stabilivit. Interea scripta
ab eo concinnata, qualia Notæ in N. T.
Psalmi Davidis rhythmis Polonicis ex-
pressi, & Polonica quædam, sed postea
deperdita, ingruentibus bellis, legunt.
Gravissima enim iterum in bello Sueci-
co mala sustinuit, & fuga vitæ haud raro
denuo consulere necesse habuit, usque
dum Sueci e Polonia in Daniam exce-
derent.

derent. Qua tamen quiete non diutius nostro frui licuit, usque dum generalis illa Socinianorum proscriptio An. 1658. publicaretur. Utut enim noster utcunque se adhuc tueretur, & cum *Cichovio* Jesuita, aliisque in disputationis campum procedere non dubitaret, unde etiam incolumis evasit, tamen repetito adversus Vnitarios edicto illo, tandem etiam *Wisservatius* in Silesiam secessit. Unde in Hungariam & Transilvaniam aliquoties excurrit; sed neque his locis firma sede reperta, atque tentato quoque frustra *Palatinatu* ad *Rhenum*, quem cum *Stegmanno* juniore adierat, ad extremum *Amstelodamum* tanquam asylum certissimum & tutissimum petiit. Ubi An. 1666. adventans ad ultimum usque vitæ halitum perseveravit, ibidemque egit ea, quibus effecit, ut in recensum hunc fuerit a nobis relatus. Corrigendo enim illic in Typographiis se suosque fere solum sustentavit, eosque præcipue luci exponens, vel ut evulgarentur, procurans libros, quos a suis profectos, vel istis saltem favere bene

nove-

noverat. Excudebatur tunc temporis etiam opus illud maximum, rarum, pretiosissimumque, quod *Bibliotheca Fratrum Polonorum* titulum gerit, & in Tomos aliquot digestum, cujus editio si non uni, præcipuo tamen *εργодиωκτη* Wiffowatio adscribenda est. Bibliothecæ hujus Volumen I prodiit Irenopoli (Amstel.) An. 1656. in quo continentur opera omnia *Fausti Socini* in duos Tomos distincta, priori Exegetica & Didactica, altero Polemica comprehendente, accedentibus quibusdam adhuc ineditis, quorum omnium Index præmittitur. Volumen II eodem anno Eleutheropoli (Amstel.) comparuit, & exhibet opera omnia Exegetica, Didactica & Polemica *Joh. Crellii* Franci, duabus partibus, adjectis Indicibus, 1. Locorum S. Scripturæ explicatorum, 2. rerum memorabilium & phrasium S. S. In Volumine III tertia pariter Pars *Crellii* operum absolvitur, ubi etiam Ethica ejus Christiana apparet, quæ seorsim etiam in 4. Selenoburgi, hoc est, Amstelodami, (Lüneburgū enim vel typi excusant accuratius

curatius inspecti) prodierat. In Volumine IV conspiciuntur *Joh. Ludov. Wollzogenii*, Baronis Austriaci, opera omnia, Exegetica, Didactica & Polemica, duabus Partibus, in quibus tamen Epistolæ Jacobi & Judæ ipsius Wiffowatii sunt. Volumen V complectitur *Jona Schlichtingii de Bukovvie* Commentaria posthuma Irenopoli An. 1656. ut reliqua omnia sumtibus Irenici Philalethi P. II. His operibus postmodum adjectum est, Volumen VI ad instar Supplementi Anno 1692. impressum, in quo leguntur *Samuelis Przypcovii* Equitis Poloni, & Consilarii Regii opera: ut Cogitationes sacræ ad Initium Evang. Matthæi, & omnes Epistolas Apostolicas, & cætera Eleutheropoli, quanquam ea cum omnibus exemplaribus conjuncta, sed separatim etiam præstant, & multoties venduntur. Ceterum non prætereundum est, hujus operis si priora volumina, quæ alias Bibliotheca Fratrum Polonorum proprie audiunt, inspicias, inveniri omnia An. 1656. ut titulus habet, fuisse typis mandata. Nec dubium splendido operi

Wisso-

Wissowatium, ut Autor Vitæ ejus habet, Operam suam imprimis navasse, atque in iis voluminibus adornandis corrigendisque strenue desudasse. Sed animo reputantibus tempus, quo id factum fuerit, & annus sexagesimus sextus supra millesimum sexcentessimum occurreret, ubi Belgium id inhabitaturus noster legitur accessisse: Anno enim 1656. adhuc inter Polonos vixisse, antea dictum esse meminimus.

Quemadmodum ea concilianda sint, nondum perspicere potuimus, nisi dicendum sit, ex arbitrio atque certis de causis annum quinquagesimum sextum fuisse præmissum, vel eo anno imprimi cœpisse, posteriori vero absolutum esse. Prius verosimilius est, in qua conjectura me confirmat Sandius in Vita Fausti Socini: ubi Bibliothecæ suæ Anti-Trin. sic differit: *Hæc omnia simul junctæ totius Novi Testamenti explicationem complectuntur, edita Irenopoli post annum Domini 1656. fol. i. e. Amstel. 1668. nisi quod Crellii & Schlichtingii opera Exegetica duobus fere annis prius lucem viderint.* Hisce autem

voluminibus affirmat Autor vitæ Wifſowatii, & ipſum ſcripta quædam Dida-
ctica & Exegetica, ut in S. Apoſtolorum
Actus, atque in Judæ & Jacobi Episto-
las, flagitantibus amicis, ac memorato operi
non præfixo & indicato nomine, inſe-
ruiſſe. Hæc de Bibliotheca Sociniano-
rum. In qua, ut dictum eſt, præcipua
Wiſſowatii fuit cura & ſedulitas. Ne-
que tamen ſolum in hoc, verum & aliis
ſcriptis, corrigendi labore multum Ty-
pographos ſua induſtria juvaſſe, com-
pertum habemus. Tandem inter ſtu-
dendum paralyſi commotus, colle-
ctis quamvis viribus, An. 1678. d. VII.
Junii, vitam & labores cum calamitati-
bus exilii in his terris finiit, poſtquam
per annos ſeptuaginta amplius multo
plurima adverſa exantlaverat. Scripto-
rum Indicem exhibet *Sandius* in Biblioth.
citata, è quibus eminent Annotationes
in Evang. Matthæi, Marci, Lucæ, in
Acta, Epp. Jacobi & Judæ. Aſcetica ſunt:
Stimuli virtutum, Fræna peccatorum,
Amſtel. 1682. 12. De hominis vera bea-
titudine conſectanda, 1682. it. Diſcurſus

de Vita æterna ibid. Philosophicæ Epistolæ II ad Lubieniecium altera, Anno 1665, Manhemii, altera 1666. Amstel. scriptæ, & insertæ sunt celebri Theatro Cometarum Lubieniecii Amstel. 1667. fol. Narratio ejusdem, quomodo in Polonia a Trinitariis Reform. separati sint Vnitarii, impressa est cum Sandii Appendice ad Nucleum Histor. Eccles. 1678. 4. itemque in Sclavonia Reformata Andr. Wengerscii, 1670. Omnium maxime notabiles sunt notæ in Catechisimum Racoviensem Stauropoli 1680. 4, cum reliquis excusæ. Reliquæ præter hæc Manuscripta plurima, quæ magna diligentia recensuit Sandius, ad quem B. L. remittimus, & non nisi quædam eorum in Wengersciana Historia Sclavonica impressa monemus. Quod superest, videri potest in Biblioth. sæpius citata Anti-Trinitariorum Sandiana 1684. Freistadii i. e. Amstel. itidem vulgata, cui nos pleraque debere, atque inde, quoniam libellus iste non omnium reritur manibus, excerpta exhibere visum est.

Franciscus VVylerus.

Monachus Basileensis, & Vir doctissimus, Fratrum Minorum ordini adscriptus, & Græca literatura non minus, quam Latina instructissimus: Id quod facile subolere Lectori Benevolo poterit ex ea opera, quam diu exantlavit in eadem Civitate, eruditorum & doctorum Typographorum feracissima. Codices enim ignorantia & vecordia stupidorum Monachorum inter describendum admodum male habitas, quanta potuit industria, restituere laudabili studio, & ævo vix e barbarie eluctato, allaboravit. Nec minus cum a Typographis typis traderentur, pari fide & sedulitate ac doctrina relegit, emaculavit, atque sic immortalem sibi peperit in orbe literato famam. Defunctus vero hoc labore quam maxime legitur sub initium Sec. XVI. anno circiter 1516. & quod excurrit. Idemque inter primos accuratius distinxit libros in capita, argumenta singulis præmisit, eaque omnia præstitit, quibus & ipse
 æternus

æterna laude dignus esse queat, & ipsi
codices ætatem ferant. Distinguendus
interim diligenter a *Joh. Wilero*, Decre-
torum Doctore, & Ecclesiæ Basileensis
Cathedralis Pastore, qui, ut *Urstizius* in
Epit. Historiæ Basil. 12. p. 105. affirmat,
An. 1450. jam est mortuus, utut e po-
steritate illius fuisse non temere nega-
verim. De nostro Francisco videatur,
si placet, Adami in Vita Pellicani Theo-
logi, de quo paulo ante, p. 272. Sed ad
colophonem addendum progredior
tandem, & si qui sint in Elemento
postremo Z, lustrabimus. Ex duobus ve-
ro primus esto

Filippus a Zesen a Fürstenau.

Mirus in Germanica lingua struen-
dorum carminum artifex, & No-
vator lepidissimus; stolidum enim di-
cere non audeo. Natus ille An. 1610.
Priravia Saxonum, & a puero jam va-
rium suum & ludicrum ostendit inge-
nium, quippe jam tunc sibi relictus, iis
solum vacavit artibus, quibus postea
inclaruit. Unde etiam duarum Societa-

tum Poëticarum Collega evasit, in fructifera : Der Wohlsehende ; in der Teutsch - gesinnten Genossenschaft vero der Fertige dictus. Cujus posterioris autor fuisse creditur, quemadmodum etiam fundasse Societates, *Rosigeram*, *Liligeram*, *Caryophylligeram* & *Rutigeram*, mentione prolixa indignas, dicunt. Non diu autem per omnem vitam moratus in patria est, sed hinc inde per ambages Provinciarum vagatus, totus in eo occupatus fuit, ut Germanicam linguam suæ indoli nativæ restitueret, omnesque peregrinas voces, qua posset via, exterminaree. Non diffitendum quidem varias desiderari voces in nostra vernacula, eas præcipue, quibus res compositas unius tantum pronunciamus vocis compendio, multasque adeo exoticas irrepsisse, in peregrinitatem fane ejiciendas, si commode id fieri posset. At enim vero unius hominis vix esse eum conatum, ut Reformationem plenissimam idiomatis nostri Germanici suscipiat, putamus, præcipue, si ea methodo procedere vellet,

qua

qua Cæsius usus est : Tyrannum enim ille potius vocabulorum , quam Restauratorem ac Medicum egit ; tantamque barbariem in animo habuit inducere , ut si novata ejus verba saltem auribus hauriantur , eæ propemodum horrore commotæ omnibus tinnire incipiant. Neumeisterus Clarissimus Poëta in tr. de Poëtis Germanicis , quædam hujusmodi vocabula recenset , quæ hic repetere non piget , ut L. B. quid non singularitatis studium designet , vel hoc specimine intelligat. Nempe: Die Natur / ei est , die grosse Zeuge , Mutter . Pabst / der grosse Erh , Vatter : Pommerantz / Gold , Apfel : Fenster / Tage . Leuchter : Mantel / Windfang : Hut / Kopf , Decker : Feuer . Mauer / Fach , nase : Pinsel / Mahler - Quaste : Ruckstucken / Schliess , Prügeln : Pistol / Sattel , oder Reut : Puffert : Spiegel / Gesichtschauer . Quibus addimus , Regimenten / Heerschaaren : Obrist , Lieutenant / Schalt , Obristen : Admiral / See , Held : Vice - Admiral / Unter , See , Held : Kutsche / Himmel ,
Nn 4 Wagen /

Wagen/ & quam ridicule sonant verba,
 quibus præfationem Josephi sui inchoat,
 Mich deucht/ich sehe die Welt ihr Besch,
 Horn rümpfen / &c. Magis horrida sunt
 vocabula technica, ut Jambus ein stei-
 gender Schritt; Trochæus ein fallender
 oder lauffender; Dactylus ein rollender
 oder hüpfender: Genus Dactylicum,
 die rollende Palmen / oder Tattel-
 Art: Syllaba penultima, das vor-
 letzte Wort-Glied: Echo, Thalmunde;
 Genus, Ober: Art; Species, Unter: Art;
 Sed nondum satis est literaturæ curiosæ
 exemplorum. En carminis inscriptionem
 sic habentem: Ein zweyfstebender
 mit stetgenden und kurz-langen Trit-
 ten / in sechs stüfflichten Zwölfflingen
 durch untermenigte Männliche und
 Weibliche Reim: Bände. Risum
 continebis L. B. Viri boni præposteræ
 intentioni haud male illud dabis, sed
 vix ab indignatione Tibi temperabis, si
 perpendas Viri hujus arrogantiam, qui
 fertur, respondere non raro solitus sci-
 scitantibus, quisnam sit? Num vero
 Cassum ignorare potes. Quasi ex vultu,
 odit

oder aus seinem Gesch: Horn / Hercules iste cognosci potuisset. Verum hæc ejus superbia mirum quantum ab omnibus sui temporis viris, vel exigua sapientia præditis, traducebatur. Cum etiam aliquando Noribergæ hospes viveret, visitavit illic Senatorem quendam, quem *Philippum Harsdörferum* fuisse dicunt, tectoque nomine amicitiam ejus sibi conciliaturus erat, cum tamen optime ille novisset hospitem suum, utut dissimularet. Inter alios igitur sermones, quos inter miscebant, gloriæ cupidus Cæsius noster, quærebat; Quidnam alter existimaret de Philippo isto Germaniæ miraculo. Depingebat ille Cæsium, ut erat lingua liberrima cordatus, & stolidiorem Germaniam totam vix habere, audacter asseruit. Erubuit Cæsius, abiit, nec amplius post vera isthæc audita ad illum rediit unquam. Sed præter hæc vitia, amoribus etiam nimis indulgit suis, ut sæpe numero a Poëtis fieri assoler, utpote qui pro sanguineo, quo gaudent temperamento, ut maxime idonei ad carmina struenda omnes, ita huic

Nn 5

quoque

quoque affectui dediti esset solent. Et quis non est, cui ignota sit *Adriatica* ista *Rosmundis* decantatissima, Cæsis nostro *Amasia*, quam tamen non nisi ancillam *Lipsiæ* fuisse quidam autores narrant. Sed quid opus his nugis recensendis, alia monenda restant, eaque potissimum, quæ operas ejus Typographicas respiciunt. Discurrere ergo cum sopheret per omnes Germaniæ latebras, & gradu Magistri Philos. dignitateque Comitum Palatini ornatus, ut plurimum vixit *Lipsiæ*, *Hamburgi* & *Amstelodami*, & posterioribus duobus locis Typographos quosdam frequentissime juvabat: non semper enim habebat, unde sibi victum, amictumque & itinerum sumtus necessarios pararet. In primis vero *Johanni Blavio* Typographo & erudito & celebri Batavo, & *Joach. Noschio* Hamburgensi suam operam locasse accepimus. Emendavit igitur non suos tantum foetus plane singulares, sed & aliorum, unde merito inter præcipuos nominandus erat. Obiit tandem iisdem intentis laboribus septuagenarius, sec. quosdam

Ham-

Hamburgi An. 1680, d. 13. Novembris
 vel, ut rectius Cl. Möllerus in Introdu-
 ctione in Cherson. Cimbr. An. 1689.
 variaque monumenta varii sui ingenii
 reliquit. Ut sunt der Hochteutsche Heli-
 con, 8. Hochteutsches Heliconisches
 Rosen, Thal / Amstel. 1669. 8. Scala
 Heliconis Teutonici, 8. Amstel. Das
 Hochteutsche Heliconische Lilien, Thal's
 Vorbericht: Des Hochteutschen Heli-
 conischen Nägelein, Thal's Vorbe-
 richt / Hamb. 1687. Poetischer Ro-
 sen, Wälder Vorschmack / Hamb. 8.
 Lustinne h. e. gebundene Rede von
 Krafft und Wirkung der Liebe /
 Hamburg / 4. Beschreibung der Stadt
 Amsterdam / 4. Hochteutsche Heliconi-
 sche Hechel: Rettung der Hochteut-
 schen Haut: Sprach: Die stützende
 Verzeichniss der Zesischen Schrifften:
 Der teutsche Joseph / Nürnberg & Am-
 sterдам / 12. De Zesii vero scribendi ra-
 tione consuli poterit *Dan. Habichtthorstii*
 Bedencken über die sonderbahre Zesi-
 sche Art / Hochteutsch zu reden und zu
 schreiben / Hamb. 1678. & 1683. 16.

Sub

Sub finem monumentum a nonnemi-
ne fugitivo calamo Zefio positum an-
nectemus ;

Bleib stehend Wanders · Mann /
Betrachte diesen Stein / und den / so
hier begraben /
Wilt du die Quint · Essenz von den
Poeten haben /
So schaue diese Krüffte an.
Der grosse Zefius / das Wunder-
werck der Erden /
Kann hier in kleine Raum genau be-
trachtet werden /
Der Teutschen Sprach Tyrann.
Wilt du nach deinem Tod dergleichen
Titul erben /
Schreib noch was seltsamer / so kannst
du rühmlich sterben.

Videatur M. E. Neumeisteri diss. de Poë-
tis Germ. 4. 1706. Molleri Introd. in
Chersonesum Cimbricam P. II. p. 204.
Ejusdemque Homonymoscopia, p. 88.
Superest.

Theo-

Theodorus Zwingerus.

ULtimum hic in nostro Catalogo occupat locum, utut dignus sit, qui inter primos ob eruditionem & nominis famam commemoraretur: sive enim ad Philosophorum te convertas, sive ad Medicorum castra, Primipilos eum referri videbis, non injuria ab Abnepote *Theod. Zwingero*, Polyhistoris titulo condecoratus. Certe quod in confesso est apud omnes, ab hujus viri solertia accurata, labore indefesso & lectione omnimoda, nonnisi quod elegans & insignem doctrinam spirat, provenit: Unde merito de consortio hoc splendido reliqui Correctores poterunt gloriari. Erat is patria *Basileensis*, natus parente *Leonh. Zwingero*, *Episcopice-lense*, nuper admodum civitatis jure *Basileæ* donato, in lucem editus, An. post Christum natum, trigesimo tertio supra millesimum & quingentesimum, d. 2. Augusti, Patre cive honesto, matre celeberrimi *Oporini Sorore*. Positis non infeliciter, moderante *Vitrico Contr.*

Lyco-

Lycoſthene, fundamentis literarum elegantiorum, plura iis & altiora ſuperſtructurus, in Italiae celebrem Muſarum ſedem Patavium migravit. Hic poſtquam diu magna cum laude, & cognitionis doctæ incrementis & frugaliter vivendo, corrigendoque in officinis Typogr. verſatus eſſet, in Galliam migravit, & Lugduni uti & Lutetiis ſe eodem labore emendandis libris factò aluit, atque tandem ad patrios lares reverſus, munus mox fuit ei oblatum publicum, quo accepto, Græcam literaturam primum, deinde vero Ethicam & Politicam accedentes, non ſine magno omnium applauſu publice docuit. Qua fide viri integerrimi in illis functionibus adminiſtrandis conſpecta, Medicam tradendi artes officium tandem ei fuit injunctum. Verum enim vero quanquam ita augebantur labores & honores, debilitabantur ex adverſo corporis vires, & cum pauperibus, aliſque, quibus domi res anguſta erat, Medicinam gratis faceret, fieri etiam non potuit, quam ut ipſe interdum neceſſariis ad vitam vel
me-

mediocriter transigendam careret. Idem itaque eidem accidebat, quod in nostris Academiis non raro fieri solet, ubi splendidi plerumque sunt tituli, labores magni, stipendia vero minima, quæ vestibus familiæ vix sufficere videntur, ut quæ nomini & honori respondeant necesse habentur. Quare ut huic defectui noster mederetur, & literas tamen simul juvaret meliores, Typographicis, juxta officium publ., inservire cœpit officinis, in primis Episcopianæ, ea opera, qua viros claros hucusque vidimus defunctos. In quo tandem labore, viribus valde attritis, febre Epidemica tum grassante correptus, variisque fidei & constantiæ signis in ipsis extremis horis vitæ editis notabilibus, obiit An. 1588. Nuncio tanto obitu a *Basilio Amerbachio* accepto, exclamasse hic dicitur: *Piget me vivere, & post tantum virum superesse, cujus magna fuit doctrina, sed exigua, si cum Pietate conferatur!* Inter scripta ejus præter alia minutiona in primis claret opus immensi laboris & incredibilis lectionis, Thea-

trum

trum Vitæ Humanæ a Præceptore Lycosthene inceptum, a nostro perfectum, & in quo quindecim annos integros sudatum est. Extat Basil. apud Episcop. An. 1686. V. Tomis excusum; antea vero jam etiam prodierat apud Oporinum An. 1565. & recusum postea etiam extat recognitumque a Jac. Zwingero filio Gr. Ling. P. P. Basil. apud Henr. Petri III. Voll. An. 1604. Ejusdem industriæ debemus etiam Physiologiam Medicam, & Commentarios varios, quos scripsit in Galenum, Hippocratem, Aristotelem, Catonem & Varronem (Rei rusticæ scriptores.) Bene de reliquo distinguendus est a Nepote *Theod. Zwingero*, qui Theologiam in templo æque ac in Auditorio Academico Basileæ quoque professus est, cujusque scripta de S. Coenâ & similia prostant Theologica; itemque Abnepote, è cujus præfatione ad Tr. de Festo corporis Christi ad vitæ Proavi hanc enarrationem pertinentia accepimus, quam etiam apud Freherum & Adamum in Medicorum vitis descriptam repe-

reperies. De laboribus vero Typograph. vid. Celeb. Th. Crenius in præfatione P. III. Methodorum ad studia recte instruenda pertinentium, & in Animadversionibus Philoll. P. V. p. 109. It. Monumenta Pietatis & literaria Virorum in Republ. liter. illustrium selecta 4. exc. Parte II. p. 129. in Ep. Grynæi ad Lingelsheimium scripta. Apud priorem paucis de *Johan. Bernhard. Zinßerlingio*, Professore quodam Rostochiensis in iisdem laboribus occupato, meminit, quem Centuriæ secundæ, si Deus vitam, vires, & favorem Eruditorum concesserit, inserturi sumus. Cui parti plures alios, ut *Sebastianum Castellionem*, Literatorem notissimum, *Johannem Georgium Hoffmannum*, *Matthæum Zuberum*, *Georgium Nigrinum*, *Lothum Fischerum*, *Ludovicum Saurium*, *Eusebium Meisnerum Kürschium*, & similes D. V. servamus. Atque sic tandem ad finem perduximus recensum Correctorum eruditorum, quali labore fungi maximi,

ut vidisti, Viri non renuerunt, cujus rei testes non solum ipsi erunt ; sed Clar. Marvillius bene facis & vere scripsit in Melanges d'Histoire & de Literature p. 29. Au commencement qu'on eut trouvé l'art d'imprimer les livres, les plus grands hommes faisoient gloire d'être les correcteurs des habiles Libraires. Les Mediciens, les Juris-Consultes, les Prêtres, & les Evêques memes s'en mêloient. Huic quidem opellæ constitueramus submittere libellum integrum, duas quippe plagulas non excurrentem, *Hieronymi Hornschuchii*, qui instructionem operas Typograph. correcturis dicatam Lipsiæ 8. An. 1608. ap. *Mich. Lanzenbergerum* excusam, continet. Verum ne Lectorem minutiis his obruam, omittere plenum illud opusculum placuit, ea tamen conditione, ut nonnisi duobus verbis ex eodem, quæ ad bonum & genuinum requirantur Correctorem, indicemus, aliisque observationibus subinde illustremus. Primum est, quod *Hornschuchius* ab hujusmodi homi-

homine præstari debere credidit, & sub-
monuit : Non quemlibet huic præfici
posse provinciæ, nisi eum, qui lingua-
rum, quibus excuduntur libri, exactam
habeat notitiam, & præcipue polleat
acrimonia judicii, qua discernere queat,
quæ non raro pessimis ab eruditis cha-
racteribus exarata sunt. Eo, quod ma-
gnum Doctorum vitium sit, ut pessime
pingant elementa literarum, suamque
manuum negligentiam etiam, vulgari
proverbio, Doctos male pingere, pal-
liant. Quasi vero eruditio comparari
haud posset, nisi ea industria, eoque nisu,
ut reliquarum & καλλιγραφία neglecta
habeatur ratio. Id vero quoquo mo-
do se habeat, hinc certe Typographi
cas sæpe in officinas suas accipiunt sche-
das, ad quarum characteres dignoscen-
dos vel centum requirantur oculi, &
non unus Argus. Vnde interdum culpa
in Typothetas chalcographorum de-
volvi, nisi injuria, vix poterit ; verum
ipsi non raro Doctores causas harum
corruptelarum dici jure optimo, nemo
inficiabitur. Post hæc, ut eximia qua-

dam acie oculorum valeat Corrector, idem postulat, qua opus habeat, non tam in exilioribus literis, & conspiciendis, & pingendis, interponendisque, quam ut inter relegendum singularum vocum singulas articulatim syllabas, imo & apices exacte contemplari queat. Maxima certe hæc causa tot tantorumque errorum, qui sæpius in libris nostris prælo excusis occurrunt; dum hallucinantes oculi singula elementa vix inspiciunt, sed vel prima Syllaba & ultima cognita, reliquæ vocis literæ neglectæ, præterlabuntur, vel fugitivo oculo adspectæ intactæ remanere, & in mendis cubare sinuntur. Atque illud quidem præcipue usu venit in interpunctionibus, ubi lincolæ non raro atramenti vitio comparent, quæ vel commata creduntur esse, vel cola, & similia, & sic vel intempestive delentur, vel ut maneat, temere permittuntur, unde errores in promptu esse solent. Verum ex commodo hoc aciei oculorum id oritur sæpissime incommodum, ut si nimis diu & in senectutem usque Correctores

rectores legendis relegendisque schedis vacant, tandem acies illa penitus abeat, oculorumque varia vitia contrahantur. Quare consulendum erit iis, qui defectum quendam sentiunt, ut in tempore ab hujusmodi laboribus abstineant, aliisque relinquunt. His additur amplius & desideratur, ut, quisquis in emendandis paginis occupatus est, quam diligentissime omnes deviter affectus, Iram puta, Amorem, Tristitiam, aliasque commotiones vehementiores. Id enim ubi fit, mente nubila & aliorum conversa, cum animo non agitur praesenti, committi errores posse, quisque intelligere poterit. In primis vero ebrietatis & crapulae vitium summo declinetur studio, ne aut omnino nihil, aut contra plus, quam re ipsa praesto sit, cernat. Facilius quippe cespitare, & oculis falli ebrio quis posset, non video, praesertim si omnis ab hujusmodi homine bene ordinatus rationis abest usus, ubi Dianam, quod ajunt, Ranam, & Ranam putabit esse Dianam. Vnde hujuscemodi com-


potationum focii expellendi potius sunt ex officinis , quam in eas recipiendi , nec talia illis concedenda , quæ agant , negotia , ex quorum vel pravitate vel bonitate Typographi non minus , quam libri ipsius atque scriptoris non raro pendet æstimatio. Atque hac occasione meminisse juvabit, Celeb. *Erasmus Roterodamus* a *Scaligero* accusari, quod non raro vino se ingurgitare solitus fuerit, cum in Aldina officina Correctorem egisset, unde ob sphalmata occurrentia sæpe plagulas *Aldo* recudendas fuisse. Verum quamvis non negandum , vini cupidum admodum fuisse *Erasum*, attamen ne hoc quidem unquam *Scaligero* concesserat *Roterodamus* , quod hujuscernodi laboribus *Venetiis* incubuerit, & certum est, iniquo per omnia *Scaligerum* de *Erasmio* scripsisse animo, unde an fides sit hosti habenda, vix credidero. Porro ad eundem Correctorem pertinet, ut rationem bene & probe addiscat consecutionis , & collocationis columnarum , in quacunque librorum multis modis complicando-


rum,


rum, forma, seu, ut terminis artis utamur, quomodo in Folio, Quarto, Octavo, Duodecimo &c. dictæ columnæ sibi respondeant in parte anteriori & posteriori, vulgo **Schöntruck und Wiedertruck**. Cujus tamen rei notitia facillime comparari poterit. Ante omnia inculcandum est Correctoribus, & studiosè advertendum, ut, plagula accepta, numeri paginarum examinentur, & litera, quæ notari solet, & ordo plagarum, quandoquidem nævi & παραράματα in prioribus commissa molestissime lectorem, qui Indices evolvit, decipiunt, & nihil magis exacerbare valet Eruditos, quam si in Indicibus alium inveniant numerum, quam in libro reperiunt, vel geminæ notæ aut asterisci, erroris indices, in ipso Indice properantem morentur. Denique ad postremum, non vagabundæ sit mentis Corrector bonus necesse est, & signa, quibus utuntur isti homines, in singulis Typographiis recepta, exacte calleat.


Ut, siquid est omissum, in locum, ubi vel vox, vel litera, vel interpunctionis


nota existere debebat, inferatur signum notatum, in margine vero adscribatur, quod prætermissum est, clare & dilucide.

Quod abundat, & superfluum est, id calamo inductum hæc figura in margine posita, expurgare jubeat. .


Cum litera aut nota distinctionis est inversa, cancellatur, & hoc in margine collocetur signum. .

Si quando dictiones, quæ se jungendæ erant, omisso spatio junguntur, istæ hac nota divellantur. .

Divulsa & hiantia conjungat eo modo, quem jam indicavimus. .

Quæ distorta sunt, & oblique posita, aut quæ altius extant prominentia, quo vicinæ literæ minus exprimantur, hoc signo intus & in margine notentur. .

In transpositionibus, numeris linea subducta utendum. 1. / 2.

Spatium deprimendum, significatur per figuram. .

Puncti nota hæc esse solet. .

Reliqua interpunctionum consueta genera sua figura semicirculo inducto pingantur. (:

Nota divisionis in extremitate lineæ, quæ totum vocabulum non capit, est. (---

Si quæ linea propius ad marginem ducenda, hoc utantur caractere. [.

Si removenda longius, retrahi debeat vox a margine, indicat & sequens.].

Si litera inversa fuerit, sive alia provera posita, illa per lituram tollatur, & hæc in margine notetur. Si litera vero mutila, detrita, obtusa vel alio modo corrupta expungatur, & plenior adscribatur in spatio albo. Si deprehenderit vero errores ex oscitantia vel Autoris vel Scriptoris relictos, eos corrigat, si parvi sunt momenti, ne fama exinde Autoris operis lædatur. Unde male me habuit, cum in nostra hac opella p. 16. Typothetæ vel Correctoris non ineruditi, at operi huic immortui, negligentia pro *extulerunt*, positum vocabulum *extollerunt*, ita in corrigendo fuerit relictum. Et fero idem nunc dici pote-

rit, quod de Augusti Pfeifferi Antiquitatibus Judaicis 4. Jenæ excusis, quas corrigendas clarissimus Sagittarius feliciter satis susceperat. Ita certe Beatus noster Corrector cujus Lexicon Lat. nuper demum prodiit, nescio qua de causa paginas opusculi hujus priores haud secundis trivit manibus, uti fere eadem fata experta est Cel. Relandi Palæstina Norimb. excusa, eodem viro curante, ubi errata omnia in Batava editione ad calcem notata feliciter mansere. Caveat porro Corrector probus, ne ex pruritu & ostentatione quid agat, & forte in odium autoris incurrat, id quod Henrico Stephano contigisse antea in vita ejus meminimus. Sin secus nota addita lectorem moneat, aut si tempus permiserit, & locorum intervallum, ipsum Autorem, vel alios eruditos Viros consulat. Multo minus vero ea immutet, quæ bona sunt, & quæ melius saltem exprimi posse vana credit persuasionem. Ita enim vel ignorantiam vel stultitiam prodet lectoribus. Qua tamen labe ii sæpenumero hodie infecti sunt,

sunt, qui inter Typothesas fundamenta etiam literarum excesserunt, & latius quodammodo in campo Musarum vagati, ut luscī inter cæcos regnant. Quamquam idem pari modo illis quoque dictum cupiam, qui prima non nihil degustarunt elementa, & quando nasutiores sibi videntur aliis, qui nonnisi figuras literarum norunt, interdum tamen inter legendum corrigere quædam solent. A quo ausu istiusmodi hominibus prorsus abstinendum, & Correctoribus doctis, vel auctoribus ipsis labor ille relinquendus est. Præterea etiam Autor, si fieri possit, cum eo, qui emendata, notataque restituit, amice vivat necesse est, certe inimicitias inter eos intercedere oppido noxium est: Alias enim ex odio ille facile aliquid inferet, ex cuius vitii enormitate facillime & fama editoris æque ac Autoris, & ipsius Correctoris labefactari posset. In quem posteriorem tamen omnis culpa potissimum devolvi solet, utpote qui curam harum rerum habere debuisset, id quod exemplo Erasmi, in ejus Vitæ recensu, demon-

demonstratum dedimus. Præcipue vero sibi prospiciat, attentusque sit Typographus in corrigendis libris, imo & excudendis, & per Typothetas describendis, qui diversa a nostris sacra sectantur, ut sunt Pontificii, Calvinio-Reformati & similes alii, imo & abstinendum puto ab hominibus peregrinis, qui aliud patrium amant solum, & facile, scelere quodam commisso, ad lares suos redire possunt. Præcipue vero cum prioribus, Pontificiis nempe, sapienter & circumspecte erit agendum, utpote vehementioribus, & superstitiosis, magis quam hi esse solent. Quam etiam ob rem non satis prudenter egisse putaverim Correctorem quendam, cui nomen *Kiefnerus*, ob imposturam in libro quodam Pontificio commissam, tametsi a vero observatio non abluderet. Excudebatur in diversis locis *Speculum Parochorum Magnum*, ex quo opere plagulas quasdam etiam *Endteri* nostri Norimb. accepere. In his, cum duobus in locis Purgatorii facta esset mentio, *Kiefnerus* ille, Corrector operis, addidit inter relegendum,

Si quod est, vel, si credere fas est. Impressis in hunc modum exemplis, re ipsa *Würzburgi* ex inspectione comper-
ta, dici non potuit, quanti motus exin-
de orti fuerint. Non solum enim per
Legatum suum Episcopus, ut Corrector
sibi tradatur, omni virium contentione
petiit, verum etiam fuga eo salutem sibi
quarente omnibus viis intercipere pro-
fugum laboravit. Sic & narratum no-
bis est, in eodem loco & illustri Franco-
niæ civitate Episcopali, Correctorem
quendam superiori ævo publice in foro
virgis cæsum, atque urbe cum infamia
exire jussum esse, quod pro *Veronica*
Schweiß-Tuch / litera *W* omissa, pu-
tidum vocabulum, quasi ex oscitantia
substitui passus esset. Ex adverso *Nori-*
bergæ homo quidam malignus, cum
Biblia sacra procuderentur, ad verba *Lo-*
gi 1. Cor. III. 15. addidit: *So doch/als*
durchs Seg-Feuer / ejus corruptio-
nis exemplaria audio superesse. Inpri-
mis vero in excudendis Patrum scriptis
hujusmodi homines bene sunt obser-
vandi, in quibus corrumpendis Ponti-
ficii

ficii facillimi sunt, cujus rei luculentum testimonium in vita Ludovici Saurii, in Centuria altera occurrentis, sum exhibiturus. Hæc nunc pro arguenda nostra dehortatione sufficiant. Non possum autem, quin quæstiones aliquot subtexam necessarias, at brevibus discutendas. Harum prima est: Utrum liceat per conscientiae religionem corrigere libros Pontificiorum, vel aliorum veritatis cœlestis adversariorum. Ad quam respondendum censemus, id salvis Christianismi & Evangelii regulis non licere; eo quod neque directe, neque indirecte, neque adeo ut Architectis horum erroris promovendi adminiculorum, neque etiam ut instrumentis adscita causæ moralis culpa, & participatione alieni peccati negotiis quibusque vacare licet, judice Paulo 1. Tim. V. 27. & 2. Cor. XIII. 8. 9. Emolumenta vero, quæ ex scriptis hujusmodi in Ecclesiam puram redundare finguntur, vel nulla sunt, vel consultius saltem actum judicamus, si penitus aliis relinquuntur a nobis, hujusmodi opella
absti-

abstinentibus. Idem vero plane argumentum valebit, si quando libri impudici, Athei, seditiosique occurrant, quorum publicationem si qua promoveamus, judicium non solum humanum, verum etiam, & quæ maxime metuenda, divinam Nemesein incurremus. Arque ex his facile judicari poterit, quid de Bibliopolis quoque sentiendum, quorum sumtibus hujusmodi opera, & tenebris æternis digniora scripta, in lucem protrahuntur, quos tanto gravior premit culpa, quoniam id genus libelli, qui non raro apud nos sunt, mandatis etiam Magistratum, & jurisjurandi religione, quo minus apud nos excudantur, prohibiti sunt. Quibus tamen omnibus neglectis Bibliopolas reperias, qui mercaturam nullo fere alio librorum apparatu nisi Pontificiorum exercere solent.

*Auri sacra fames quo non mortalia cogit
Pectora?*

Altera quæstio est: Num consultum sit, ad Correcturam, ut ita loquar, faciendam, hominibus diversæ a nostra religionis,

gionis , uti ministris. Non repeto ea, quæ a Serveto commissa sunt Lugduni Gallorum, & alibi. Hoc saltem innuo, non circumspectum satis mihi videri, neque rationibus cujusque Ecclesiæ congruens, si alii præsto sint, ut ejusmodi a nobis dissidentes in auxilium vocentur, utcunque polliceantur se bonafideacturos. Nam semper tamen ab eorum fervore aliquid erit timendum, cujus postea damni incommoda non ita facile refarciri poterunt, quam commissa esse videmus. Igitur vel jurejurando obstringendi a Magistratu sunt, vel iis hujusmodi negotio præficiendi, qui inquilini sunt, & quos facili opera in jus vocare possumus, cum cæteri, quibus patria est, ubicunque bene est, abeuntes elapsique sui haud raro tristerelinquant desiderium. Sed ex diverticulo redeundum mihi erit in viam, ejusque finem, nempe dicendum, in quibus rebus accurata Correctoris diligentia præcipue postuletur. Hæc ergo tenendum, requiri, ut ab oscitantia & inadvertentia vitio longe absit; deinde

ut patientia iterata paginæ recognitionem iterum iterumque non moleste ferat, quæ virtutes Melancholicis & Phlegmaticis sunt propriæ potius, quam cholericis & sanguinei temperamenti hominibus: Tum ut sedentiariæ vitæ adfuefactus interdium noctuque revolvere haud detrectet excusas paginas, & quemadmodum oculorum acie instructam faciem res ipsa deposcit, ita ne nimis sit oculatus, h. e. sibi soli placens, & qui alienis laboribus manus temere inferat, exigitur. Præcipue caveat ab avaritia, ne in schedis perlegendis canis festinantis instar agat, unde cæcos postea parturit catulos, atque id hoc nostro nunc ævo, quam maxime inculcandum, ubi Typographi pretium correctarum plagularum secundum numerum earum solvere solent, & hinc deproperando ut numerus chartarum & magnitudo pretii augeantur, ii sæpius prodeunt libelli, qui vitiis Typographicis in omnibus paginis scatent. Experto crede Ruperto. Amplius vero desideratur, ut orthographiæ rationem

habeat sedulam, daß er einen rechten Schul-Fuchsen abgeben könne / in Germanico præcipue idiomate, & animadvertat errores, qui in his præsertim regionibus occurrunt, circa Articulos & Casus, circa modum scribendi in Synonymicis vocabulis, in vocibus συμφώνως, ut meinen & meinem / vorstehen verstehen / Haan Hahn / seyn sein / Weissen Waisen / &c. In quibus rebus eo major diligentia adhibenda, quo magis Doctores hallucinari in hujusmodi nugis, ut appellant, solent. Hæc itaque erant, quæ paucis subnectere e re nostra visum est. Quibus breviter expositis, nunc nihil restat, quam ut denuo opellam hanc qualemcunque Lectoris æquo commendem judicio, præcipue si viderit, permulta a me repetita esse, quæ ab aliis jam scripta fuerint, ea præcipue, quæ ad vitam fataque Correctorum non nullorum spectent, & in Biographis aliis occurrere soleant, omittique in hoc recensu, si summa rerum capita consectari voluissemus, potuissent. Verum causis, cur vitæ curricula

ricula singula adjecerim, cognitis, melius de meo instituto Viros bonos judicuros credidero. Nam partim eam ob rationem verbosior fui in tractatione mea, ut Lectores, quicunque sint (non enim omnes Vitarum scriptores cunctos possident, vel ipsa etiam fata doctorum Virorum norunt) uno quasi intuitu brevem de Correctorum fatis ad manus haberent delineationem, ne, si forte eos penitus nosse desiderarent, ad alios Autores recurrendum esset. Partim vero & quod potius erat, eam ob rem singularia horum virorum adjecimus, ut apparet, quâ occasione, quæ ratione ad labores istos Typographicos animum converterunt, ultro ne id factum sit, & ex amore in literarum emolumenta, an vero propter paupertatem, aut alio quocunque modo, fortuito quasi & præter opinionem accidente instinctu. Postea, quod præcipue nos ad eam permovit methodum, propositum nostrum fuit, quo demonstrandum nobis summus, eruditos fuisse Correctores, eaque Eruditione præditos, quæ trivialem Schola-

fticamq; doctrinam & umbratilem scientiam superaret. Unde Academiarum delitias plerosque non modo delibasse, sed imbibisse etiam cum ex muneribus publicis, tum vero etiam scriptis non vulgaribus, ostendendum putavimus. Ita quoque in Centuria altera eos potissimum recensebimus, quorum fata hætenus a paucissimis Biographis fuere memorata. Inde igitur incongruens mihi visum fuerat, si proluxa continuatio hujus opusculi fieret, cujus prima pars vel per transennam tractata fuerit. Vitæ vero terminus ideo de industria, ubicunque fieri potuit, addebatur, ut cognoscere hinc possent Lectores, immortui sint isti his occupationibus, nec ne. Nam ita etiam simul cognoscere licebit, quousque laborem corrigendi continuarint, & Chronologia operum correctorum lucem accipiet. De reliquo id quoque facit ad institutum meum defendendum, quod, cum quidam penitus nondum innotuerint, nisi ex fama nominis, quorum merito proluxius facienda fuit mentio, ut Apini, Bergleri, Desleri, Pistorii,

storii, Sexti, Beerii &c. non abs re esse crediderim, si & reliqui eodem tractarentur modo, ne quid in æquale aut hiulcum appareret. Quod denique ad scripta attinet, quæ non minus recensita fuisse legisti, ea non admodum multa, neq; omnia enumerata sunt, & acquiesces haud dubie in iis, quæ diligentia laudatorum virorum singulare quoddam ornamentum & aliquem, ut ita dicam, splendorem debent. De cæteris vero excusatum me habebis, Lector Benevole, si parcior videar fuisse in scriptis nominandis ab ipsis correctis: nam ea non nisi ex Chronologia deducenda, multæque plagulæ ad fastidium replendæ fuissent. Sufficiet ergo Tibi, si concludere possis vel illo tempore a nobis ut plurimū designato, in corrigendis libris operam viros hosce clarissimos Typographis præstitisse. Ubi, si placeat etiam tempora conferre, quotquot opera sunt excusa in officinis nominatis, correctæ esse ab eodem Ministro videbis necessario statim consequi. Sed erant etiam alia obstacula, quæ nos remorata sunt; namque, ut nihil

dicam, aſſos neutiquam accurate cogni-
 tos eſſe de univerſis, quibus talibus præ-
 eſſe cœperant, aut deſierant functioni-
 bus, illud ſaltim velim nores, duos etiam
 vel plures interdum uni adſtitiffe Typo-
 grapho, quos adeo ſolicite dignoſcere,
 &, quid cuique negotii datum ſit, defi-
 nire, videbatur eſſe ἐκ τῶν ἀδυνάτων. Tu
 ipſe, niſi moleſtum ſit, B. L. periculum fa-
 cies, ſed mox crede, uti & mihi factum
 eſſe doleo, labore iſto incerto abſtinebis:
 nam in tam profundum Te immerſiſſe
 pelagus, unde ſalvo Tibi vix egredi li-
 ceat, animadvertes, tum demum meæ
 excuſationi locum benigne dabis. Nec
 tamen penitus deſperata res eſt, quin
 potius, ſuccedente tempore, meliora, ut
 ab aliis, ſic a me quoque in eo impoſte-
 rum etiam elaboraturo expectari poſſe
 firmiter Tibi velim perſuadeas. Quibus
 perpensis, mecum deprehendes deniq;
 omne initium grave eſſe, neque ini-
 tia, ſed coronare opus
 quodque

F I N E M.

Cum præfens Opusculum, Auctore absente, ob Correctoris five incuriam, five valetudinem adversam, ex qua etiam haud ita pridem vitam finierat, quamplurimis fœdatum sit sphalmatibus, *Benevolo Lectori* sequente Catalogo significandum duximus, quo pacto, levioribus omis-
sibus, medica gravioribus tantum sanandis manus adhiberi possit:

Pag. 1. lin. 13. lege, *special.* p. 2. l. antepen. *sensit.* p. 3. l. 17. *eum.* p. 4. l. 7. *Quicquid.* l. 22. *adspiciemus.* p. 5. l. 5. pro, *Schweppermann*, lege, *Columbo.* l. 20. *maximo.* l. 21. pro *Sic*, lege, *Sacra.* p. 7. l. 13. *Janfenius.* l. 19. *Sixtus.* l. 24. *recensere.* p. 8. l. 6. *cœperunt.* l. 23. *posset.* p. 9. l. 14. post *quem* deleas comma. lin. seq. del. *in.* p. 10. l. 5. *Vorlongis.* p. 14. l. 20. *Basileensibus.* l. 22. *inter Helvetos.* lin. ult. *cum fama.* p. 16. l. 15. *Matthias* in ead. lin. *extulerunt.* p. 17. l. 21. *negligentes.* p. 18. l. 2. 1564. l. 12. *Marbachium.* p. 21. l. 22. *quorum* vix. p. 24. l. 3. *regnantes.* l. 18. *Graceque.* p. 25. l. 10. *ad Gleditschium.* l. 14. *sumiibus.* l. 15. *in pluri-*
mas. l. 16. del. *in.* l. 20. *ate.* p. 26. l. 11. pro *septem*, lege, *segetem.* p. 27. l. 17. & seqq. pag. *Mettair.* p. 28. l. 18. *possint.* p. 30. l. 2. *imposterum.* p. 32. l. 15. *Principes.* p. 36. l. 9. quod *ad.* ib. *pauciora.* pro, *ranciora.* p. 42. l. 23. *Magistratum* p. 45. l. 6. *Gissenfium.* l. 20. *Veneto.* p. 47. l. 4. aliisque in locis, *Gravio.* l. 1. *potuisse.* p. 49. l. 6. 11. l. 17. *relinquendum.* p. 50. l. 5. *simus.* l. ult. *siendis.* p. 52. l. 6. *Medicea.* p. 54. l. 3. *eum.* p. 56. l. 21. ob id *laudari* potuerit. p. 60. lin. pen. *eum.* p. 61. l. 9. locisque aliis, *Amerb.* p. 63. lin. antep. nempe *fama.* p. 66. l. 12. *Purpuratus.* p. 68. l. 19. *Typographos.* p. 69. l. antep. *præter.* p. 70. l. 7. *sedem.* p. 71. l. 3. *Gr.* l. 12. *lintheamentis.* p. 72. l. 4. dele *quondam.* p. 73. l. 7. *placide emigravit.* p. 76. l. 12. *edocturus.* p. 77. l. 20. *cum* notis. p. 79. l. 11. *nominis.* p. 80. l. 8. *experietur.* l. 10. *eum.* l. 15. *Græco.* pag. 85. l. 8. *vacavit.* l. 9. *qua.* l. 21. *plurima que.* pag. 87. lin. 13. *morari.* pag. 88. lin. 4. *editioni.* l. 16. *subsidium.* p. 89. l. 11. *acersitus.* p. 90. l. 1.

ita ut. l. 3. Facta. l. 10. docti. p. 91. l. antep. magnamque.
p. 92. l. 17. novem annos. p. 98. l. 17. processisse. p. 99.
l. 9. Typographus. l. 11. libros. l. 14. Piniferi. l. 18. cuius.
p. 102. l. 10. profecit. l. 19. Vitam Brasii. p. 103. l. 3.
prapositionis. l. 4. Cotonensis. p. 104. l. 19. Chevilerius.
p. 105. l. 20. miracula. p. 106. l. 21. Chevilerium. p. 107.
l. 18. Baronii. l. 20. Perionio. p. 108. l. 9. denno. p. 109.
l. 9. iidemque. l. 13. inficiari. l. 23. at. p. 110. l. 2. pri-
nam. l. 20. Kortholdi. l. 21. Anti-Baronianas. p. 111.
l. 8. Caille. l. 10. Teisserius. p. 112. l. 13. collacutus. l. 14.
in animum. sup. p. 113. l. 8. demonstraret. l. 10. omnibus
modis. p. 114. l. 12. Francisci. l. 16. dederit. p. 115. l. 17.
quadam. p. 116. l. 14. Francisco. p. 117. l. 16. Posnaniam.
p. 121. l. 23. pro tamen, lege, tractat. p. 122. l. 1. Le-
steri. l. 6. Destreicher. p. 123. l. 12. laboriosissimus.
pag. 124. l. 10. reponerat. pag. 126. l. 9. incunabulis.
pag. 127. l. 17. nubecula. l. 23. Tindallus. pag. 128.
lin. 10. & 22. Tindallus. lin. pen. Matthai. pag. 130.
l. 2. Wittingham. p. 131. l. 17. abierit. p. 134. l. 17.
Granvellaus. p. 136. l. 7. in Historia. l. 15. Sunt vero.
p. 138. l. 13. munus. p. 140. l. 1. refellitur. l. 21. Mosis.
p. 141. l. 7. properanti. l. 8. occurrit. l. 13. 1586. p. 143.
l. 20. inclinans. p. 144. l. 8. eum. p. 146. l. 18. A. 1657.
p. 147. l. 12. Papissa. p. 150. l. 5. subsidiorum raritate.
lin. antep. adhuc dum. p. 151. l. 6. Typograph. p. 153.
l. 6. adspirante. l. 16. Ascetica. lin. pen. Oracion y. p. 154.
l. 5. exiguam fore. l. 13. Chalcondylas. l. 18. solum. p. 157.
l. 1. verum. p. 158. l. 5. Meinunga. p. 160. l. 12. Historiarum.
l. 17. eum. l. ult. quanta deleatur. p. 161. l. 5. gratiam.
l. 11. amisit. ead. beneficio. p. 162. l. 1. Typographia. l. 23. Bio-
graphis. p. 164. l. 15. continuatione. p. 166. l. 6. nullis. p. 169.
l. 1. repetit. l. 7. w. l. 23. pro exercuerat. lege, exegerat.
p. 170. l. 8. Bonif. l. 13. quantam. p. 173. l. 2. Mallinkrot.
p. 174. l. 1. incuria. p. 175. l. 11. Gallicum. l. 18. quis po-
terit. l. 22. Long. l. 25. P. l. p. 178. l. 14. circumspeditionem.
l. 21. ejus ex. p. 180. l. 7. Sandis. lin. antep. Giffa. p. 181.
l. 21.

l. 21. Giffensf. p. 182. l. 18. easque. p. 183. l. 11. *Anti-*
Gocl. l. 19. Ulfse. p. 634. p. 186. l. 16. Matth. *Judscis.* p. 187.
l. 5. *rectius.* l. 18. eo excrevit. p. 188. l. 19. *multi.* p. 189.
l. 7. *Dissensionibus.* l. 12. *superfedere volo.* l. 17. *Goular-*
tiana. p. 190 lin. ult. *altiora.* p. 191. l. 7. *interea.* p. 192.
l. 10. *Francofurtano.* l. 13. *Heidfeldii Sphingem.* p. 193.
l. 9. *Adde M.* pag. 196. l. 22. *Adbac.* pag. 198. l. 23. &
ad tumulum. pag. 201. l. 19. *haut raro.* pag. 204. l. 12.
dictetium. p. 208. l. 14. *addictus.* l. 17. *Basilea.* p. 212. l. 2.
συγχρόνως. p. 213. l. 19. *pramittendo.* lin. pen. *Norico.*
p. 214. l. 3. *immoriendo.* p. 215. l. 23. *annotatu.* p. 218.
l. 8. *ad me.* l. 9. *πολιτεύειν.* p. 219. l. 3. *κινείζειν.*
p. 221. l. 8. *penitius.* p. 222. l. 8. *pre.* l. 10. *isthoc.* p. 223.
l. 23. *supellectili.* p. 224. l. 14. *conatus est.* l. 21. *obstat.*
p. 228. l. 11. *Origenis.* p. 230. lin. antep. *muneri.* p. 231.
l. 4. *juvandi.* p. 232. l. 11. *verba: ad corrigendum,* de-
leantur. l. pen. *Hoc ei impertitit.* p. 233. l. 5. *multifa-*
riam. l. 16. *eum.* lin. ult. *illic.* pag. 234. l. 20. *Seculi.*
p. 235 l. 1. *laboraret.* l. 11. *Mallinkrotius.* l. 13. *Typo-*
graphica. p. 236. l. 2. *reus.* l. 20. *Anabaptistarum.* p. 237.
l. 7. *Tzetzi.* p. 238. l. pen. *laureaque.* p. 239. l. 10. *ibidem-*
que. l. 16. *pro, factum,* curavit. p. 241. l. 1. *Mallinkrot.* l. 7. *di-*
ctorum. l. 8. *Swveertius.* l. 21. *sola fide.* l. 22. *fonte communi.*
l. 23. *menis:* hac. p. 243. l. 16. *pro uni,* legi, cui. p. 245. l. 9.
supellectili l. 10. *acquisita.* p. 246. l. 1. *totum.* l. 5. *exa-*
rata, pro *errasse.* p. 247. l. 4. *in hac.* p. 248. l. 5. *fate-*
buntur. l. 13. *Vir,* pro, *Vos.* l. 23. *An.* 1566. l. pen.
1544. p. 250. l. 14. *dedisse se.* l. 23. *celebratissimis.* p. 252.
l. 19. *Marte.* l. 25. *Ryquius.* l. 26. *in scripto.* p. 253. l. 5.
quis. lin. 18. *fidus.* pag. 255. l. 5. *tum.* pag. 256. l. 23.
Honestissime. pag. 257. lin. 9. *Hagenoëns.* lin. 13. *evul-*
gato. pag. 260. l. 12. *Typographis.* pag. 263. l. 9. *Schef-*
ferum. l. 21. *militantis.* p. 264. l. 12. *compareo.* p. 266.
l. 14. *ea.* l. 20. *pro vix,* lege, *ad.* p. 269. l. 3. *obest.* p. 270.
l. 12. *haud raro ab iis,* qui. l. 14. *sed ita,* ut *de.* p. 272. l. pen-
ult. *Typographica.* p. 278. l. 4. *pro scitis,* lege, *sortis.* p. 282.


l. 18. *desumptas*, l. 21. *Mutiensem*, l. 24. Targum, p. 286.
l. 13. *partas*, l. 14. *dislapsas*, p. 287. l. 11. *conventa*, l. antep.
ex positu, p. 288. l. 13. *Discorfo*, l. 14. *del*. Petrarca.
p. 290. l. 11. *sunt* ap. l. 20. *praelaris*, s. pro, addit, ostendit,
p. 296. l. 1. *qui*, l. 12. *data in*, p. 297. l. 10. *Hemsterhusio*,
p. 300. l. 3. *agitque*, lin. pen. ead. p. 301. l. 6. *Cominari*, l. 17.
ἀποσπασμοῦ, p. 302. l. s. *hunc*, l. 15. *patris* Ludi.
p. 304. l. 3. *sensit*, p. 305. l. penult. *progredivar*, p. 307.
l. 20. *quam*, l. 21. *relata*, p. 308. l. 2. *ignominiam*, l. 4. *metri*,
l. 9. *pro infer*, lege, *super*, l. 21. *exercitationis*, p. 312. l. 2.
Cantabrigiensis, l. ult. *referre*, pro, *referendum*, p. 313.
l. 1. *Neocorus*, p. 315. l. 13. *prater eo*, l. 16. *Diatriben*,
p. 316. l. 16. in 8. p. 320. l. 9. *Suppl. T. II*, p. 323. l. 1.
Ars Typographica, p. 322. l. 18. *Oxonienis*, p. 324. l. 5.
esurivisque, l. 6. *quaque*, l. 17. *gratisissimus*, l. 22. *Brigovis*,
p. 326. l. 20. *celsi*, p. 327. l. 13. *Patris nunc*, p. 328.
l. 6. *Qua tenera*, l. 20. *studio*, p. 331. l. 16. 1596. p. 333.
lin. penult. *habuit*, p. 334. l. 5. *Demosthenis*, p. 335.
l. 14. *ipsa*, p. 340. l. 20. *maerore inde contracto*, p. 341.
l. 9. *ad doctrinam*, l. 16. *proferendo eadem*, l. 23.
faciam, pag. 342. lin. 19. *tam*, pro, *tanta*. dia. ult.
deleas 4. pag. 344. lin. antep. *Joh. Gabriel Majer*,
p. 346. l. 15. *deleas inter*, p. 348. l. 1. *ignaro rei*, p. 352.
l. 14. *quot*, l. 18. lege, *Hinc Vogeliana* omnibus ante-
ferendam, l. 20. *Ipsam v. Philippi descriptionem*, p. 354.
l. 20. *occurrentia*, p. 355. l. 9. *sibi per*, l. 21. *deleas in*, p. 356.
l. 5. *Hylas*, l. 8. *circumferuntur omnia*, l. 9. *pro autem*, lege
ad, p. 357. lin. penult. *nec raro prodigus*, p. 358. l. 1. *pro*
minus, nimis, l. 2. *negotio nimis*, p. 359. l. 2. *suas terras*,
l. 5. *Mauritius Hellinquis*, l. 7. *Laurentius*, l. 11. *postea*, p. 360.
l. 3. *pro de*, lege, & l. 9. *dele diebus*, & lege, *Climacterico*
anno, p. 361. l. 11. *pra multis*, l. 16. *collocanda*, p. 362. l. 7.
pro, *nomina*, lege *inter*, l. 12. *pro*, *quo is*, vulgus, p. 363.
l. 12. *patribus*, l. 22. *Typographica*, p. 364. l. 9. *add. xit*,
l. 19. *excuderet*, *emitteret*, p. 367. l. 19. *tum*, *pro*, *dam*,
l. 23. *pro amissis*, *privatus*, p. 369. l. 4. *S. Audomari*,
l. 10.

l. 10. 1597. l. 13. in B. p. 370. l. 6. *Melanchthon*. l. 13.
pietati. p. 374. l. 8. *poscente*. l. 10. ut diu noctuque
laborandum esset. lin. 17. *repurgandisque cum*. lin. 18.
multumque. l. 20. *eadem fide*. p. 375. l. 3. *Ea*. l. 4.
expectata. l. 6. *halitum*. p. 376. l. 11. *Chrysoloras*. l. 12.
Argyropylos. p. 377. l. 5. *allici*. l. 10. *per totum*. p. 380. l. 3.
Regium. l. 18. *ulli*. p. 381. l. 14. *Malarizianum*. p. 382.
l. 3. *rei*. p. 383. l. 12. *Musure*, o. p. 384. l. pen. *Sadeelus*.
p. 387. l. 11. *Zruvnglium*. p. 389. l. 22. *neque*. p. 390.
l. 16. *discipulus fieri*. l. ult. *eam tractandam*. p. 392. l. 3.
extentus. lin. 4. *nulla*. pag. 393. lin. 10. *convolarent*.
l. 14. non potuit aliter fieri. p. 394. l. 5. *appellare*
cum. p. 400. l. 5. *ut passim*. pag. 403. l. 19. *prioribus*.
p. 407. lin. pen. *pro fata*. *vita*. p. 408. *pro idque*.
unde. pag. 411. l. 17. *publice hac*. pag. 412. l. 5. *fatis*
laudibus. l. 13. *Patinus*. l. antep. *cæpto*. pag. 414. l. 23.
propter. pag. 415. lin. 7. *del. & gravi-fuisse*. lin. 16.
dicere con. pag. 416. l. 21. *adspiravit*. pag. 418. l. 5.
expetitus. p. 422 l. 7. *exhibendorum*. p. 424. l. 19. *deleas*
verba: recensendis hujus in modis laboribus. p. 425. l. 14.
cœnobium. p. 428. l. 5. *abnuerent*. l. 11. *defenso*. l. 18.
Abbatia. p. 431. l. 11. *deleas verba*. p. 435. l. 9. *Venerabili*.
p. 436. l. 9. *pro illam*. l. *quam*. p. 439. l. 7.
de Friderico. p. 444. l. 12. *deleas ut*. p. 445. lin. pen.
idque. p. 446. lin. antep. *Lucanus*. p. 448. l. 10. *Junger-*
mannorum. p. 449. l. 5. *qui loco*. p. 454. l. 21. *fatis*.
p. 458. l. 10. *Hervag*. p. 459. l. 6. *adversam*. p. 461. l. 20.
ferre. l. ult. *Esdra*. p. 465. l. 9. *à mendis*. p. 466. l. 2. *pariter*
fia. l. 6. *quæ excudebantur*. p. 469. l. 20. *audis &*. p. 473.
l. 19. *imbutus*. p. 476. l. antep. *operum*. p. 479. l. 1. *con-*
jungantur. p. 482. l. 8. *qui cum*. p. 484. l. 2. *commenti-*
um. p. 486. l. 1. *in ea*. p. 491. l. pen. *qua variis in*.
p. 496. l. 1. *sufficit inter*. p. 502. l. penult. *certe*. p. 507.
l. 21. in B. *Georg. Arnoldi*. p. 512. l. antep. in iis *in-*
cre-
mento. p. 518. l. 17. J. H. p. 536. l. 9. *in quorum*. p. 556.
l. 7. 1629 p. 560. l. 18. *ea non*. p. 568. l. 20. & *Viri*. p. 569.
l. 8. *Georg. Philippum*. p. 573. l. 7. *inter prim*.



Bericht an den Buch-Binder.

Derselbe beliebe auf alles fleissig
Achtung zu geben / insonderheit aber
auf Pag. 11. und 12. ingleichen Pag.
81. 82. 83. 84. und so weiter / damit
kein Fehler vorgehe.



summi autoritate , nummisque mun-
nita, nonnisi egregia proferebat. Flo-
rentiis artem hanc, præter alios, exer-
cuerunt Juntæ, quorum nomen & codi-
ces Clarissimum olim Germanorum in
Belgio decus, *Grævius*, ita quidem ama-
vit, ut, cum Scriptores suos ederet
Latinos, Classicos vocant, Juntarum,
ubi potuit, editiones inprimis consu-
luerit. Ex Italiâ felicissima, amœnissi-
maque Europæ Provincia in Galliam
migranti offerunt se certatim viri Eru-
ditissimi, quibus vix hodie pares vi-
vunt. Quosdam horum & celebrior-
es nominabo, ceteris omissis. Quis
enim est, cui *Stephanorum* nomen no-
tum non sit. Ecce, benevole Lector,
Genealogicam Tabulam familiæ Ste-
phanicæ celebratissimæ, in qua

Henricus I.

Robertus I.

Franciscus I.

Carolus

Doct Med. Typ.

Henricus II.

Robertus II.

Franciscus II.

Catharina.

Reg.

Paulus, Dionysia, Florentia, Robertus III, Henricus, Aulicus

II. Casaubeni

Regius.

Nicolaina, Joh.

Libaut Med. D.

Antonius, Josephus

uxor.

Johannes, Mericus.

Robertus IV.

Henricus, Sieur

Typ. R. Catho-

licus,

Advoc, Parlam.

des Foëtz.



